



*Ce la Bibliothèque
De M^r Pullier D. M. P.*

D 307 f 151266195X

UNIVERSITY COLLEGE, BRISTOL.


Medical Library.


PRESENTED BY

Mrs J. Ramsay Brush

June 15 1893

Res. Comm. H. A. T.





Digitized by the Internet Archive
in 2015

https://archive.org/details/b21441169_0003

SCRIPTORES
NEVROLOGICI MINORES
SELECTI.
TOMVS TERTIVS.

J. R. Bush.

SCRIPTORES
NEVROLOGICI MINORES SELECTI
SIVE *J. W. Bush*
OPERA MINORA

AD
ANATOMIAM PHYSIOLOGIAM ET
PATHOLOGIAM NERVORVM
SPECTANTIA.

T O M V S III.

CVM TABVLIS AENEIS.

EDIDIT ET PRAEFATVS EST
CHRISTIANVS FRIDERICVS LVDWIG

PROF. LIPS.

L I P S I A E
APVD IO. FRID. IVNIVM.

MDCCXCIII.

L E C T O R I
A E Q V O E T E R V D I T O
S. D.
E D I T O R.

Promisi in secundi tomi praefamine, me de causis, quae pathologiae cerebri atque neruorum, cuius vtilitatem et fructum adeo nonnulli in dubium vocare nuper sunt ausi, incrementa mire impediuerunt, proxime expositurum esse, inter quas non vltima saltem est anatomiae pathologicae neglectus et paene contemptus. Hanc scientiam vero hucusque, exceptis quibusdam summis viris, non valde a multis excultam esse non quidem mirum est, quoniam si sanitatis perfectae adumbratio ex sani corporis dissectione non nisi difficulter petatur; aegrotantis corporis et vicissitudinum eius origines ex partium peruerso statu multo maiori cum attentione adeo non cognoscantur et non nisi subtilissimae anatomiae adiumento explicentur atque reuelentur. Namque certa et probabilis methodus anatomiae pathologicae studio nondum adcommodata vel inuenta est, quod alio tempore demonstrabo. At profecto ad vnani tantum anatomico-pathologicam historiam siue sectionis pathologicae adumbrationem conficiendam componendamque quam multae animaduersiones pertinent: aegroti nempe, nunc mortui, vita anteaeta; deinde integra morbi historia, aegritudinis origines, commutationes, ἀνάβασις καὶ ἀκμὴ, remediorum adhibitorum indicationes et effecta, symptomatum praecipuorum singularis enumeratio, morbi declinatio e. q. f. r. Et ex his tandem et ex di-

ligentissima et maxime curiosa cadaueris sectione atque inspectione subtilissima explicatio atque verosimillima vicissitudinis diuinatio deriuanda erit. Sed quam paucas possidemus huius praestantiae de sedibus et causis morborum historias atque quasi picturas. Praeter MOR-
GAGNIUM enim paucissimi similia praestiterunt. Atque ego non ignoro permultos esse, qui dicant ex his extispiciis nullum fructum expectandum esse, quoniam vel ante mortem horum vitiorum signa deficerent vel quoniam plerumque circa incurabilia et nullis omnino praesidiis tollenda mala versarentur anatomiae pathologicae peritorum animaduersiones atque conatus. Quod quamuis de multis valeat, tamen certissime non de omnibus et huius reprehensionis causam in neglecto studio potius, quam in re ipsa inuenio. Praeterea si studii ipsius non tantus esset ambitus neque tanta reconditarum causarum copia morborumque tam diuersa facies, facile viderent quam plurimi studii excellentiam. Quam adsertionem non vereor, ne quis contemnat ac derideat, qui sit intelligens et rationalis medicinae cultor. Nam hoc concedent saltem plurimi, quaedam anatomiae pathologicae fragmenta esse elaborata.

Deinde omnis illa de neruorum usu et functionibus physiologica disputatio adeo imperfecta adhucdum fuit, vt pathologico studio omnino obicem poneret. Nam in physiologicis quam multa phaenomena, quam paucae idoneae explicationes, quam multae dubitationes.

Nec leuis error versatur in obseruationum semioticarum neglecta perfectione, quae ingenium atque iudicium ad intelligendas aegritudinum differentias egregie acuit. In semiotice enim nimis adhuc rudes eiusque parum cupidi sumus. Difficile vero negotium atque grauis signorum disquisitio cernitur in eo, quod plura eius momenta non manifesto satis in sensus cadant, sed mente tantum intelligantur.

Interim tamen spero plura eaque egregia in utraque disciplina et physiologica et pathologica adhuc esse expectanda. Sic GALVANI experimenta nuper demum, de quibus et ad primum opusculum et in addendis nonnulla adieci, quemadmodum similia conamina certissime multam lucem aliquando affundent.

dent. Quemadmodum etiam omnino ea physiologia tantum optima est, quae subtiliori anatomiae et experimentis accurate captis est superstructa et in qua ex his solum argumenta ducuntur.

Caeterum non miremini, beneuoli lectores, inter huius tomi opuscula inuenire commentationem aliquam de cephalalgiae speciebus, quam inserui, non quod vellem Vobis spudasticam cephalalgiam (c. f. p. 315) creare, sed vt nuperiorum quorundam scriptorum in nosologia elaboranda conaminum exemplum darem. Conueniunt enim nosologici systematis cultores cum quibusdam scientiae naturalis scriptoribus, qui quoque difficiliora systemata naturae magis conuenientibus praeferunt LINNEUMQUE inscitiae accusantes se ipsos risui exponunt.

Primum in votis erat cum hocce tomo finem imponere huic collectioni scriptorum neurologicorum minorum, sed mutauimus hoc nostrum consilium, partim quoniam plura opuscula rariora, nulla omnino opera et occasione neglecta, tomo quarto inferenda, nondum possidemus, partim quoniam aliae fortasse commendabiles commentationes in horum ipsorum dierum progressu publici iuris fient. Iam vero consilium cepimus post hos integros duos annos cum indice et tomo quarto hosce scriptores neurologicos minores finire nec suspicamur fore, vt hocce consilium nostrum in multas multorum reprehensiones incurrat.

Caeterum rogatos cupimus omnes ac singulos nostros fautores et amicos, velint consiliis et re nos iuuare bonisque ominibus prosequi. Sicque vale B. L. nobisque faue.


Scripsi in Uniuerfitate litteraria Lipsiensi in mercatu vernali A. 1800ccxiii.

ENVMERATIO OPVSCVLORVM TOMI TERTII.

I. BEHREND'S Diff. qua demonstratur cor nervis carere addita disquisitione de vi nervorum arterias cingentium	pag. 1
II. WRISBERG de nervis arterias venasque comitantibus	24
III. Id. de nervis pharyngis	48
IV. PALLETTA de nervis crotaphitico et buccinatorio	63
V. GIRARDI de nervo intercostali	78
VI. IWANOFF de origine nervorum intercostalium	89
VII. LUDWIG de plexibus nervorum abdominalium atque nervo intercostali duplici	105
VIII. HAASE de nervo phrenico dextri lateris duplici parisque vagi per collum decursu	112
IX. Id. de plexibus oesophageis nervosis parisque vagi per pectus decursu	117
X. KLINT de nervis brachii	123
XI. EBEL Observationes neurologicae ex anatome comparata	148
XII. ISENFLAMM et DOERFFLER de vasis nervorum	162
XIII. KRAUSE de sensilibus partibus h. c.	185
XIV. MICHELITZ scrutinium hypotheseos spirituum animalium	209
XV. THAER de actione systematis nervosi in febribus	240
XVI. PLOUCQUET et BAUR de cephalalgia methodo naturae accommodata in species digesta	294
XVII. SOEEMMERRING de acerulo cerebri	322

TABVLARVM EXPLICATIONES.

Tabulae primae	pag. 23	Tabulae tertiae	pag. 143
Tabulae secundae	75	Tabulae quartae et quintae	155



I.

IO. BERNARD IACOB BEHREND'S

DISSERTATIO

QUA DEMONSTRATUR

C O R N E R V I S C A R E R E

ADDITA DISQUISITIONE

DE

VI NERVORUM ARTERIAS CINGENTIUM.

MOGUNTIAE 1792.

Par est, omnes omnia experiri, qui res magnas, et magno opere expetendas concupiverunt. Quodsi quem aut natura sua, aut illa praestantis ingenii vis forte deficiet, aut minus instructus erit magnarum artium disciplinis; teneat tamen eum cursum, quem poterit. Prima enim sequentem, honestum est in secundis tertiisque consistere.

CICERO in Oratore.

§. I.

Thematis dignitas exponitur.

Inter desideratas nevrologiae partes, potissimum nervi cardiaci pertinent, quorum descriptio incepta quidem, at nondum eo usque perducta videtur, quo manus sensusque eos persequi valeant. Etenim, qui ante me labores de iisdem indagandis susce-
Ludwig script. neur. min. T. III. A perunt,

perunt, SENAC¹⁾, HALLERUS²⁾, ANDERSCHIVS³⁾ et NEUBAUERUS⁴⁾ originem nervorum cordis eruisse contenti, eos nec ultra magna cordis vasa, nec ad haec satis accurate deduxerunt. Cujus rei testes nec leves sunt, nec incerti HALLERUS et SOEMMERRINGIUS, quorum ille⁵⁾ nervos cordis superficiales, per Aortici arcus faciem anteriorem incedentes non ultra se deduxisse, simpliciter confessus est; hic⁶⁾ vero demonstravit, Anderschium et Neubauerum nullum omnino furculum in cor ipsum demissum descripsisse, neque tabulis adumbrasse. Quibus si addideris, quae apud WRISBERGIUM⁷⁾ clarissimum virum, leguntur, qui „Multum abest, inquit, hanc (nervorum „cordis) disquisitionem plane absolutam esse, ut nihil partim nervorum cardiacorum „enodationi in genere, partim eorundem per varias cordis partes distributioni addi „possit“ non erit cur post Anderschium et Neubauerum de nervis cardiacis me esse scripturum, miraberis. Eoque studiosius hoc negotium suscepi, quod ab his egregiis viris relictum esse intelligerem, cum sentirem, etiamnum apud solertissimos incisores et physiologos de ratione ac dignitate nervorum cordis agitari. Contendunt enim alii⁸⁾ multos, alii⁹⁾ paucissimos, alii¹⁰⁾ fere nullos cordis esse nervos. Dignitatem autem

1) *Traité de la structure du coeur de son action et de ses Maladies.* Paris 1749. tom. I. pag. 116. et 492. tab 5.

2) *Elementa physiol.* L. 4. S. 3. §. 25.

3) ANDERSCHII fragmentum descriptionis nervorum cardiacorum adjectis notulis nobiscum SOEMMERRINGIUS communicavit, in LUDWIGII collectione scriptorum neurologiae minorum tom. 2. Lipsiae 1792. Exposuit ANDERSCHIVS nervos cardiacos dextri lateris. Tabula, nervos sinistri lateris exhibens cum divinatione HALLERI est in novis comment. Goetting. vol. 2. et in HAASE cerebri nervorumque anatome repetita. Lipsiae 1781. 8.

4) NEUBAUER descriptio nervorum cardiacorum Franc. et Lips. 1772. Descripsit et pingi curavit Neubauer nervos dextri lateris non dubitans, quin Andersch nervos cardiacos sinistri lateris, quos in tabula delinearat, in Manuscripto quoque, quod tunc nondum erat editum, descripsisset.

5) l. c. Lib. 2. S. 1. §. 12.

6) *Nervenlehre* c. 323. not. et in notula ad Anderschii fragm. l. c.

7) In sylloge commentationum anatomicarum pag. 58.

8) WALTER in *memoires de Berlin* 1785. pag. 58. „Le nerfs du coeur sont très nombreux.“

WRISBERG l. c. pag. 58. „Cordi multos naturam nervos impertuisse, facile erat assertu, si perennem hujus partis motum, efficaciam, fortitudinem consideraveris.“

USTERI *Grundlage med. Anthropol.* Vorlesungen. Zürich 1791. §. 48. „Sehr viele Nerven verbreiten sich in die Substanz des Herzens.“

— Plures alios nervos cordis defendentes praetereo, uno *Vieussenio* excepto, qui *Nevrographiae Universal.* Lib. 3. p. 197. haec habet: „profecto nervi adeo copiose per cor, et auriculas eius disperguntur“ — — — et porro: „quod attinet ad nervos visceris, istius vasa circumligantes, illi tanquam loca sanguiductibus illis injiciuntur“ — „plures in pericardium, quemadmodum et in cor nervuli absumuntur.“ — — L.

9) HALLER *Elem. phys.* L. 4. S. 4. §. 3. et S. 5. §. 13.

MAYER *Beschreibung des m. K.* 3. Theil pag. 42.

WRISBERG l. c. „Pro nervorum cordis tenuitate et paucitate magna adhuc pars cordis eripitur vasisque illius impenditur.“

ALLGEMEINE LITTERATURZEITUNG No. 70. An. 1792. (ubi cl. Soemmerringii de corporis humani fabrica libri laudantur) „Recensent mögte beinahe sagen, dass das Herz kaum Nerven habe.“

autem argumenti nostri illi maxime intelligunt, qui considerarint, quanta sit cordis in oeconomia animali dignitas; quantaque a nervis in oeconomia animali pendent, adeo, ut omnes fere corporis animalis proprietates solis nervis debere persuasum sibi habeant viri acutissimi.

§. II.

Ejusdem Argumenti continuatio.

Verum enim, cum hac de materia serio cogitarem, nervorum cordis perscrutatio ad id plurimum conferre videbatur, ut tandem aliquando definiri possit, quae sit causa motus cordis, quid valeant nervi vulgo cardiaci dicti, quae sit ratio inter vim insitam et nervosam 1). — Nervorum enim ad cor distributio vel hanc cum illa eandem vim habeas, vel diversam, systematis utriusque exceptiones gravissimas desiderat. Sed facilius, quid a me quaeratur, intelliges, si prius, quid ab utraque parte dicatur, posuero.

HALLERUS, quique eum sequuti sunt, ex hypothese neque explicare potuerunt, quare cordi sint nervi, quippe quod ob naturam suam irritabilem stimulo sanguinis

A 2

laceffitum

SOEEMMERRING Muskellehre §. 10. et Gefäßelehre §. 32.

HILDEBRANDT Anatomie des Menschen T. 4. §. 2937. et 3176.

— In universum invenio numerum eorum, qui exiles modo et paucissimos cordis nervos descriperunt, multo majorem. Sic TH. BARTHOLINUS (Anat. L. B. 1686. 8. p. 358.) inquit: „— nervulos quoque a sexta conjugatione *obscuros*, triplici loco insertos: „uno, qui terminatur in ipsum cor ejusque „basin praecipue: altero, qui in auriculas; „tertio inter vasa ejus majora — —“ Deinde apud NATH. HIGHMOR (Corp. hum. disq. anatomica. Hagae Comitum 1651. fol. p. 137.) lego: — „nervos item a sexto nervorum pari *exiles* in basin, juxta exitum „arteriae pulmonariae implantatos habet.“

— Multo plura, quae huc referam, habet: ISBR. DIEMERBROECK (Anat. Genevae 1679. 4. p. 378.) — „praeter vasa coronaria „etiam scribit Galenus cor recipere exiles et „invisibiles nervulos a sexta conjugatione —“ — „eos autem difficulter inveniri et intra „ipsam cordis substantiam conspici non posse, „docet sectionis usus“ — „hi nervi propter „summam tenuitatem ita visum fere subter- „fugiant, ut a multis atque etiam antehac a „me ipso valde dubitatum fuerit an aliqui „nervuli cor ingrederentur nec ne. Tan- „dem tamen majore cum attentione et dili- „gentia eos quaerens, plurimos admodum

„*exiles* nervulos, instar tenuium filorum, a „plexu in cordis basin et ventriculorum ori- „ficia extensos — — inveni, quos in ipsam „cordis substantiam prosequi, difficillimum „reperi, in ipsa enim basi et tunica exteriori „diffeminati, mox evanescere et duntaxat „duo manifesti parenchymatis substantiam „aliquo modo leviter subire videbantur: un- „de verosimile duxi, si forte aliqui ramuli „ulterius excurrant, illos solum modo instar „tenuissimorum et invisibilium filamentorum „in substantiam produci eique obtusum sen- „sum conferre.“ — — Cum quibus denique consentit FANTONUS (Anat. c. h. Augustae Taurinorum. 1711. 4. p. 295.) quid dicit: „nervulos habent cor et auriculae a „pari octavo et intercostali, plurimos qui- „dem et exiguos sane“ — — „Clar. Chirac „nervos ramulos tam diligenter collegit ut „eorum metiri molem potuerit: *lustratis*, in- „quit, *omnibus propaginibus nervorum cor- „dis, coactisque simul invenimus eorum fasci- „culum vix aequare cylindrum sesqui. linea- „ris diametri.*“ Haec praecipui loci sunt, quos colligere ex aliis potui, atque hi mihi omnino notatu digni videbantur. L.

10) SOEEMMERRING Muskellehre §. 26. „Es ist die Frage, ob die Herznerven dem „Herzen selbst, und nicht blos den grossen Gefäßen gehören.

1) WRISBERG l. c.

laccessitum motus suos perficere, nervisque ideo haud indigere videatur, neque intellexerunt, cur nervi cardiaci irritati motum cordis non accelerent, destructi non tollant; ideoque eos latuit, cur vulnera spinalis medullae in collo nervorum cordis scaturiginis, cordis tamen functionem non auferant. Memoratu autem dignum esse mihi videtur, Hallerum diversimode, sibi quae saepe repugnantem, phaenomenorum causam explicuisse.

Primo enim:

„Nervi, inquit, ad movendum cor plurimum faciunt²⁾.“

„Cordi per nervos vis motrix accedit³⁾.“

„Unicum est, ut ideo cor magis irritabile sit, quod nervi cordis sentientes intimae tunicae cordis vicini a sanguine proximino cominus stimulentur, atque adeo vehementior inde motus sequatur, quam quidem ab irritatione exterioris partis alterius musculi⁴⁾.“

„Adferunt (nervi) ad cor in ira motus praecipites — non voluntatis jussu, sed tamen a cerebro⁵⁾.“

Alibi vero contrarium asserens:

„In corde, inquit, aliqua motrix causa est, quae ejus musculi motum aliquamdiu sustentet, etiam quando nervorum praesidium amiserit⁶⁾.“

„In cor neque voluntati, neque nervis aliquid est potestatis⁷⁾.“

„Is motus (cordis) est insitus, nec a cerebro advenit, nec ab anima⁸⁾.“

„Aliquid aliud subesse causae (motus cordis praeter nervos) ostendit cordis motus ab omni nervorum irritatione in vivo animale in perturbatus etc.⁹⁾.“

„Magna pars causae, a qua cor agitur, nequidem a nervis advenit¹⁰⁾.“

Hae sunt fere omnium, praeter eas, quae me forte fugiunt, qui auctore HAL- LERO irritabilitatem a nervorum facultate diversam esse arbitrantur, de dignitate nervorum cardiacorum sententiae, dubiae neque systemati consentaneae.

Contra illi, qui vim nervosam ab innata non esse diversam sustinent, neque causas exponunt, quare ad machinam cordis motoriam paucissimi distribuuntur nervi, qui tamen numerosissimi musculos voluntarios per vitam saepissime agitados exemplo oculorum¹¹⁾ adeant, neque sciunt, quid sit, quod laesi vel laccessiti cordis nervi ipsius motum non mutant.

Neque cum his faciendum est, qui duo nervorum systemata adoptant, motorium scilicet a sentiente diversum, quod iidem manifestissime nervi et sensui praeficiuntur, et motui¹²⁾.

Aliorum, in cordis motus perennis causas inquirentium opinionibus WILLISII, VIEUSSENII, RIDLEYI, STAHLII, WHYTII, recensendis, supersedeo. Fusc. nempe de his differuit, easque refutavit summus Hallerus¹³⁾.

§. III.

2) Prim. lin. phys. §. 100.

3) Elem. phys. L. 4. S. 5. §. 13.

4) l. c. L. 4. S. 5. §. 13.

5) l. c. L. 4. S. 5. §. 2.

6) l. c. L. 11. S. 3. §. 3.

7) l. c. L. 11. S. 3. §. 7.

8) Prim. lin. §. 102.

9) l. c. §. 101.

10) Elem. phys. L. 4. S. 5. §. 9.

11) SOEMMERRING Nervenlehre §. 131.

12) HALLER. Elem. phys. L. 4. S. 5. §. 9. et lib. 10. S. 8. §. 22.

13) In Elem. phys. L. 4. S. 5. §. 6. 14.

§. III.

Quid praestitum sit, ostenditur.

Cum haec igitur per multa volumina, perque magnae contentionis disputationes ab ingeniosissimis omnium saeculorum medicis tractata sint, atque tractentur, subiiciendum est, qua via ipsemet ingressus, quemve ordinem sequutus sim, ea, quae alii hactenus conjectura prosequuti sunt, notitia certa comprehensurus.

Ac primo quidem nervorum cordis examini scrupulosius intendens, tum observando; tum analogice concludendo, didici, *nullos omnino nervos, ne surculum quidem in ipsam cordis carnem dispergi.* Nervos omnes, quot quot a magnis vasis ad cor descendunt, arterias coronarias sequi vidi comites, absque ullo ramulo cordis carni immisso. Quod ubi anatome, fidelissima in his rebus magistra mihi aperuit, facile concludere licuit, cor sensu carere; differre vim muscularein a nervosa; neque hanc, sed illam a sanguine venoso excitatam esse causam, quae cor in motum cieat. Cognovi deinde, quanta sit nervorum dignitas, arterias cingentium; quae sit causa saevi tendinum vel aponevrosium adfectarum inflammatione, doloris; denique mihi innotuit, nervorum in adfectibus animi in cor ipsum revera nihil, sed mediate quod dicunt, esse potestatis. Ne vero capita tantum omissis argumentis proponens, obscura memorasse videar, pedem hic figere jubeor, praemissa descriptione nervorum cordis ad ea transiturus, quae, qualia sint, supra a me positum est.

Verum enim ab animi candore pariter et a pietate in praeceptorem alienum foret, nisi ego, antequam de ipsa re incipiam dicere, ingenue essem professus, me, cognitis quidem systematis Halleriani aliorumque vitiis, de removendis iisdem nequidquam cogitasse, nisi hortatu, consilioque SOEMMERRINGII, ingeniosissimi Praeceptoris, intellexissem, quid sit quaerendum; ut aliquid certi in hac re statuatur.

Nervorum igitur cordis perscrutationem eo libentius suscepi, quo magis ego, ex quo ad medicinae studium me contuli, singulari anatomes amore ductus, egregiosque viros SOEMMERRINGIUM et LODERUM Praeceptores nactus, eorumque ornatus favore, praeter therapiae, anatomes potissimum studio ineubui. Per tres hiemes, quibus scilicet duce praestantissimo viro Soemmerringio hominum cadavera perlustravi, tanta totidemque ejus in me exstabant benevolentiae documenta, ut quidquid in me est anatomes cognitionis, prope suo jure repetere debeat. Neque mihi, cum in hac pertractanda versarer materia, defuit cadaverum, librorum et consilii copia, cum id unice ageret egregius praeceptor, more scilicet DIVI HALLERI ¹⁾, ut mihi discipulo suo, publicum praemium, eruditorum laudes, accederent. Summo itaque studio adnitebar, ut laudes, quas de me sibi meruit optimus praeceptor, at beneficiis, quae in me contulit, longe minores, nunc primum publice, factus denique voti compos, quod dudum alebam, dilectissimo praeceptori impertirem.

1) Vide praefationem Halleri ad elem. phys. et divinationem tabulae Anderfchianae in novis com. Goetting. tom. 2.

§. IV.

Nervorum cordis descriptio.

Brevis quidem erit haec nervorum cordis descriptio, digna tamen, ni fallor, quae a viris rerum harum cupidis legatur. Parum scilicet, quod in libello spatium expleat, a praestantissimis viris Anderschio et Neubauero est relictum; quali modo nervorum in ipso corde habitus deprehendatur, dicendum restabat, paucis vero dictis expediendum, ni lectoribus taedium movere vellem. Ergo nervorum, quos cor adire cognovi, cursum, eumque qualem ego in ipso corde inveni, narrabo, explicando parum commoraturus, quot, qualesve furculi nervis cor adituris in itinere fuerint additi.

Cordis nervos perscrutaturus utebar cadaveribus puerorum septem ad duodecim ferme annorum, cera repletis. In iis, qui in proVectiori aetate fuerant demortui, difficilius est, cordis nervos investigare, qui scilicet more reliquorum nervorum cum aetate deleri videntur, multo etiam majori adipis copia circumdantur, quam corda juniorum hominum. Id vero inprimis agendum est, ut vasa sint bene repleta, nisi interdum arteriolam nervum habere, eumque carnem cordis adire credere velis.

Nervum cardiacum superficiale, ultra Aortae arcum, ubi cum nervis ex Gangliis cervicalibus nervi sympathici in truncos aliquot coalescit, vel in ramos, plexum supremum cardiacum constituentes, dehiscit, non deduxi.

Ex Ganglio cervicali medio nervi sympathici plures nervi cor ipsum adeunt. In sinistro quidem latere quatuor nervos hoc ganglion porrigebat.

Ex superiori ejus sine nervus oriebatur in duos ramos mox dehiscens, quorum alter trans sinistram carotidem, superficiale cordis nervum excipiens, magnis multisque aortico arcui datis ramulis, ante Botalli ductum descendens, arteriae pulmonali incedebat; aortae arcui tandem adpositus ad ramos arteriae coronariae dextrae circa arteriae pulmonum e ventriculo originem positos comes jungebatur; alio vero ramo suo aortae incedente nervis ad pulmonalem arteriam missis ab origine coronariae dextrae comes adfociebatur.

Alter vero hujus nervi ramus aortae faciem posteriorem occupans, acceptis a vago ramis, partim ad sinistrum latus ductus Botalli, supra deinceps vero infra arteriam pulmonalem decurrens junctus erat cum nervo postea describendo, sinistram coronariam adituro, partim ramo crassiusculo in tunicis arteriae pulmonalis dextrae evanuit *).

Ex sine vero inferiori hujus Ganglii cervicalis medii nervi sympathici, tres vidi nervos oriri ad cor tendentes, quorum anterior supra arteriam pulmonalem sinistram, deinde infra communem arteriarum pulmonalium truncum procedens, mediam fere partem arteriae coronariae sinistrae adiit. Mediis autem Ganglii inferioris partibus nervus quoad maximam partem, retro subclavam aortamque pulmonalium arteriarum truncum accedens, jungebatur tenellis furculis arteriae coronariae sinistrae. Tertius denique

*) HALLER Elem. Phys. L. 4. S. 4. §. 13. scripsit: „molles sunt cordis nervi, ut possis pro magis medullosis habere“ et in nota adjecta: „molles sunt ii nervi omnes, qui per magnas arterias adveniunt.“ Qnam animadversionem eapropter praetermittere nolui, quoniam nervi molles et in aliis sedibus nunquam copiosis, sed plerumque paucissimis ramis distribuuntur. L.

denique ramus ita sese habuit: Aliis propaginibus in tunicis subclaveae sinistrae arteriae arcusque aortici evanuit; aliis arteriae sinistrae pulmonali pariter atque dextrae venisque pulmonalibus sinistri lateris earumque sinui sese immisisse mihi videbatur. Alio tandem ramo jungebatur in superficie arteriae pulmonum dextrae cum nervo ad cor procedente.

In dextro latere ganglii cervicalis medii nervi sympathici ramum superiorem, qui retro aortae arcum pulmonalem arteriam eamque dextram adiret, vidi. Duo hujus nervi rami in arteriae pulmonalis dextrae tunicas abiere; unus retro arcum aortae procedens ad originem arteriae coronariae dextrae descendit; aliam iterum hujus nervi propaginem eamque fortem infra pulmonalem arteriam accedere alio nervo vidi.

Idem quoque sympathici ganglion, nervo pro tunicis arteriae anonymae plexuque superficiali epato, nervum insignem porrigebat, quem arteriam anonymam superficiemque posticam aortae legere, nervulosque pro coronaria arteria dextra dare vidi.

Alius vero hujus ganglii ramus partim cuidam propagini ex vago natae addebatur, partim alio nervo cardiaco dicto.

Ganglion imum cervicale sympathici in sinistro latere nervos suos in tunicas arteriae subclaveae, vertebralis aortaeque misisse mihi est visum. In dextro latere parieti externo arteriae anonymae ramum porrigebat nerveum, deinde convexae arcus aortae parti dedit nervos, propagines tandem multas cum nervis, qui sinistrae vel dextrae coronariae additi sunt comites, communicat.

Tali modo comparatos in majoribus cordis vasis deprehendi nervos. Ramos verum nervosos nonnisi factis elegantissimis multifariisque inter sese plexubus, ex quibus multi omnino nervi in tunicis vasorum evanescunt, cursum suum implevisse, coronariaeque adiisse vasa, moneo. Omnes vero, quotquot venerant nervi ad coronarias arterias, harum ramos comitantur, ne unum nervulum in cordis musculos immittentes.

Difficillimum erat hoc perscrutatu. Rami enim nervorum arteriae coronariae sinistrae in adipe quoad truncos conditae paululum remoti ab his jacent, furculos vero minimos per pinguedinem addunt arteriae, in qua mirifice inter se irretiti apparent. Ubi vero absque adipe vasa arteriosa inveniuntur, ibi quoque nervi proxime iis adeo adhaerent, ut deductis ope scalpelli arteriis in ipsam cordis carnem, nervi eas presse in nonnullis scilicet locis sequi videri possint. Haec praecipue in sinistra observavi, in dextra aliter obtinet, incedit arteriae truncus cum nervo suo paucis in locis ab eo deflexus.

Arteria coronaria sinistra longe plurimos habet nervos comites, uti sex integros nervorum truncos ad hanc pervenire vidi. Dextrae numeravi vix quatuor. Illa praecipue, ubi ex aorta originem trahit, reti nervorum circumdata est. In minoribus vero ramis in cor penetrantibus aequa nervorum copia gaudet utraque. In arteriarum anastomosis junguntur quoque nervi satellites.

Diu saepe dubius haesi, an hoc vel illud filum cordis carni sese immiscens nervosum esset, originem suam versus deduxi; tuncque de venula vel de vase absorbente laborem impendisse cognovi.

Vidi etiam aliquot nervos ab arteriis deflexisse, cordisque carni intrare viles. Quorum ramorum duos constantes esse reperi, ex nervo arteriae sinistrae coronariae comite ortos, ejusdem arteriae ramis iterum sese adfoeciantes. Quare diligenter omni quae in me erat, dexteritate et subtilitate, an forsan in itinere, cordi immitterent nervos examinans, minime id fieri cognovi. Eadem accidisse praestantissimo incisori SOEMMERRINGIO et cl. D. MICHAELIS compertum habeo.

Cum arteriis utriusque lateris coronariis incedentes nervos vidi, etiam cum vasculis, quae sinus vel auriculas vel venas cavas adeunt.

Oculorum acie lenteque postea usus modo in arteriarum tunicis evanescere modo in ipsam cordis substantiam cum vasis penetrare videre mihi contigit nervos, licet microscopio quidem adhibito non ultra tertiam arteriae fere divisionem.

Difficillimus is erat labor, ob fibrillas musculares, paucula interposita cellulosa vasis arcte adeo adhaerentes, uti si demas musculos, facillime quoque nervum una sis ablaturus. In cordis tamen superficie minorum vascula ordinum nervos secum habent, ita ut sese, an omnibus iis desint, dubitem.

§. V.

Cor absque nervis esse, ex analogia probatur.

Haec fere sunt, quae nervorum perscrutatio anatomica in ipsa cordis fabrica edocuit me; restant adhuc ea exponenda, quae ex instituta nervorum cordis comparatione cum aliis aliarum partium nervis cognovi.

Et primum quidem considerandum venit, nervos cardiacos ex solo nervo sympathico esse natos, cujus ramos ad vasa arteriosa ¹⁾ tantum distribui, vel saltem ad magna vasa docent tabulae NEUBAUERI ²⁾ inprimisque summi incisoris WALTERI ³⁾. Quem vero ramulum ⁴⁾ ad intercostalem musculum adeuntem pingi curavit, et sic descripsit laudatissimus WALTERUS, ad arteriam intercostalem hujus intervalli pertinere suspicatur clarissimus Praeceptor meus SOEMMERING. Et ad minores quoque arterias rami sympathici positi inveniuntur nervi, sicuti ego prosequutus nervulos in tunicas intestinorum, reperi.

Producuntur insuper cordis nervi ex gangliis more scilicet nervorum mollium, arteriarum satellitum. Qui proxime hypothesein de gangliorum usu LANCISII ⁵⁾ adornavit JOHNSTONIUS ⁶⁾, quam tamen ego nec ultra sequi velim, nec a dubiis, quae in illam a doctissimis viris MONROO ⁷⁾ et SOEMMERRINGIO ⁸⁾ mota sunt, liberare valeam, in eo certo tamen nititur fundamento, vasorum nervos ex gangliis esse abortos.

Dixerit

1) SOEMMERRING Nervenlehre §. 337.

2) De nervis cardiacis.

3) Tabulae nervorum thoracis et abdominis, splendidissimum opus, quod nunquam simile habuit, neque unquam forsan habebit.

4) Tab. 1. no. 58.

5) HALLER elem. phys. L. 4. S. 5. §. 8.

6) Essay on the use of the ganglions of the nerves. Schrewsbury 1771.

7) Ueber die Verrichtungen des Nervensystems pag. 36.

8) Nervenlehre §. 161.

Dixerit forsan quispiam argumentum oppugnaturus, quod de vicinia nervorum cordis cum arteriis protuli, absque nervis esse cor, evicturus; in aliis quoque corporis partibus proximum deprehendi positum arteriarum ad nervos, ita, ut de his idem, quod de cardiacis vulgo dictis nervis, deque ramis ex sympathico natis affirmari queat, exemplo nervorum brachii vel femoris cum vasis communi junctorum cellulosa, iisque proxime adpositorum. Provocare quidem possem ad ea, quae me vidisse narravi, vidi enim nervos, quos cardiacos dicunt, arteriarum tunicis immixtos esse. At non destitutor magna argumentorum copia renitenti offensurus, nervos arteriarum longe esse diversos ab illis, qui musculis sunt inditi. Nervorum enim, qui vasa adeunt, ea est natura, ut simulac ad vasa pervenerint, flavidi sive rubelli, molliores⁹⁾ pulposique, plani magis quam cylindracei, ex gangliis nati, intime cum tunicis arteriarum irretiti appareant, easdem interdum veluti annulo circumdent, tenacissime iis inhaereant, ut non nisi summo studio et labore possint ab his separari¹⁰⁾. Praeterea in his partibus, in quibus nervorum juxta arterias positus deprehenditur, sicuti in brachio vel in femore, is est nervorum ad vasa habitus, ut haec saepe illorum causa adesse videantur.

Illud argumentum egregie illustratum iri iconibus inprimis magni CAMPERI¹¹⁾ arbitrabar, in quibus (magnus cum ille incisior absque praevia vasorum repletionem artificiosa nervos eruere solitus fuisset¹²⁾) vasa ideo non expanderit super naturalem diametrum) a nervis vasa magnitudine superari evidentem deprehendens. Sic igitur musculorum nervi distinguuntur ab his, qui tunicis arteriarum intricati, parcas tenuesque arteriarum fibras musculares adituri, ipsarum tenuitati ac parvitati respondere quoque debeant. Quare praeclare HALLERUS¹³⁾ „Grandes ii (musculorum nervi) inquit, et si „non perinde in omni musculo, proportionem, multoties eos superant, qui adeunt „viscera, ut unus in manu pollex, plus virium nervearum habeat, quam hepar toties „vastius; arteriarum saepe comites, neque multo minores.“

Per nervos musculorum oculi bulbum moventium novum mihi accedit argumentum. Insignis est horum nervorum magnitudo, ut arterias magnitudine multoties superent, quae praeterea nervos ex ganglio ophthalmico comites habent.

Cum igitur certum sit, nervos arteriarum ab iis, qui musculos ingrediuntur, differre et origine, et structura, et magnitudinis proportionem ad vasa arteriosa, cumque nervorum cardiacorum idem sit character, qualis in caeteris arteriarum nervis deprehenditur, nemo dubitabit, quin nervi cardiaci dicti, arteriis quoque solummodo inserviant.

§. VI.

9) „Molliores sunt nervi cordis, ut pro „medullosis possis habere, nervique qui arterias a carotide natas percurrunt.“ HALLER elem. ph. L. 4. S. 4. §. 13.

„In corde mollissimi, inquit Hallerus, „sunt nervi, etiam qui grandiores eum musculum adeunt.“ Elem. phys. L. 10. S. 6. §. 10.

10) WALTER explicatio tabul. nervor. thoracis et abdominis. pag. 14.

11) Demonstrat. anatom. pathol. L. L. Tab. 1.

12) Teste Gisb. Jac. Wolf in diss. sistente quaestiones medicas varii argumenti. Hardervici 1791. pag. 15.

13) Elem. phys. L. 11. S. 1. §. 12.

§. VI.

Idem argumentum continuatur.

Deinde, quum inter musculos nervosque, a quibus regantur, ea sit lex constituta, ut quo magis saepiusque musculus moveatur aliquis, eo plures majoresve nervi ad illum perveniant: nervi cordis autem, cui densissima caro est ¹⁾, quodque continuo per vitam agitur, eoque multis nervis indigere videtur, ab ea lege abhorreant; exinde jam enasci debuisset suspicio, nervos cordis alterius juris ac reliquorum musculorum esse debere ²⁾.

§. VII.

Cor non habere nervos, insensilis sua docet natura.

Sed illorum quoque causa, qui vel de veritate anatomiae ope eruta dubitent, vel quibus animalium corda cultro perscrutandi non data sit copia ex medicorum observatis aliqua sunt adducenda, ex quibus colligere licet, cor absque nervis esse.

Cor adeo obtuse sentit, ut hoc sentire omnino negandum sit, medicorum observatis adductis. Celebratam illam quidem non laudo HARVEYI ¹⁾ observationem, quum ea sit dubia incertaque sub auctore MORGAGNIO ²⁾. Neque nitor in HALLERI experimentis, cum in ea gravissima dubia ex theoremate HIPPOCRATIS ³⁾, qui: Δυνάμεις (inquit) πόνων, γινόμενων, μη κατὰ τὸν αὐτὸν τόπον, ὁ σφαιροειδὲς ἀμαυροῖ τὸν ἑστέγον ⁴⁾ sint movenda. Igitur de vulneratis cordibus taceo, quae insensilia esse, ostendisse videntur. Sed certiora adfunt argumenta. Exstabant scilicet cadaverum sectiones, quae corda aegrotasse ostenderent, licet aegrorum medico id plane latuisset. Sectionum historias scriptas habes apud BARTHOLINUM ⁵⁾, CORNACEM ⁶⁾, MORGAGNIUM ⁷⁾, SCHMUCKERUM ⁸⁾, aliosque ⁹⁾; qui in hominum cadavera inquirentes, cordis saepe fuisse morbos, idque erosum, totumque fere absumptum, modo ruptum, modo inflammatum invenerunt, sine ullo aegri doloris fere sensu. Quare recte vetustissimus auctor HIPPOCRATES: Νοσήματα, inquit, ἐν τῇ καρδίᾳ οὐδὲν γίνεται ¹⁰⁾, et paulo ante: Καρδίᾳ οὐ πονεῖ ¹¹⁾.

Vermes quoque narrant in corde post mortem fuisse detectos ¹²⁾, nunquam vero symptomata praeter palpitationes circulumque sanguinis turbatum movisse graviora.

Interdum

1) MUYNS de musculorum artificiosa fabrica. Lugd. Bat. 1751. Tab. 2. fig. 3. 6.

2) Conferantur, quae de hac re disputata sunt apud cl. METZGERUM in ejus exercit. acad. Regiom. 1792. pag. 159. sq.

1) De generatione animalium. Exercitatio 52.

2) Opera omnia tom. 3. Epist. 24. Art. 18.

3) Aphorism. 2. 46.

4) Act. med. Hafniens. Vol. 1. obs. 89.

5) Enchirid. med. pag. 205.

6) Opera omnia tom. 3. Epist. 16. art. 40. 43.

7) SCHMUCKERS vermischte chirurg. Schriften. 3. Band pag. 256.

8) HALLER Elem. phys. L. 4. S. 4. §. 14.

9) Περὶ νοσῶν. 4. 13.

10) l. c. 10. Consentit ANT. DE HAEN in praelect. in Boerhavii institut. pathol. ed. de Wasserberg, Col. Allobrog. 1784. tom. 1. pag. 696.

11) LIEUTAUD historia anatomico-medica tom. 2. pag. 40.

Interdum tamen de dolore cordis conquestos fuisse aegros, narrat MORGAGNIUS ¹²⁾, polyposque sinuum dolores excitasse ¹³⁾. Manifesta vero causa est. Nam si de nervorum stratis, arteriis cordis superpositis cogitaveris, quae in his aegris forsitan adfecta fuere, vel si memineris cum adfectis sinibus et venas quoque quarum ubi ad cor veniunt, non adeo exigui sint nervi, adfectas fuisse, de doloribus aegrorum non miraberis.

Quae omnia, cum cordis insensibilitatem probent, quid sit, quod cor perquam sensibile esse summus pronuntiavit incisor WALTERUS ¹⁴⁾, vix ego, quod pace tanti viri sit dictum, intelligo.

§. VIII.

Experimenta in Brutis.

Cordis enim vel ex corpore evulsi vel non evulsi nervi irritati ejus motus non excitant; rursusque, ubi ejus discissi sunt nervi, neque ipsum cor e corpore sit evulsum, suos tamen motus aequae diu perficit ac si nervi cardiaci non essent destructi. Dissecta quoque vel irritata spinali medulla nervorum cardiacorum omnino scaturigine, neque cordis motum languentem, neque auctum vidit HALLERUS ¹⁾. Quare jure suspicatur GALENUS ²⁾: cor e thorace exemptum diuque motum, esse argumentum, ipsum nihil nervis ad suam functionem obeundam indigere. Ideoque recte VESALIUS, cor carnem esse peculiarem, nervis haud quaquam indigentem, pronuntiavit ³⁾.

§. IX.

Punctum etiam saliens.

Incertius quidem argumentum prioribus. Verum enim est punctum saliens in pullo incubato ante visum cerebrum micasse ¹⁾. An vero exinde colligere liceat, cor ante cerebrum adfuisse vel cordis existentiam cerebri incrementum praecedere ²⁾, dubius in medio relinquo.

§. X.

Et opium cordis vires non extinguens.

Opium cordi non nocet, quod animadversum est in iis experimentis, a clarissimis viris CALDANI et FONTANA institutis, qui se ab opio soluto, cordique circumfuso istius motum nihil mutatum vidisse testantur ¹⁾; augetur imo ab opio certa dosi quadam sumpto cordis motus, licet musculorum vires opio vel ipsis musculis vel nervis, qui hos adeunt, illito, frangantur. Cujus rei explicationem desiderabis, nisi cor abs-

B 2

que

12) l. c. Epist. 25. art. 17. 18.

13) l. c. Epist. 17. art. 6. 17.

14) Memoires de Berlin 1785. pag. 58. „Le coeur est le plus sensible muscle de tous.“

1) Elem. phys. L. 4. S. 5. §. 2.

2) De anatomica administratione L. 7. c. 8.

3) MUYS. l. c. pag. 137.

1) VESLING. synt. anat. c. notis Blasii pag. 148. qui ob id nervorum in cordis motum potentiam negat.

HALLER Elem. phys. L. 4. S. 4. §. 28.

2) MONRO l. c. p. 57.

1) HALLER de opii in corpus humanum efficacia; in novis Comment. Goett. tom. 7.

que nervis esse, statuas, quod comprehensum fit, nervorum tantum vires ab opio offendi ²⁾. Sed de opio infra fufius dicam.

§. XI.

Et denique morborum quorundam ratio.

In his, qui apoplexia tentantur, laesis licet omnibus functionibus quae nervis reguntur, attamen eae, in quibus cerebri nulla est potestas, peraguntur, nisi sublatis arteriarum viribus, circuloque sanguinis impedito, cordi tanta resistentia enascitur, ut sanguinem ultra pellere nequeat, moverique desinat.

Cum igitur nullos cordis nervos Anatome demonstret, cum experimenta, insensibile cor esse, doceant, cum a nervis cor non pendeat, cum opii nullus sit in cor ipsum effectus, cumque denique morbi, systemati nervoso insensibili motui cordis partant, demonstratum esse arbitror, nullos in cordis carnem immitti nervos.

§. XII.

Motus ideo cordis non pendet a nervis.

Cum igitur manifestum sit, cordis carni nullos omnino nervulos esse immerfos, nervorum quoque potentiam ad movendum cor nil facere, sponte patet ³⁾). Causa vero vim motricem excitans inventu facillima, quae quum nulla alia esse possit, sanguis est ex venis rediens, quem calentem ponderosum cordi natura stimulum adplicat. Qua enim demta irritatione, ut in corde inanito, ostenditur hoc a musculo motionem abesse ⁴⁾).

Adest quidem vir gravissimus ANTONIUS DE HAEN ²⁾); qui cor a sanguinis stimulo negat irritari, propterea quod cor stimuli patiens brevi fore, cum aliis sibi persuadeat. Concedunt multi quidem medici consuetudini, hoc tantum nomine contenti, neque quid inde significetur, ultra agitant. Nam in eo, quod consuetudinis potentiae tribuitur, revera mutationes in partibus abortae sunt in causa, quibus efficitur, ut irritamenta ac stimuli ex industria hominum facti, impedianur ³⁾). Adusfactus ideo tubus intestinalis purgantibus, non movetur denique drastice, languore ex irritatione sua perpetua tandem inducto, secretaque majori copia mucii enterici, quo minus alvum purgantia moveant, impediunt. Longe aliter res se habet cum stimulis naturae legitis, qui cum organis ita sunt comparati, ut idem irritans eandem corporis partem per totam vitam movere non desinat. Neque igitur denique succus gastricus stomachum non movet, neque faeces cum bile intestinali, neque externa visu retinam. Ergo non dubito, quin sanguinem cordis vim motricem excitare pronuntiem ⁴⁾).

§. XIII.

2) SOEEMMERRING Muskellehre §. 43.

2) l. c. tom. I. pag. 694.

*) „minores quoque sunt nervi, quam pro tanto corde movendo, circa basin fere aut „externa disseminati.“ BARTHOLIN. l. c. p. 360. cf. porro HIGHMOR I supra c. L.

3) SOEEMMERRING Nervenlehre §. 184.

1) HALLER experim. de cordis motu a stimulo nato in comment. Goett. tom. I.

4) Confer. quae de sanguine, cordis stimulo ingeniosissime disputavit R. WHYTT in sämtlichen zur theoretischen Arzneykunde gehörigen Schriften, übersetzt von LIETZAU, pag. 40.

§. XIII.

Differt irritabile a vi nervosa.

Cor itaque movetur absque vi nervea accedente sanguinis stimulo. Ea vis autem, quae motus cordis producit, musculis inquilina residet, irritabilitatis nomine satis insignita, dudumque ab HALLERO unica motus cordis causa habita, nisi, quominus id liquidum pronuntiaret, impedissent nervi, quos ad cor pertinere, magnus vir suspicaretur. En igitur exemplum musculi a nervosa vi non pendens, una cum novo certoque argumento, irritabilitatem, remotis etiam nervis, in musculis esse residuam ¹⁾.

Non dubito, quin, quam verum sit, dudum foret deprehensum, nisi quidam medici, falsis, ut mihi visum est, argumentis convicti, musculis per nervos solum motrices vires accedere sibi persuasissent. Et primo de opio disputarunt, nervorum pariter ac musculorum, sive his sive illis illeveris, extinguente, indeque sequi, utraque potentias ab una esse derivatas, ipsis visum est ²⁾. Sed nervosas tantum vires ab opio deleri certum est ³⁾, quare, nervi cujusvis musculi potestate deleta, magna massa, gravis, iners, interstitia fibrillarum muscularium occupans, musculo nunc est interpolata, quo fit, ut et irritamentum paucas saltem fibras viva vi gaudentes, tangat, vel irritatio ob insensilem medullam difficillime cum caeteris fibris communicetur. Denique musculus nunc movet inertem pulpam olim ad motus excitantem. Mirari desines per nervum opio illitum musculi quoque potentias exhauriri. Opium igitur non nocet cordi, nervorum praesidio non indigenti, imò visum est, motus suos sumpto opio augeri. Cum scilicet minorum vasorum, longe majori nervorum copia ac majora vasa gaudentium ⁴⁾ nervos opium debilitet, eorumque itaque vires sanguinem pellentes debeat, majoribus ideo vasis, quibus ob minorem nervorum copiam non tantum, quantum minoribus a vi sua motrice detrahatur, ex aucta in ipsis sanguinis massa, quae per minora vasa non promovetur, arteriasque majores ideo magis repleat, extendatque, magna inde accedit stimulatio ⁵⁾, sanguinem citius fortiusque per aliquot certe tempus propellunt. Extincta vero virtute opii narcotica in majoribus etiam vasis mobili principio, quod a nervis mutuatur, cordi soli humorum tota massa movenda restat, illud denique cum movendorum humorum ponderi non suae pares sint vires, sanguinem ultra pellere nequit, tandem vero novo sanguinis stimulo ipsi non accedente, moveri desistit ⁶⁾.

Alia est obiectio ALEXANDRI MONROI ⁷⁾ „si irritabilitatem (inquietis) a nervis „non pendere velis, a duabus causis natura sua diversis, (vi musculari scilicet et nervosa)

B 3

„eandem

1) Conferantur, quae sunt apud clarissimum METZGERUM l. c. pag. 157.

2) MONRO l. c. pag. 67.

3) HALLER Elem. phys. L. II. S. 2. §. 10. et l. c. in comment. nov. Goetting. vol. 7.

4) SOEEMMERRING Gefäßlehre §. 50.

5) Vide infra §. 17.

6) WIRTENSOHN diff. demonstrans opium vires fibrarum cordis debilitare, et motum tamen sanguinis augere. Hardervici 1775. et recusa in C. L. HOFFMANNI opusculis latinis, in gallicam linguam vertit MARTIN in Journal de Medicine Aout. 1791.

7) l. c. pag. 65.

„eandem rem (musculorum motum) effici, dixeris.“ Ego quidem haec disputantem MONROUM sentiens, quid inde effici voluerit, vix intellexi. Verum enim neque dictum est, eandem rem a duabus produci causis, sed sollicitè vim nervosam, id est, vim musculos ex animae imperio laceffendi, et vim muscularem, id est, vim sese movendi, distinxit HALLERUS, neque largimur, ipsos nervos moveri.

Musculus nervi finis a nemine habebitur. Licet igitur irritatus nervus contractus musculorum moveat, nemo tamen ob id censebit, irritabile esse in nervis.

§. XIV.

Arteriae circulum sanguinis maxime adjuvant.

Propositis omnibus, quae ad ipsum cor pertineant, ad ea transeo explicanda, quae de dignitate nervorum, quos cardiacos vulgo dicunt, sentiam. Quo facilius mea sententia intelligatur, de nervis vasorum quaedam praeponam.

Licet quidem non sit determinandum, quousque arteriarum vires cor sublevent ad sanguinis circulum promovendum, supersunt tamen observata, ex quibus colligere licet, quid sit probabile. Sic ab arteriis ossæ natura ortam gangraenam pariter aequè ab arteriis nimium dilatatis viderunt ¹⁾. In apoplecticis saepius observatum est, integris cordis viribus, artus paralyticos aridura comprehensos evasisse, pulsusque in his partibus debilem. Cor quoque cum vicinis partibus connatum ²⁾, vel morbosum ³⁾; vel pro parte ossificatum erat ⁴⁾, vel plaue defecit ⁵⁾, cum circulatione parum mutata. Quin et secretio in cerebro, in hepate, in liene, in renibus, inque placenta, arteriarum vi inprimis peragitur, tali tantaque movendi potentia cordi, licet summam probabilem dederis, non concedenda ⁶⁾. Visum saepe est, sanguinem ea fluere celeritate in minimis vasculis, qua per arterias e corde mox erumpens propellitur. Quod explicare haesitabis phaenomenon, nisi de arteriarum auxilio statueris. Motus tandem sanguinis post evulsum cor superstes, in frigidis animalibus observatus est ⁷⁾.

§. XV.

Haec arteriarum vis ab irritabilitate proficiscitur.

De arteriarum elatere nemo dubitat cum facultate irritabili saepe tamen confuso, ita, ut quae ille proderet signa, huic adscriberentur. Itaque arteria dissecta sese retrahens, aut arteria in utroque sine ligata acu transfixa sanguinem radiatim expellens, elaterem prodidisse mihi videtur. Causlica denique, quippe quae constringant atque irritent, convellunt quoque arterias, magis tamen venulas, quae ob tenuitatem parietum corii mortui ad instar constringuntur, signa alioquin aliter stimulae vix edentes.

Haec

1) HALLER Elem. phys. L. 4. S. 4. §. 32.

2) LIEUTAUD Hist. anat. med. tom. 2. pag. 36.

3) HALLER Elem. phys. L. 4. S. 4. §. 29.

4) l. c. S. 3. §. 1. not. f.

5) WINSLOW in histoire de l'Academie royale des sciences année 1740.

HALLER L. 4. S. 4. §. 29. — SWIETEN Com. in Boerh. aphor. Vol. I. pag. 256.

6) WILSON über die bewegenden Kräfte beim Blutumlaufe. Im Magazin für die Naturg. des M. I. B. 2. St. pag. 266.

WHYTT l. c. pag. 371.

7) HALLER Elem. phys. L. 4. S. 4. §. 30.

Haec de elatere, qui fibrae mortuae competit, diligenter vero ab arteriarum vi viva fecernendo. Haec autem a fibris, tunicis arteriarum intertextis muscularibus proficiscitur.

Quare radendo arteriam vel scalpello, vel tenaculo, non una sed iteratis vicibus contrahi eam vidit GUALTHERUS VERSCHUIR ¹⁾. Vidit quoque ut arteria vermis fere instar reperet. Vidit aperto abdomine vivi canis cujusdam singularem motum et pulsum, qui a reliquarum arteriarum pulsu statim ad levem oculi adspectum peculiari sua actione diversus conspiceretur.

Quin tamen irritabiles dicat arterias, dubitavit quidem KRAMPIUS ²⁾, levibus, quae mihi videntur, causis motus. Intimam arteriae tunicam, inquit ille, insensilem inter musculosas fibras sanguinemque inter adeo positam esse, ut contactum sanguinis ad arteriae musculos impediatur; fieri itaque non posse, ut fibrillae musculosae stimulentur, arteriamque contrahant. Vel si concesseris, inquit, arteriarum fibras a sanguine stimulari, perpetua foret arteriae contractio, perpetuo scilicet sanguinis stimulo, per canales arteriosos propulso.

Equidem primum, ad haec responsurus, monéo, musculares fibras tum quoque irritari, ubi tendantur. Sicque canalis intestinorum a causa qualicunque extensus, infra supraque locum extensum est constrictus. Sanguis pari fere modo a corde pulsus arteriam extendit, fibras ergo ejus irritat, atque ad contrahendum disponit ³⁾. Membrana intima, laevis, insensilis arteriarum cavet, ne arteriis perpetuus oboriatur stimulus, ne sanguis scilicet fibris muscularibus proxime continuo accedat. Perpetuae denique contractioni resistit fabrica arteriarum fortis, elastica, quae ad contractum sese vergentem arteriam mox relidit. In his tamen arteriis, quae difficillime sanguinem trahunt, ut in meseraicis intima membrana mollior, laxa, rugosa est, et pene friabilis.

Signa denique, per quae irritabilitatem a vi vitali arteriarum distinctam habet KRAMPIUS ⁴⁾ levia, parvique sunt ponderis, quorum potiora tamen recensebo. „Haec, inquit, non nisi admoto stimulo, illa non nisi distensione praegressa excitari potest. „Haec immediatum sive nervorum, sive fibrarum contractum requirit; illa absque contactu, interjecta licet membrana excitari sese patitur.“ Quare hi distinctivi ambarum virium characteres nihili sint censendi, supra monui. Idem esse dicas, vel si fibrillas acu lacefferis, vel si extensione irritaveris. „Haec in vivis animalibus scalpelli auxilio detegi, illa difficiliter sensuum judicio sese subjici finit.“ Ob paucitatem musculorum fibrarum in arteriis, quarum insuper tunicae contractum stimuli mechanici prohibent. Vidit tamen, quod supra dixi, GUALTHERUS VERSCHUIR arteriam irritabilitatis signa edere, ut nullum ipsi de irritabilitatis effectu dubium restaret ⁵⁾. „Haec tantum juniori, molliori fibrae propria est, atque evanescit omnis, si fibra vel pars ejusdem ad tendendam naturam accesserit; illa ab arteria non discedit, ubi arteria vel cartilaginea, vel ossea facta fuerit, quod docent motus humorum in ea periodo constantia.“ Paradoxon

1) De arteriarum et venarum vi irritabili ejusque in vasis excessu. Groningae 1766.

4. §. 26.

2) De vi vitali arteriarum. Argent. 1785.

§. 17.

3) WEDEKIND Theorie der Entzündungen. pag. 125.

4) L. c. §. 17.

5) L. c. §. 27.

doxon miraberis de viribus arteriarum ossea vel cartilaginea natura. Pulsus enim in his obrepente debilitatur, indeque gangraenas fieri monent. Neque verum est, musculos in provectiore aetate ad tendineam naturam accedere ⁶⁾, cum tendines musculorum partes contiguae sint habendae, imo ligamenta, quibus ad ossa musculi vinciantur ⁷⁾. In provectiore itaque aetate cum deleta vi irritabili, deletur quoque vis arteriarum, quod ex debiliore omnino pulsu colligi potest. „Musculus tandem, inquit, discissilis licet omnibus fibris, quibus ad vicinas partes revinctus erat, irritabilitatis suae omnino nihil perdit, arteria autem simul ac aliqua sua parte a vicinis partibus, ruptis, filis illis liberata fuerit, vim suam contractilem amittit, atque in aneurisma transit.“ Cujus rei causa nec ab irritabili, nec a vitali vi pendet, sed a structurae discrimine, quod inter musculos arteriasque intercedit. Haec enim a sanguine propulso undique effugium quaerente extenditur, sanguineum nequidquam ultra pulsura, ob debiliorem plagam, qualis a pariete a vicinia liberata oritur, magis magisque extenditur. Musculo autem, quidquid illi acciderit, nihil inest, quod ad dilatandum illum sollicitet.

Arteriae itaque irritabilitatis signa edunt, quae ut ponereim, necesse erat, de dignitate nervorum arteriarum dicturus.

§. XVII.

Arteriarum irritabile principium a nervis maxime fovetur.

Argumenta, quae per nervos arteriarum fibrillis carnis mobile principium inprimis augeri foverique probare mihi videbantur, a paucis exilibusque muscularibus fibris primum desumuntur. Perpetua nec debilia irritabilitatis signa edunt arteriae, quae, cum debilis ea foret potentia qua tenues eae fibrae contraherentur, non ostenderent, nisi alia vis, nervosa scilicet, accederet, motrices arteriarum vires, musculos nempe excitans augensque ¹⁾. Ostensum quidem nondum est nervorum furculos ad carnes arteriarum accessisse ²⁾, at tamen plurimos constantesque passim nervorum ramos tunicas arteriarum adire, atque in his evanescere vidimus, exemplo carotidum, arcus aortae.

Aliud argumentum esse mihi videtur, quod in iis locis, per quos sanguis difficile transit, magna, imo major nervorum copia, quam in caeteris arteriis accedat, exemplo carotidum, arteriae vertebralis, quarum illae ramis ganglii cervicalis primi ³⁾, hae vero nervis ex intercostali, ganglio thoracico primo, exque nervo cervicali primo

natis,

6) SOEEMMERRING Muskellehre §. 83. 84. 85. 86. 87.

7) SCHEMMERRING l. c. §. 74.

1) „Neque dubium est, quum nulla absque nervo fibra muscularis sit, et cum absque ea vi, quae per nervos advenit, debilis omnino sit ea potentia, qua eae fibrae contrahuntur, nervulos adeo ad carnes fibrarum arteriarum accedere, etsi nemo, quan-

„tum memini, ejusmodi furculos demonstravit.“ HALLER Elem. phys. L. II. S. §. 12.

2) Valde dolebam detecta laudatissimi COTUNNI de nervis carotidum cum republica literaria nondum esse communicata theorematum mea forsan illustratura. Vid. WILH. XAV. JANSEN Brieven over Italien. to Leyden 1790. pag. 174.

3) NEUBAUER de Nerv. card. pag. 88.

natis, ad arteriam usque basilarem, cinguntur 4). Itaque ramos nervi vidiani arteriolas ex arteria vidiana natas, in ipsum os, ubi scilicet difficiliter moventur, sequi se vidisse, narrat magnus Incisor WRISBERGIUS 5). Quare explicare crediderim, cur una cum vasis in minoribus ramis dehiscentibus nervei furculi factis elegantissimis plexibus, decurrant, at majores vasorum ramos pauci nervi vel saltem exilissimi, comitentur 6).

Tertium argumentum, quod nervorum dignitatem in arteriosis vasis stabiliet, a summo nervorum quo gaudent in vasa imperio desumptum est, manifestum in his, quibus sensorium vel a causa physica, vel morali (quod dicunt) irritatur. Ab adfectibus animi pariter atque a doloribus corporis, mutationes invicem sequuntur, ex laesis arteriarum functionibus magna certe ex parte forsan explicandae. Ita levis animi passio vel corporis, levem cutis spasmus inducens, spirabile retinet, majori fortioreque facto sensorii stimulo, oritur exinde pallor cutis; magis denique crescente animi adfectu, pulsus augetur, ad summum tandem aucto pathemate, sanguinis itinera supprimuntur, ut reprimantur humores, quae in cute sint, ad interiora. Neque tacendum est, CHRISTOPHORUM LUDOVICUM HOFFMANNUM, ingeniosissimum saeculi nostri medicum, horum adfectuum animi characterum causas, quo modo et quare adeo invicem sequantur, egregie illustrasse 7). Ego quidem de majori venularum irritabilitate, qua vascula arteriosa superare posuit 8) magnus vir, ut diversos diversorum adfectuum explicaret effectus, dubitare audeo. Atque in hoc mecum fecisse mihi visus est, dilectissimus meus praeceptor, aeternaque pietate mihi colendus WEDEKIND, qui, vasorum venosorum strictionem cutis rubedinem sequi oportere, intelligens, non dubitavit, quin motum iri arteriolas, immutatis alioquin venulis pronuntiavit 9). Ea est scilicet venarum fabrica, ut constringendi potestate destitutae omnino mihi esse videantur. Vena dissecta collabitur quidem, ob tenuitatem parietum, arteria se retrahit, et cava manet, ob tunicarum elaterem. — Verum igitur musculosam vitalemque eam collabendi vim esse, dubitari potest, cum ejusmodi contractio longo a mortis tempore perinde succedat, fibraeque musculosae transversae, quae in arteriis evidenter apparent, omnino absint 10). Venas tamen ad stimuli adplicationem chemici saltem non semper inertes invenerunt HALLERUS et GUALTHERUS VERSCHUIR 11), imo irritabiliores arteriis esse eas

4) WRISBERG syll. comment. anatom. pag. 64.

5) l. c. pag. 37.

6) WRISBERG l. c. pag. 31. SOEMMER-
RING Gefäßlehre §. 30.

7) C. L. HOFFMANN von der Empfind-
lichkeit und Reizbarkeit der Theile. Mainz
1792. pag. 431.

8) l. c. pag. 154. 159.

9) WEDEKIND über das Betragen des
Arztes den Heilungsweg durch Gewinnung
des Kranken etc. Mainz 1789. in praef. edi-

toris amicissimi mihi JOH. VON HAGEN.
Venulas irritabiliores esse arteriis, asserit
SAMUEL MUSGRAVE über Nerven und Ner-
venkrankheiten. Leipzig 1776. pag. 26.

Pariter quoque venulas irritabiliores arte-
riis esse, ideoque in inflammatione constringi
fuspiscatur HALLERUS Elem. phys. L. 6.
S. 1. §. 39.

10) HALLER Elem. phys. L. 2. S. 2.
§. 4.

11) GUALTHERUS VERSCHUIR l. c.
§. 31. et pag. 84.

eas censuit ille, stimulo chemico eas laceffitans ¹²⁾. Ferro vero irritatas aut inflatas constringi nunquam vidit HALLERUS ¹³⁾. Teneriores enim sunt arteriis, neque pluri-
mam telam cellulofam circumpositam habent, ideoque causticis facilius penetrari, at-
que sicuti corium mortuum convelli poterant ¹⁴⁾. Minime autem paruerunt stimulo
ferri aut inflatus, cum musculares fibrae ab iis absint, quae constrictionem producant.
Quare, causae characterum animi pathematum motae primum seu irritatae cuti, irrita-
tisque vasis arteriosis deinceps adscribendae esse videntur ¹⁵⁾.

Quarto tandem argumento, nervorum vim in arterias demonstraturus teleologia
utor. Cur nempe, inquam, tot tantosque nervos in tunicas arteriarum abeuntes, con-
stantes, iisque in locis positos, ubi cum difficultate sanguis movetur, deprehenderis?

§. XVII.

Qua ratione id producat, quaeitur.

Ergo manifestum esse reor per nervos viribus fibrarum muscularium in vasis arte-
riosis magnam potentiam accedere. De modo, quo id fiat, nunc quaeritur. De ner-
vorum laqueis circa arterias vel constrictis vel laxatis elegantem suam hypothesin ipse
deseruit magnus HALLERUS, postquam evictum esset, nervos in musculorum actione
quiescere, neque ab ulla irritatione breviores reddi. Qua de causa, quid ego de hac re
sentiam, dicam. Ubi ab unda sanguinis ex corde propulsa fibrae musculares arteriae
paululum extensae irritantur, nervis ideo suis irritatio quoque accedit, ut novus stimu-
lus ex laceffito nervo fibrillis muscularibus impertiatur. Cur vero voluntati in circulo
sanguinis nihil sit imperii, ex origine nervorum arteriarum e gangliis pulcherrime ex-
plicari mihi videtur, quae, quidquid alii viri in illam declamant hypothesin, id po-
tissimum efficere videntur, ut quaedam corporis functiones ab animae arbitrio minime
pendeant. Sanguinis tamen circulus ab adfectibus animi turbatur, idque ex nervorum
imperio accidere, monui, quare dixeris, refelli inde gangliorum usus mox concessus.
Ex eleganti tamen CAMPERI) hypothesi in quavis animi adfectu quandam sensorii
partem moveri, rursus hoc vel illud organon imprimis irritantem, quod objectum est,
egregie refelli crediderim.

§. XVIII.

Usus nervorum cardiacorum dictorum exponitur.

De usu nervorum cardiacorum dicturus, pauca monenda restant. Com enim
evictum sit ad nervorum pro vasis pertinentium classem esse referendos, facile, quid
praestent, intelligitur. Qui enim tunicis arteriae aortae vel pulmonum inseruntur,
ipsarum vires musculares augment, alii, qui vasis coronariis comites sunt, et haec quo-
que in propellendo sanguine juvant. Sinistrae coronariae plures esse nervos monui,
propterea, quod ea arteriae pericardio adnata acutiori magis angulo ex aorta prorum-
pens

12) HALLER prim. lin. phys. §. 47.

13) Elem. phys. L. 2. S. 2. §. 7.

14) KRAMP: de vi vitali arter. §. 13.

15) SOEEMMERRING Gefäßlehre pag. 72.

1) SOEEMMERRING Nervenlehre §. 95.

pens angustiore quoque tubum habens, nervorum praesidio magis indigeat. Dextra vero in adipe posita per tenuem ventriculi pulmonalis carnem sanguineam promotura, facilius caeteroquin sese movens pauciores hanc ob causam nervos secum habet. Quos ego minori nervorum copia comitati dixi, coronariarum ramulos in cordis carnem immisos, a cordis densissima carne comprimuntur, sanguis ideo promovetur, quare paucis nervulis ipsis opus est.

§. XIX.

Arteriae non insensilis sunt naturae.

Arterias ob omni sensu esse destitutas, magnus pronuntiavit HALLERUS, tum experimentis, tum observationibus in hominibus adeo convictus, ut exiguos esse nervos arteriarum ex sensu earum omnino debili colligeret ¹⁾).

Magnos multosque nervos in arteriarum tunicis evanescere ipse tamen professus est ²⁾). Sensiles igitur arteriae esse videntur. Ipsas tamen vellicatas dolores non excitate id ob dissectam cutim laesisque musculis nervisque evenisse, quis est, qui dedit?

§. XX.

In causam doloribus membranarum aut ossium inflammatorum inquiritur.

Haud abs re fore putabam, si causam doloris acutissimi certe, tendinum aponeurosum, ossiumque, ubi morbis tentantur, insensilium omnino partium, dummodo absque morbis sunt, examini subicerem. Manifestum enim est, nervorum praesidio arteriis esse opus, ni circulatio languescere debeat, nervosque positos esse iis praecipue in locis, ubi arteriae sanguinem propulsurae impedimenta sint oborta. Quare non est dubium, quin nervi multi certe arteriis sese comites adfocient iis, quae tendines, aponeuroses, vel ossa nutriunt. In his enim partibus duris omnino, immobilibus arteriis firmiter adhaerentibus, neque parum quidem arteriae, dum movetur cedentibus, necesse est, ut nervi arteriarum principium irritabile quam plurimum fovere debeant. Multis igitur nervis, arteriis membranarum, tendinum, etc. a natura concessis, sequitur, ut arteria nimis repleta, qualis in inflammatione esse solet, tendatur, nervulos comites aequè valide tendat. At nervus non omnis, sed parte aliqua extenditur, altera immotus manet, cellulosa ad fibræ tendineam vel osseam immobilis adfixus. Oborta itaque nervi tensione, dolores, gravissimaque symptomata nervoso systemati maxime insensa, oriuntur, a quovis nervo tenso oriundi.

1) Elem. phys. L. 1. S. 2. §. 12. „Exiguas pro totius arteriae portione esse ex debili animo sensu colligi potest.“

2) Elem. phys. L. 10. S. 6. §. 9. „Nervi arterias frequentes comitantur.“

ADDITAMENTUM ad §. 8.

Acerrimum irritamenti genus, proxime detectum, in cor nullos effectus ostendens.

Cum prima fere hujus libelli plagula prelo excidisset, certior factus de nova et antehac incognita nervos musculosque irritandi methodo, ab Italo quodam physiologo *), nomine mihi ignoto, detecta; hanc novam stimulandi methodum, ceteras longe superantem, tentare mecum constitui, ut explorarem, an nervi, quos cardiacos vulgo

*) Intelligit Cl. GALVANI, qui vis electricae, nam vix alia esse videtur, in musculos efficaciam multis experimentis demonstravit multosque suae doctrinae et studii imitatores et fautores nuper accepit: Praeter Cl. GALVANI enim COTUGNO, PASSALLI, VALLI et MAZZINI eadem experimenta repetierunt, ipsamque rem adhuc pluribus disquisitionibus auxerunt. (v. ALOYSIUS GALVANUS de viribus electricitatis in motu musculari. — GALVANI von den Kräften der Electricität in den Bewegungen der Muskeln. Nebst Briefen und Beylagen von VOLTA und andern Naturforschern über diesen Gegenstand. Mit Vorrede und Anmerk. von Dr. J. MAYER, nebst Kupf. 8. Prag 1792. et Analytical Review. August 1792. p. 470. sqq.) Porro EDMUNDUS SCHMUCK Papiae similia et adhuc plura instituit experimenta, de quibus haec ad me retulit.

„Sed non omni modo necessarium est; nervos cruales nudos reddere, et metallo obducere; facilius et minus crudeli modo ranae convulsionibus perfiringere possum. „Tunicam, quae leviter musculos abdominales tegit, rescindo, et abdomen velamento privato super monetam argenteam pono; „insimul dorsum quidquam denudans, lamina plumbea hunc locum obduco, (laminis plumbeis utor, quas operarii ad firmandam fenestrarum vitra adhibent;) hisce peractis per „adstantem ranae pedes retineri jubeo, ne „locum deferere possit, et filo ex metallo ducto tango monetam argenteam, quae armaturam inferiorem constituit; et eodem momento armaturam superiorem ex plumbo, „quae dorso superimposita est: pulchro spectaculo totum animal convulsionibus percu-

„titur. Prout nunc armaturae locum muto, „mox haec, mox illa modo corporis pars in „motum cietur.“

„Idem quasi experimentum paululum modo variatum ita peragitur. Rescissis pedibus „posterioribus, et capite, truncum ranae tunicam suam privans, super monetam, e. g. auream pono, et acum per vertebrarum speciem in medullam infigo, vix monetam cum „acu per arcum conductorem jungo, cum spinnae dorsalis verticula mirum in motum torquentur.“

„Sed adparatio, quae sane oculos percellit, et curiositatem movet, sequenti se manifestat modo. Carnem crudam musculi e. g. „glutei seu ex alio musculo excisam, quae vix decem granorum pondus superat, duabus „laminis ex metallo ductis, diversis in locis obduco, quin autem se tangant. Cum nunc „hasce laminas separatas per conductorem jungo, caro se contrahit et relaxatur, qui „motus alternans repetito ad tactu repeti potest. „Ast non modo ranarum carnes, sed et „musculi, quos in laniena ex animale recenter mactato sumsi, contractiones imitantur; „dummodo irritabilitate destitutae sint.“

„Cum ita varias corporis animalis partes experimentis subjeci, corollarium se mihi „obtulit omni attentione dignum. Si modo „musculi ad tactu conductoris mei obediunt, „qui voluntatis imperio reguntur. Intestina, „ventriculus animalium granivororum et aliorum, et irritabilissimum cor, quamquam „optime armata nunquam se movent, et ad tactu conductorum minime afficiuntur. Haec „experimenta cum animalibus, quae sanguine „calido reguntur, et in quibus sanguis frigidus circulat, repeti, multiplicavi, et semper „per prospero cum successu. Tamen me oportet

vulgo dicunt, eo modo irritati, cor ab ipsis in motu nihil mutari, ostenderent, sicuti per alia experimenta obtinere videbatur. Ut igitur musculi hac nova methodo irritentur, nervum, qui musculos adit, stanno foliato (Stanniol) circumdes, vel illud saltem nervo admoveas, (quod: den Nerven armiren, dicunt;) quo facto, argento vel auro, e. g. nummis vel stilis argento aurove confectis stannum foliatum una cum nervo, sive una cum alia parte, ad quam nervus pergit, tangas. Quibus metallis rite admotis, convelluntur, tremuntque musculi, nulli alii stimulo parentes, etiam duabus horis a morte in frigidis animalibus. In his vero, quae calidi sanguinis sunt, irritabilitatis signa vix per semihoram post mortem musculos edere observavi.

Cum itaque per experimenta, quae in ranis, felibus, cuniculis, canibusque cepi numerosissima, quae tamen recitare, a scopo me abduceret, intellexissem, ab hac nova irritandi methodo alia longe superari irritamenta, immo fluidum electricum, eandem ad cordis, quos dixere, nervos adplicui, eosque irritatos in motu cordis nihil mutare, cognovi.

EXPERIMENTUM I.

Ranae, cui pectus apertum, cerebro laminam stanni foliati admovi, stiloque vel nummo argenteo illud irritavi. Movebantur musculi extremitatum et dorsi et mandibulae. Cor tamen motus suos haud mutatos perfecit, quod horologium, minuta secunda indicans, ostenderat.

C 3

EXPE-

„tet aliquid animadvertere, quo neglecto in
„errorem ducitur experimentator et incassum
„operatur. Metalla, quibus animalis lagena
„leidenfis obducitur, diversi generis sint, ne-
„cesse est. Aurum cum argento, hoc cum
„plumbo, cupro, etc. optime communicat,
„at non ita argentum cum argento, vel au-
„rum cum auro. Praeterea addere cogor,
„me frustra expectasse effectum, cum musculi
„obducti sunt stanno, argento, aut cupro in-
„foliis, quanquam ad formandas lagenas lei-
„denses bene adhiberi possunt.“

„En experimenta, quae circa animalia in-
„stitui. Dum paulo ulterius cogitavi, mihi
„in mentem venit; an non electricitas nativa
„et in regno vegetabili detegenda sit. Sed
„cum in iis modo corporis animalis partibus
„contractionem et convulsiones observavi,
„quae motum jussu voluntatis absolunt, val-
„de haesi. Nam nemo ignorat, plantas esse
„corpora organica, quae motum in voluntate
„non habent. Cum tamen *Linneus* (der kö-
„nigl. schwed. Akad. der Wissensch. Abh.
„Band 24. S. 291.) et novissime *CL. HAGGREN*
„(comm. de reb. in sc. nat. et med. gest. vol.

„31, p. 581) fulgura, quae certae plantae aeta-
„te spargunt, electricitati tribuerunt; *Calen-
„dulam officinalem*, *Tropaeolum majus*, *Li-
„lium bulbiferum*, *Tagetes erectam* et *patu-
„lam*, quae supra nominati autores fulguran-
„tibus adnumerant, experimentis subjeci;
„quibus addidi: *Mimosa pudicam* et *hae-
„dysarum gyrans*. Ad quem finem mox sta-
„mina, pistillum, hanc, vel illam mox plan-
„tae partem metallis obdixi et conductorem
„metallinum ad educendam electricitatem ap-
„plicavi; sed conjectura me non fefellit; nil
„enim contractionis aut minimi motus etiam
„oculo armato observavi.“

Denique et ego tum cum *CL. SOEMMER-
RINGIO*, qui medio mensis Octobris 1792.
in nostra litterarum universitate per aliquot
dies remoraretur, tum etiam in coetu alum-
norum scholae nostrae medicae haec *GAL-
VANI* experimenta repetiit atque eadem in-
veni. Adhibuimus argeum, aurum et
cuprum tanquam conductores atque cogno-
vimus aurum et argentum ad movendas et
excitandas convulsiones plus valere, quam
cuprum. L.

EXPERIMENTUM II.

Alius ranae medulla in collo spinalis methodo consueta irritata, motus musculorum excitabantur, in cordis tamen motus nihil effectum est.

EXPERIMENTUM III.

Cordis ranae e pectore excissi, magna vasa cum stanno foliato circumdata sunt, quoniam prope illa nervi descendunt. Ut irritatio procedat, imposui cor cum armatura nummo argenteo, dein aureo, observavique ictus cordis neque retardari, neque citius invicem sequi; adhibito quoque horologio, minuta secunda indicante.

EXPERIMENTUM IV.

In felis corde e pectore evulso, eadem observavi.

EXPERIMENTUM V.

Felis cerebro ad crura ejusdem usque laminam stanno foliati innissi, irritavique cerebrum methodo indicata. Cor tamen, apertum thorace more suo consueto movebatur, convulsis aliis musculis.

EXPERIMENTUM VI.

Ejusdem felis medulla in collo spinalis irritata methodo saepius indicata ad cordis contractus excitandos nihil contribuit *).

EXPERIMENTUM VII.

Nervi vagi locum, ubi ex olivaribus corporibus nascitur, in fele more consueto armavi irritavique, et cor immutatum mansit.

EXPERIMENTUM VIII, IX, ET X.

Quae me vidisse nro. 5. et 6, narraui, eadem quoque in duobus cuniculis observavi et in cane.

EXPERIMENTUM XI.

Canis nervum Vagum, propterea, quod in canibus ex Vago omnes pene nervos originem traxisse, quos cardiacos appellarunt, sciam, media colli parte stanno foliato circumdedi, admotoque argento irritavi. Cor tamen in animali non mutabatur, caeteris musculis artuum, quorum nervi lacefferentur, vehementer motis.

EXPE-

*) Huc pertinent, quae in Analytical Review August 1792. p. 472 legi: „the heart „did non palpitate, though Mr. MAZZINI „coated the eighth pair whilst that viscus

„was still warm and smoaking;“ et quae Cl. SCHMUCK superius p. 20. commemorabat. L.

EXPERIMENTUM XII.


In cane, aqua suffocato, phrenicos nervos dicta methodo irritavi vidique diaphragma leviter convelli. Arbitrabatur enim clarissimus SOEEMMERRINGIUS nova hac methodo irritatis phrenicis nervis, convulsoque inde diaphragmate, resuscitari posse Asphyxia correptos.

Repetitis ejusmodi experimentis, quorum potiora recensui, intellexi, nervos, quos dixere cardiacos hac quoque methodo irritatos cordis potentiam neque augere, neque imminuere. Quorum vero experimentorum quo major exslet fides, adfuit his laudatissimus vir, SOEEMMERRINGIUS, pro sua, qua in me est, benevolentia.

Nervos vero, ex ganglio sympathici nervi ortos, ipsos laceßere non potui, ob funestas haemorrhagias mortemque animalium metuendos. Difficile est, hos nervos in homine mortuo invenire, eoque difficillimum in animali multoties minori, vivo, anxioque.

EXPLICATIO ICONIS.

Haud ingratum fore sperabam lectori, nervorum ad coronariam sinistram accedentium iconem si tractationi adderem. Sinistrae coronariae ideo nervos depingendos selegi; quoniam plures immo majores ac dextrae eos esse intelligebam. Arteriae aortae arcum facile distinguendum pariter atque pulmonum arteriarum communem truncum, cujus ramum sinistrum discissum ipsamque arteriam communem pulmonalem aortam versus reclinatam vides, ita ut decursum nervorum, qui spatium, quod duabus arteriis pulmonalibus, communis harum trunci faciei inferiori aortaeque interjacet, occupant, destincte cernis. Originem vero coronariae arteriae et quidem sinistreae ex aorta, ejusque cursum per varias ventriculi ut plurimum aortici provincias depictum habes. Vides quoque sinum venarum pulmonalium cum ejusdem auricula, et pericardium reflexum, portionem denique pulmonis sinistreae.



II.

HENR. AUG. WRISBERG

DE

NERVIS ARTERIAS VENASQUE
COMITANTIBUS

§. I.

Nervorum in vasa influxus, assertus et denegatus vicissim.

HALLERI verba, elegantem suam propriam *de nervorum in arterias imperio* theoriæ refellentia, quam cum in Commentariis ad Boerhaavium, tum paullo post in egregia Dissertatione proposuerat, perlegenti, et difficultatem explicationis in re tanti momenti expendenti, minime indifferens esse potest summi Viri prolatum iudicium. Ut enim ipse cum magna argumentorum copia, persuasionis valore narrationis flumine et facundia, tum observationum anatomicarum ubertate, studio et applicatione verisimiliter ostenderit, nervorum circa vasa plicatorum laqueos, mox stringendo, mox vicissim relaxando tantas et sæpe tam stupendas in corpore excitare mutationes; sic paullo post ex nimio irritabilitatis amore, et pro nimia in eam stabiliendam et propugnandam proclivitate „totam hanc deseruit laqueorum theoriæ, (sunt ipsius viri immortalis verba,) ab anno 1752 in secunda sectione commentarii de partium „sensibilitate. Ut enim probabilis videri possit, repugnat certiori phaenomeno, nervi „nempe, dum musculum in motum ciet, perfectæ quieti.“

Cedere itaque debuit hypothesis alii: an probabiliori? an naturæ magis consentaneæ? Dudum omnino et summo cum iure dubitarunt, stringendi vim in partibus omnibus corporis humani irritabilitati adscribendam esse, quæ visibilem oscillationem, crispationem et palpitationem particularum ostenderet. Quot sane motus manifestissimi in corporibus viventibus cum animalis tum vegetabilis naturæ contingunt, absque omni sensibus percipienda partium abbreviatione, aut ulla longitudinis imminutione? Fefellit procul dubio magnum virum laqueorum anasarumque nervearum circa arterias circumvolutio, qualem in subclavia arteria dextri lateris et aorta descendente uterque recurrens ex octavo, et circa art. thyreoideam inferiorem et subclaviam in utroque latere intercostales nervi in ganglia cervicalia media et infima abituri formant. Talium sane anasarum plures, dictis longe majores fortioresque, in chiasmate nervorum brachialium, axillarem arteriam transmittente, et nervo tibiali communi in poplite, divisionem

divisionem arteriae popliteae sustinente, animadvertuntur. De omnibus illis ansis et laqueis uno filamento laxè vas transiens continentibus, sine ulla veritatis specie creditum et assertum esse putamus, stringi inde vasorum lumina, sanguinis circulum inde mutari, constrictione augeri, et medianite hoc mechanismo animi pathematum primaria symptomata in oculos incurrentia, faciei ruborem et pallorem, produci. Ut hoc praesent, longe majore sane opus fuisset longitudinis nervorum imminutione, quam in ullo musculo cernimus, quin imò haec ipsa arterias venasque altius tolleret, motum liquidi contenti, cum totum canalem non amplectantur, nulla ratione sistere, sufflaminare et minuere, liberioresque vicissim subsequente, nervei laquei relaxatione reddere, affluxumque quodammodo augere possunt.

§. II.

Influxus nervorum probabilior redditur.

Verum enimvero si factum ipsum minimè in dubium vocandum est, animi sensa pro diverso corporis habitu, temperamentorum conditione, sanitatis statu cum secundo tum adverso, idea menti vel mitius vel gravius inhaerente, tam amore quam odio, tam gaudio quam tristitia, spe aequè quam metu, iracundia, cupidinis venereae incendio, aliisque modis corpus in hac vel illa parte vehementer affici, ut mox rubore et ira exardescat, mox pallore exalbescat, ut mox cum universum corpus, tum quaedam loca profusissimo sudore madeant, mox ariditate fere cutis siccetur, ut liquorum salivalium bilisque fontes largius aperiantur, qui alio tempore vero, et sub aliis conditionibus justo parcius fluunt, ut crises in morbis perfectae toties tum quantitate cum natura materiei criticae tam saepe mutantur et q. s. a. Quae omnia inquam cum ita sint de causa probabili et vera cogitandum omnino est, quae haec efficiat. Dispiciendum est universum corpus in minoribus et magis latentibus partibus, quae corporea structura mere corporeos producat effectus.

§. III.

Ejusdem argumenti continuatio.

Nervorum in vasa imperio hunc animi affectuum effectum accensendum esse, partim ex amabili decursu et nervorum cum vasis frequentissimo connubio; partim ex singulari proportionè, qua nervi tam diversimode per corpus disperguntur, conjectura jam quodammodo prospiciendum erat. Modum vero explicationis invenire res non adeo facilis est. Spirituum nervosorum et fluidi nervei dominium quamdiu ingenia adhuc irretita tenebat, nemo ausus est, solidae nervorum parti functionis rationem adscribere. Minime autem opus esse existimo ad hypothèses Argenterii Stahliique refugere, et nos tamen nihilominus de probabiliore nervorum actione per solida firma et tenacia filamenta convincere. Exceptis enim paucis organorum sensoriorum locis in retina, molli vestibuli pulpa, tenerioribusque bulbulis in digitis, glande penis etc. in omnibus fere locis universi corporis in tenacissima fila et membranulas, tensioni

saepe satis forti resistentes finiuntur, in plexibus saltem oesophagum vasaque corporis omnia amplectentibus, tantam firmitatem tantumque robur ostendunt, ut de constringendi potentia nulla locum habere possit dubitatio *).

At vero hypothefibus non immorabimur, ipsa corporis nostra interiora lustraturi operam dabimus, quid *quinti*, *septimi octavique* paris et *intercostalis* cum pluribus artuum nervis nos respectu plexuum circa vasa formarum doceat: Selegi enim praecipuos hos corporis animati nervos, quoniam in efficiendo partium quam maxime disfitarum consensu et harmonia, medico ad dijudicandos effectus saepe haud praevisos et inexpectatos, tam necessaria cognitu plurimum conferunt.

§. IV.

Nervorum plexus circa ductus excretorios.

Nec minorem sane attentionem postulat observatio in omnibus cadaveribus confirmata, quod, prouti vasa sanguifera, arteriae praecipue, ita etiam ductus excretorii plerisque in locis sedibusque prae aliis uberiore filamentorum nerveorum copia cinguntur et circumvolvuntur. In majoribus vasorum truncis id quidem vel raro vel nullibi fit, hinc pauci vel saltem exilissimi nervi comitantur aortam descendente, cavas venas, earundemque majores ramos, et validiores crassioresque nervi ab his vasis remotiores sunt. Vasis autem in minores ramos dehiscuntibus, et ad loca ubi praecipuis functionibus inservire debent properantibus, nervi furculi cum iisdem sese jungunt, et pari passu factis circa ea elegantissimis plexibus et retibus cum iisdem decurrunt. Talia conjunctionum exempla praecipue in Infraorbitalibus, Transversali faciei, Maxillari inferiore, Vertebrale, Coeliacae et mesentericarum distributione, Renali et in omnibus fere artuum arteriis. Exinde vero enascuntur multiplices nerveorum filamentorum implicationes excretorios canales et ductus stupenda ratione amplexantes, quales nemo sine admiratione in *ductu Stenoniano* cernere potest, ubi coalitiones ramorum buccinatoriorum et massetericorum ex ramo tertio quinti cum variis furculis ex communicante faciei, eundem ductum cingunt, ita pariter in *ductu Whartoniano*, quem plexus ramii lingualis quinti, in *pelvi renali* furculi ex plexu renali, et in *canalibus biliaris*, quos rami ex plexibus semilunaribus amplectuntur.

§. V.

Notabilia loca ubi ramuli nervi quinti paris vasa amplectuntur et cingunt.

Quinti nervorum calvariae paris dignitas, quod praeter tot musculos et cutis loca nervis muniens, plurimis inter omnia alia nervorum paria sine dubio sensoriorum organorum

*) Sic explicatur tumor faciei, qui comitatur maxillae superioris et praecipue dentium dolorem, vel tumor palati et difficilis deglutitio conjuncta cum odontalgia. Hinc resciant odores fragrantiores corpus, quoniam nasales nervi communicant cum sympathico, qui saltem ad cordis vasa majores

aliqua filamenta demittit. Ex his observationibus explicatur cephalalgia foeminarum hysteriarum. In ebrietate, in apoplexia paralytis linguae ex nervis arteriam vertebralem cingentibus demonstratur et quae sunt reliqua. L.

ganorum instrumentis sentiendi impertit facultatem, jam prae reliquis accuratius et perfectius descripta est, cum non solum a b. MECKELIO ¹⁾ et HIRSCHIO ²⁾ ex instituto universi nervi historia verborum expositione enucleata sit, sed nuperrime quoque ab ill. SCARPA ³⁾ difficilis hujus nervi particula novis inventis cum descriptione tum nitidissima rami naso-palativi, ossium turbinatorum, et palatinorum delineatione aucta et amplificata fuerit.

Solertissimi autem hi viri cum in prosequenda hujus nervorum paris historia suum quivis scopum prae oculis habuerit, mihimet ipsi jam connubium quorundam ejus furculorum cum vasis perferutari proposui.

§. VI.

In ramo primo s. ophthalmico frontali.

In ramo primo quinti paris seu ophthalmico Willisii, melius ophthalmico frontali nominando, nervulorum circa vasa complicationes praecipue in ramo ejus frontali, qui integri rami primi finis est, memorabiles et conspicuae sunt.

Quamvis enim ramulus nasalis cum in forinandis nervulis ciliaribus, tum in progressu ad nares et in continuatione ejusdem in infratrochlearem, ita pariter ramus lachrymalis circa arteriolas quae cum his nervulis versus glandulam incedunt varias formant circa vasa plexulos et reticula, cedere tamen omnino debent illis nunc jam in frontali describendis. Ut vero melius et accuratius discerni illi nervorum furculi possint, qui in retia circa vasa frontis abeunt, in capite, cujus vasa perfectissime repleta fuerunt, cutis cum pericranio a calvaria solvi et super orbitas, remota parte orbitaria ossis frontis, reclinari debet, ut in inferiore cutis et reliquorum integumentorum superficie vasorum nervorumque progressus cerni possit.

Nervus igitur frontalis antequam orbita exiverit, in media aut paullo anteriore ejusdem parte emittit adhuc ramum supratrochlearem, qui se binis vel tribus arteriae ophthalmicae ramis, quae nunc jam nomen suum cum denominatione frontalis commutat, et qui rami in conjunctionem cum arteria angulari oculi interna ex nasali abeunt, et venae ophthalmicae initio se immiscet, et reticulis variis factis, cum in corrugatore superciliorum et orbiculari palpebrarum musculo, tum in palpebris circa easdem ludit. Ipse nervi frontalis truncus autem nunc jam inter arteriam frontalem et cognominem venam in ophthalmicam abeuntem per foramen orbitare superius orbita exit. Si arcum orbitarium ossis frontis attingit, statim cum arteria in duos vel interdum tres ramos, qui deinceps in plures minores dividuntur, dehiscit. Tres illorum denuo bifurcati amplectuntur rami arteriae venaeque, et easdem in reticula et plexulos mutati ita comitantur, ut fasciculus vasorum inter duos nervulorum furculos lateraliter collocatos incedat,

D 2

qui

¹⁾ Diff. de Quinto pare nervor. cerebri. Goett. 1748. (Script. hor. nevrol. min. T. I. p. 145.) et descriptio ganglii sphaeno-pal. in Mem. de Berl.

²⁾ Diff. sist. Disquisitionem anat. paris quinti nervorum encephali. Viennae 1765.

(Script. hor. nevrol. minor. Tom. I. pag. 244.)

³⁾ Annotat. anatom. Lib. II. de organo olfactus praecipuo et de nervis nasalibus interioribus e pari quinto nervorum cerebri. Ticini 1785. 4.

qui filamentis partim ex uno nervulo, partim ex altero emissis cinguntur. Unus eorum ramorum idemque fere maximus magis versus anteriorem frontis regionem temporalem inclinans, occurrit ramo arteriae temporalis orbitam petens et pariter binis furculis cum arteria progreditur, variisque versus arteriae truncum temporalem filis intermediis eandem ambit, et cum filamentis nerveis ex ramo temporali profundo ex musculo in cutem provenientes coit.

§. VII.

De usu et sequelis horum plexuum in laesionibus fronti illatis non improbabilis opinio.

Cum ad explicanda varia in corpore humano occurrentia phaenomena, quorum expositio et naturae consentanea evolutio ex fabrica partium anatomica repetenda est, saepe de singulari usu et influxu plexuum nervosorum circa vasa ludentium cogitarem, et fere convictus essem, tunicis vasorum minorum tantam nervulorum copiam vix impendi posse, quod majores trunci illis careant, aliumque igitur adhuc usum et scopum fuisse debere, praecipue me excitavit etiam amplexuum illorum nervosorum ratio in fronte et locis vicinis, eorundemque circa vasa lusus et amicae alligationes. Rediit mihi his meditationibus dedito in mentem, qualem non raro Chirurgis metum injece- rint laesiones fronti illatae ad producendam amaurosin aliaque oculorum mala.

Ipsae casum scio, ubi ex gravissimo cutis in limitibus frontis et sincipitis ante suturam coronariam, ad cranium ipsum penetrante vulnere, diu post sanationem remanserunt in utroque antea perfecte sano oculo tunicae conjunctivae inflammationes et molestae lachrymationes spontaneae, post anni demum tempus sua sponte cessantes.

Trasavi alium aegrotum, qui lapsu in terram notabilem cutis in arcu superciliorum dextro contusionem, praecise illo in loco ubi fasciculus arteriae et nervi frontalis per foramen orbitae superius orbita egrediuntur, passus est, subsequente et diu remanente oculi dextri dolore, tumore, albugineae inflammatione et lachrymarum immoderata et vix coercibili profusione. Annuo circiter spatio praeterlapso sensim enarratae molestiae minuebantur, et tandem plane cessarunt.

Semel aegroti juveni aliquot tumores cysticos in fronte versus glabellam et in occipite haerentes nucis avellanae magnitudinis excisos et extirpandos curavi: Finita vulneris sanatione, ter vel quater ex levissimo pedum refrigerio vehementi laboravit oculorum inflammatione. Nunc jam ab aliquo aetatis et vitae suae spatio decurrente, licet omnibus aeris et tempestatum iniuriis sese exposuerit, frequenter venatum proficiatur, et in veneris castris non modice militare soleat, ab omni oculorum incommodo liber et immunis est.

Equidem non negabo, vulnera caesae fronti inflata subsecutari esse guttam serenam, aut aliud quoddam oculi interioris vitium visui insidiosum; at enim vero, an tales amauroses ex sola nervi frontalis in fronte laesione, ex communicatione nempe, quae huic nervo, mediantibus nervulis ciliaribus, ex ramo ejusdem nasali, et radice communicante cum pari tertio et ganglio ciliari, cum interioribus bulbi partibus intercedit,

ortae

ortae fuerint, id mihi propter exilitatem illorum nervulorum ciliarium, qui ex ramo primo hoc quinti, cujus nervus frontalis continuatio est, proveniunt, admodum improbabile esse videtur.

Insequi autem posse, si revera annotatae fuerunt, arbitror ex mutatione quadam graviore in interiore encephali parte sub ictu contingente, quae nos latet, cum vita aegroti superstes examen profundioris cerebri regionis, ex qua nervus opticus ortum petit, aut nervi ipsius, non admittat. Ex quibusvis vero externarum regionum laesionibus et operationibus ibidem interdum cum utilitate et prosperitate aegroti suscipiendis, quales tumorum cysticorum exstirpationes sunt, si partibus in calvaria contentis nulla illata injuria fuerit, visus privationem metuendam esse, mihi nullo modo persuadeo.

Sequela igitur enarratae, quae nisi semper, tamen frequentissime omnes illas fronti et regionibus vicinis inflictae plagas, contusiones, tumorum cysticorum et tumorum exstirpationes, forsan etiam trepanationem in fronte et sinu peractam comitantur, ex mea quidem sententia potius arteriae frontalis ramis et nervulorum eorundem circumvolutioni, quam nervo soli adscribendae sunt.

Quodsi enim unus vel alter majorum arteriae frontalis ramorum majorum percisus est, lumina eorum peracta consolidatione vulneris clauduntur, et liberum sanguinis per arteriam ophthalmicam irruentis iter, obturatis pluribus arteriae frontalis osculis tollitur. Ex quacunque itaque causa congestiones versus caput oriuntur, oculus laborabit, donec successu temporis laterales arteriae frontalis rami cum temporalibus coeuntes ampliores redditi, liberiores sanguinis ex orbita in frontem transitum, hactenus impeditum, denuo admittant. Quo itaque restituto incommoda oculi sua sponte pro futuro cessant.

§. VIII.

Plexus nervorum ex Ramo secundo quinti seu Maxillari superiore vasa sequentes.

Nec minus memorabiles quin potius celebriores sunt et copiosiores nervulorum circa vasa complicationes ex *Ramo secundo quinti* enatae. Iam ipse integer *nervi maxillaris superioris truncus* in canale suo et in fissuram sphenomaxillarem ingressu, et involucri suo cinctus, pluribus circumlegitur vasorum tenellorum furculis, qui in subiectis idonea materie repletis egregium offerunt visui spectaculum. Aperta dein membrana illa capsula, quae fissuram sphenomaxillarem investit, et in pinguibus subiectis adipe repletur, quaeque aliquantisper, in interiore saltem lamella, durae matris propago est, archissime sane cum duro nervorum involucri cohaeret, elegantius adhuc vasorum rete ipsam nervi substantiam abducens in conspectum prodit, quod omnes majores ramos sequitur, et praecipue ganglion sphenomaxillare nitidissime amplectitur.

Qui deinceps rami progrediuntur, sive singuli sive cum alio conjuncti, vasa quilibet sua cingunt, et cum iisdem ad varia capitis loca, quibus destinati sunt, abeunt, quorum vero amplexus in nullo tam grandes et multiplicati sunt, quam in nervo infraorbitali, tam in canali suo adhuc latente, quam per faciem jam distributo. Tan-

gendi vero et perscrutandi antea sunt minores hujus nervi divisiones, vidiani nempe, pterygo-palatini, et naso-palatinus Scarpaë.

§. IX.

Ramus Vidianus.

Nervus Vidianus, derelicto ramo suo seu potius trunco pterygoideo, qui in ganglion spheno-maxillare abierat, simul cum arteriola illum concomitante, canalem Vidianum intrat, et in plura filamentula divisus, parvae medullae spinali quodammodo similis, arteriam talem in modum amplectitur, ut paucis in locis per liberos a nervis relictos hiatus rubri parietes arteriae pelluceant. Dum hac ratione nervus Vidianus in canali suo versus posteriorem ejusdem aperturam progreditur, et diversos furculos, partim ad nares, partim pro formanda unione cum portione dura nervi acustici seu *communicantis faciei* in elatiorem aquaeductus Fallopii partem, partim ad formandam cum radice ex sexto nervi *intercostalis* primam originem, exhibuit ediditque, omnes illi arteriae Vidianae furculi tenellis horum nervulorum filis cinguntur. Cum ex his arteriae Vidianae furculis plures in cavernulas ossis sphenoidei spongiosas, ad nutriendum os abeant, microscopii adeo ope tenuissimi nervulorum capilli distingui possunt, qui cum arteriis os intrant.

§. X.

Ramus Naso-palatinus Scarpaë.

Multiplies fiunt in fissura spheno-maxillari cum ramis rami secundi quinti paris et arteriae maxillaris internae combinationes.

*Ramus naso-palatinus Scarpaë*¹⁾, dum ab altiore fossae pterygoideae regione, per fissuram spheno-nasalem supra septum se incurvat, et uti recte celeb. SCARPA²⁾ annotavit, cum arteriola, quae quidem satis insignis est, uti ex periculosis saepe narium haemorrhagiis patet, a ramo palatino-nasali orta, inter periosteum septi narium, et membranam pituitariam per septi narium quodlibet latus ad foramen incisivum s. palatinum anteriùs decurrit, ibidemque cum nervis vasisque membranae pulposae palati coit. Laborem taedio plenum, nec difficultate carentem requirit, rationem expiscari in durissima hac membrana, quam servant vasa nervique per septi narium membranaceam partem decurrentes. Opus fuit, cum in subjectis recentibus, tum in spiritu asservatis, maceratione, ut tractabilius et ad perscrutandum magis idoneum redderetur periosteum, qua ratione vossellae ope tot laciniae et frustula emolliti periostei auferri possunt, ut distinctius vasorum nervorumque decursus cerni et distingui queat. Sub hac encheiresi omnino observationes ill. SCARPAE³⁾ confirmatas vidi, hunc *nervum naso-palatinum* per proprium et peculiarem canaliculum, pone canalem incisivum exire ad membranaceam palati papillam, retro dentes incisivos haerentem, id tamen cum

meis

1) Egregie illum delineavit ill. ANTON. SCARPA in *Anat. Ann. L. II. Tab. I. ff.*

2) *Lib. cit. p. 73.*

3) *Lib. cit. p. 81. 82.*

meis qualibuscunque disquisitionibus vix bene conciliare possum, hunc nervum, „nullo septi membranae dato furculo“ 4) ad palatum procedere.

Nisi omnia sane me fallunt, in illis capitibus, quae antea perfectissime in arteriis injectionis materia ad amissim penetrante ut venae aequae plenae fuerint, repleta sunt; animadvertisse me arbitror, ramum illum nerveum, retia circa comitem arteriam formasse, quae in membranam septi cum ramis vasorum abierint, et filamenta illa nervi, per canaliculos suos ad papillam abeuntia teneriora fuisse trunculo ipso per septi exteriorem superficiem decurrente. Nec minus evidentes fiunt inter ramulos vasorum cum ramis paris primi per foramina laminae cribrosae ossis ethmoidi in septum narium descendentes et haec vasa combinationes, ex quibus non sine aliqua probabilitatis specie ad nervi primi paris cum ramo naso-palatino Scarpae concludi possit anastomosis.

Non plane improbable esse videtur, in notissimis criticis illis narium haemorrhagiis, quae ut plurimum, quin frequentissime aut plane semper ex aliqua septi narium in uno vel in altero vel vero in utroque latere arteria fiunt, jucundam saepe aegrotis titillationem praecedere, quo sensu permoti frequenter digito narium interiorem superficiem fricant cum sanguinis stillicidio subsequente.

§. XI.

Ramus pterygoideus et palatinus.

Implicatur statim *ramus pterygoideus* cum fasciculo vasorum eundem per canalem pterygo-palatinum ad palatum comitante. Exeunt simul cum nervulorum ramis per ossa turbinata distributis vasorum furculi, quos, si membrana pituitaria ab ossibus detracta ab exteriori superficie lustratur, elegantèr cingunt.

Nervi palatini communis per canalem pterygo-palatinum descendens divisio in *minorem ramum*, qui palato molli, uvulae, tonsillis et principio pharyngis furculos dat, ubi etiam primae copulationes cum ramo pharyngaeo ex octavo s. potius glossopharyngaeo, et arteria pharyngaeae Halleri fiunt; et *majorem* per foramen palatinum posterius erumpentem, et per totum ambitum membranae pulposae palati distributum, simul secum affert et deducit vasorum fasciculum, inter quos praecipuus est, et a nobis solummodo scrutandus qui *ramum palatinum anteriorem et majorem* comitem habet, cujusque decursus et distributio incomparabili solertia et nitore depicta est a celeb. SCARPA 5). Referri merentur hujus rami palatini majoris circa vasa palatina complicationes et amplexus mutui inter praecipuos et varietatibus minus obnoxios. Ut vero satis commode illos intueri possimus, requiritur pariter specialis administrationis ratio. Resecanda nempe est ferrae ope coelum palatinum osseum cum arcu alveolari maxillae superioris usque ab alas pterygoideas et partem verticalem ossis palatini, dein separandae sunt alae pterygoideae pone originem illorum ex osse sphenoidæo, ut totus ramus palatinus cum vasis in canali conservetur, avellendum tandem est totum coelum palatinum osseum, et nunc membrana pulposa palati commodissime in illa parte examini potest subijci,

4) Pag. 76.

5) Anat. ann. L. II. Tab. II. fig. 11. 18. 19. 20. 21.

subjici, ubi coelo adhaesit palatino. Dispersitur plerumque, bene repraesentante ill. SCARPA, ramus palatinus anterior s. major per foramen palatinum posterius delapsus, in tres fasciculos majores et aliquot minores, cum totidem fere ramis palatinis dehiscit. Decurrunt junctim versus arcum alveolarem, et dum per exigua coeli palatini ossei foraminula ramuli arteriarum cum nasalibus interioribus communicent, luculenter distinguere potui, etiam tenerrima filamentula ex plexu hoc palatino cum vasis in membranam meatum narium inferiorem obducentem penetrare. Formant nervi plura reticula circa vasorum ramos, et cum iisdem omnem rugositatem membranae pulposae palati perreptant ad gingivas usque. Non reticendum hic quoque est singularis horum nervorum vasorumque varietas, quam hac hyeme in cadavere virginis 16 annorum duplici hiatu palatino instructo, et cujus vasa eleganter cera colorata repleveram, observavi.

Cum perfecto in omnibus partibus narium septo, attamen valde plicatili, deerant binae coeli palatini ossei partes septum cum arcu alveolari jungentes, ut itaque utraque narium cavitas cum ore unum idemque cavum formaret, duplici rictu versus laminam cribrosam ossis ethmoidei ascendens, et septo narium divisum, in cujus summa extremitate alveolari unicus dens incisivus haerebat. In ipso hoc septo quoad vasa et nervos omnia erant naturali statui perfecte similia. Nervus autem palatinus cum arteria ex canali pterygo-palatino descendentes, longe erant minores quam in consueta fabrica in proportionem corporis staturae esse solent, et quicquid vasorum nervorumque alias per membranam pulposam palati solet dispergi, in hoc deformi palatu per gingivas utriusque arcus distribuebatur. Vix autem, si arterias mesentericas et ramos coeliacae excipio, recordor me elegantiores circa vasa nervorum plexulos vidisse illis, qui per gingivas horum arcuum alveolarium disseminabantur.

§. XII.

Nervi infraorbitalis circa vasa irretiti plexus.

Nervus infraorbitalis eodem jure rami secundi quinti paris continuatio et finis censendus est, quo ramus infraorbitalis arteriae maxillaris internae finem facit. Singulari ratione integri nervi maxillaris superioris divisionem cernere possumus, si, *uti in meis iconibus delineari curavi*, decursus nervi maxill. sup. non ex lateribus, uti hucusque factum est, sed ex parte superiore inspicitur, in quem finem omnes superiores partes a basi calvariae cum nervis et vasis et ipse ramus primus quinti paris removendae et auferendae sunt, ut superior ambitus fissurae spheno-maxillaris et spheno-nasalis ubique liber et apertus sit. Incedit integer nervi maxillaris superioris truncus canali suo inclusus recto versus fissuram sphenomaxillarem aut aliquantisper declivis: Si locum attigerit, ubi in varios ramos dehiscere debet, paullo magis versus exteriorem fissurae regionem inclinatur, quasi totus in ramum infraorbitalem abiturus. Ex superiore loco nunc visus, tres praecipue rami, in hoc situ tantum discernendi, notantur, fasciculus nervulorum nasalium versus interiora, ramus Vidianus ab interioribus versus posteriora procedens cum ganglio spheno-maxillari, et ramus infraorbitalis paullo magis
versus

versus exteriora: ramus pterygoideus omnium maxime inferior fissuram pterygo-palatina intrans, cum ab aliis ramis tegatur, ex hoc loco spectatus bene distingui nequit.

Videtur ramus secundus quinti paris quasi in duas portiones fuidi, quarum *minor* paullo magis interior ex ramis constat, pterygoideo, fasciculo nasalem et vidiano, qui ganglio sphenomaxillari uniuntur, *major* autem tota in ramum infraorbitalem cum suis minoribus ramis alveolaribus et subcutaneo malae impenditur.

Hic ramus infraorbitalis in latissima fissurae sphenomaxillaris parte arteriae maxillari internae per hanc dictam fissuram serpentino ductu migranti at in plures ramos, inter quos arteria infraorbitalis maxima est, dehiscenti occurrit, et partim cum hac arteria, partim cum plexu venoso sphenomaxillari mirabili modo irretitur.

Emissis dein ramis, dentali superiore et subcutaneo malae, ramus infraorbitalis cum arteria et vena comite canalem infraorbitalem intrat, et in illo, usque ad exitum ejus in faciem, multiplicibus filis arteriam venamque amplectitur. Dividitur nervus infraorbitalis secundum probatissimas, nunc omnibus jam notas, descriptiones in tres partes, ramum nempe *subcutaneum malae*, *alveolarem maxillae superioris*, et *infraorbitalem*; nisi prior, nempe *subcutaneus*, prouti in multis subjectis fit, et a beato et desideratissimo MECKELIO¹⁾ delineatum est, ex ipso trunco provenit. Unus vel alter ramus, ex hoc vel illo ramo, vel ex trunco ipso interdum proveniens solis musculis prospiciens, nostro scopo non infervit.

Antequam igitur nervus infraorbitalis cum sua comite arteria apertura anteriore canalis infraorbitalis exierit, plerumque tres ramos emittit: 1) *ramulus atrii highmoriani*, qui cum simili ramo arteriae infraorbitalis per exiguum foramen membranam illam petit, quae sinum maxillarem investit: Saepe ex hoc, saepe absque nexu cum illo prodit ramus dentalis cum ramo dentali posteriore ex alveolari anastomosi junctus; nitidum vasorum nervorumque rete format hic ramus sinui maxillari superiori prospiciens. 2) *ramus superficialis nasi*, qui partim dentibus incisivis adhuc fibrillulas mittit, partim nasum attingit: 3) *Continuatio trunci nervi infraorbitalis*. Cum hac ultima et maxima nervi infraorbitalis portione egreditur simul arteria anteriore apertura canalis infraorbitalis declivi paullulum decursu in faciem. Nervus jam in multos ramos divisus arteriam ubique amplectitur et obtegit, ut pauca vestigia translucentis rubrae arteriae supersint. Similes repetitae nerveorum ramorum divisiones et subdivisiones cum vasis repetuntur per reliquum nervi decursum super illam faciei partem, quae inter orbitam, nasum, zygoma, tuber maxillae et labium superius continetur, ut certissime nulla paulo memorabilis arteriola inveniatur in hac regione, quae non binis vel unico ramulo nervi mox rursus divisi et cum altero irretiti cingeretur. Id vero praecipue in ramulis *palpebralis*, *nasalis* et praecipue *labialis* egregie visu est, a quibus stupenda papillarum labii superioris fabrica pendet. Quodsi etiam furculi nervei cum aliis uniuntur, uti in hac parte multiplices tales cum infratrochleari et pluribus ramis communicantis faciei ex septimo pare perficiuntur, fere semper vasorum ramus anastomoseos et unionis comes erit.

§. XIII.

1) *Diff. incompar. cit. Fig. I. 56.*

§. XIII.

 Applicatio hujus structuræ ad phaenomenon quoddam.

Gravitas et dignitas rei sane postulat, accurata et diligente observatione et meditatione in symptomata, usum et sequelas inquirere, quæ ex ejusmodi constante et eleganti nervorum cum vasis copula nasci possit.

A meo sane scopo jam alienum est, ad omnia momenta attentionem dirigere, quæ in morbofo corporis statu, cum auxilium medicum, tum chirurgicum efflagitante, colligi et enodari debeant. Subsistam modo in delibando unico phaenomeno physiologico-pathologico, quod nobis offert *structura papillarum labii oris superioris*. Dixi jam superius, et nunquam satis repetere possum, rarius id fieri, ut nervei plexus majores vasorum truncos, in infimo ventre autem exceptio locum habet, amplectantur, sed in minimis canaliculis id praepræis locum habere. Ejusmodi locis nunc prae omnibus annumerandæ sunt papillæ ita dictæ cutis, et maxime *labiorum oris, linguae, areolæ mammae cum colliculo intermedio, digitorum, penis, glandis clitoridis et villorum intestini lium*.

Labiorum oris, et potissimum *labii superioris papillarum* structura, qualem sub perfectissima vasorum repletione in meis præparatis cernere licet, inter elegantissima naturæ artificia pertinet ¹⁾.

Per totam superficiem rubram utriusque labii oris disseminata est infinita copia villorum, villis in tunica intima intestinorum tenuium hominis perquam similem; reliqua cutis labiorum parte glabra. Major illorum copia in labio superiore, ut ampliore, ubi etiam longissimi sunt: inter plures ejusdem longitudinis et crassitiei eminent alii longiores et crassiores, plerique vero in crassiusculum terminantur bulbulum. Vasa esse maximam partem docet elegans rubor a contenta materia, sed optima lente simul distinguimus tenerrima albicantia fila et maculas, nervorum procul dubio in eosdem continuationes. Qui nunc sensum exquisitum consideraverit, quem adnotis labiis parti cuidam percipimus; qui de periculo infectionis diversæ persuasus est, qua contaminari possumus, si sub quacunque læsione aut destructione epidermidis basis inquinatum os alterius, aut vas quoddam impurum bibendo tangimus, de nervorum in vasa et hos villos imperio non amplius dubitare potest.

§. XIV.

Rami tertii quinti paris ad vasa relationes.

Ramus tertius quinti paris seu *maxillaris inferior*, quamvis omnium hujus paris ramorum maximus sit, non tam multiplices tamen et insignes cum vasis complicationes

¹⁾ Aliquantisper repræsentationem sed minime sufficientem horum villorum invenies in magni incisoris beat. BERNH. SIEGER. ALBINI *Annotation. acad. Lib. VI. Tab. III. fig 1.* Difficultatem exprimendi hos villos egometipse jam bis expertus sum, a diver-

sis pictoribus delineari pro *adversariis academicis* meis curavi, in nulla autem figura id expressum est, quod auditores mei, et qui Museum meum perlustrarunt, admirati sunt.

nes ferat, quam duo rami priores: forsan quod maxima filorum nerveorum suorum copia musculis impendatur.

Notissimum jam est, quod post meas repetitas observationes et iconem ¹⁾, etiam receperunt nostri aevi incisores, duas esse portiones, quae ad integrum par quintum forinandum confluunt, quarumque minor in ramum tertium inclinatur. Ut vero omnes fasciculi portiois majoris multiplici unione et divisione in ganglion seu potius plexum gangliiformem coalescunt, haec portio minor id singulare habet, quod cum plexu illo non commisceatur, sed facta leni versus posteriora incurvatione, cum ramo tertio quidem per foramen ovale cranio egrediatur, facto autem egressu, tota quanta in musculum pterygoideum consumatur.

Divisioni cognitae, quam ramus tertius in plures ramos tam validiores, quam debiliores patitur, cum nihil magui momenti addi possit, id tantum notari debet, varios arteriae maxillaris internae ramos sine constanti ordine per fissas rami tertii portiones vadere: Cum vero nunquam vel haec vel illa cum constantia nervorum plexibus involvatur et cingatur, nobis tantummodo in illis rami tertii quinti paris subsistendum est ramis, qui ad vasa, aut ductus excretorios, eorumque munia pertinere videntur; et si huic satisfacere studemus, perscrutabimur praecipue ramos, *lingualem* et *alveolarem maxillae inferioris*.

§. XV.

Ramus lingualis ex quinto pare.

Conjuncti paullo antea bini nervorum insignes fasciculi, *alveolaris maxillae inferioris* et *lingualis*, maximam filamentorum nerveorum rami tertii absorpserunt: facta illorum separatione, *ramus* tantillum *anterior*, assumpto mediocri filamento, ex cavitate tympani per fissuram Glaseri adveniente, quod sub nomine *chordae tympani*, appellatione minime conveniente, omnibus notum est, sub rami *lingualis* significatione ad linguae apicem properat.

In illa via, antequam linguae carnes attigerit, emittit constantem fasciculum, qui vel propriis suis filamentis, vel uno alteroque furculo a ramo mylohyoideo, vel, quod semel vidi, ex nono pare accedente, in multis cadaveribus, minime in omnibus, in gangliolum quoddam intumescit, optime a beato MECKELIO ¹⁾ delineatum, et maxillare dictum. Dispersi ex hoc gangliolo, aut si talis structura non adest, ex plexu, ramuli nervei cum furculis arteriarum glandularum ex labiali prodeuntium irretiuntur, et minimas illarum divisiones per glandulam submaxillarem dispersas illaqueando insequuntur.

Ex eodem trunci loco, cum radice praecipua ganglii maxillaris provenit *primus ramus communicans* cum nono pare, ex qua unione plures furculi ramum arteriae lingualis superficiei amplectuntur, et nitidum nervorum rete circa eandem formant.

E 2

Sequitur

¹⁾ De quinto pare nervorum encephali, et de nervis, qui ex eodem duram matrem ingredi falso dicuntur. Goett. 1777. (Script. hor. neutr. min. T. I. p. 263.)

¹¹⁾ Diff. cit. Fig. I. 74.

Sequitur dein *alter ramus communicans* cum nono, cujus furculi tam profundiores linguae musculos penetrant, quam arteriam lingualem profundam ambiunt: Paulo post trunco egreditur ramulus nervus insignis ad glandulam sublingualem, et archissimo reti cum vasis sanguiferis glandulae copulatur. Cum tandem truncus rami lingualis ex quinto in plures ramos filius versus anteriorem linguae regionem incedit, ductus salivalis Whartonianus inter duos magnos ramos inclusus, ex quibus tenella filamenta ex uno in alterum mittuntur rete formantia, versus linguae fraenulum procedit, et pone illud in cognita papilla aperitur.

§. XVI.

Ramus alveolaris maxillae inferioris.

Hic ultimus rami tertii paris quinti ramus, quodammodo maximus, paullo post quam ex trunco suo processit, sibi adsociat ramum arteriosum alveolarem maxillae inferioris et venam homonymam. Cum his in fasciculum, duriore cellulosa involutum, cinctus, versus canalem maxillarem decurrit, et licet in transitu per canalem cum nervus tum vasa in ramulos plures dividantur, semper tamen plurium sunt ramorum nervorum, qui vasa intermedia amplectantur.

Quamvis in definiendis corporis humani attributis et structura observationes ex homine desumptae omnes alias praecedere debeant, in hac nostra consideratione annotationes in quibusdam brutis factas, in quibus hic nervus admodum grandis esse solet, praemittere volo. Desumpta est descriptio ex maxilla inferiore vituli, cujus vasa ad amissim erant repleta. Decurrit fasciculus nervorum et vasorum pone limbum inferiorem maxillae, ad quem ipsum pertingunt sacculi illi membranacei et vasculosissimi dentium primordia comprehendentes, ita quidem, ut fasciculo vasorum nervorumque immediate incumbere videantur. Pro hac membrana alveolos obducente fovenda et nutrienda, exeunt ramuli arteriae alveolaris cum binis, tribusque nerveis filis, et repetitis divisionibus et factis anastomosis per membranam distribuuntur, ut tota vasculosissima et ruberrima reddatur: Lentis ope clare potest animadverti, tenerrima albicantia fila, nervulorum propagines, vasa sequi et amplecti. Derelinquit dein hic fasciculus canalem maxillarem, et per aperturam ejus anteriorem in exteriori maxillae inferioris superficie erumpit, et per labium oris inferius dispergitur.

In cadaveribus humanis id tantum diversitatis occurrit, quod non solum canalis maxillaris per mediam maxillae inferioris partem incedat, et sepimenta inter foramina alveolaria crassiora sint, caeterum similis structura in hominibus ac in brutis locum habet. Erumpens per foramen mentale nervus alveolaris maxillae inferioris una cum arteria et vena, ut per regionem mentalem dispergantur; ut plurimum nervus in duas portiones dividitur, quarum quaelibet, cum duobus vel tribus minoribus ramusculis totidem ramos vasorum sequitur, et in minora filamenta fissa, versus labium oris inferius inclinant. Pauci illorum ramorum per cutem distribuuntur, plures superficiei interiori oris reservati sunt, quam eam ob causam tam vasa sanguifera eleganter coccineam, et nervi acutissime sentientem reddunt.

Ut hi nervorum vasorumque fasciculi inexplicabili ratione cum ramis arteriae labialis, et pluribus surculis nerveis ex ramo maxillari inferiore communicantis faciei ex septimo pare communicant, sic praecipua attentione digni sunt illi hujus plexus surculi, qui labium oris inferius ipsum attingunt. In similes enim villos, saltem tam numerosiores, quam structura teneriores mutantur, quam in labio superiore, et procul dubio ejusdem efficaciae in producendis symptomatibus et sequelis sunt, uti occasione nervi infraorbitalis, in labio oris superiore notatum est.

§. XVII.

*De portione dura nervi acustici, seu quod convenit melius,
de nervo communicante faciei.*

Nervus hic, qui ad normam commodioris et brevioris denominandi et significandi rationis, quae antiquis placuit incisoriibus, quinto veterum et septimo recentiorum pari, vel in genere *nervo acustico* annumeratus fuit, sine omni alio fundamento, quam, quod junctum meatum auditorium ingrediuntur. Cum vero semper perpenderem, hunc nervum durum vulgo appellatum, *ortu, decursu, natura, canali* quem occupat, *distributionis sede et usu*, a portione molli dicta paris septimi vel auditorii longissime diversum esse; non amplius dubitavi illos separare, et novo nomine *communicantis faciei* hunc insignire, quam significationem etiam, ceu magis convenientem, tanquam suam assumerent varii magni nominis incisores, ill. PFEFFINGER ¹⁾, et HAASE ²⁾.

Rami superficialis Vidiani in *communicantem faciei* per aquaeductum Fallopii decurrentem insertio, jam primam offert ejusdem cum pari quinto conjunctionem, quam, sub ulteriore progressu mediante chorda tympani denuo confirmans, post exitum tandem infinitis fere anastomosis per omnem faciei regionem cum plerisque ramis quinti paris sustinet.

§. XVIII.

Quaedam observationes respectu magni retis nervosi integri trunci.

Peractum jam et summa cum diligentia et laude fere finitum laborem denuo agerem, si post inimitabilem ill. olim et beati MECKELII ¹⁾ descriptionem et delineationem, portionis durae super faciem decursum denuo proponere vellem. Cum vero a diversa praecipuorum ejusdem ramorum decurrendi, dividendi, et cum ramis quinti paris communicandi ratione, in facie humana tot et tam diversi effectus lineamentorum, characterum et in genere physiognomiae pendeant, quae cum in statu sano, tum etiam morbofo praecipue, voce satis clara et signis observatori instructo indubiis, la-

E 3

tentem

1) In egreg. *Diff. anat. de structura nervorum Part. II.* Argentorati 1783. p. 41. (Script. hor. neutr. minor. T. I. p. 31.)

2) In doctiss. et utiliss. libro *Cerebri nervorumque anatome repetita.* Lipsj. 1781. 8. §. 151.

1) *Mem. de l'ac. roy. des scienc. de Berl. Tom. VII.* vel EJ. *Physiologische und anatomische Abhandlungen von einer ungewöhnlichen Erweiterung des Herzens, und denen Spannaden des Gesichts.* Berlin 1755. 4. pag. 22. — et hor. script. neutr. minor. T. II. p. 204. et Tab. VI. L.

tentem statum significant, non satis repeti, et novis observationibus adumbrari possunt quaevis memorabiles nervi communicantis faciei varietates.

Hacc itaque causa est, cur aliquam semel animadversam, praecipuo meo themati praemittam. Non sine sufficiente ratione credere possum, inter rarissimas varietates pertinere forsitan a nemine adhuc visam, cum manifestam et satis insignem obtulerit *nervi communicantis faciei*, cum ramo satis forti octavi paris recurrente anastomosin.

§. XIX.

Rara nervi duri cum octavo pare anastomosis.

In cadavere adulti hominis die septimo Febr. 1776 examinati nervus durus, datis ramis posterioribus, inconsueta ratione dividebatur, et cum ramo inconsueto conjungebatur.

Media circiter in Parotide, inter acinos ejusdem quasi sepultus, in tres magnos ramos statim dividitur, quorum primus ramum inferiorem, secundus *ramum communicantem cum octavo*, et tertius communem quasi truncum sed brevem rami superioris constituit.

Ramus inferior, consuetam subit divisionem in ramum subcutaneum colli, cum nervis cervicis communicantem, et in alterum ramum versus maxillam inferiorem directum, qui subcutaneo longe major est. Hic ramus maxillaris statim ex separatione a subcutaneo fortem et robustam ansam cum ramo faciali inferiori constituit. Deinceps truncus in duos magnos ramos dividitur, alterum inferiorem et minorem ad oram maxillae inferioris super Masseterem incedentem, qui datis multis furculis in Platysmam yoidem, cutem, Masseteremque ipsum, mentum deinceps attingit, ibidemque pluribus cum labialibus mentalis factis communicationibus, in orbiculari oris, depressore labii inferioris, quadrato menti et cute faciei finitur.

Alter major ramus, exhibitis multis exiguis filamentis ad Masseterem, et nonnullis tenerrimis ramis ad ramos faciales inferiores, in duos aequales ramos finditur; quorum superior statim cum magno ramo transversali faciei confluit, et magnam ansam constituit, alter sive inferior derelicto Massetere versus buccas tendit, cum buccinatorio multis filamentis conjungitur, vix extricabilem plexum constituit, et pluribus filamentis in musculis ibidem positis, cute et angulo oris finitur. Creberrime inde ansae cum ramis facialibus mediis et plexu zygomatico seu faciali formantur.

Secundus ramus, qui in hoc specimine medium constituit, et qui praecipuum observationis a consueto naturae tramite aberrantis sistit, brevissimum modo truncum format, post coalitum cum ramo insigni ex ipso trunco octavi paris supra ortum rami pharyngaei versus foramen stylomastoideum recurrente, in quatuor novos ramos divisum, quorum duo priores, mox a divisione rursus conflunt, et magnam crassamque ansam formant. Foramen potius appellare debemus, per quod migrabat Arteria auricularis. Ex hac deinceps ansa tres magni rami ad faciem mittebantur, quorum superior ramus binis radicibus ex communi trunco oritur, quae inter se pariter novam ansam faciunt, postquam hae radices in unum truncum confluxere, brevi decursu facto,

cum

cum magno trunco secundi rami, qui cum posteriore conjungendo formatur, denuo valide connectitur, et nunc ab eodem separatus, communem quendam truncum pro temporali, frontali, supra orbitali, et zygomaticis superioribus formabat, quorum deinceps a naturali itinere nihil diversi habebant.

Alter ramus horum trium ramorum ex ansa provenientium, binis cruribus oritur, quorum crurum superius ex ansa superiore rami primi vel superioris oritur, inferius ex ansa tertii rami ortum ducit. Nunc brevem truncum format, mox cum insigni quodam ramo posteriore totius trunci duri confluit, et validissimam ansam cum eodem constituit, inter quam magna vena temporalis intercedit, et versus tempora dividitur. Ad hanc ansam formandam quodammodo secundus ramus consumitur, ex qua ansa vel arcu deinceps plerique nervi zygomatici et faciales oriuntur, quare eorundem iter nunc non amplius describemus.

Tertius ramus s. inferior pariter duplici crure oritur, alterum crus ex conjunctione cum ramo medio sive secundo, alterum vero ex ramo magno posteriore, qui in hac observatione, primaria attentione dignus est.

Tertius primarius ramus ex superiori ramo totius trunci, singularem quendam nervum constituit, cuius apud scriptores nervi duri, nulla ratione situs atque itineris mentio facta est. Egreditur nempe truncum portionis durae in loco maxime posteriore atque profundo, retro venam magnam temporalem incedit, eademque obtegitur, et cum reliqui tres rami venae temporali incumbant, hic noster ramus commode *ramus facialis posterior* appellari potest. Elegantissimum spectaculum visu est, quomodo haec vena temporalis per hunc plexum migrat. — Dividitur hic ramus facialis posterior jam sub ipsa vena in duos ramos, aequalis magnitudinis, quorum superior cum trunco superiore, et ansa rami medii confluit, inferior autem cum ramo secundo s. medio conjungitur, et novam ansam facit, ex qua magna ansa sive area, uti diximus, reliqui nervi zygomatici, faciales superiores, medii, atque inferiores oriuntur.

Rara haec varietas, quam ab illo tempore, quo primum eandem vidi, et ex quo cadavere etiam haec descriptio deprompta est, semel elapsa hyeme repetere mihi licuit, admodum idonea videtur, ad mirabilem ventriculi consensum in quibusdam hominibus cum facie illustrandam et evincendam. Non enim adeo infrequens est observatio homines videre, qui, saburra in ventriculo laborantes, miras patiuntur lineamentorum et physiognomiae mutationes, cum singulari musculorum faciei lusu et agitatione: quibus paullo post, impuritatibus sive a nimia ingestorum copia, sive ab humorum gastricorum inquinamento, sive a bile et succo pancreatico, ex duodeno in ventriculum regurgitante, ortae fuerint, vel sursum vel deorsum expulsi, serena frons, et vultus naturalis redit.

§. XX.

Plexus arteriae transversalis faciei.

Inter alias partes, quas nervi communicantis faciei plexus ambiunt et comitantur, illi reliquis facile palmam praeripient, quos a) durus nervus circa *arteriam faciei transversalem* format, b) ubi *venas*, et praecipue *venam magnam faciei* amplectitur, et c) dum

c) dum *ductum Stenonianum* cingit: de primo itaque primum fermo faciendus.

Ramo nempe communicantis faciei superiore in duos magnos ramos, *temporalem* nempe, et *zygomaticum* dehiscente, transit per hanc furcam ramus arteriae temporalis sub nomine *transversalis faciei* cognitus, et anasae instar illam fulcit et sustinet, cum ramulus non mediocris inter utrumque ramum temporalem et zygomaticum intermedium, arteriam transversalem per foramen hoc nervum migrantem excipit, ex quo ipso loco arteria ramum illum insignem massetericum superiorem musculo masseteri ablegat. Ex ramo *temporali* nervi communicantis faciei, qui caeterum tribus magnis ramis arcum zygomaticum supergrediens altiore regionem temporum petit, quartus ramus in longitudine reliquis non cedens cum ramo zygomatico denuo confluit, et ipsi ramo zygomatico nunc insignem conciliat magnitudinem.

Effert sese sub hoc ramorum nerveorum confluxu continuatio arteriae transversalis faciei, et ex loco profundiore in sublimiorem quasi emergit. Rami illi nervei, alter nempe ex ramo temporali, alter zygomaticus, nunc rursus separati, super faciei partem transversalem inter arcum zygomaticum, arteria transversali faciei intermedia, incedunt, et multis minoribus furculis, ex ramo temporali cum retro, tum ante arteriam in zygomaticum insertis reteque formantibus, arteriam tam arcte amplectuntur, ut vix elevari possit: repetitae furculorum nerveorum subdivisiones et novae conjunctiones, parvas inter se relinquunt liberas areolas, per quas rubra pellucere potest arteria. Ubi arteria faciei transversalis nervorum plexu hoc modo inclusa, altiore zygomatis regionem attingit, et in minores furculos dividitur, quorum maximus cum arteria infraorbitali coit, elegantissimo rete nervoso ubique tectus, separati illi rami nervei tandem in unum communem truncum congressi, cum ramo zygomatici descendente masseterico, qui huc usque Stenonianum ductum sequutus erat, confluent, et non solum celebrem illam anastomosis cum nervo infraorbitali rami secundi quinti paris efficiunt, sed etiam cum ramo buccinatorio communicantis faciei in conjunctionem cum ramo buccinatorio rami tertii quinti paris abeunte uniuntur: ex qua unione dein partim numerosi furculi per ipsum musculum buccinatorem disperguntur, partim labiis anguloque oris copiosissimis nerveis filamentis prospicitur, uti egregie a beato MECKELIO annotatum est.

§. XXI.

Plexus nervi communicantis faciei venam magnam facialem in ophthalmicam inosculatam ambientes.

De insigni rete nervoso venam temporalem tam mirifice amplectente paullo antedictum est. Tam grande, et tam copiosis ramis mutuo sibi irretitis, et tam arcte venarum tunicis inhaerens saepe inveni, ut de singulari illius retis nervosi in mutando sanguinis itinere influxu dubitari nequeat.

Luculentius autem ramorum nerveorum communicantis faciei cum vasis sanguiferis circumvolutiones intueri possumus, in observando decursu venae facialis, ab angulo maxillae inferioris usque ad ingressum ejus in orbitam. In ipso enim angulo oculi

oculi interno, ubi ramulos venosos palpebrales recepit, et pone ligamentum palpebrale incedit, copiosis irretitur furculis nervulorum trochlearium cum ramis ex ramo zygomatico et temporali inferiore communicantis faciei unitis. Manifestiores fiunt illi plexus et reticula, si vena facialis, in sinu isto inter nares, zygoma et maxillam superiorem versus buccas progreditur: Ibi enim per tam intricatum rete nervorum transit, quod ex unione infraorbitalis et maximae partis zygomatici formatur, ut verbis vix describi possit. Omnium vero maxima et validissima conjunctio fit, dum vena, derelicta maxilla superiore, in vicinia ductus salivaris Stenoniani super buccas versus maxillam inferiorem incedit. Validi nempe furculi ex ramo zygomatico, cum plurimis ex ramo masseterico duri, aliisque ex ramo inferiore ejusdem cum nervo mentali confluyente, et ramis buccinatoriis et massetericis ex ramo tertio quinti, tam ineffabili ratione inter se confluant et irretiuntur cum vena per illud rete glifcente, ut filamenta nervea pluribus in locis arctissime venam, et ramum arteriae buccalem venae comitem amplectantur et cingant. In hoc etiam loco cum specie veri praecipuam contingere in vasis putamus mutationem, cujus sequela et effectus faciei rubores et pallores sunt, si animi affectibus laboramus.

§. XXII.

Plexus circa ductum salivalem Stenonis.

Paucis modo verbis speciatim tangam nervorum circa ductum salivalem tudentium reticula, phaenomeno illo, tam subito saepe aucti vel imminuti salivae proventus si nervi afficiuntur, memorabilia facta.

Incipiunt jam nervorum filamentula ex ramo temporali et zygomatico provenientia ductum Stenonis amplecti, dum minores salivaris ductus furculi ex diversis parotidis locis in communem truncum confluant. Augentur plexuli illi filis ex rete nervoso elabentibus, quod arteriam transversalem faciei, mox propius mox remotius a ductu salivari excurrentem cingit. Progreditur hoc rete cum ductu usque ad locum, ubi musculus buccinatorem perforat, et in os aperitur. Ibidem enim cum enarratis nerveorum filorum reticulis ex profundiore loco accedentes irretiuntur furculi mediantibus ramo masseterico et buccinatorio ex ramo tertio quinti orti, quorum fila partim musculum buccinatorem petunt, partim strictissime ductus salivaris tunicis adhaerent, et in illis finiuntur.

§. XXIII.

Generalia de nervis cardiacis.

Cum jam limites commentationi academicae, ne in volumen accrescat praescripti, vix permittant, eo ordine quo hucusque usus sum, etiam magnos nervos *oestrum* et *intercostalem* per magnam quem absolvunt campum in vasorum amplexu persequi, quod proxima commentatione, quae historiae nervorum viscerum abdominalium alteram partem comprehendet, peracturus sum, nunc unicam tantum particulam, *nervorum nempe cardiacorum*, seu ramorum ex unione utriusque vagi nempe et interco-

flalis ortorum, ad vasa relationem respicientium cum publico communicabo. Idque eo minus ab instituti mei ratione alienum esse arbitror, quod novas quasdam contineat observationes, ad constituendam et in clariorem lucem ponendam difficillimorum nervorum historiam idoneas.

Quod repraesentationem plexus cardiaci maximi cum difficilem, tum dubiam, naturae minime respondentem, quia falsam et erroneam reddit, sunt numerosissima *vasa lymphatica* glandulis lymphaticis seu conglobatis et arteriis remixta, plexum insignem vasorum lymphaticorum cardiacorum formantia, et tandem partim venae thyroideae mediae et principio venae cavae superioris inserta, partem versus ductum thoracicum migrantia. Oriuntur enim in baseos cordis universo ambitu, praecipue in regione coalescentium sinuum copiosi vasorum lymphaticorum furculi, qui in intervallo venae cavae superioris, arteriae aortae et tracheae, cum jam plures ramuli in glandulas conglobatas confluxissent, non mediocrem plexum formant. Facile incisor in cognoscendis vasis lymphaticis inexercitatus in errorem incidere potest, ut vacua et contorta vascula absorbentia pro nerveis filis habuerit, dubia inde in figuris exhibitae retia enata esse videntur.

§. XXIV.

Nervi vasa cordis amplectentes.

Cordi, viscerum vitalium fere principi, multos naturam nervos impertivisse, facile erat assertu, si perennem hujus partis motum a primis foetuum incunabulis ad extremum vitae halitum durantem, actionem ejus minime in sanis animalibus interruptam, vigorem, efficaciam, fortitudinemque, qua massam sanguinis propellit, languentem fulcit et sustinet, cessantemque saepe restaurat, consideraveris ¹⁾.

Quamvis equidem nostri temporis industria, HALLERI vel ANDERSCHII ²⁾, et NEÜBAUERI ³⁾ indagandi cupidine incensa, neglectum LOWERI ⁴⁾, LANCISII ⁵⁾ hos nervos describendi depingendique studium et laborem, a VIEUSSENIO ⁶⁾ et WILLISIO ⁷⁾ paullo meliorem factum, correxerit, multum tamen abest, omnem hanc disquisitionem plane absolutam, luceque meridiana clariorem redditam esse, ut nihil partim nervorum cardiacorum enodationi in genere, partim eorundem per varias cordis partes distributioni addi possit. Quid quod, ipsa nervorum cardiacorum quantitas minime ita comparata est, ut ex eorum in fibras cordis musculares ipsas dispersione, ad

sustinen-

1) Cum his igitur conferri debent quae habet BEHREND in diss. supra imp. hor. script. nev. minor. T. III. p. 1. L.

2) *Descriptio anatomica nervorum cordis*, nondum promulgata, vel vero quoad picturam, ALBERTI DE HALLER ad figuram nervorum cordis divinatio in *Conm. Soc. Goett. T. II.* — nunc vero una cum tabulis edita in *Script. hor. nev. minor. T. II. p. 113.* et *Tab. V. et V. A. L.*

3) *Descriptio nervor. cardiacorum. Jenae 1772. 4.*

4) *Traſſatus de Corde. Amſterd. 1669. p. 15 ſeq.*

5) *De motu cordis et anevryſmatibus. Lugd. Bat. 1740. 4. Tab. VII.*

6) *Neurographia univerſalis. Lugd. 1683. fol. Tab. 33.*

7) *Cerebri nervorumque anatome. Genevae 1680. 4. Tab. IX.*

sustinendum tam fortem constantemque motum sufficiat, cui vividissima hujus visceris irritabilitas succurrere omnino debuit. Pro hac nervorum cordis paucitate ac tenuitate, magna adhuc illorum pars cordi ipsi eripitur, vasisque illius impenditur. Paucis itaque observationibus de plexibus nervorum cardiacorum in genere ab aliis, ANDER-SCHIO praecipue et NEUBAUERO cum publico communicatis, quae ortum nervi cardiaci magni concernunt praemissis, subnectemus proprias nostras novasque cum de *maximo nervo cardico ganglio longiusculo praedito*, tum de nervulis ex plexibus cardiacis vasa cordis amplectentibus observationes.

§. XXV.

De magno nervo cardico dextri lateris ganglio longitudinali instructo.

Ex iis, quae de nervorum cardiacorum ortu, situ, numero, figura, magnitudine et habitu, tam ex figuris publici iuris factis, quam ex descriptione adjecta collegimus, patet, neminem omnium magni hujus cardiaci nervi ganglio praediti quem *trunci* instar considerare possumus, talem in modum mentionem fecisse, qualem mea adumbratio cum verbis tum iconē repraesentat, et qualem quilibet rei cupidus inter mea praeparata cernere potest, quare absque ulla arrogantia et inclarescendi pruritu eum *novum* appellari debere existimo. Non simplicem varietatem, rarissime inter plura cadavera unico tantum exemplo occurrentem esse, repetitae meae in novem corporibus humanis institutae observationes testantur, quorum sex similem ostenderunt fabricam, conformationem, figuram, situm, magnitudinem aliaque: in tribus tantum tam nervi ipsi quam ejusdem ganglion erant teneriores, et uti a NEUBAUERO descripti sunt. Ad faciliorem nervi hujus cardiaci maximi et ganglii eidem proprii disquisitionem instituendam, et situm ejusdem securius et certius inveniendum, cor a pericardio nudum, e dextris versus sinistra reclinandum, vena azyga cum vena cava superiore vel descendente quantum fieri potest in sinistrum latus dirigenda, aspera vero arteria fortiter versus dextram thoracis regionem ducenda; hoc modo enascitur cavum oblongum, cujus *inferiorem* marginem formant ramus arteriae venaeque pulmonalis, *sinistrum* vena cava superior cum reflexa azygos vena, *dextrum* sinister ramus bronchiorum cum integra asperae arteriae parte inferiore, *superiorem* truncus communis pro arteria carotide et subclavia dextra s. anonyma vel arteria prima, et vena subclavia, in fundo autem hujus foveae cernimus superficiem posteriorem arcus aortae ubi arteria prima illa egreditur.

In hac descripta cavitate, si debita encheiresi, cautela et administratione vasorum lymphaticorum plexus et glandulae, cellulosa et adipis particulae remotae fuerunt, intueri possumus insignem hunc nervum ad totam longitudinem in fundo cavitatis s. foveae super arcus arteriae aortae planum posterius versus cor descendere, et in media aortae parte in ganglion suum oblongiusculum intumescere.

§. XXVI.

Ortus hujus magni nervi cardiaci.

Primam eandemque maximam repetit originem *nervus cardiacus maximus* ex crassissimo nervi intercostalis filamento, quod ex ganglio cervicali superiore trunci continuationem format, et super musculo colli longo descendit. Exit nempe ex hoc nervi intercostalis trunco in regione media carotidis cerebralis filamentum nerveum insigne ipso trunco tamen minus, et paullo magis, in interiore colli superficie pone carotidem communem descendit, antequam fere locum attigerit, ubi arteria thyreoidea inferior sub carotide transit, nervea radix haec finditur, et paullo post denuo cum altero ramo coit insulam constituens, in cujus ramum alterum interiorem inseritur tenerius filamentum ex plexu magno, quem ramuli intercostalis, octavi nonique paris ad exterius pharyngis latus formaverant, alter autem hujus fissae radices ramus exterior exiguum furculum ex trunco intercostalis ipso nanciscitur, nactusque hoc duplex augmentum in elegans sed parvum gangliolum intumescit, in plerisque cadaveribus arteriae thyreoideae inferiori insidens, quod etiam in aliis mox supra mox infra eandem inveni. Ex tenello ganglio quinque furculi plerumque solent exire, duo exigui in tunicas carotidis, tertius major et satis insignis ad recurrentem, quartus pariter memorabilis in thoracem descendit, et inter arteriam anonymam s. primam et venam thyreoideam infimam *nervus cardiacus superficialis* fit, quintus vero, omnium maximus, ulterius descendendo progreditur, et in angulo, quem carotis et subclavia dextra includunt, alteram eandemque crassissimam radicem, ex trunco intercostalis proveniente, secum jungit. Ut alteram nervi cardiaci maximi radicem melius cognoscamus, ratio habenda est progressus nervi intercostalis usque ad ansam subclavialem.

Edita magna illa radice cardiaci, quam primam appellavi, truncus nervi intercostalis versus thyreoideam inferiorem progreditur, in quo itinere unicum furculum, quem tertiam radicem nominavi, cardiaco dedit, super thyreoideam incedit, eandemque exigua ansa amplectitur, quam format novum filamentum ex nervo cervicali sexto accedens, cujus maxima portio cum alio filamento, ex septimo cervicalium proveniente, gangliolum efficit, ex quo deinceps duo filamenta cum trunco intercostalis ipso, et alio filamento a septimo cervicalium emergente, in ganglion *cervicale medium* abeunt, thyreoideae inferiori adsidens. Prodeunt ex ganglio cervicali medio, quod plerumque inter omnia cervicis ganglia minimum esse solet, in fere omnibus quae examinavi subjectis, tres nervi: *primus* idemque exterior, truncum ipsum intercostalis continuans, super arteriam subclaviam dextram se conjicit, ansam subclavialem format, et in ganglion cervicale infimum transit; *secundus*, qui medius est, et omnium minimus, fit cardiacus superficialis, *tertius* interior maximus, trunci nomine dignior quam *primus*, radicem nervi cardiaci nostri constituit.

§. XXVII.

Descriptio nervi cardiaci maximi et ganglii ejusdem.

Magna haec radix, derelicto ganglio, insignem ramulum ex nervulis cervicalibus superius descriptis, qui parvum gangliolum formaverant, sibi insertum accipit, duo

duo etiam filamenta retro subclaviam in ganglion cervicale et canalem vertebralem abeuntia emittit, mutataque directione, nunc interiora magis petit, ubi in angulo, quem carotis et subclavia cum arteria prima includunt, trunculum ex prioribus radicibus enatum secum jungit. Ex hac conjunctione nervus cardiacus ad eandem increvit crassitiem et magnitudinem, quin fere majorem, quam nervus recurrens dextri lateris habet. Sub carotide dextra nervus cardiacus nunc absconditur, ante recurrentem dextrum incedens arteriae primae appressus est. In ipso hoc profundiore retro arteriam primam situ, nova insignis, ex unito ramo qui ex octavo et nono provenit, radix accedit ad cardiacum: ex ganglio tunc cervicali infimo, arteriam vertebralem arctissime amplectente, abscedit ramus non medioeris magnitudinis, sequitur vertebralem usque ad originem ejus ex subclavia, firmiter eidem appressus, ex trunco cardiaci nervi ipso duo rami transversaliter illi inferuntur, ut vertebralem arteriam plexus in modum cingant et amplectantur, junctis dein his nervulis ramus ipse insignis sub angulo acuto ad ortum arteriae subclaviae ex prima, cum trunco cardiaci nervi conjungitur. Truncus cardiaci in ulteriore versus cor progressu integrum rete ex tribus quin quinque filamentis a recurrente dextro ortum, binis radicibus sibi adfociat. Quo facto nunc tandem ex omnibus radicibus conflatus integer nervi cardiaci truncus profundius in thoracem demergitur, et planum posterius aortae in cavitate superius descripta attingit.

§. XXVIII.

Descriptionis continuatio.

Ab ultimae radice in cardiacum magnum insertionem, usque ad novam in minores ramos divisionem, truncus nervi cardiaci maximi ad duorum pollicum et ultra longitudinem laevis et aequalis incedit. Iam ab illo loco, ubi ultimam radicem ex recurrente accepit, intumescere incipit, ganglion novum formaturus: imperceptibiliter intumescencia augetur, donec crassissimo et latissimo loco lineae latitudinem et dimidia crassitiem attigerit.

§. XXIX.

Nervi cardiaci in ramos distributio.

Ex oblonga hac gangliiformi nervi intumescencia divisio nervi cardiaci in plures ramos contingit, qui omnes in intervallo inter aortae planum posterius, venarum carvarum et pulmonarium sinus, ramum arteriae pulmonaris dextrum et bronchum, cor petunt sequenti ratione.

Primus ramus, omnium maxime *anterior*, cum directio totius nervi cardiaci maximi cum sua intumescencia gangliiformi a dextris versus sinistra, in intervallum inter aortam et pulmonarem procedat, in isto intervallo ramo arteriae pulmonaris dextrae incumbit.

Mox post factam a trunco separationem, tenuem emittit surculum, cum parvis aliis ex nervis cardiacis minoribus plexus posterioris provenientibus irretitum, et per

posteriolem arteriae pulmonaris dextrae superficiem tam in tunicas arteriae, quam in bronchum vicinum distributum:

Inclinat dein rami hujus primi truncus versus sinistram arteriae aortae latus, ubi pulmonarem dextram tangit, et copiosa tela cellulosa laxiori involutus, quae in plerisque subjectis adipe repletur, versus ortum arteriae aortae, ubi ex ventriculo aortico prodit, decurrit. Ibidem circa principium arteriae coronariae sinistrae et posterioris in plures ramos dehiscit, alii eorum tunicas aortae implantantur, alii iidemque copiosissimi in egregios plexus mutati, cum arteria coronaria dicta per omnem cordis substantiam, cui haec arteria prospicit, distribuuntur.

Secundus ramus parvus, arteriam pulmonarem dextram petit, et in tunicis ejusdem manet.

Tertius ramus, etiam minoris voluminis, per superficiem posteriorem arteriae aortae in tunicis dispergitur.

Quartus ramus, seu continuatio trunci nervi cardiaci maximi, statim in plures ramos fissus, per dictum inter aortam et pulmonarem arteriam intervallum, versus anteriorem aortae planum excurrit, et late super illam exspatiatur: Praecipui et validissimi illius rami circa arteriam coronariam dextram seu anteriorem in similes elegantes plexus mutantur, uti de ramo primo respectu alterius coronariae dictum est, et cum ramificationes hujus arteriae sequantur, mediantibus illis vasorum ramis per alteram cordis dimidiam late disperguntur.

§. XXX.

Plexus circa arteriam vertebralem.

Coronidis loco adhuc, donec paratas meas et absolutas observationes de nervorum vasa cingentium in reliquis corporis partibus amplexibus publici juris faciam, insigne vas paucis attingere volo, quod in excitandis animi affectuum sequelis, inter praecipua et efficacissima pertinet, nempe *arteriam vertebralem*. Duo praeprius loca sunt, ubi non mediocres nervorum rami illam amplectuntur; *Par primum nervorum cervicalium* ASCHII, et *ansae nervi intercostalis* in regione ganglii cervicalis infimi, in loco igitur ingressus et egressus, ubi arteria vertebralis canalem vertebralem petit.

De inferiore loco primum dicturus.

Arteriam vertebralem subclavia egredientem varii insignes nervi amplectuntur, antequam canalem suum osseum attingit. a) Continuatio nervi intercostalis ex ganglio cervicali medio, ansae instar circa arteriam subclaviam recurva, et in ganglion cervicale infimum abiens: b) c) d) tres fasciculi fortes ex ganglio cervicali infimo, et cum furculis ex recurrente in plexum cardiacum inagnum consumti: e) f) duo minores rami ex ganglio in intervallum quod subclaviae et vertebrali intercedit: g) h) i) tria crassa filamenta ex pari septimo et octavo cervicalium, et primo dorsali, ad augendum et amplificandum ganglion cervicale infimum consumta:

Ex omnibus his nervorum ramis circa ingressum arteriae vertebralis in suum canalem sitis, partim ex uno partim ex altero, semper autem ex tribus vel quatuor eorundem,

dem, multi nervorum fasciculi super arteriam sparguntur, quorum irretitae inter se complicationes in aperto canale facile cerni possunt.

Alteram nervi memorabilis cum arteria vertebrali copulam perficit, paris primi nervorum cervicalium ill. ASCHII truncus ¹⁾. Arteria nempe ex foramine processus transversalis atlantis emergente, et inter occiput et primam vertebrae versus foramen magnum occipitis properante, integri paris ASCHII truncus dura matre medullae spinalis egressus, posteriori arteriae vertebralis superficiei arctissime incumbit, et, latae fasciae instar, super dimidiam superficiei partem arcuatae arteriae expanditur: Ex ipso jam divisionis loco, ubi par primum in varios ab ill. ASCHIO enarratos ramos dehiscit, tres vel quatuor tenelli fasciculi per arteriae vertebralis tunicas sparguntur, et cum eadem foramen occipitale ingrediuntur, ut saepe albicantia nervorum fila in arteria basilari distinguere potuerim.

Si cum his arteriae vertebralis fasciculis comparare volumus, quae carotidi cerebri, per canalem suum progredienti, ex intercostali, ejusdemque praecipue ganglio cervicali supremo impertiuntur nervulorum propagines, nervorum in has cerebri primarias arterias imperium minime in dubium vocari potest.

1) Elegantissimam et accuratissimam hujus paris cum descriptionem tum picturam exhibuit Vir summus in Diff. anat. de Primo *pare nervorum medullae spinalis. Goett. 1750. (hor. script. nevr. min. T.I. p. 310.)*



III.

HENR. AUG. WRISBERG

DE

NERVIS PHARYNGIS.

§. I.

Utilitas et necessitas disquisitionis subtilioris nervorum pharyngis.

Nervorum pharyngis novas traditurus observationes, facile ab iis assensum me impetraturum fore arbitror, qui cum dignitatem quin necessitatem hujus disquisitionis perpendunt, tum accuratam, concinnam et completam illius nevrologiae partis explanationem in scriptis anatomicorum et physiologorum frustra quaerunt. Observantes enim attenta mente deglutitionis rationem, admitabuntur, quanta nempe, imo saepe incredibili, velocitate omnia, sive solida sive fluida fuerint ori ingesta, tam regulariter in oesophagum promoventur, ut nisi muscutorum actio ab alia superveniente causa, ut tussi, risu, fletu, voce, sternutatione etc. turbetur, mirabili ordine succedat.

Non sine justa autem misericordia homines intueri possumus, qui labefactata ex qualicunque causa, sive corpus peregrinum faucibus impactum haereat, sive ex vulnere quodam externo unus alterve pharyngis nervus affectus fuerit, deglutiendi difficultate laborant, quanta torqueantur anxietate, quantum dolorem patiantur, donec remoto impedimento partium libertas restituta est. Similem angorem et inquietudinem in omni anginarum specie observamus, praecipue autem in angina tonsillari.

Omnem tandem superant fidem horrenda illa sub spastico hydrophobiae stadio, sive morfu animantis rabidi contaminatus homo fuerit, sive febre acuta maligna et phrenitide laboret, oborta symptomata, anginoideis, si tantum horrorem aquae excipias, cum acutis tum chronicis admodum similia. Haec cum in variis hominibus, praecipue hypochondriacae atque hystericae naturae, nervosis itaque affectibus et quodammodo tumultibus quam maxime pronis, si in febres malignas et phrenitides incidunt, probabiliter analogiam quandam habent cum notis illis colli, pharyngis laryngisque spasticis doloribus, qui in febribus malignis, itidem minori in gradu in anginae quibusdam speciebus, uti nuper in juvene hypochondriaco aegroto expertus sum, deliriorum prodromi esse solent. Propter illam hydrophobiae et quibusdam anginis familiarem summam pharyngis stricturem, dolorem ardoremque, non modo excusandus est JOSEPHUS ab AROMATARIIS cum ROERHAAVIO illi assensum praebente, si rabiem caninam anginoideam faucium inflammationem esse dixerit, sed etiam, non ob-

stante

stante sectione cadaverum, et egregio vomitoriorum in hoc morbo rabioso usu, satis refutatus nondum est.

Si ultimo denique loco abominabile hydrophobiae proprium symptoma perpendimus, aegros, licet summo potus desiderio flagrent, si gutta tantum aquae linguae partem tetigerit, horrendas illas pharyngis stricturas oriri, ex consensu vagi et accessorii truculentas illas cardialgias et tormina produci, et ex sympathia nervorum faucium, pharyngis, reliquique corporis, universam machinam convelli, de utilitate et necessitate subtilioris nervorum pharyngis disquisitionis et indaginis persuasi esse poterimus.

Nevrologiae studium et cognitio etiam hic multum ad illustrationem et comparisonem mali truculentissimi confert, neque vel hoc nomine, quae a quibusdam ignavis hominibus dicuntur vulgo anatomicae subtilitates, decet per ignorantiam contemnere, cum nullibi haec subtilia satis sint, quae lucem qualemcunque praeccludant.

Cum primae huic canalis primarum viarum parti, quam pharyngem appellamus, ex tribus fontibus nervi suppedientur, ex *pari quinto*, *octavo*, et *intercostali*, in tria itaque capita commodè dispesci potest, quod observationes et experientia me docuerunt.

C A P U T I.

DE NERVIS PHARYNGIS EX QUINTO PARE ORTIS.

§. II.

Generatiorum de nervis pharyngaeis ex quinto pare ortis observationes.

Licet haec prima canalis primarum viarum pars, *pharynx* dicta, praecipuos suos nervos ex octavo, seu potius illius portione, *glossopharyngaeo* nasciscatur, sunt tamen omnino in *parte pharyngis superiore*, a nobis *palatina* ¹⁾ nuncupata, minime contemnendi nervorum fasciculi, qui originem ex quinto pare petunt. Referimus huc praecipue, a) furculos ex *ramo vidiano* rami secundi, b) ramulos *nervi palatini* ejusdem fontis, c) ramulum *pharyngaeum* rami tertii, qui in multis subiectis, nisi id jam a *nervo palato-pharyngaeo* factum fuerit, cum ramo retroflexo ex *glossopharyngaeo* tradito in unionem abire solet.

§. III.

1) Ut in ampla pharyngis regione ramulorum nerveorum distributio accuratius determinari possit, in tres partes illam dispescere convenit, *palatinam*, *tonsillarem*, et *laryngaeam*. Respondent satis bene receptae distinctioni musculorum pharyngis in constrictorem superiorem, medium et inferiorem. Quemadmodum vero post elegantiores clar. GAUTIER *Myologie complete en couleur*. Paris 1746. fol. max. Tab. IX. beati

ALBINI *Tabulae Sceleti et musculor. corp. hum. Lugd. Bat. 1747 fol. max. Tab. X. J. B*** *Traité de la cephalotomie. à Avignon 1748. 4. Tab. 15.* SANTORINI *Septendecim Tabulae. Parmae 1773. 4. Tab. VI*, figuras vix quidquam magni momenti de hac parte pingi potest, ita egregia ill. HAASE *descriptio in Myotomiae specimine de musculis pharyngis et veli palatini*. Lips. 1784. omnia exhaust.

§. III.

Nervi pharyngis ex Vidiano.

Primum omnium pharyngis nervorum originem procul dubio formant, tenelli illi fasciculi, qui ex *nervo vidiano* in ipso canale ¹⁾, numero inconstante, cum duos, tres, modo unum viderim, musculos ingrediuntur a tuba eustachiana et alis pterygoideis ortos, sub nomine salpingopharyngaei et pterygo-pharyngaei, cum cephalopharyngaeo altissimam crassae illius tunicae muscularis quae pharyngem format partem petentes, quam regionem pharyngis palatinam brevitatibus causa appellamus. Propter duriores hujus regionis naturam, cartilagini fere similem, praeparatio horum nervulorum admodum difficilis est: conabimur vero aliqualem descriptionem exhibere.

Nervus vidianus, quem b. MECKELIUS tam egregie repraesentavit in suo canale, magnum nervulorum fasciculum caudae equinae instar format, arteriam venamque vidianam includentem, qui minimis furculis, arteriis ciliaribus similibus modo tenerioribus, circa nervum ejusque furculos ludunt: Uti nunc ex nervo vidiano plures furculi cum ad nares, tum ad aquaeductum Fallopii nervum durum continentem, et ad canalem caroticum ablegantur, ita cum ramulis vasorum vidianorum aliquot tenella filamenta paullo post quam rami *nasales superiores posteriores Meckelii* ad vomerem et tubae Eustachii aperturam exierunt, ex eodem principium pharyngis ab osse occipitis etc. proveniens ingrediuntur. Difficile omnino est in crassa et fere cartilaginea substantia qua pharyngis initium cum osse occipitis, petroso et tuba Eustachiana nequitur, exiles et molles nervulos praeparare. In subjectis autem, in quibus vasorum repletio cum in arteriis rubra, tum in venis coerulea materia bene successit, si examen instituitur, prouti in duobus ego feci, elegantes anastomoses cernere possumus, quas tenera haec vasa propter repletionem vero visibilia et discernenda, cum ramis vasorum palatinorum formant. Proceunt deinceps cum musculorum fascienlis a tuba Eustachiana sub nomine salpingo-pharyngaei in pharyngem inserti, ad eundem saccum, et imperceptibili tenuitate distribuuntur.

§. IV.

Nervi pharyngis ex ramo palatino quinti secundo, et ex ramo tertio quinti.

Harmonia, et conspirans actio functioneque palati et pharyngis ex illa quoque elucescit anatomica observatione, quod superiori pharyngis principio, ex uno eodemque insigni rami secundi paris quinti, qui respectu praecipuarum palati partium, quibus prospicit, summo jure *nervus palatinus* appellatur, furculos nerveos non mediocres obtineat.

Ex ramo nempe palatino posteriore, seu minore, qui uvulae, velo palatino pendulo, itidemque tonsillarum vicinitati, uti etiam ex *nervo palatino exteriori* ¹⁾, quem commodè *palato-pharyngaeum* appellare possumus, duo vel tres fasciculi ablegantur ad

1) Secessum horum ramorum bene expressit ill. SCARPA *Anat. ann. Lib. II. Tab. II. Fig. II. 10.*

1) Eleganter repraesentati apud ill. SCARPA *T. II. Fig. II. 25. 32.*

ad pharyngis partem palatinam, qui per carnes ejusdem distributi, in nonnullis subiectis occurrunt aliis furculis ex ramis glossopharyngaei retrocedentibus versus superiora, ut una, cum vasorum plexu, cum his nervulis in copulam abeunt.

Tertius tandem fons, ex quo pharyngis parti palatinae ramuli nervei subministrantur, est ramus tertius quinti paris ipse; in verticaliter dissecto capite, par quintum a parte interna perquisivi, removebam itaque omnem posteriorem s. internam partem ossis petrosi, corporisque sphenoidei, dissecui tubam Eustachianam et omnes ibidem jacentes musculos cum velo palatino, palato ipso, lingua etc. removi, relictus mansit musculus pterygoideus. Iam vidi duo tenuissima filamenta nervea trunco rami tertii exire, quorum alter super musculos pterygoideos oblique versus os et velum palatinum progreditur, alter autem versus posteriora inclinans per duriores altissimi pharyngis carnes dispergitur, cum hujus ramis de novo anastomoses fiunt cum ramis recurrentibus ex glossopharyngaeo. Mihi non omnino improbabile esse videtur, hanc forsan nervorum copulam insignivisse ill. COTUNNI, cujus mentionem fecit ill. et exoptatiss. MARTIN²), licet ego nec unionem cum septimo pare, nec peculiare gangliolum in illo invenire potuerim.

CAPUT II.

DE NERVIS PHARYNGIS EX OCTAVO PARE.

§. V.

De integra octavi paris nervorum serie generatioris observationes.

Dudum jam procul dubio oportuisset incisores antiquum dimittere errorem, tres, in tam multis attributis diversas nervorum series, quae recte monente SANTORINO¹) incongrue fascies nominantur, sub uno eodemque octavi vel vagi paris nomine comprehendere. Res vero semper eodem in statu mansit, donec beatus ANDERESCH, et secundum mentem meam egregius olim discipulus meus celeb. SOEMMERRING²), ramum glossopharyngaeum ab octavo separare inceperint. Id mihi a primis temporibus, quo auditoribus meis fabricam corporis humani ostendere et illustrare debui, naturae convenientius visum est, cum nervo glossopharyngaeo, alteram nervorum classem inchoare, et medullae par primum nuncupare, cujus alterum deinceps ipse nervi truncus fit, et tertium par linguale medium vulgo nonum dictum, quae tria paria, primum universae medullae nempe medullae oblongatae nervorum ordinem componunt; alter dein ordo continet nervos cervicales quorum principium est notissimum par primum ill. ASCHII.

§. VI.

Exitus octavi paris.

Omnes tres fasciculi, vel potius series, nempe Glossopharyngaeus, Vagus et Accessorius, qui juncti juxta receptum loquendi usum integrum octavi paris truncum

G 2

compo-

2) Institution Neurologicae. Part II. p. 36.

2) Diff. de basi encephali. p. 159. (hor.

1) Tabulae Septendec. p. 26.

script. neutr. min. Tom. II.)

componunt, intrant sinum illius osseum, inter partem petrosam ossis temporum et os occipitis medium, vel cum vena jugulari communem, vel uti saepissime fit, lingua ossea a fossa jugulari separatum.

Profundum quasi illud ahenum, satis accurate sub foramine meatus auditorii interni, quem auditorius nervus cum communicante faciei intrat, situm est, aliquot lineas saltem inferius, magnitudinis fere ejusdem. Laxa quadam arachnoideae continuatione in patina vel aheni dura matre obducto, cinguntur, ad exitum vero sese accingentes, hi tres nervi in ipsa hac fovea separantur, et tribus in dura matre fabricatis canalibus, qui saepe etiam in ossibus seorsim parati sunt cavitate cranii egrediuntur. Melius hoc sane cerni nequit, quam si bini superiores fasciculi, *glossopharyngeus* inquam et *vagus* ab interioribus versus exteriora reclinantur, nitidissime enim sub hac encheiresi oblongum et horizontaliter directum canalem superiorem, quem *glossopharyngeus* ingreditur, medium eundemque maximum pro *vago* magis verticaliter descendentem, et tertium inferiorem pro *accessorio*, ab initio leni acclivique quodammodo ascensu, deinceps declivi descensu directum cernere possumus. Quemlibet autem nunc jam seorsim considerabimus.

SECTIO I.

DE NERVIS PHARYNGIS EX GLOSSOPHARYNGAEO.

§. VII.

Progressus glossopharyngei, gangliolum petrosum et divisio ejusdem.

Primus eorum *Glossopharyngeus* recte appellatus, ex 4 5 etiam 6 minoribus fasciculis nerveis coalitus, per canalem suum in dura matre factum descendens, intra calvariam nullum amplius habet cum vago commercium, si apperturam sui canalis semel ingressus est. Cum pone parietem posteriorem et inferiorem cavitatis tympani versus inferiora progrediatur, facile suspicari possumus, anne filamentum communicans cum nervis auditoriis adesset¹⁾; nihil vero deprehendi, quod ullo modo huic opinioni ansam dare posset, id tamen minime infrequens est, in ipso canale filamentum abire, quod principio statim musculorum a stiliformi processu orientium impertitur.

Proxime adjacet nervus in *ganglion petrosum* intumescens lateri anteriori venae jugularis internae, cui etiam unum alterumque tenue furculum in multis subjectis exhibuisse vidi. Si tenellorum illorum furculorum abientium plures adfuit, *gangliolum illud petrosum*, quod omnino ratione figurae oblongae ganglio cervicali superiore simile est, non inter minima ganglia referri debet.

Truncus

1) Beat. ANDERSCH lib. cit. §. 3. p. 4. de ramo ascendente auris internae, et ganglio petroso ex hoc nervo glossopharyngeo (ipsi octavo nervo capitis) loquitur; fateri autem debeo me quidem tenerrima filamenta albi-

cantia, ex canale membranaceo hujus nervi parieti auris internae adhaerentia vidisse, quae vero potius pro fibris durae matris, quam nervorum habenda esse arbitror. — cf. hor. script. neutr. min. T. II. p. 115.

Truncus nervi *glossopharyngaei* per canalem suum cranio egressus in plerisque subjectis in quinque ramos praecipuos dehiscit, quorum quatuor priores et minores, partim cum ramis ex vago, partim cum nervis mollibus ex intercostali, partim inter se diversimode cohaerent, omnes autem per pharyngem distribuuntur, quintus idemque maximus, *lingualis* recte dictus, versus linguae radicem procedit. Hanc divisionis rationem in plus quam viginti cadaveribus annotavi: in 7 exemplis in tres ramos secessit, in 4 cadaveribus duos ramos aequalis magnitudinis vidi, unicum mihi tantum huc usque obvenit, in quo cum ramus lingualis jam altiore in loco in ramos suos musculares, pharyngeos et linguales divisus esset, octo ramos majores aliquotque minores numerare potuerim, et sub hac varietate vidi, ramulum unum vel alterum cum nervulis ex classe mollium copulatum, in plexum cardiacum descendisse, non absolute constans esse puto, in omnibus hominibus altissimam nervorum cardiacorum originem ex glossopharyngaeo repetendam esse.

§. VIII.

Ramus communicans primus.

Primus constans et perpetuus ramus, etiam ratione magnitudinis sua attentione et appellatione dignus est *communicans primus glossopharyngaei*, cum ramo pharyngaeo ex vago plerumque ex infima ganglii extremitate egreditur, et in variis subjectis furculum communicatorium, uti beatus ANDERSCH illum appellat, in truncum vagi abire vidi: minimo vero constans est, nam in aliis cadaveribus humanis, etiam in cane, in quo animantium genere nervus glossopharyngaeus admodum grandis esse solet, illum ramulum non inveni. Crassiusculus quidem hic ramus est, sed reliquis brevior, praeter tenerrimos binos furculos, cum nervis mollibus ex intercostali confluentes, recta via descendit ad latus exterius arteriae carotidis, et cum ramo pharyngaeo ex vago in latere exteriori hujus rami confluit, et notabile voluminis augmentum huic ramo affert, ex quo confluxus loco dein plures per pharyngem nervi distribuuntur, de quibus occasione rami pharyngaei ex vago sermo erit.

§. IX.

Secundus glossopharyngaei ramus muscularis.

Secundus ramus Muscularis a me dictus, quoniam praecipue stylohyoideo et biventrei prospicit, priori ratione magnitudinis similis, ex eodem fere loco ortus, paullo magis versus exteriora dirigitur. In molli et mucoso cellulari contextu, qui musculos a styloformi processu provenientes, cum carotide et vena jugulari necit, a ramo communicante primo, quocum adhuc necit, secedit, et versus exteriora paulisper decurrit, statimque ramosus fit; minorum furculorum alii pariter cum nervis mollibus junguntur, et reti vasorum pharyngeorum immixti, superiores pharyngis regionem attingunt, ibidemque finiuntur, et anastomoses supra notatas efficiunt: maxima autem portio partim in musculum stylohyoideum, partim in musculum digastricum distri-

boitur. Interim tamen notandum est casus occurrere, in quibus vel digastricus, vel stylohyoideus hunc ramum solus absumit, frequentius vero per utrumque dispergitur.

§. X.

Ramus communicans secundus.

Tertius ramus satis accurate iterum *communicans* idemque *secundus* cum ramo pharyngaeo ex vago appellari potest. Cum quarto ramo pari ratione aliquantulum cohaeret, uti primus et secundus ramus cohaeserant. Excepto ramo *quinto* s. *linguali*, qui trunci glossopharyngaei, uti continuatio ita et finis est, hic ramus tertius reliquos ramos magnitudinis superat. Paullo magis declivi descensu versus anteriora dirigitur, admodum inconstans vero est ratione divisionis, licet firmitatem naturae constantiam respectu finis observaverim. In multis, et asserere auderem in plurimis subjectis, absque omni alio ramo edito versus ramum pharyngaeum superiorem ex vago properat, et in mediam hujus rami circiter partem paullo exterius in illum abit, illo praecise in loco, ubi ex eodem ramo pharyngaeo superiore praecipuus ramus pharyngaeus inferior seu radix ejusdem exit. In aliis duo, tres, quin quatuor parvi furculi abeunt, et pharyngis regionem tonsillarem attingunt, factis nonnullis anastomosis cum proprio *ramo tonsillari* seu quarto ex trunco glossopharyngaei: et editis his furculis deinceps cum ramo pharyngaeo superiore ex vago, uti superius dictum est, coalescit.

§. XI.

Ramus tonsillaris.

Quartus ramus constans quidem, sed omnium minimus, satis convenienter *tonsillaris* dicitur, cum praecipue vel solus, vel cum aliis remixtus, ambitum pharyngis tonsillarem petat. Emittit aliquot exiguis furculis in musculum stylopharyngaeum, ramus ipse versus ramum pharyngaeum superiorem ex vago inclinatur, et in binos ramos dehiscit, *alter minor* revera ramo pharyngaeo inferitur, seu potius nactus ex ramo pharyngaeo superiore, ejusdemque ganglio radice, in alium ramum *tonsillarem interiorem* increfcit, et dum retro venam pharyngaeam ejusque ramos tonsillares incedit, cum alter major ramus tonsillaris exterius ante venam processerit, in plures ramulos inconstantis numeri dividitur, qui omnes in pharyngis regionem tonsillarem distribuuntur. Egregium sane spectaculum est, frequentes illas anastomoses intueri, quas hi ramuli, reti venoso pharyngo-tonsillari impliciti, partim cum ramo tonsillari exteriori, partim cum ramulis recurvis, ex ramo pharyngaeo superiori vagi versus anteriorem pharyngis regionem ascendentibus formant. *Alter ramus major tonsillaris* proprie dictus exterior inter musculum stylopharyngaeum et rete venarum pharyngo-tonsillarum in exteriori latere decurrit, et ubi venam tonsillarem magnam tangit, cum furculo ex tonsillari ramo minore et interiore elegantem ansam format, qua ipsam venam amplectitur et fulcit. Nunc statim multi ramusculi exeunt in regione tonsillari pharyngis, cum furculis superius descriptis uniti, et multiplicibus ansis et anastomosis cum venis irretiti,

irretiti, maximus horum ramorum paullo magis a regione tonsillari deflectit, et per fibras tunicae muscularis pharyngis repetitis divisionibus sparguntur, quae sub nomine glossopharyngaei, hyopharyngaei etc. notae sunt. Infinitis ibidem cohaeret anastomosis cum ramulis ex pharyngaeo superiore vagi factis *).

Copiosis illis nervorum cum vasis sanguiferis copulationibus, et in genere magno nervulorum per tonsillarem pharyngis regionem distributorum numero, vehementia dolorum et symptomatum, si hae partes affectae sunt, adscribenda est.

§. XII.

Ramus glossopharyngaei lingualis.

Quintus ramus, ratione partis cui prospicit, *lingualis* commode dictus, est vera trunci continuatio et finis, quatuor prioribus ramis longe maior. Exeunt ramo, antequam ductu muscoli stylopharyngaei versus pharyngis regionem tonsillarem et linguae radicem progreditur, tres, interdum plures parvi et exiles furculi in pharyngis partem palatinam, ibidemque distinctis anastomosis cum ramulis rami descendentes duri, subcutaneis rami tertii quinti, et cum furculis subcutaneis ex plexu cervicali coeunt.

Dein cum musculo stylopharyngaeo pharyngem et linguam attingit: in eo itinere duo exiles sed constantes, furculi musculum quodammodo includentes, trunco exeunt, qui per pharyngis regionem tonsillarem distribuuntur, et cum tonsillaribus nervulis antea descriptis multiplici ratione ununtur. Nunc demergit se truncus ipse in carnes muscoli stylopharyngaei, et in fissura, quae musculum in duas portiones dividit, versus linguae radicem excurrit, et in plures ramulos incerti numeri dispescitur, plerumque sex numeravi, quorum duo majores et parvus, pharyngis illi tonsillari parti imperiuntur, quae super epiglottidem est: minimis filis ad interiorem tunicam porriguntur, et cum tonsillaribus, et pharyngaeis superioribus ex vago, multifarie communicant. Duo majores vero, qui saepe tertium minorem furculum medium, ex uno alterove majore saepe orientem includunt, soli linguam petunt. Natura ipsa duce hi duo rami linguales a se invicem distinguuntur.

Alter nempe *minor* et superior commode *sublimis* et *superficialis* nominandus optime ab ill. MONRO ¹⁾ icone repraesentatus. Denominationi decursus ratio perfecte respondet, nam inter linguae integumenta, et partem muscularem lateraliter et superficialiter incedit, in multos furculos divisus, quorum validiores posteriores, cum nervulis tonsillaribus adhuc communicant, anteriores autem ultra mediam dorsii partem procedentes, in papillis, linguae marginem obsidentibus, finiuntur. Ab hoc ramo derivari posse arbitror deglutiendi difficultatem, qua afficiuntur, quibus aphtae dolentes latera linguae occupant.

Alter

*) Cf. ANDERSCH in hor. script. neutr. min. T. II. p. 113 et Exc. HAASE de nervo phrenico dextri lateris duplici parisque vagi per collum decursu. Lipsiae 1790. L.

1) *Observations on the structure and functions of the nervous system.* Edinb. 1783. Tab. 26. M.

Alter major ramus profundus, quodammodo muscularis dicendus, in profundiores linguae partes sese demergit, et in plures minores ramulos divisus, per musculares linguae fibras dispergitur.

SECTIO II.

DE NERVIS PHARYNGAEIS EX VAGO.

§. XIII.

Egressus nervi vagi et nervi inde prodeuntes communicatorii.

Nervus vagus semper fibrillatim, vel 6, 7 vel 8, 9, 10 fasciculis tenellis parallelo ordine sibi accumbentibus ex medullae oblongatae loco cognito ortus, et molli lanugine ex arachnoidea investitus, versus medium foramen vel canalem in foramine lacero sibi destinatum dura matre cinctum progreditur. Ibidem satis constanter insignem filamentorum nerveorum fasciculum, accessorio ex medulla spinali saepe majorem, per peculiarem in dura matre haerentem canaliculum, cum nervo *accessorio* Willisii per proprium canalem descendente, conjungit. Huic primo ramo communicatorio, uti et secundo et plexiformi filamentorum eorum inter se nexui, et magnae trunci accessorii ipsius cum secundo et tertio pare nervorum cervicalium ope anasastomosi, adscribenda esse arbitror symptomata aliquoties a me observata, ut ex vulnere, quod musculus trapezium illo in loco penetravit, ubi nervus accessorius per eundem distribuitur, ab ipso laesionis momento loquendi difficultas enata, et per reliquam vitam superstitem in balbutiem mutata fuerit: qui porro gravi in cucullari, splenio, et sternoclaidoque mastoideo afficiuntur rheumatismo, loquelae difficultatem, ventriculi molestiam, et in genere in omnibus visceribus adversam sentient valetudinem, quae ex vago nervis prospiciuntur.

§. XIV.

Continuatio ejusdem argumenti.

Edito fasciculo communicatorio dicto, truncus nervi vagi tres circiter lineas in suo canali membranaceo, a vicino, qui accessorium continet, plane diverso, versus exitum ex foramine lacero progreditur, venae jugulari proxime incumbens, ita quidem, ut anterieus habeat canalem glossopharyngaei, posterius et inferius accessorii; venam jugularem autem in fossa ipsa inter glossopharyngaeum et vagum, medium locum occupasse, uti cel. MARTIN¹⁾ asseruit, ego nunquam vidi. Mox in margine inferiore foraminis laceri, nervo vago ex canale suo infra caput in collo comparenti, manifestissime denuo adsociatur insignis nervorum ramus ex accessorio ortus, et per peculiarem canalem membranaceum versus vagum properat, illique sub angulo acutissimo in parte posteriore immittitur. Appellare possumus hunc ramum *communicantem secundum*, et sistit quodammodo alteram radicem, s. alterum nervi vagi crus ex medulla spinali ad illum augendum accedens. Minor licet sit hic ramus communicante primo,

1) *De Nervis T. II. p. 117.*

primo, apparet tamen exinde, partes, quae ex uno alteroque nervorum trunco ramos fortiuntur, sub diversis rerum conditionibus consensum sustinere, et medici chirurgique attentionem practicam requirere.

§. XV.

Progressus nervi vagi in collo.

Cum nervi vagi truncus extra fossam jugularem integer et indivisus comparuerit, nam in plus quam 500 cadaveribus, in quibus nervum vagum in regione colli lustravi, unicum tantum varietatis exemplum vidi, *truncum vagi bifidum fuisse in dextro latere*, qui super arteriam anonymam in unum denuo coalescerent, usque ad originem rami *pharyngei* superioris in plurimis subjectis ad longitudinem integri pollicis et ultra nullum memorabilem furculum emittit, forti cellulosa venae jugulari adhaeret, et nervo hypoglossi vel nono pari, qui facto arcu oblique ante illum versus linguam procedit. In quibusdam autem individuis omnino animadverti, duos vel tres tenellos furculos super ramum pharyngeum trunco exiisse, unum cum nono pare, duos reliquos cum ganglio cervicali superiore ex intercostali coivisse, unumque vel alterum filamentum in plexum cardiacum misisse.

Ramus itaque *pharyngeus*, bene ab HALLERO ita appellatus, inter ramos vagi ullius dignitatis primus est. Ex trunco prodit plerumque illo in loco, ubi nonum par ante illum incedit, et ipse ramus aliquantisper ab hypoglossi nervo obtegitur. Vel jam paullo prius recepit in plerisque cadaveribus unum alterumque filamentum ab accessorio, bene a beato LOBSTEINIO ¹⁾ animadversum.

§. XVI.

Ramus pharyngeus ex vago.

Insignis hic ramus *pharyngeus* cum ratione magnitudinis, tum respectu usus et multiplicis cum aliis partibus copulationis, praecipue autem propter egregium ganglion quod format, inter celebriores vagi nervi ramos pertinet. Descriptionibus iisdemque fatis prolixis de hoc ramo equidem non caremus, licet huic prolixitati saepius molestae, perspicuitas cedere debuit, quod praecipue in ANDERSCHII enarratione desideramus, picturam autem fidelem, exactam et rei consentaneam nullibi deprehendo. Ab ortu ex trunco suo vagi per aliquot lineas progreditur ramus pharyngeus indivisus, rarior enim est observatio, in unico modo subjecto a me facta, tum ex nervo cervicali secundo, tum ex ganglio primo intercostalis furculum in eum abiisse, et filamentulum ad plexum cardiacum descendisse.

Dum leni arcu versus pharyngem inclinat, superius approximatum sibi ramum communicantem primum ex glossopharyngeo recipit, et inde crassior, deorsum vero plerumque duos, saepe tres, quatuor, rarius unicum modo furculum versus ganglion cervicale

1) *Diff. de nervo spin. p. 32.* (hor. script. *nevr. min. T. II. p. 219.*)

Ludwig script. neutr. min. T. III.

cervicale superius nervi intercostalis mittit, qui vel seorsum absque coalitu in majores furculos, quod frequentissimum, vel in majores coaliti totidem furculis ex ganglio occurrunt, et hoc modo anastomoses formant, ex quibus dein unum alterumque filamentum in plexum cardiacum confumitur.

§. XVII.

Divisio rami pharyngaei ex octavo et ganglion pharyngaeum.

Nunc ulterius facto versus anteriora progressu fibrae nervi parumper a se invicem diducuntur ut latefeat, nonnullis earum fibrarum paucillum versus inferiora inclinantibus. In superiorem marginem et aliquantulum anteriorem recipit jam ramum communicantem secundum ex glosso-pharyngaeo, quo recepto ramus noster in nodiolum *ganglio* vero perfecte similem *pharyngaeum* commode appellandum intumescit. In hoc nervi loco, ubi *ganglion pharyngaeum* format, quinque nervorum rami confluent et ununtur, qui partim ingrediuntur, partim exeunt: 1) primus ramus idemque maximus est continuatio rami pharyngaei: 2) secundus ramus est communicans alter ex glosso-pharyngaeo pariter insignis: 3) tertius est ansula illa communicans ex ramo tonsillari glossopharyngaei: 4) quartus est continuatio rami pharyngaei versus pharyngem ipsum: et 5) quintus est grandis ramus descendens versus nervos pharyngeos ex intercostali.

In centro quinque horum ramorum enarratorum confluentium locatum est nostrum *ganglion pharyngaeum*, ratione figurae stellam refert, tot radiis instructam, quot ramuli nervei in illud coalescunt, respectu magnitudinis ganglii mediae classis simile, uti renale ganglion fere, majus certe ophthalmico in orbita.

§. XVIII.

Continuatio divisionis.

Dividitur nunc ramus pharyngeus facto ganglio in duos ramos, quorum alter paullo *minor* horizontalis, totus quantus in pharyngis regionem trachealem impenditur, alter major descendens, cum ramis ex ganglio cervicali superiore provenienti in novos ramos coalescit. Minor vel horizontalis pone venam pharyngeam incedit, et ubi pharyngem attingit, in 4 ramulos dehiscit, quorum bini superiores adhuc in pharyngis regionem tonsillarem abeunt, et infinitis anastomosis cum tonsillaribus nervis ex glossopharyngaeo communicant: bini inferiores autem magis descendunt, et multis furculis per pharyngis regionem trachealem disseminantur, ex quibus 5, cum totidem furculis ex pharyngaeo inferiore, versus superiora reflexis, in egregios arcus coeunt, ex quorum margini convexo infinita copia florum nerveorum per musculos thyreo- et cricopharyngeos distribuitur.

Ramus major descendens brevior quidem praecedente sed crassior mox denuo in duos dehiscit ramulos, quorum *longior* et *tenerior* cum alio ramo ex intercostali procedente in nervum pharyngaeum inferiorem coalescit, *brevior* autem ramus partim in
ramum

ramum laryngaeum superiorem abit, partim cum intercostalibus miscetur. Bini autem hi rami ope anasae cohaerent, quae arteriam plerumque pharyngaeam transmittit.

§. XIX.

Ramus pharyngaeus inferior ex vago.

Ramus longior et tenerior revera primam radicem nervi pharyngaei inferioris sistit, quae cum altera et tertia radice ex ganglio cervicali superiore singularem ramum format, quem *pharyngaeum inferiorem* appellare possumus, cum vago, tum intercostali communem, ex binis itaque fontibus ortum. Quicquid de hoc ramo ad nervum intercostalem pertinet, ut maxima pars, occasione hujus fontis enarretur, nunc modo ultimam portionem absolvemus, quae ex vago pharyngi exhibetur.

Facta igitur cum ramo ex intercostali circa arteriam pharyngaeam ansa, ramus hic ad pharyngem procedens paullisper versus inferiora declinat: assumit in progressu ex ramo intercostalis mediocre furculum, quo sibi juncto paullo post in duos ramos dividitur, inferior in ramum pharyngaeum ex intercostali abit, superior statim versus pharyngis regionem trachealem excurrit, et infra cornu ossis hyoidis per pharyngis fibras musculares, ex cartilagine thyreoidea ortas, distribuitur, ab inferioribus versus superiora leviter reflexus, ubi elegantes supra memoratos arcus format, quibus ramuli pharyngaei superioris ex vago cum his uniuntur.

SECTIO III.

DE NERVIS PHARYNGIS AB ACCESSORIO SUPPEDITATIS.

§. XX.

Generalia de relatione nervi accessorii ad pharyngem.

Paucos modo pharyngi exhibet *nervus spinalis ad vagum accessorius* furculos, nec quidem immediate ad illum progrediuntur, eamque igitur ob causam tanquam praecipuus nervorum pharyngaeorum fons speciatim de illo differere non opus esset. Interim cum hic nervus propter constantem cum faucibus organisque vocis et deglutitionis consensum, tot symptomatibus et phaenomenis manifestum, in plerasque harum partium actiones tam in sano, quam in morbofo statu influxum habeat, et in descriptione hujus nervi Lobsteiniana, quam fere omnes post eum sequuti sunt, et fere exscripserunt, varia occurrant emendationem poscentia, novam illius quoad decursum imaginem, a natura depromptam, minime superfluum esse arbitratus sum.

§. XXI.

Divisio nervi accessorii.

Nervus accessorius, factis cum vago intra canalem membranaceum copulationibus, nunc extra canalem comparens, venae jugularis superficiei interiori et paullo

posteriori archissime adhaeret, et ante nervum noni paris incedit, ut ita medium locum inter venam jugularem et nervum nonum occupet. Si hunc situm optime cernere volumus, praeparatio, non uti plerumque a Lobsteinio, aliisque administrata fuit, ab exteriori colli latere inchoanda, sed in capitis dimidio, verticaliter secti, ab interioribus versus exteriora progrediendo perficienda est. Opus quoque est, ut examen vel in subiecto instituat, cujus venae materia ceracea non repletae fuere, vel, si hoc factum est, vena jugularis evacuanda, ut in planitiem expandi possit. Mox infra nervi egressum, truncus quatuor vel quinque filamenta diversae crassitiei emittit, quorum duo vel tria crassiora cum ramis pharyngaeis ex glossopharyngaeo conflunt: unum cum filamentum ex pari primo nervorum cervicalium ASCHII versus superiora ascendente confluit, et cum furculis ex nono et intercostali accedentibus, in longe pluribus subiectis in egressum *gangliolum* confluit: ultimum, si 4 fuerint, vel duo si 5 cum nervis mollibus uniantur.

His furculis exhibitis truncus accessorii in plerisque subiectis absque omni alio ramo dato versus conjunctionem cum nervis cervicalibus properat. Cum nunc inter musculum longissimum et venam jugularem descenderit, circa vertebrae colli secundam truncus accessorii in duos ramos dehiscit, quorum posterior *ramus communicans*, anterior *ramus muscularis* dici potest. *Ramus communicans* denuo statim dividitur: altera et prima portio, duobus fasciculis grandibus cum ansa inter par cervicalium secundum et tertium media confluit. Reliqua, eademque major portio, sive musculus sternomastoideum sive cleidomastoideum perforaverit, quod in multis contingit, sive illum plane non tangat, versus colli scapulaeque musculos excurrit, et pluribus filamentis per trapezium et cutem distributis finitur. Alter ramus, quem muscularem dixi, nacta et data radice ex pari nervorum cervicalium tertio, in multos ramulos divisus, per musculos sternomastoideos distribuitur.

§. XXII.

Consensus inter varias partes ope hujus nervi enascens.

Memorabilis omnino nervus est hic descriptus *spinalis ad vagum accessorius*, causa et instrumentum adminiculans multorum phaenomenorum, ex conjunctione et consensu ejus cum glossopharyngaeo, et per hunc cum quinto pare encephali, vago, intercostali et cervicalium plurimorum pendentium, in morbofis praecipue affectibus saepe animadvertendorum. Nostrium equidem non in praesenti est, saltem a scopo meo jam alienum, omnes enarrare affectus, qui ex consensu nervorum hujus regionis, cum nervis per thoracem, abdomen, et pelvim distributis oriri queunt, in qua re prudentes viri REGA, KAW-BOERHAAVE, HALLER, LANGHANS, TISSOT, RAHN, multique alii plurimum fecerunt.

Addere modo horum virorum veritati pauca philosophumena volui, quae practicum seu potius therapeuticum me docuit exercitium.

1) Notum omnibus medicis practicis est phaenomenon, insolitum stuporem et rigorem in movenda scapula et brachio sentiri, si affectus catharrhalis in veram anginam transire videtur.

2) In

2) In veris anginis, aut sub symptomate anginode in hydrophobia, procul dubio consensualis est ex infimo ventre specificè spastica stricture, nervis pharyngis, laryngis, accessorioque communicata, cum viderim, inter has convulsiones, insolito more attollendo deprimendoque vicissim scapulas moveri, interdum adeo rigidas et immobiles esse.

3) Si ebrietatis effectus, præcipue ex vinis austeris et mangonifatis observamus, sæpius singularem scapularum inertiam deprehendimus.

4) Vidi nuper in uxore centurionis vehementis convulsionis ex cardialgia hysterica enatae exemplum.

Propter motum peristalticum, lento modo versus oesophagum directum, omnis bilis et succus pancreaticus ex duodeno in ventriculum retrocedebant, quoties sufficiens saburrae copia ventriculum repletet, spastica faucium convulsio enascebatur, rigor et immobilitas scapularum tanta erat, ut elevare corpus nequiret, et singularis durities in sternomastoideo oriretur, subveniente vomitu, omnia cessabant.

5) In deplorabili illo feminarum hystericarum statu, si impedimentum in qualicumque tractus intestinorum parte oboritur, quò minus liquores intestinales, ut succus gastricus, pancreaticus et bilis non bene descendant, quod frequentius in jejuni principio fit, a mesocolo transverso constricto, vehementissimi dolores convulsivi in ventriculo, oesophago, et pharynge oriuntur, ex quibus consensualiter colli scapularumque muscoli simul afficiuntur.

CAPUT III.

DE NERVIS PHARYNGIS EX INTERCOSTALI PROVENIENTIBUS.

§. XXIII.

De relatione nervi intercostalis ad pharyngem.

Nervus ille corporis animalis mixtus, qui ex pare nervorum encephali quinto et sexto ¹⁾, et quoad maximam partem ex medulla spinali ²⁾ prodit, et qui partim *intercostalis*, nomine licet maxime incongruo, attamen frequentissimo et omnibus cognito, partim *sympathetici maximi* a WINSLOWIO præcipue adhibito, et quoad usum et functionem præcipue commendabili, notus est, pharyngem equidem non pluribus munit nervis, attamen illum minime intactum relinquit.

Numerus et magnitudo ramorum pharyngeorum ex intercostali illis omnino minor et inferior est ex glossopharyngæo exhibitorum, dum teneri modo illi furculi ex ordine nervorum mollium, et proprii pharyngæi exinde prodeant, nihilominus autem in explicandis variis phaenomenis, propter consensum nervi intercostalis cum tot aliis, et toto fere nervoso systemate magni omnino momenti censendi sunt.

H 3

§. XXIV.

1) Evidentissime evicta est origo dicta a beat. MECKELIO *Diff. cit.* et clar. HIRSCH. (hor. script. T. I.)

2) DEMETRIUS IWANOFF. *de origine nervorum intercostalium.* Argent. 1780. — in subsequentibus paginis hujus T. III. script. nevr. sequetur impressa.

§. XXIV.

Nervi pharyngaei ex classe nervorum mollium nervi intercostalis.

Oriuntur proxime nervi pharyngis ex classe *nervorum mollium* supra ganglion cervicale superius, statim ab egressu nervi intercostalis ex canale carotico. Non exiguum numerum sistunt, nec inter minima pertinent filamenta, quorum constantem per pharyngis tunicas distributionem jam beatus HALLERUS agnovit. Interim tamen in his ipsis filamentis multum varietatis et inconstantiae subrepat.

Si junctae radices ex nervo vidiano quinti, et una vel altera sexti paris per canalem caroticum delapsae in collo in conspectum prodeunt, et truncum nervi intercostalis efficiunt, inter carotidem cerebralem, et crassum nervorum, glossopharyngaei vagi et accessorii fasciculum tenaci cellulosae immerfus jacet. Ex ipso hoc coarctato trunco, antequam ex ullo nervorum colli radices accessorias nactus fuerit, vidi in 7 cadaveribus tria, vel quatuor filamenta, in 2 subjectis unicum furculum in regionem pharyngis palatinam distribui. Incedunt haec filamenta pharyngaea inter nervum glossopharyngaeum ejusque ramos et arteriam carotidem, cum nonnullis glossopharyngaei ramiis communicant, et fere cum omnibus arteriae pharyngaeae ascendens ramificationibus per pharyngis superiorem regionem distribuuntur.

§. XXV.

Nervi pharyngaei ex ganglio cervicali nervi intercostalis, superior et inferior.

De radice accessoria quae ex ganglio cervicali superiore ad nervum pharyngaeum ex octavo accedit, jam superius dictum est; Praeter hanc duo adhuc magui fasciculi nervei, *pharyngaei* intercostalis appellandi, ganglio cervicali superiore exeunt pharyngi impertiti.

Alter superior idemque major factis per tenella fila cum pharyngaeo ex octavo anastomosibus infra cornu cartilaginis thyreoidis superius pharyngem petit, et pluribus divisionibus et subdivisionibus perpeßis super pharyngis partem laryngaeam seu trachealem dispergitur.

Alter inferior s. *minor*, ex infima ganglii parte egressus in duos finditur ramos, quorum superior infimae pharyngis parti impenditur, inferior major, rami ipsius continuatio vasis thyreoideis superioribus se adjungit, et multiplici ratione iisdem irretitus finitur.

IV.

I. B. P A L L E T T A

D E

NERVIS CROTAPHITICO ET BUCCINATORIO.

M E D I O L A N I 1784.

In nervorum historia multa desiderari jam pridem querebatur Magnus Hallerus¹⁾, cujus aequissimae expostulationi etsi plurimum, qui insecuti sunt, Anatomicorum laboribus multa ex parte fuerit satisfactum; ita tamen satisfecisse non videntur, ut praestantissimis eorum observationibus nullus adjiciendi locus superfit. Et ne per singulos nervos eamus, quintum, quod vocant, par, ut omnium, quae cerebri basi prodeunt, maximum, ita ob fibrarum copiam, et nexum omnium est implicatissimum. Exinde, opinor, factum est, ut quamvis praeclari nominis Anatomici in eo extricando et describendo omnem posuerint industriam, nonnulla tamen aut prorsus incomperta, aut levius fortasse explorata habuerint, quae aliorum demum sedulitate sunt in lucem prolata.

Veterum sane Anatomicorum scripta si evolvamus, ubi de tertio et quarto pare fermo est, facile intelligemus, eos non satis perspectam habuisse originem, et divisionem nervorum, de quibus nunc agere instituimus. Nam Galenus, etsi quartam a tertia conjugatione revera sejunctam ex Marino proposuerit²⁾, tertiamque bifariam dividi ipse cognoverit³⁾, hos tamen truncos et misceri interdum affirmat, et ambigua descriptione ita confundit, ut eorum furculos per se distinctos magis magisque praeter naturae institutum ipse de industria miscere videatur.

Qui deinde longo temporis intervallo secuti sunt Anatomes cultores eandem omnino, aut certe non meliorem descriptionem exhibuerunt. Inter hos Mundinus⁴⁾ tertium par fecit, cujus pars faciem pervadit; alteram vero ejus portionem quarto pari admisceri scribit, quod ipsi procul dubio nostrum *oculorum* est, quum et ad stomachum venire, et ex eo *reverefivos* oriri affirmet.

Alexander Benedictus⁵⁾ paulo aliter nervos enumerat; nam, quae tertia illi est, nervorum *syzygiam ad tubercula papillaria narium* pertinere ait; quartam⁶⁾ transire ad palatum; quintam vero et ad linguam abire, et buccas movere, et septimae etiam conjugationi (*pari vago*) copulari.

Carpus

1) Praefat. ad Elem. Physiol. Tom. I.

2) De Dissect. nervor. cap. 5.

3) De usu Part. lib. IX. cap. 9.

4) De Anat. nervor. ortor. a cerebro.

5) Anatomiae lib. IV. cap. 17. edit. Venet. 1502.

6) Cap. 18. 19. l. c.

Carpus 7) tertium par itidem per faciem spargi dicit, ita tamen, ut ejus portio cum sexto communicet, a quo *reversivos* ortos vult; quartum vero par ad palatum pro *sensu gustus* descendere ait, monetque promiscue id par accipi a nonnullis modo pro tertio, interdum pro quarto.

Curtius Ticinensis Professor 8) qui in Mundinum commentatus est, tertiam conjugationem linguae sensum gustus tribuere; quartam nervos palato suppeditare scribit, reversivos vero ex sexta cum Carpo deducit. Monet insuper esse animadvertendam, aut errasse Mundinum, aut corruptum esse codicem, quum quod de quarto nervorum pare dicit, dicendum sit de sexto.

Columbus 9) post Galenum duo principia habere tertium nervorum par asseruit, ramosque etsi non diligenter, prioribus tamen melius descripsit. Tertio proximum fecit quartum suum par, videturque esse maxillaris noster inferior, cui sensum gustus tribuit, carpitque hactenus recte Galenum et Vesalium, quod quarti hujus conjugii minus tertio adscripserint.

Ne autem singulos Anatomicos recenseam, qui aut eadem omnino, quae priores viderunt; aut obscura reddere ea, quae jam innotuerunt, conati sunt, ad accuratissimum Falloppium transeo. Is forte primus, quod Alex. Benedictus adumbraverat, clarius retulit, et non solum originem istius nervi pluribus chordis aliquot quidem durioribus, aliquot mollioribus constare, sed etiam manifestissimam, ut ipse fatetur, quinti paris, postquam duram membranam perforavit, in tres nervos divisionem agnovit, quorum priorem ad oculum, alterum ad faciem, tertium ad linguam aliasque partes ferri observaverat. Sed quum omnium chordarum eidem una visa fuerit origo, omnesque fibrae simul junctae per unicam viam ex dura matre egrediantur; quumque ab nemine ante ipsum quo modo, quasve in partes singuli divaricentur tunc proditum fuerit, maluit hos tres in unum contrahere, atque pro unico tantum pari enumerare 10).

Verum qui naturali quadam solertia in minutis rebus indagandis Anatomicos omnes longe antecelluit praeclarissimus Santorinus, ut difficilem multo quinti paris investigationem esse sensit; ita ejusdem diversas fibras ex triplici potissimum exoriri principio sibi deprehendisse visus est 11). Quam deinde triplicem originem in lato illo quinti paris trunco, qui extra duram membranam est, accuratius perscrutatus est vir celer. et industrius Vincentius Malacarnaeus. Is enim in extricandis praedicti nervi fibris ea dexteritate, et felicitate usus est, ut luculenter non solum ex tribus nervis distinctis eum latum truncum constare ostenderit, sed eorum incessum et dispositionem in intimiora caudicis medullaris tam diligenter est profecutus, ut origines cujusque nervi plane diversas esse deprehenderit.

Hujus praestantissimi viri observationibus nihil est in praesentia quod addam; est tamen quod addam duos nervulos prioribus tribus ab ipso egregie prorsus descriptis. Quum enim ea perquirerem in humanis cerebris, quae de nervorum originibus in his animadver-

7) Isagoge. Anat. ventris supremi. De nervis a Cerebro ortis. Edit. Venet. 1535.

8) Anat. H. C. de anat. nervor. a cerebro ortor. edit. Venet. 1580.

9) De Re Anat. lib. VIII. cap. 3.

10) Observat. Anat. p. 87. edit. Venet. 1606.

11) Obs. Anat. cap. III. §. 16.

animadverterat, et pro sua singulari humanitate mecum communicaverat ¹²⁾, in iisque potissimum subsisterem, quae circa originem et divisionem quinti paris idem vir amicissimus proposuit; auspiciato accidit, ut resectis ad cranii basim nervis ophthalmico, et maxillari superiori, et in medullam oblongatam reflexis, nervi, quos hic describam, in conspectum prodirent.

Et si autem hi nervi pari quinto accenseri posse videantur, atque illud nervorum par, quod trigeminum audiebat, nunc ex quinque omnino distinctis fasciculis esse coagmentatum dicendum sit; eos tamen nequaquam ad quintam pertinere conjugationem certum est, ut inferius aperte a nobis ostendetur.

Verum antequam de ipsis nervis dicamus, aequum est nonnulla praenittere de iis, quae circa par quintum sunt; nempe de ovali durae matris foramine, quod totum quinti paris truncum admittit, deque rete illo, quod sub extrema durae membranae laminae quintae conjugationis nervo zonae in modum circumjectum est.

Dura

12) Solertissimi hujus Professoris quartam Encephalotomiae partem, quae de Nervorum originibus agit, propediem expectamus, quam ut priores tres Anatomicis omnibus valde acceptas fore confidimus. Observationes, quas continet, ante tria ferme lustra incoepatae nonnisi accuratis et frequentibus Encephali dissectionibus nituntur, quod quanto reliquis partibus praestantius est, eo magis excolendum sibi suscepit, sicque praecipuam hanc, minusque perveſtigatam Anatomes partem insignibus accessionibus locupletavit. Et ut pauca solum attingam praeter ea, quae de quinto pare commemorata sunt, olfactorii nervi, cujus mollities investigantes fatigat, triplex principium constituit. Longius filamentum a nervoso funiculo promanat, qui sursum provehitur per tertii ventriculi latera lanugine cinerea obtectus. Minus filamentum persaepe a fine ejus tractus medullaris, qui commissurae cerebri anteriori continuus est, producitur, ubi nempe is tractus gibbam et inferiorem corporis striati faciem perfodit. Tertium denique filamentum a medullari cerebri corpori striato circumposita proficiscitur ad imum sulcum, qui cerebri lobos dirimit, ibique prioribus sociatur.

Thalami optici desinunt posterius in eminentias quasdam bulbosas nonnihil exterius striatas, quae arcuatim medullam oblongatam amplexae in cylindros primum, dein in

nervos opticos abeunt. Mitto experimenta de decussatione et cavitate opticorum in ea sede, ubi coalescere videntur.

Ab ea cavitate, quam *antrum* vocat, quaeque retro papillas medullares posita est, plurimis filamentis ad instar penicilli, sed in tres ordines dispositis emergit oculorum motor communis. Huic *accessorium* dedit nervum novissime abs se detectum, qui a crurum cerebelli superiori parte sursum provehitur, et per superiorem pontis marginem ad ipsas radices tertii paris roborandas accedit. Nec motori solum oculorum, verum etiam pathetici exilitati, cujus binae ternaevae sunt a velo medullari radices, *accessorio* inter dum nervo natura prospexit. Prodit is ex quarti ventriculi cavitate duplici tenuique principio, emensusque summam processus cerebelli ad medullam spinalem sedem inter *floccos* et pontis inferiorem marginem propegit, atque cum priori accessorio decussatus in superiores radices pathetici inseritur.

Verum nimius essem, si caetera persequi vellem, nempe origines nervorum aut confirmatas aut melius determinatas, acustici ex quarto ventriculo, sympathici maximi radicem ex orbitali, medii ex calamo scriptorio, et minimi ex *fovea quadrilatera*; varios item funiculos, et inconstantem dispositionem nervi lingualis spinalisque; quae omnia in ejusdem Auctoris Tractatu licebit planius intelligere.

Dura membrana ubi processui clinoidéo posteriori adnectitur, in duas secedit laminae, quarum inferior sinui cavernoso insernitur, et fossae mediae basis cranii; superior autem priori supertensa margine extremo tereti foramen relinquit ovalis figurae, quod nervus quintae conjugationis subit. Haec lamina quatuor linearum tractu eidem nervo incumbit sic, ut ejus transitum liberum relinquat, et per eum hiatum latiusculum specillum immissum usque ad zonam pertingit, quae dein utrasque laminas sibi, et inter se ita jungit, ut nonnisi scalpello separari possint.

Zonam hanc, seu reticulum illud compactum, quod latum quinti paris truncum, antequam in tres ramos facecat, revincit, cum cl. Malacarnaeo *Armilla* voco. Hanc Wrisbergius Anatomicus Göttingensis celeberrimus satis congruenti vocabulo *intumescientiam semilunarem* appellavit ¹³⁾. Nam dimidiam plerumque lunam figura refert, cujus obtusa cornua medullae oblongatae, margo autem convexus temporibus obversus est. Color ad lateritium vergit plerumque, in selectioribus cerebris nonnunquam rubellus observatur; at in leucophlegmaticis ut semper pallidior, sic armillae compages admodum laxa frequentes inter fila nervosa intercapedines relinquit.

Nondum autem ex anatomicis liquido constat, videntem cellularis ille contextus proficiscatur. Wrisbergius ¹⁴⁾ videtur eum deducere ex duabus durae menyngis laminis semilunari intumescientiae annexis. Illud tamen adeo ambiguum est, ut potius a pia membrana ipsa fila nervosa investiente sit deducendus, quum utraque durae menyngis lamina sine armillae laesione separari possit; aut ex septo, quod nervum ophthalmicum a sinu cavernoso dirimit, et ad posteriora productum in cornu anterius armillae utrasque durae membranae lamellas connectit sic, ut e sinu cavernoso in nervi caveam nullus pateat aditus. Ita quacumque demum ratione nata armilla incumbenti primum durae membranae adstringitur, et tenuissimis filamentis nervi fibris interfusa singulas illaqueat, quibus etiam filamentis ophthalmicum et maxillares nervos subjectae laminae adnectit per totum eum tractum, qui ejusdem convexum marginem sequitur; demum cornu posteriori nervi maxillaris inferioris crepidinem iisdem adductis laminis firmiter alligat. Tota vero nervi quintae conjugationis lata expansio, quae ab armillae corpore et sinuoso margine obtegatur ab utraque menyngis lamina soluta esse deprehenditur.

Armilla, de qua diximus, a quibusdam pro ganglio accepta est, inprimis a Gassero et Hirschio ¹⁵⁾ qui fusius modum exponit, quo Praeceptor ejus Gasserus ad inquirendum ganglion utebatur ¹⁶⁾. *Eximebat nimirum cerebrum e calvaria, mox nervum quinti paris abscindebat in origine, tum a parte postica antrosum capsulam incidebat a dura matre factam scalpelli apicem sursum dirigendo, ne corpus subiectum laederetur.* His alia subiungit ad idem artificium pertinentia, quae tamen omnia praeter praeposteram administrationis rationem aut nimis studiose conquistata, aut nil ad institutum conducere nobis videntur. Wrisbergius, quum, quod aliis gangliis familiare est, in intumescencia semilunari desiderari observaverit, censet eam inter plexus nervosos esse referendam

13) De quinto pare Nerv. Encephali Sect. II. §. 10. Göttingae 1777. — hor. script. I. 268.

14) L. c. §. 11.

15) Disquisit. Anat. Paris quinti cap. 4. §. 38. 39. — hor. script. I. 252.

16) L. c. §. 41. seq.

rendam 17). Viro huic illustri adfentiri videtur cel. Scarpa nunc in Ticinensi Archigymnasio Anatomes Professor meritissimus, dum iteratis observationibus se edoctum esse scribit, stamina nervea quinti paris ubi fecedunt in triplicem ramm *aliquantulum primo dehiscere, et plexuosa incedere* 18). Equidem non est negandum fila interdum nervosa ab uno fasciculo obliqua in alium sese dimittere, et cum aliis fibris in diversa tendentibus intricari; fateri tamen simul oportet eum plexum saepius deesse 19), et fasciculos quodammodo in quibusdam inter se contorqueri, sicque fibras nerveas oblique decussari, et etiam pro nerveis fibris cellularis filamenta interdum imposuisse, meque demum iterum ac saepius tres principes quinti ramos methodo a Malacarnaeo proposita absque filorum nerveorum laceratione disjunctis, ut fere aliud esse non videatur, quam reticulum fibrarum validarum, quibus interspersa sanguifera vascula ex receptaculo advenientia rubellum colorem inducunt 20). Proinde optime, ut semper solebat, annotaverat Morgagnus 21), se in non paucis cadaveribus *neque usque adeo notabilem et peculiarem istius plexus crassitudinem, neque texturam adeo implicitam, et compactam, neque demum naturam istam tanquam carnem observare potuisse.*

Cavea, quae ab quinti paris ingressu ad armillam protenditur, peculiari septo discreta est a receptaculo, quod deinde ophthalmico nervo nexu fere inseparabili cohaeret, et sensim evanescit eum nervum a reliquo receptaculo distinguens 22). Ergo nec quintus nervus, nec ophthalmicus sanguine receptaculi abluuntur, quemadmodum scripserat Winslowius.

Et si igitur constaret caveam quinti paris a receptaculo penitus esse seclusam, tamen ne qua dubitandi mihi locus superesset, durae menyngis laminam, quae caveam obtegit, dissectam ad superiora reclinavi; deinde patefacto superne receptaculo tenuissimum specillum immisi, pertentavi que num aliquis ex eo pateret aditus in caveam. Id quidem specillum juxta septum ac nervum sextae conjugationis longius deorsum sub ophthalmico et maxillaribus ferebatur, sed inter extimam durae membranae laminam et ophthalmicum nervum nunquam in caveam sibi viam aperire potuit. Neque uni specillo resistit septum illud caveae, quum ex sinu cavernoso non sinat injectam ceram 23) nec sanguinem 24) in caveam ipsam penetrare.

Quoniam de iis dictum est, quae illustrare, aut proxime attinere videbantur ad ea, quae sumus proposituri, oportet, ut nostram dissectionis rationem exponamus, qua ad detegendos novos nervulos usi fuimus.

Exciso cranio et menyn gibus tota cerebri moles, et quidquid loborum superest in cranii basi horizontali sectione est auferendum, servatis tamen caudice medullari, ponte, et eminentiis quaternis. Dein tentorio similiter destructo, alterius hemisphaerii cerebelli id omne tollitur, quod supra crura ascendunt cerebelli (processus cerebelli ad

I 2

testiculos

17) L. c. §. 12.

18) Anat. Annot. cap. 11. §. 29.

19) Meckel Tract. de quinto pare nervor. cerebri: Göttingae 1748. Sect. 11. §. 33. 37.

20) Haller Auctar. fascic. IV. p. 37. Wrisberg l. c. §. 11.

21) Advers. Anat. VI. 21.

22) Haller Elem. Physiol. T. IV. lib. X. sect. V. §. 27. Tabarrani lettr. Anat. 1. p. 33: segg.

23) Hirsch l. c. cap. 11. §. 19.

24) Meckel l. c. Sect. 11. §. 34.

testiculos vocat Hallerus) positum est, qua administratione quinti paris truncus pia matre involutus in conspectum venit. Pia membrana remota multiplices hujus nervi fibrae ab eodem oriri principio, et parallelae videntur incedere, uno excepto fasciculo. Is editiori loco positus est, et a superiori, posteriorique eruris cerebelli parte pronatus, primum distinctus procedit, tum obliquo ductu ad ophthalmicum accedit, atque, ubi ovale durae matris foramen subit, cum reliquis videtur commisceri.

Nullo autem pacto eundem commisceri comperimus, si ejusdem per caveant quinti incessum ulterius exploraverimus. Nam truncato ophthalmico ad rimam orbitalem, dein ab armilla, et maxillaribus fociis solerter extricato, truncoque ejus in cerebelli pedunculum rejecto, fasciculus ille nudatus nil cum reliquis habere commercii deprehenditur.

Huic magis noto it comes fasciculus nervosus alter, qui quidem prioris directionem servat, sed tunc primum apparet manifeste, quum eadem ratione, qua ophthalmicus, prope foramen rotundum sphaenoidis obtruncatur maxillaris superior, et ad suam originem secando persequitur.

Prior fasciculus profundas trahit ab imo sulco, qui crura cerebelli ascenduntia dirimit a cerebri cruribus, aut sub ea foveola radices, a qua originem habet *nervus accessorius* Malacarnaei ad tertium par; tum oblique per medullarem pedunculi incedens ex editiori et posteriori medullae oblongatae parte prodit duabus circiter lineis supra ophthalmici exortum, cujus superiores fibrae interdum a descendente fasciculo teguntur. Hic vero sex, septemve linearum tractu delabitur ad ovale foramen durae matris, ubi leviter inflexus sub ophthalmico et maxillari superiori se condit, et extrorsum tendens maxillari inferiori sociatus per ovale cranii foramen elabitur. Hunc fasciculum, quem ab nemine antehac fuisse animadversum existimabam, nunc memoratum invenio apud Santorinum in utroque, quo Anatomem ditavit, opere.

Et primum quidem in observationibus anatomicis²⁵⁾ ubi triplicem quinti originem assumpserat: *saepius, ubi firmiora cerebra offendisset, tenuiorem fibram seorsum paulo supra emergere, ac mox caeteris copulari se deprehendisse* scribit. In explicatione vero tabularum posthumarum quas cl. Girardus edidit (Tab. II. litt. yy) priores observationes ad trutinam revocans duplicem facit nervi gustatorii originem, quarum altera descriptum modo fasciculum nerveum comprehendit. Hujus igitur viri accuratissimi verba aequum est hic proferre, quae et ejus solertiam in dissecando et observando ostendunt, et auctoritatem addunt quam maximam iis, quae adhuc pene in abdito latebant. „De quinti origine ac processu duo mihi non levis sane momenti monenda sunt, alterum ad originem spectans, alterum ad iter. Etsi a diligentioribus adversae fibrae hujusce sic saepe discretæ sunt, ut in binos fasciculos separari facile possint, harum tamen fasciculum minorem non ab eodem cum caeteris exoriri loco certum est. Nam major e diductis transversis protuberantiae annularis fibris emergit, minor autem ab ulteriori loco procedens majori quidem copulatur; quamquam harum principium in ejusdem cerebelli pedunculi longitudinem ab lateribus penetralium cerebelli emergat; qui ubi ad majorem accessit, copulari quidem videtur, sed revera sic adjungitur, ut

„cum eodem procedens distinctus tamen, mox eidem subjiciatur, atque duram matrem ingressus ex interiori latere adjicitur, ut diversum iter instituat, et diversam naturam praefereat. Nam fasciculus major mox post penetratam duram matrem in plexum conformatur non quidem ganglioformem sed retiformem potius, cui quaedam quasi carnosa natura late, laxaque superinducta videtur, nostro interea, minorique fasciculo, neque huic majori immixto, neque hoc plexu donato procedente. Ubi autem sic discretus, sic immutatus ex ovali calvariae foramine evasurus est in plexum vere ganglioformem mutatur, ac postmodum in fasciculos discretus in maxillae musculos masseterem ac pterygoideos praecipue inseritur.“

Eadem fere quae Santorinus docuerunt postea alii exercitatissimi Anatomici, imprimis Wrisbergius ²⁶⁾, Soemmerring ²⁷⁾, Scarpa ²⁸⁾, et Girardus asserentes in unum par quintum ex *duabus portionibus*, seu fasciculis progerminare; nisi quod cl. Girardus paulo aliter ac reliqui, atque ego observavi, *minoris portionis* fibras distribuerit. Ait enim ²⁹⁾ „retiformi plexui aliquando ex interiori parte fibras ex eodem trunco procedentes, propemodum albas, mox in plexum conformatas — adjici, quarum majores aliae in fasciculum collectae, et plexui arcte haerentes — in maxillarem inferiorem contendunt; aliae sed minores eodem modo distinctae et constitutae secundum maxillaris superioris directionem incedunt; omnium denique minimae, quaeque vix apparent, ophthalmicum ramum subeunt.“ Mihi autem iteratis dissectionibus compertum est, non modo eas fibras (*minoris portionis*) ex eodem trunco non procedere, sed, licet a diverso principio constanter procedant, et perpetuo reperiri, et a retiformi plexu esse distinctas, et una omnes ad maxillarem inferiorem contendere; nullas vero maxillarem superiorem, aut ophthalmicum subire.

Verum dolendum est sane Santorinum, qui tam eleganter verbis expressit nervum, de quo agimus, in Tabula II ad litt. yy, ubi par quintum exhibetur, nec minorem suum fasciculum, nec ejus originem delineari curasse. Nec minus dolendum est praestantissimum Meckelium in elegantissima tabula Tractatui de quinto pare annexa non pinxisse ejus originem, adeoque nec cerebelli pedunculos, nec aliud quidpiam ad cerebrum spectantis. Horum omissionem supplere quodammodo annisus est saepe jam laudatus Wrisbergius, sed si ejus iconem litt. P. S. cum natura comparemus, non omnino perfectam invenimus; nam et fasciculi principium, et progressio multum a naturali discrepant.

Haec de majori fasciculo, quem plane non omnibus ignotum fuisse superius memoravimus. Minor autem fasciculus, quem majori comitem ire diximus, exortum ducit ab columnae medullaris axi, seu ab intimis pedunculi cerebelli penetralibus, rectaque per mediam medullam decurrens sub maxillari superiori emergit aliquot lineis infra fasciculum majorem, et distinctus plerumque sub armilla pergit, ubi priori junctus planam taeniolam constituit, et cum eo ad ovale cranii foramen contendit.

I 3.

Quamquam

26) L. c. Sect. I. §. 5. 6.

28) Anat. Annot. cap. III. §. 17.

27) Comment. de rebus in scient. natur. et Med. gestis vol. XXIV. P. I. p. 73. et hor. script. Tom. II.

29) Adnot. ad Tab. II. Sant.

Quamquam hi nervi ea, qua diximus, administratione demonstrari possint, scilicet rescindendo ophthalmici et maxillaris superioris extrema in cranii basi; altera tamen multo expeditior est, qua quinti principium prope crus cerebelli truncatur illaeso interim eo fasciculo, qui caeteris eminentior est: nempe aperta nervi gustatorii cavea, is a caudice divulsus una cum armilla in basim cranii reflectitur, quo peracto utriusque nervi per caveam incessus et directio conspicitur.

Hactenus ea exposuimus, quae plerumque in bene constitutis cerebris spectari solent; nam in his quoque, ut in aliis nervis, tam in ipsa origine, quam in itinere aliqua varietas deprehendi solet. Sic prior fasciculus humiliori nonnunquam loco, et fere eodem cum ophthalmicis fibris ordine in foemineo praecipue cerebro prodit, a quibus aegre, aut vix non discernitur, nisi prius resectus ad rimam orbitalem ophthalmicus supra crus cerebelli reflectatur. Alterius vero nervi ortus saepius ad lineam sub priori, nunc fere ad ejusdem latus, aliquando etiam sub ophthalmico observatus est. Quacumque autem ratione sese habeat, a priori semper sejunctus exoritur, ita ut quo remotior est, eo majus inter utriusque principia sit intervallum, sensim tamen ad majorem accedit, et intercedente cellulari in unum abire videntur fasciculum.

Ut ortu hi nervi, sic fibrillarum numero variant. Quae nudo oculo discerni possunt filamenta in superiori sunt quinque aut sex, in inferiori usque ad octo numerantur. Superior autem fere duobus tribusve fibris torosis, albis, teretibus conspicuus est, quarum unaquaeque in minora abit filamenta, et quo paucioribus fibris alteruter nervus instructus est, eo pluribus alter compositus esse deprehenditur.

In viraginis cerebro duabus supra ophthalmicum lineis ex sinistro latere oriebatur prior fasciculus quinque instructus fibris, atque eidem insigne filamentum accedebat ex confinio ophthalmici cum maxillari superiori prope cerebelli pedunculum, transcendensque praedictos nervos iungebatur fasciculo, qua is sub ophthalmico conditur. Tam conspicui filamentum aberrationem me nunquam antehac vidisse memini; nec vidisse meminerant alii, qui crebro sectionibus intererant, et in his multa doctrina et ingenio praediti, Chirurgiae et Anatomies studiosissimi adolescentes Monteggia et de Marchi.

Horum nervulorum fibrae diversam omnino naturam praeferunt; nam multo sunt candidiores et robustiores iis, quae quintam faciunt conjugationem, et in duas parallelas fasciolas coaptatae sic incedunt gustatorio obiecti, ut antea accumbentes maxillari inferiori, dein etiam eidem substrati, fere autem prope exitum firmiter ei adhaerentes e cranio simul elabuntur. In toto per caveae parietem posteriore itinere illud profecto dignissimum animadversione est, quod armilla subjectos hosce nervos nullibi coerceat, implicetve, quemadmodum adnotarunt etiam Santorinus, et Girardus (Tab. II. litt. yy), imo potius armilla adductis cornubus veluti in canalem aut fulcum eos recipiat fibrarum ordine et colore nusquam mutato.

Quoniam igitur extra omne dubium positum sit nervos nostros non solum ortu differre, et, ut infra ostendemus, filamentorum distributione, sed incessu etiam a reliquis esse separatos; oportet sane, ut inter nervos peculiari loco recensentur, et propriis etiam nominibus distinguantur.

Vetus est mos nervos per paria seu conjugationes numerandi, qui tamen a praestantioribus nostri aevi Anatomicis merito improbatur. Quum enim a Galeni temporibus laud pauca nervorum paria adjecta sint prioribus, quumque propterea numeri cuique nervorum pari assignati fuerint immutandi, ne ipse numericus ordo turbaretur, satis, opinor, patet, quanta in nervorum historia oriretur confusio, si eadem ratio numerandi perpetuo servaretur. Eam ob causam Vesalius, ut ex Falloppio colligitur 30), ne numerum ab aliis Anatomicis positum et confirmatum turbaret, quantum nostrum, seu patheticum pro distincto pari non proposuit, sed pro minori propagine tertii paris enumeravit. Igitur ne aut nervos novissime propositos et discretos aliis adjiciamus et confociemus, aut hujusmodi numerum iis apponamus, quo jam diu alii nervi innotuerunt; vitanda est, ni admodum fallor, nervos per paria recensendi consuetudo, qua ratione vitabitur etiam utrumque vitium in dissectionis historia certe gravissimum, etiamsi in posterum novi nervi Anatomicorum industria proferantur.

Longe melius rei Anatomicae consuluerunt ii, qui nervorum appellationem desumpserunt a munere, quod cuique peculiare est, et a partibus, ex quibus prodeunt, aut ad quas sunt a natura amandati, aut a multiplici, quam in corpus exercent, actione ex aliorum nervorum consortio.

His igitur de causis primum nervorum nostrorum fasciculum *Crotaphiticum*, quia fere in musculo temporali absumitur, alterum *Buccinatorium* a praecipuo, quem ad buccas mittit, nervulo appellabo, quibus nominibus insigniores eorum rami apud Anatomicos jam gaudent. Quae quidem appellatio, etsi verear, ne ab omnibus fortasse probetur, iis praecipue, qui nervos hosce ad par quintum, aut certe ad maxillarem inferiorem *accessorios* nuncupari maluerint; confido tamen illos mecum esse sensuros, ubi perpenderit rationes, quae me ad novos nervos praedictis nominibus insigniendos impulerunt.

Recte quidem monuerat Falloppius in nervorum paribus distinguendis non esse observanda calvariae foramina, sed distinctionis occasionem repetendam esse ab origine, et divisione intra membranas facta 31). Igitur si horum nervorum origines spectemus, eae tam sunt distitae a maxillari inferiori, ut si illud attendendum esset, ad superiores potius viderentur pertinere; quamquam et ab hujus, et ab ophthalmici initis sic sunt discretae, ut ad horum neutrum referri possint. Deinde eorum principium insigne, multis constans filamentis, cum nullo nervo intra cranium communicantibus, quid aliud denotat, quam nervos esse sui juris, et peculiaribus officiis destinatos? Demum furculi eorum nullam habent cum magno trunco maxillaris inferioris proportionem, et ii quidem distribuuntur in partibus, quas maxillares non adeunt, et soli in iis imperium exercent. Quamobrem si *accessorii* dicendi sunt ii nervuli, qui alicui principi nervo quodammodo auxiliantur, et suppetias ferunt, vix, opinor, alios in toto cerebro inveniemus, qui eo nomine sint vocandi praeter *accessorios ad tertium et quartum par* a Malacarnaeo repertos. Nam accessorius Willisii, qui per propriam vaginulam effertur e cranio, origines ab octavo remotissimas habet, et in partes se disjicit, quas par vagum non pervadit, ut proinde nil eidem videatur opitulari. Valsalva in-

versa

versa ratione considerans hujus nervi originem, non eum a medulla spinali nervisque cervicalibus oriri existimavit, sed potius ab octavo pare, atque ab eo profectum ad spinam amandari, et propterea *nervum paris vagi recurrentem ad spinalem cervicis medullam* nuncupavit ³²⁾. Quae quidem opinio, quum sentiendi facultas a cerebro ad nervos deferri, non ab his ad cerebrum reduci credatur, minus naturae legibus videtur esse consentanea. Praeterea, quum is nervus tali modo ab octavo pronatus duos habeat fines, unum nempe intra, alterum extra cranii cavitatem, consequitur, aut duos *accessorios*, aut duos *recurrentes* per vagum nancisci oportuisse. Haec quidem facilius cum natura conciliari posse viderentur, nisi pro altero fine nervi illud obstaret, quod supra monuimus, videlicet sentiendi vim a cerebro et medulla unice per nervos propagari. Quare pro certo habeo radices *accessorii* Willisianii esse tenuissimas, illas ab medulla et cervicalibus ortas fibras, quae quum in unum ampliorem truncum coeant crebris deinceps anastomosibus augendum, uti intercostalis nervus, eum proinde, si quid ego iudico, inter *sympathicos* seu communicantes referendum censerem.

Nervi, quos a cerebelli pedunculis ad ovale cranii foramen hucusque deduximus, tenuissima piae membranae lamina conteguntur, atque ubi memoratum foramen subeunt, eum in ordinem disponuntur, ut maxillaris inferior magis externus versus auriculam sit; Buccinatorius interior est a maxillari ipso protectus; crotaphiticus autem anteriora magis foraminis ovalis tenet.

Eo in loco primum maxillaris cum novis nervis copulatur; sed non uno semper modo consociantur. Etenim saepius plexus observatur ex transversis fibris truncos colligantibus natus; nonnunquam ipsimet trunci coaliti per aliquod spatium deprehenduntur, ut disjungi sine laceratione prorsus nequeant. Est etiam, ubi intimius inter se cohaerent novi nervi, dum e contra maxillaris duobus tribusve solum filamentis iis conjungitur, quae in minima ganglia intumescunt prope truncum, in quem inferuntur. Ganglion autem tribus nervis commune a Santorino et Girardo memoratum vix aut nullo modo deprehendere potui.

Rarius etiam contigit animadvertere a Buccinatorio editam fibram nervosam satis validam supra plexum aut ganglion commune se producere, maxillarem transversae zonae in modum completi, atque in ramum massetericum aut crotaphiticum desinere.

Ex plexu, aut ganglio, aut coalitu superius dicto plures nervosi surculi promanant, qui extra calvariam a rete venoso *emissariorum* Santorini excipiuntur. Et si varius et multiplex sit horum surculorum numerus et ortus, plerumque tamen quinque magis conspicui reperiri solent, nempe *massetericus*, *temporales* duo, *buccinatorio-labialis*, et *pterygoideus*. Horum priores tres a *crotaphitico*, postremi duo a *buccinatorio* proficiscuntur, quos tamen omnes ab maxillari inferiori hucusque deduxerunt Anatomici, quem proinde ad stellae similitudinem dividi ³³⁾, aut radiorum instar secedere scripserunt ³⁴⁾. Eorum ramorum iter, directionem, surculos fusius persequi non est animus; nec enim quidquam perfectius in eo genere proferri potest, quod absolutissimae, quam

32) Dissert. Anat. I. §. 20. 22.

33) Haller Elem. Physiol. lib. X. sect. VI. §. 21.

34) Meckel sect. V. §. 86. — et hor. script. I. 199.

quam dedit Meckelius, descriptioni queat comparari. Illud solum proferam, quod hos nervos non esse trunci maxillaris inferioris soboles patefaciat, et quod varietates aliquas caeteris praetervisas, et praecipuam eorum actionem a suis truncis pendere, quantum per me licet, commonstret.

Ramorum primus et extimus *massetericus*, a musculo nomen habens, duas plerumque origines obtinet a crotaphitico nempe, et maxillari inferiori. Hic vel furculo ex transverso dato sibi jungit crotaphiticum, antequam secedat in *massetericum* et binos temporales; vel ex utroque promanat furculus, qui geminatum *massetericum* constituit. Perratum est ex solo maxillari prodire *massetericum*, quamquam in eo quoque casu geminatum deprehendi; a buccinatorio vero nunquam derivasse memini, prout Hallerus videtur observasse ³⁵⁾.

Ita constitutus *massetericus* recta procedit ad condylum maxillae inferioris, quo in loco gignit nonnunquam temporalem minorem, aut plura filamenta emittit, quae ejus vice funguntur. Tum juxta internum processus condyloïdis later inter membranas ligamenti capsularis se insinuat ³⁶⁾, quandoque extra membranas sub ipsa capsula articulari, cui furculo uno, alterove prospicit, pterygoidis externi marginem legit, et *masseteris* musculi interiores fibras penetrat medius, et sub ipsum jugum venit, dumque flexitur in anteriora, emergit ex fibris brevioribus *masseteris*, ut in exteriores et longiores se immittat ad modum litterae ∞ inflexus, excurritque usque ad fibrarum terminum, qua eadem ad maxillae angulum proferuntur.

Interiores magis sunt temporales duo, aut plures, quos profundos vocant ³⁷⁾. Temporalis minoris et exterioris ortus parum constans est; saepius enim a crotaphitico proficiscitur, non raro a temporali majori, quandoque ab ipso *masseterico* uno pluribusve, ut dictum est, exiguis furculis. Prospicit exteriori magis musculi crotaphitici parti, quae sub ipso jugo est, ut tamen cum interiori temporali frequenter inosculetur.

Truncus ipse crotaphiticus videtur in temporalem majorem et interiorem definere. Is cum prioribus pluribus locis communicat, atque cum maxillari per plexum superius memoratum; deinde in filamenta divisus, interdum bifidus, per interiorem musculi crotaphitis carnem infumitur fibras ipsas sequendo, qua eadem supra pericranium, et supra planum temporalis fossae elewantur. Communicare etiam cum nervulo a lacrymali nato, et ex orbita in fossam temporalem penetrante dicitur a Meckelio ³⁸⁾.

Buccinatorius duos potissimum nervos progignit *buccinatorio-labiale* (nomen enim, quo a plerisque designatur Anatomicis, non est ex toto, nec temere immutandum) et *pterygoideum*. Prior nervus temporalibus ipsis profundior est, anterior, teresque, nonnihil ad conum vergens, laevissimus, et sat validus. Etsi in hunc videatur plerumque continuari truncus buccinatorius, nonnunquam tamen ex binis fibris a trunco maxillari et crotaphitico advenientibus ortum vidi: vidi etiam fibras accepisse ab unoquoque

35) L. c. §. 24.

36) Fallop. l. c.

Ludwig script. neutr. mm. T. III.

37) Haller l. c. §. 24. Meckel sect. V. 88.

38) L. c. §. 89.

unoquoque simul trunco maxillari nempe, crotaphitico, et buccinatorio, qua iidem invicem inter se miscentur. Interdum a solis truncis crotaphitico et buccinatorio proficiscitur, rarissime vero a ramo communi cum temporali majori prodit, quod quum fit in anteriori magis exteriorique parte positus invenitur. Non est praetereundum buccinatorio-labialē interdum, ubi principium paulo anteri⁹ sumit, insigni ramo augeri ab maxillari inferiori, qui in fovea temporali ad angulum ei adjungitur inter musculos crotaphitem et pterygoidem minorem.

Ita ortus buccinatorio-labialis oblique deorsum fertur ad musculum pterygoidem minorem, nervulosque largitur superioribus ejusdem fibris, et magis interioribus musculi crotaphitis 39); quae ad exteriorē oculi canthum sunt, tum perforato ejusdem musculi pterygoidis ventre modo in elatiore, modo in demissiori parte descendit inter tendines pterygoidis externi, et musculi crotaphitis, atque buccinatori musculo pressius sese applicat 40); tum sinuosum maxillae inferioris marginem secutus ad masseteris medium ventrem emergit in faciem veluti ex longo itinere. Dum eam viam legit variis furculis prospicit ligamento, quod inter utramque maxillam est, glandulis molaribus, musculo cognomini, adipi, cutique. Porro antrorsum trans buccinatorem ad oris angulum contendit, et tunc vere *labialis* nervus est. Ibi, postquam multa filamenta exhibuit vicinis musculis, qui ad oris angulum coeunt, cutem, glandulasque salivales adit, et sub orbiculari labrorum in implicitas illas fibras carneas disperditur.

Buccinatorii nervi alter, sed minor ramus est pterygoideus, qui aliquando ipsius trunci videtur esse propagatio, furculoque ad musculum pterygoidem externum misso, altero non constanti cum maxillari trunco communicat. Interdum exili ortus principio sensum in ganglii formam intumescit et in binos secedit aequales nervulos. Ubi autem, quod quandoque contingere adnotavimus, buccinatorio-labialis a trunco ipso buccinatorio non emanat, nervulus pterygoideus duplicem originem nanciscitur, minori⁹que propagine nascentem pterygoidem musculum externum, et palati circumflexum adit; majori vero cognominis musculi carnem penetrat, et secundum fibrarum directionem multis emissis filamentis ad ejus tendinosum finem profertur. Una haud amplius vice ex 30 cadaveribus observare contigit, nervum pterygoideum prodiiisse ex ramo linguali maxillaris inferioris, qui quidem ramus a consueta directione deflectens super alam anteriorem processus pterygoidei descendebat, flexuque post emissum pterygoideum ad anteriora facto linguae demum propius accedebat.

Quae de horum nervorum usu peculiari dicenda supersunt, ea sic tenebris obvoluta sunt, ut vix quidquam certi statui possit, et nisi observationes pathologicae faciem praeferrerent, nec quidem cum aliqua ratione conjectandi locus esset. Illud tamen videtur certum, praecipuam eorum actionem esse in partes a voluntate motas, quum rami inferantur in musculos temporalem, masseterem, buccinatorem, labiales, et pterygoideos, quorum praecipui voluntariis maxillae inferioris motibus famulantur. Maxillae autem morbus, quem illi familiarem et gravem omnes sciunt, est Trismus, scilicet spasmotica adductio et constrictio maxillae inferioris, in qua elevatores musculi temporales,

39) Fallop. obs. anat. p. 88.

40) Fallop. l. c.

porales, et masseteres, et forte etiam pterygoidei valide contrahuntur, et obrigesunt superflite linguae, pharyngis laryngisque, saltem in morbi initio, functione. Trifmus ergo est a nervis Crotaphitico et Buccinatorio proxime affectis. Equidem non inficior irritatis furculis Crotaphitici et Buccinatorii in consensum trahi maxillarem inferiorem, et vicissim hoc laeso aut vulnerato propagari irritationem ad Crotaphiticum et Buccinatorium, cum quibus consociatur; at illud constans est, prima et graviora trifmi symptomata sive a vulnere sive ab alia causa pendeat, sive Tetani sit praenuncius, in rigore musculorum maxillam inferiorem attollentium observari.

Trifmi, qui lactantes infantes exercet, post Aretaeum ⁴¹⁾ graphicam omnino descriptionem exhibuit eruditissimus Brendelius ⁴²⁾, causamque solerter non minus quam vere ponit in quinti paris nervis, et *propiora cum illo commercia habentibus*. Sed undenam *isthuc impetum faciat* non aequè patere ultro fatetur vir cl., qui suspicatur unice ex primis viis repetendam esse causam per consensum sympathici maxillae, et medii ex vitio etiam hepatis, bilisque, quum faeces moeconio similes, virides, foetentesque prodire observaverit. Aretaeus ⁴³⁾ potissimam hujus vitii causam frigus esse opinatur, puerosque assidue hoc morbo vexari, sed non admodum perire tradidit. Apud nos licet non infrequens malum sit crebrius tamen eo vexati infantes intereunt. De causis vero dicere, arduum videtur, neque sententiam nostram proferre lubet, antequam iteratis observationibus compertum sit, quot, quantaque sint, quo anni tempore inflorescant, quibusve potissimum praesidiis tollantur.

EXPLICATIO TABULAE.

Exhibent icones calvariae basim cum medulla oblongata resectis cerebri et cerebelli hemisphaeriis, ut nervorum plerique e basi cerebri prodeuntes conspiciantur. Etsi autem Tabula ea diligentia et studio confici non potuerit, ut omne vitium evitaretur, quum delineatore uti oportuerit parum in Anatomicis figuris exercitato, opinor tamen hancce satis idoneam esse ad sistendos nervos, quorum deinde examen in cadaveribus sit repetendum.

Fig. I. Sistit portionem cerebri et cerebelli cum medulla oblongata, e qua prodeit nervus quintae conjugationis in naturali sede conspiciendus. Ostendit etiam crotaphitici originem, ejusque exitum per ovale cranii foramen.

- | | |
|--|-------------------------------------|
| A. Cranium excisum. | a. Pons Varolii. |
| B. Processus falciformis durae matris. | b. Crus ascendens cerebelli. |
| C. Portio hemisphaerii dextri cerebri. | c. Truncus quinti paris. |
| D. Portio hemisphaerii dextri cerebelli. | d. Ramus ophthalmicus quinti paris. |
| E. Fossa media basis cranii. | e. Ramus maxillaris superior. |
| F. Crus descendens cerebri. | f. Ramus maxillaris inferior. |

K 2

g. Armilla

⁴¹⁾ Acutor. lib. I. cap. 6.

⁴²⁾ De Spasmo maxillae inferioris infantili Program. Göttingae 1757.

⁴³⁾ L. c.

- g. Armilla truncum quinti paris revinciens.
- h. Origo nervi crotaphitici.
- i. Ejus e cranio exitus ad latus interius maxillaris inferioris.
- l. Nervus tertii paris.
- m. Nervus accessorius Malacarnaei ad tertium par.
- n. Nervus patheticus.


Fig. II. Repraesentat nervos Crotaphiticum et Buccinatorium in media basis cranii fossa collocatos resecto quinti paris trunco prope crus cerebelli, et super cranii basin reclinato.

- A. Cranium excisum.
- B. Processus falciformis D. M.
- C. C. Portio hemisphaeriorum cerebri et cerebelli.
- D. Fossa media basis cranii.
- a. Crus descendens cerebri.
- b. Crus ascendens cerebelli.
- c. Pons Varolii.
- d. Nervus tertii paris.
- e. Nervus accessorius tertii paris.
- f. Nervus quarti paris.
- g. Nervus sexti paris.
- h. Truncus excisus quinti paris.
- i. i. i. Tres rami quinti paris.
- l. Radix quinti paris resecti.
- m. Nervus crotaphiticus.
- n. Nervus buccinatorius.

Fig. III. Alia adhibita administratione eosdem nervos offendit ex capite viri fere quadragenarii, cui resecto cranio cerebri hemisphaeria cum cerebelli portione dempta sunt. Effracto osse temporum dextri lateris, et osse jugali musculus temporalis in faciem reflexus est, ut nervorum nostrorum incesus, et divisio exhibeatur.

- A. Cranii excisi pars.
- B. Portio cerebri.
- C. Hemisphaerium dextrum cerebelli secundum horizontem sectum.
- D. Eminentiae quadrimae.
- a. Processus cerebelli ad testes.
- b. Crus cerebri descendens.
- c. Pons Varolii.
- d. Sulcus dirimens crura cerebri a processibus cerebelli.
- e. Foveola in uno sulco.
- f. Nervus tertii paris.
- g. Nervus accessorius Malacarnaei ad tertium par, qui interdum duobus, tribusve, et etiam pluribus filamentis ex foveola pronatus per ipsum sulcum ascendit medullae oblongatae applicatus; tum paululum in latus inflexus extremum pontem attingit sub nervo pathetico, cum quo interfecatur: dein marginem pontis superiorem legens, interdum etiam velut in sulco delitescens, prope ipsas tertii paris radices desinit. Hic nervus saepe deest modo ex uno tantum, modo ex utroque latere.
- h. Nervus patheticus.
- i. Nervus sexti paris.
- l. Nervus octavi paris resectus.
- m. Foraminis ovalis portio excisa, per quod nervi exeunt.
- n. Musculus temporalis in faciem reclinatus.
- o. Musculus massetericus.
- p. Musculus pterygoidens minor.
- q. Processus condyloideus maxillae inferioris.

1. 1. Nervus ophthalmicus et maxillaris superior in basi cranii resecti, et supra cerebellum reclinati, ut nostrorum origo nervorum conspiciatur.
2. Nervus maxillaris inferior e sua sede non dimotus.
3. Fasciculus primus, seu nervus Crotaphiticus, ejus radices usque ad eam foveolam pertingunt, quae accessorium ad par tertium emittit.
4. Fasciculus secundus, seu nervus Buccinatorius, qui ab axi medullae oblongatae sumit initium, et sub ophthalmico, aut maxillari superiori emergit.
5. Nexus nervi maxillaris inferioris cum nervis Crotaphitico et Buccinatorio.
6. Ramus massetericus.
7. Ramus temporalis profundus major.
8. Ramus temporalis profundus minor.
9. Ramus buccinatorio-labialis.
10. Continuatio trunci maxillaris inferioris.
11. Nervus temporalis superficialis maxillaris inferioris soboles.



V.

M. GIRARDI

D E

NERVO INTERCOSTALI.

FLORENTIAE 1791.

Qualis, et quanta fuerit veterum Anatomicorum solertia, atque sollicitudo ut humani corporis compagem, intimamque structuram poenitus assequi possent, eorum scripta plane luculenterque testatum faciunt. Verum cum omnia non omnibus rimari, atque introspicere datum sit, cumque naturae velamen, quo ipsa partium dispositionem, ordinem, diversitatem, nexum, mutuumque omnium consensum, atque harmoniam caute Observatorum oculis abdit, difficillime auferatur, hinc factum est, ut plura saecula partim inter tenebras, partim inter lucis crepuscula praeterierint, antequam magnum illud Anatome, quo in praesens fruimur, jubar utilissime effuderit. Laboribus imprimis magnorum virorum id acceptum debemus, qui saeculo decimo sexto potissimum florere Vesalii, et Eustachii, qui cum Anatomen angustis finibus circumscriptam invenerint adeo adlaborarunt, ut expulsis maxima ex parte erroribus, quibus tunc temporis obruebatur, novam, genuinam, mirabilem humani corporis historiam tabulis illustrarint, nobisque veluti novum spectaculum exhibuerint. Tantorum virorum vestigia presso pede sectati sunt viri longe celeberrimi, Fallopius, Cananus, Columbus, aliique plures, qui licet integram Anatomies historiam haud conscripserint, tamen aut additis quibusdam novis, aut aliis illustratis, aut castigatis aliis, veriorum utilioreque Anatomen reddiderunt. Subinde prodiit magnum illud Academiae Bononiensis lumen Marcellus Malpighius, qui inter coetera plura, dum Omenti structuram praebuit, tunicae etiam cellularis fabricam accuratissime indigitavit. Et licet in exponendis glandulis nimius fortasse fuerit, ea tamen in re non tantum peccavit, quantum Rujfchiani contendunt, quibus caeteroquin ars illa summa injectionum debetur, quae inaccessus, directiones, et fines vasorum mirifice declaravit. Artem hanc, cum tertiam Cerebri substantiam detegeret, ulterius Albinus produxit, qui praeter alia accuratam muscutorum, et ossium historiam lucupletavit. Auris, et Pharyngis structuram illustravit Valsalva, universam Anatomen accuratissime Winslovius descripsit. Maximam Anatomies partem observationibus ditavit, et auxit Santorinus, et Uteri structuram, ac sedem amplissimis tabulis luculentissime exposuit Hunterus. At post tam magna, quid non praestitit magnus ille Jo. Baptista Morgagnus ad perficiendam Anatomen natus? Summus hic vir, perpetua mihi recordatione colendus, tum pluribus inventis artem nostram mirifice cumulavit, tum in illa explicanda eo stylo, eaque elegantia

gantia usus est, ut aequari difficillime, superari vero nullo pacto a quolibet unquam possit. Tantorum virorum, aliorumque labores, atque inventa, summa, ac fere dixerim, incredibili eruditione in unum collegit, propriisque observationibus amplificavit vir eximius Physiologorum Princeps Albertus Hallerus, qui laboribus suis eo pervenit, ut extremos Anatomicos definitos limites fere attingere videretur. Verum (quis crederet?) in hac messe colligenda, manipuli, et quidem copiosissimi adhuc superfuerunt, quemadmodum propriis observationibus viri sane praestantissimi demonstrarunt. Sic enim Thoracis, ac Ventris nervos copiosius explanavit Walterus, lymphatica vasa Mascagnus, Olfactus, et Auditus organum Scarpa, et plura nunc ad magni intercostalis nervi initium pertinentia, neque ab aliis adhuc reperta in medium adducit, promovet, elegantissimisque figuris exornat Felix Fontana. Nos igitur, cum ignoret nemo, quantus sit hujusce nervi in explicandis vitae phaenomenis influxus et actio, tanti viri vestigia sequi, non modo gloriosum, sed utile in primis ducimus, praesertim cum quaedam etiam propriae observationes eadem magis magisque confirment. Primum igitur quaedam generalia ad hujusce nervi historiam spectantia praemittam; deinde illud non esse intercostalis nervi initium, quod hactenus ab omnibus habebatur, ostendam; denique nonnulla ex recta hujusce nervi notione phaenomena explicare conabor, quorum enucleatio haud satis apte aliunde poterat hauriri. Adeste igitur eo animi mentisque favore, quem mihi humanitas vestra pollicetur, et me dicentem benigne excipite, arrigite, sustentate.

Omnibus, qui vix a limine Anatomen salutaverint, notum est intercostalem nervum ad latera corporum vertebrarum omnium, ante apophyses earundem transversas, et latera etiam interna ossis sacri, singulis in lateribus, chordae instar a summo ad innumprotensum assurgere, et passim secundum ejusdem longitudinem corpuscula quaedam habere, quibus quodammodo intercipitur, quae ganglia appellantur. Hujusce nervi crassitudo ad latera corporum vertebrarum dorso maxima est, tenuissimae vero ejusdem extremitates. Ganglia non secus ac nervi, in cervicalia, dorsalia, lumbaria, et sacra distinguuntur, quorum numerus, magnitudo, color, ac consistentia varia est; cervicale tamen primum omnium est maximum. Ex hisce gangliis varii producuntur nervi, quorum alii in ganglia sese dimittunt, alii vero per varias disseminantur partes. Qui ex gangliis trunci emergunt, ubi ejusdem crassitudo major est, tenuissimi sunt, contra non adeo exiles, qui ab extremitatibus trunci proficiscuntur. Intercostali itaque trunco, secundum spinæ longitudinem per thoracem incedenti, binos unusquisque spinalis, dorsalis nervus ramos tribuit, quorum alter superior et brevior, longior alter et inferior est. Ex hisce itaque gangliis, quae inter costarum interstitia occurrunt a quinta usque ad decimam, aut undecimam dorso vertebra singulis in lateribus radices quinque ut plurimum emergunt, quae versus mediam anteriorem vertebrarum partem deorsum ad postremam dorso vertebra contendunt, quo ubi pervenerint, ac simul accreverint nervum constituunt qui, Splanchnicus, five Collateralis dicitur. Hic nervus per posteriorem diaphragmatis musculum tractus, cui et furculos impertit, hinc et hinc ganglium illud peculiare efficit, quod semilunare dicitur, licet hujusce ganglii figura varia sit, et irregularis. Tum dexterum semilunare ganglion, tum sinistrum pone

ventricu-

ventriculum per coeliacam arteriam cum excurrentibus nervis insimul, atque etiam cum Pari vago communicant. Ex ganglio autem dextero plexus hepaticus, ex sinistro plexus splenicus producit, qui cum hepatico conjugatur, atque etiam cum Pari vago, arteriam splenicam comprehendit, Pancreati prospicit, et per Lienem dispescitur. Ex duobus hisce gangliis, ut brevis sim, nervi proficiscuntur, qui cum primis lumbaribus conjuncti plexum renalem efficiunt, qui per emulgentes arterias, atque etiam spermatica vasa disseminatus in Renes, glandulasque renales disjicitur. Plexus autem hic renalis per plura nervorum filamenta magnum mesentericum plexum fovet, et perficit, simulque per plures nervos cum coronario ventriculi plexu communicat. Ex hoc ipso plexu furculi proficiscuntur ex utroque latere, qui ad primas lumborum vertebrae cum praecipuo intercostalis trunco copulantur.

At post tot ganglia ac plexus quos commemoravimus, prope piaculum esset si plexum illum singularem omitteremus, quem Solarem dicunt, ex quo praesertim Physiologi in explicandis vitae phaenomenis tam magna, ac peculiaria desumunt. Ex duobus itaque semilunaribus gangliis, plures nervorum furculi proficiscuntur, qui superius ante primam lumborum vertebrae varie simul intertexti, atque implicati plexum hunc constituunt, ex quo nervi radiorum instar, per diaphragma, ac potissimum per mesenterium diffeminantur.

Ex hoc autem plexu, atque etiam renali, et hepatico, et ganglio semilunari dextero plures nervi dimanant, qui in retiformem veluti membranam conformati mesentericam superiorem arteriam comprehendunt, ejusque propagines, per quas ad mesentericas glandulas, ac potissimum ad intestina traducuntur. Plexus hic mesentericus superior appellatur: inferior autem ex iisdem fontibus profectus per mesentericam arteriam inferiorem, per glandulas atque etiam per intestina longe, lateque dispescitur. Hosce plexus, quos festinanter commemoro, Auditores optimi, memoria retineatis oportet, ut ex his plura phaenomena, quae ab intestinis originem habent, dignoscere, apteque explicare possitis. Porro ex duobus hisce plexibus utroque in latere nervorum fasciculi assurgunt, quibus alia nervorum filamenta e Plexu renali, et e lumbaribus gangliis conjunguntur, qui varia ratione implicati hypogastricum plexum constituunt. Plexus hic ante postremam lumborum vertebrae in duo veluti plana ganglia sese dividit, et recti intestini initium posterius comprehendit, et per intestinum ipsum per vesicam, ac vasa spermatica, non secus ac per partes omnes pelvi comprehensas disjicitur.

Truncus autem intercostalis nervi postquam productiones illas emisit, e quibus splanchnicus componitur, extenuatus ad undecimam dorsi vertebrae ipsi Collaterali accedit, et ipse quoque per diaphragma trajectus, ac supra corpora vertebrae vergens, ac sensum e dorsali nervis, quibus conjungitur crassescens, excurrensque inter musculos Psoas, et tendineas diaphragmatis appendices per vertebrae, lumborum latera usque ad anteriorem et inferiorem extremamque ossis sacri partem descendit. Nimis longum esset productiones omnes, et gangliola recensere, quibus hic nervus intercostalis cum mesentericis, hypogastricis, lumbaribus, ac sacris nervis rationem habet, atque etiam partes illas, quibus prospicit: haec omnia passim apud Winslovium, Hallerum,

Hallerum, et potissimum apud Walterum aperte invenietis: sufficiat interim quae attulimus sic attingisse, ut in explicandis implicatissimis interdum malis, maximum inter nervos thoracis, ventris, ac artuum inferiorum consensum, atque harmoniam esse cognoscatis. Haecenus de media, ac inferiore hujusce nervi parte, nunc de superiore verba faciemus.

Ex ganglio itaque primo, et supremo dorsali nonnulla proficiscuntur filamenta, quorum alia proximis partibus inserviunt, alia vero cum cervicali extremo, ac cum Pari vago conjuncta versus intima thoracis contendunt, cardiacum plexum, atque etiam ex parte pulmoniacum factura. In hac mirabili nervorum implicatione, et minimos alios plexus, et gangliola, et anulas saepissime efficiunt, quae cum vario modo in variis cadaveribus se habeant, atque etiam non raro desiderentur, eorundem accuratam exhibere historiam inutile, atque supervacaneum prorsus censemus. Ex anulis tamen una specialis est, et constans, quae subclaviam arteriam comprehendit, quaeque ganglio cervicali extremo et primo dorsali debetur. Ex hisce autem gangliis nervi prodeunt, qui non raro cum Pari quarto, quinto, sexto, ac septimo ex cervicalibus conjunguntur. Inter tamen hosce nervos haud praetermittendi sunt, qui recurrenti connectuntur, quique pone arteriam axillarem atque etiam carotidem excurrento plexum pulmoniacum petunt.

Ex plexu autem pone subclaviam, quo dorsale ganglion cum cervicali confociatur nervorum filamenta descendunt, quae ex parte cardiacum plexum componunt. Est et peculiaris nervus a memoratis gangliis profectus, qui cum pari octavo conjunctus inter arcum Aortae, et truncum arteriae pulmonalis pergens plexum gangliiformem efficit, a quo nervi ad basin cordis, ejusque auriculas, et ventriculos excurrunt. Non me fugiunt intercostalis nervi alii, atque alii furculi, qui vasa plura pharyngem, Oesophagum, et proximas partes petunt; verum, humanissimi auditores, si eos praetereo haud me reprehendatis, quaeso, cum me potissimum extremae hujusce nervi ramificationes sollicitum teneant, e quibus praecipuum hujusce exercitationis argumentum pendet.

Ex ganglio itaque cervicali inferiore intercostalis truncus superiorem petens membranis obvolvitur, quibus insimul Par vagum, atque etiam arteria Carotis comprehenduntur. Dum per hasce membranas traducitur eductis ramis cum Pari vago, atque etiam cum cervicalibus nervis copulatur. Pone pharyngem, ante tres primas cervicis vertebrae, ganglion illud praecipuum ex intercostali assurgit, cui primi cervicalis, aut olivaris nomen factum est. Ganglion hoc cervicalibus nervis, et Pari vago conjunctum ex summa ejusdem parte nervum caeteris molliorem emittit, qui una cum carotide interna per canalem serpentinum sursum scandit, cranium petiturus. Statim ac hic nervus canales subit, in plures, qui molliissimi sunt, se findit ramos, quique arteriam carotidem, cui arctissime adhaerent, comprehendunt, ac comitantur. Ex extremo denique trunco duo aut tres, interdum etiam plures rami emergunt non adeo molles, quorum unus aut alter Pari sexto ex cerebralibus, alii vero quinto nervorum Pari confociantur.

Hi sunt rami, optimi adolescentes, de quibus paulo ante dicebam, quique attentionem vestram quam maxime postulant, cum ex iis Anatomici ferine omnes intercostalis initium deducant. In hisce perpendendis non auctoritas, non rerum apparatus, non verborum copia vos moveat; postquam sensibus caute, diligenterque rem perpen- sam, eamque rationibus, quas adducam, comprobata habueritis, num hae ramifica- tiones initium intercostalis, aut finis sint, vestrum erit sententiam ferre.

Operam fortasse quis perderet, tempus inquirendo, ex quo ab hisce ramificatio- nibus intercostalis initium plerique omnes Anatomici deduxerunt; haud ita tamen even- turum censemus, si harum ramificationum maximam perpendendo cum sexto, ac cum quinto connexionem in causa fuisse assereret, cur veteres et neoterici intercostalis ini- tium ab iisdem adhaesionibus deduxissent, maxime quidem si praeter totius corporis analogiam, insertionis locus non adeo a cerebro remotus adderetur. Quae quidem sententia de nervi intercostalis initio, tamen non leve momentum habere videatur, ta- men habitis a praestantissimis viris observationibus in dubium revocare minime dubita- runt. Primus omnium Petitus fuit; hic enim observavit fibras illas, quae sexto, atque etiam quinto pari conjunguntur non solum a posterioribus ad anteriora, verum etiam ad angulum adeo acutum copulari, ut pro ramis ab iis paribus profecti haberi nequeant: deinde hasce fibras, e quibus intercostalis initium deducitur, adeo exiles esse ut tam longo, atque adeo crasso intercostali nervo convenire non possint: porro nervum sexti paris ab ejusdem origine usque ad insertionem intercostalis tenuiorem esse, quam ab insertionis puncto ad oculum, luculenti indicio est abducentem nec hilum dedisse, ali- quid vero ab intercostali accepisse, neque haec omnia tantummodo asseruit, sed obser- vationibus etiam alterius confirmavit. E regione itaque tertiae, aut quartae cervicis vertebrae utrinque intercostalem in canibus abscidit, et tum ea omnia, quae circa oculos contingunt, cum sextum par in orbitam abeat, summa cum diligentia adnotavit, summaque perspicuitate descripsit. Oculorum itaque squallor, decrementum, pupil- larum contractio, ut plura alia omittam, eos ipsos luculentissime ab intercostalis nervi abscissione affectos fuisse demonstrarunt; si autem intercostalis nervus ab uno latere scindebatur, phaenomena modo exposita uni oculo resectioni respondentem tantummodo contingebant; quibus si addatur magnum virum Winslovium viginti annorum expe- rientia haec omnia confirmavisse, jam non minimum Petiti sententiae pondus accessisse ipsi per vos clare, aperteque videtis. Verum licet haec observationibus et veritati con- sentanea quam maxime videantur, tamen viri in arte summi argumenta in medium ad- duxerunt, quibus nova haec explodere, et vetus dogma iterum iterumque confirmare anni sunt. Inter hosce commemorasse sufficiat Meckelium, Hallerum, et quidem primum Morgagnum, qui ceteroquin postquam ea omnia, quae ad infirmam Petiti sententiam facere possent, ea qua solet eruditione, atque elegantia in medium mo- destissime adduxisset, ac si in iis, quae attulerat, minime acquiesceret, nec novum dogma ei poenitus displiceret, haec addidit, *ubi verum post repetita examina esse intel- lexero, seu vetus dogma, se novum sit in eo non modo non gravate, sed perlibenter consistam.*

Summa hæc praeclarissimorum hominum auctoritas, nec non ipsamet fortasse Petiti sententia haud poenitus, quantum satis esset; enucleata effecit, ut vix unum aut alterum ad haec usque tempora invenerit, qui propriis observationibus eam iterum confirmare ausi sint ¹⁾. Erat id vero summo Felici Fontana reservatum, qui innumeris experimentis, observationibusque spartam hanc mirifice exornando Petiti sententiam pleno in lumine collocavit. Ipse enim, quo pollet, ingenio, summaque praeditus sedulitate iis, quae Petitus attulerat plura peculiariter addens, ejusdem sententiae certitudinem fere, et evidentiam adjunxit.

Primum itaque adhaesionem ipsam inter intercostalem nervum, sextumque Par sibi imprimis diligenter attendendam esse proposuit, ut autem id rectius assequeretur, fibrarum incessum ac dispositionem accuratissime expendit. Quae itaque fibrae Par sextum versus contendunt, ipsique adhaerent eas, quemadmodum mihi ex ejusdem delineationibus constat, varia ratione sese explicare, varieque incedere, ac finem habere apertissime observavit. Ex fibris enim intercostalis nervi, quae in sexta cerebri conjugatione inferi videntur, aliae in mollem, tenuemque substantiam evolutae ipsum ita comprehendunt, ut non in nervum ipsum sese immittere, sed potius ipsum abvolvere quodammodo videantur; aliae autem in tenuia filamenta se junctae, ipsique abducenti accretae, una cum ipso aliquantulum incedunt, tum denique non in ipso, sed praeter ipsum excurrentes in carotide sinem habent; aliae denique prope Par sextum perreptantes, neque ipsum vel minime tangentes, per ipsam carotidem disseminantur.

Neque quis credat celeb. hunc Virum intercostalis nervi cum sexto implicationem, adhaesionemque negare; nam in ejus delineationibus, quas nunc ante oculos habeo, eam bis, terque designatam video, imo praeter fibras illas, quae duplices interdum, et triplices in sextum se immittunt, fibras intercostalis nervus habet, quae non modo ophthalmico, sed pluribus explicatis fibris, maxillari etiam superiori adhaerent. Et quoniam de intercostalis propaginibus sermo est, me vobis haud esse displiciturum confido, si addam me, post longam intercostalis nervi cum sexto macerationem observasse fibras, quae sexto adhaerent non modo duplices, aut triplices, sed et quintuplas, et sextuplas fuisse, quae licet primum obducenti firmissimis adhaesionibus necti viderentur, tamen innovatis experimentis eas facillimo negotio a sexto sejungere mihi datum fuit. Hanc tamen intercostalis nervi cum sexto facilis sejunctionis observationem ne meam esse credatis velim; ipsemet Fontana dum essem Florentiae anno 1787 eam mihi, cum nervum a nervo levi manu deduxisset, apertissime ostendit. Neque me fugit ex ornatissimis hisce auditoribus, aliquem adversus me urgere posse facilem fibrarum separationem non a tenui fibrarum cum sexto conjunctione, sed ab earundem tantummodo subtilitate pendere. Quae res licet haud levis momenti sit, neque tam

L 2

facile

¹⁾ *Argumenta et observationes Petitianae, a quibusdam hujusce hypotheseis fautoribus allatae ac propugnatae, refusae omnino reperiuntur, ac uti fallaces declaratae apud summos in re Anatomica viros Morgagnum, Albinum, Santorinum, Hallerum, Walte-*

rum, Meckelium, Zinnium, nec non apud omnes recentiores clarioresque Anatomicos; ita ut Petiti sententia, ante nostrum Auctorem tanquam mera hypothesis intuebatur, vidtrici quidem manu confutata.

facile expediatur, tamen hanc quoque Fontanae dubitationem observationes poenitus fustulerunt. Optimis itaque ad id Vitris sexti, aut quinti substantia explorata, postquam intercostalis divisio peracta fuit, nullum ipsi in quinto, aut sexto pari lacerationis vestigium apparuit, nihilque ipsis deesse observavit, immo eorundem membranulae, filamenta, ac filamentorum fasciculi ea se obtulerunt integritate, ut lacerationis dubium omne excluderent.

Ast Fontana haud satis habuit nervorum nexum, divisionem, et integritatem in tuto ponere; verum etiam de fibrarum ipsarum incessu sollicitus fuit. Erat ipsi apprimè persuasum, si intercostalis a sexto penderet, fibras reflexas, deorsumque inclinatas esse debere, e quibus intercostalis initium constaret. Hinc tota animi contentione in eo fuit, ut hasce fibras, si adessent, detegere posset. Verum licet maximam adhibuisset diligentiam, et undique nervum, et singulas ejusdem fibras accuratissime exploraret, nullam vel minimam reflexam, sed fibras omnes recto incessu orbitam versus pergere ipsi tantummodo observare datum fuit. Quibus observationibus ac si parum assensum praeberet, et sensibus suis non satis fidem haberet, alias, atque alias iterum observationes instituit, quae omnes in idem jugiter convenerunt. Quare admodum rationi consentaneum esse videtur, si hinc colligetur, eas fibras, e quibus intercostalis initium deducitur, liaud a sexto esse, sed in sextum sese immittere, ideoque finem illud dicendum esse, quod haec omnes initium appellabant. Verum licet haec omnia maximi sint ponderis, tamen in hisce haud constitit Fontana, sed ipsam sexti paris, et intercostalis nervi substantiam sibi esse perpendendam existimavit. Cum itaque utrumque nervum ad trutinam sedulo revocasset, ac diligenti inspectione, et tactu explorasset, intercostalis nervi substantiam, sexti et quinti substantia molliorem esse adeo deprehendit, ut discrimen apertissimum inter utrumque intercederet. Quam rem licet alii accuratissimi viri ante ipsum animadverterint, tamen eam nunc iterum confirmasse praestat, ut ex horum nervorum comparatione etiam a tyronibus quantum intercostalis fibrae, de quibus haec dictum est, a sexti substantia distent facillime dignoscatur: nec substantia tantum, verum, ni ego plurimum fallor, colore etiam a sexto distinguuntur. Si enim optima lentis ope utriusque nervi colorem perlustretis, intercostalis fibras quodammodo albicantes, diaphanasque, sexti vero nonnihil cinereas esse facile perspicietis.

Nec fortasse a veritate aberraret, qui observationes, quas ille instituit, fere innumeras esse dixerit, quibus intercostalis per cranium diramationes poenitus assequi posset. Neque hic sermo est de illis, quibus intercostalis ad quintam, sextamque cerebri conjugationem descendit; hasce enim jam fusius exposuimus; aliae sunt intercostalis diramationes, quarum plures ipse invenit, atque etiam accuratissime delineavit. Ex ganglio itaque cervicali supremo, intercostalis una cum carotide sursum scandit, ac deinde in plures, pluresque ramos se junctus varias petit partes. Primum tenues, mollesque ramos per carotidem ipsam immittit a Lancisio diligentissime animadversos, atque aliorum investigationibus propositos, quorum plures in minores alios, ac in retis modum quodammodo se expandentes in tunicis ejusdem finiri videntur. Hi tamen rami

non

non omnes per arteriam disjiciuntur; bini enim furculi non nihil ulterius progressi cum ramusculis conjunguntur, qui e nervoso trunco discedunt, qui supra promontorium migrat: fasciculus autem alter ex hoc ipso trunco profectus cum intercostalis ramis per carotidem perreptantibus copulatur: porro intercostalis nervus filamenta etiam Pituitariae glandulae tribuit, et alia, quae una cum sexto usque in orbitam traducuntur. Atque ut redeamus ad adhaesiones illas, quibus cum Vidiani confociatur, quinque intercostalis fibras distinctas video, quae radiorum fere instar dispositae eo tendunt, ut omnes in mollem Vidiani substantiam abeant, quibus si ramificationes illas addatis, quarum ope intercostalis nervus cum nono, ac octavo pari confociatur, jam videtis, quot sint intercostalis ramificationes, atque adhaesiones, quibus non solum cum descriptis nervis, verum etiam cum ipsa carotide interna, cum sexto, atque etiam cum quinto conjungitur. Hinc si quispiam, hisce omnibus perpensis assereret totidem esse intercostalis nervi origines, quot ejusdem per cranium, ac potissimum per carotidem arteriam ramificationes, atque adhaesiones sunt, nonne assertum hoc prorsus absonum et absurdum esse puteretur? Si ita, cur non idem de intercostalis fibrarum adhaesione cum sexto, ac quinto dicendum? En ornatissimi auditores, quo Fontanae experimenta veluti manu ducunt, ut vel inviti, eam non esse intercostalis nervi originem fateamur oporteat, quae haecenus ac plerisque omnibus venditabatur.

Neque in perquirenda intercostalis nervi origine Fontanae investigationes conquiescunt: innumera sunt, quae ipse circa nervorum originem, progressum et finem peculiariter observavit. Et ne praecario haec dicta quis putet, nemo ante ipsum nervum glossopharyngaeum una cum quinto, ac nono pari ad linguae papillas adire animadvertit, aliisque apertissime ostendit; ideoque ad nervum hunc quemadmodum noni, ac quinti paris nervi ex cerebralibus gustus organo inservire, ipsi jure optimo visum fuit. Ac ne a proposito egredi videamur, hoc unum addam quod mecum per literas communicavit, quodque certe maximum est, nempe cum in perquisitionibus suis nihil praetereat, sed omnia cunctanter, diligenterque perpendat, factum est, ut non modo semel, atque iterum, sed pluries observaverit, aliisque observandum praeberit nervorum vertebralium filamenta haud ad cerebrum usque adire, quemadmodum communis sententia est, sed prope eum spinalis medullae locum finem habere, e quo egredi observantur; idque non modo in animantibus frigidi, sed calidi etiam sanguinis se observatum habuisse firmiter asserit, ac tamquam dogma constanter proponit. Ex quibus observationibus illud ipsemet eruit maximopere attendendum nempe organum sensationum, haud solum cerebrum, sed spinalem quoque medullam esse, licet Boerhaviani, ac Physiologi omnes quoque contrarium tueantur. Utinam tanti Viri Neurologiae, ac Physiologiae absolutum opus haberemus, quod quidem se esse facturum mihi promittit; quid ab homine non modo anatomico, sed mathematico, ac physico summo non expectandum?

Neque hic omittendum, quod novissime mihi per literas significavit, se posse sibi febrium pro libitu adeo excitare, ut in primo tantummodo horae minuto, pulsationum numerus quinquagies plus solito augeatur, seque illam posse suo nutu compescere.

Quae res ut nervis potissimum tribuenda videatur, sic ubi accuratissimis observationibus fuerit confirmata, quantum ad clinicam doctrinam adaugendam juvare possit quis plane non videt²⁾?

Sed ut ad intercostalem nervum redeamus; si ejusdem initium hucusque receptum rejiciendum est, urget fortasse aliquis, quodnam aliud erit habendum? Fortasse e gangliis illis, quae a summa spina ad os usque sacrum descendunt, e quibus Petitus, ac Winslovius ejus initium deduxerunt? certe, licet nos eorumdem sententiae haud subscribamus opinanti ganglia veluti cerebra quaedam esse, e quibus intercostalis origines mutuatur; tamen cum hodie receptum habeamus mixtioni, coalitioni, divisionique nervorum ganglia inservire, atque deinde ex gangliis ipsis tenues nervorum ramificationes, et veluti radices egredi, quae postea crassiores fiunt, ac in diversa abeunt, pluribusque inserviunt partibus; haud admodum rationi contrarium esse existimabimus, si quis ex radicibus illis, quae gangliis modo memoratis emergunt intercostalem nervum, coalescere, atque ex iisdem originem ducere arbitraretur. Neque certe ex gangliis illis dorsalibus quinque aut sex alia ratione radices emergunt, e quibus magnus ille nascitur nervus, qui Splanchnicus appellatur. At hic aliquis iterum urget si intercostalis nervus e solis spinae gangliis coalescit, neque a sexta, et quinta cerebri conjugatione proficiscitur, quomodo phaenomena erimus explicaturi, quae et spinales et cerebrales nervos insimul in consensum trahunt, atque utramque facultatem nempe motricem atque sentientem labefactant? Jam superius attulimus plura esse ganglia, sive cervix, sive Thorax, sive abdomen spectetur, quibus intercostalis cum Pari vago conjungitur; hinc si iis adhaesiones cum quinto, ac sexto pari addantur, jam satis intercostalis cum cerebralibus coalitiones esse intelligetis, per quas, quae animali oeconomiae affectiones contingunt, possumus explicare.

Hinc tamen haud vos morabor, ut rem hanc pluribus confirmem, neque id refert Oratione jam exitum versus properante; exemplis tamen (quantum temporis, et dissertatio-

2) *Pulsus accelerationem* (phaenomenon apprimae singulare ac fere inauditum, ex quo jure affirmavit Hallerus = numquam cor obedit voluntati, neque pulsum citare datum fuit ulli, nec tardare =) examini nonnullorum obtulit Florentiae Auctor noster, ac praesertim ineunte hoc anno clarissimo viro Thompsonio, Anatomes Professore Oxoniensi perpendendam exhibuit. Ipse enim, dum insidens omnino quiescebat, ad arbitrium Thompsonii pulsum illico accelerabat, absque ulla sensibili Musculorum contractione. Scimus praeterea quod ipse, voluntatis nutu, pulsum, haud facili negotio aequae retardat, ita ut horae momento octo vel decem pulsationes amittat. Nervorum systema, cujus insluxus in omni Animalium Oeconomia ex hac observatione triumphans elucet, ab Auctoris nostri labori-

bus rapidos undequaque progressus apprimae agnoscit. Impulit enim ipse proprias observationes usque ad extricanda Nervorum fila primordialia, vasculosam eorumdem naturam declarandam, fluidumque, quo scatent nerveum: Inventa quidem magni momenti, ac vere originalia, quantum humanis conatibus inconcinnata usque huc a summis Philosophis et Anatomicis habita fuere! Hae non solum in ejusdem operibus, Florentiae et Parisiis editis reperiuntur, verum etiam illustribus in arte Viris qualibet occasione ab eodem demonstrantur, uti contigit inter alios clarissimo rerum naturalium scrutatori Dolomieu, necnon illustri Anatomico Scarpa, quibus datum fuit propriis oculis inspicere fila Nervorum primordialia, eorumque vasculosam naturam, fluidumque, quo scatent nerveum.

disertationis hujusce ratio postulat) haec omnia illustrabimus, ut hinc majus pondus acquirant, et eorundem veritas in oculos omnium incurrat. Hypochondriaci homines primum vobis exemplum suppeditent. Ignorat nemo hypochondriacorum eam esse naturam, ut lucem quodammodo effugientes, tenebras quaerant; hominum societati solitudinem auteponant; jocosam lepori conjuncta odio habeant; seriis tantummodo delectentur; graves, melancholici extenuati, et quod potissimum est oculos jugiter languidos habeant, moerenteque aspectu, ac si assidue flerent, ac ex eorum oculis invite frequentes lachrymae per genuas dilabuntur. At undenam hae lachrymae? Consentiant omnes in hujusmodi affectionibus abdominis viscera, lienem nempe et jecur, potissimum affecta esse; hinc si in memoriam revocetis viscera haec potissimum ab intercostali nervos habere, et intercostalem una cum sexto lachrymalis glandulae filamenta suppeditare, jam intelligitis esse ex nervorum vellicatione, compressione, aut erosione in ventre factam affectam iri glandulam lachrymalem, ex qua lachrymae profunduntur. Nec aliunde illorum phaenomena facilius explicabitis, qui Colica Pictorum laborant. In dirissimo hoc morbo, cujus sedes in abdomine intestina potissimum tenet, praeter innumera alia symptomata interdum artuum inferiorum, interdum et superiorum, aliquando quorundam musculorum tantummodo relaxatio observatur, verum hujusmodi relaxationis erit ne causa in cerebro inquirenda? Nequaquam; in hisce enim cerebrum inculpate se gerit, et causa intestinorum nervis est tribuenda. Si memineritis igitur, quae a me vobis dicta sunt de nervis illis, qui ex intercostali profecti, ac in retis modum dispositi per intestina disseminantur, et nervis artuum superiorum, et inferiorum vinciuntur, jam, ni plurimum fallor, vestrorum oculis facile obvenerit totam resolutionis causam a nervis hisce compressis aut erosis esse repetendam. Neque certe alia ratione et epigastrici dolor, et vomitus, nec non aspera vox et rauca dirissima Colicae Pictorum symptomata facilius explicabuntur, quam si ganglia illa attendantur, quibus intercostalis nervus in abdomine cum octavo pari conjungitur.

Nonne et eadem dicenda de leviori apoplexia, de paralyti a vomica intra pulmones haerente, illaeso cerebro, et absque ullo chylopoiesis et haematopoiesis vitio, quoties ad nervos pulmoniaci plexus confugiamus, qui ex intercostali, et octavo pari componuntur? Hujusmodi paralytis modo abeuntis, redeuntis modo; spatis, aut quiescentibus, aut ingruentibus exempla, apud Hippocratem, et fusius apud Haenium videre potestis. Praestantissimus hic vir se non posse hasce observationes, aliasque his respondentes per intercostalem nervum a sexto, et quinto profectum dilucide explicare plane cognovit, ideoque Petri dogmate recepto, ita de vulgato habet: *communis explicatio systematis nervorum, et a me olim, et a plerisque passim ad hunc nodum solvendum adhibita imperfectior est, multa aegre solvit, repugnat nonnunquam, relinquit hiatus.*

Passim apud Clinicos eorum exempla reperiuntur, quibus ex drastico medicamento, aut veneno paralytis subsecuta est. Vidi ego mulierem, quae e fungorum escu cum magno ventris *μετεωρισμῳ* in paralytim inciderat, vomitu, diarrhoeaque, cum morbi causam rejecisset, brevi pristinam recuperavit valetudinem. Quid si paralytes

commemorem a vermibus intestinis latitantibus, quid si universalem torporem a nephritide calculosa? Quid si convulsiones ab ischuria et dysuria? Quid tandem si linguae dolorem, spasmus; paralytum a pure thoracem opplente describam? Nonne intercostalis nervus, Pari vago conjunctus et per viscera pelvis, totiusque abdominis atque thoracis, et per linguam, et laryngem excurrit, ipsisque prospicit? Nonne et lumbaribus, et sacris, et cervicalibus nervis adhaeret? Si ita nonne ex hisce effulget ratio, qua symptomata haec, et rectius, et facilius per intercostalem a gangliis thoracis, ac ventris, nec non a cervicalibus, et sacris, quam a sexto profectum explicentur? Neque huic sententiae quidquam obstat, si in hisce affectionibus non raro caput dolore, aut stupore afficiatur; nam haec quemadmodum et superius exposita a praecipua causa intra thoracem, aut abdomen latitante pendentia aptius per intercostalis radices sexto, et quinto applicitas explicantur, quam si ab hisce tantummodo haec tantorum phaenomenorum leges deduceretur. Plura alia haec eadem comprobantia in medium asferre possem, nisi longiori sermone patientia vestra nimis abuti vererem. Si itaque ea, quae de intercostali nervo breviter hodie dicta sunt (fufius alias me de hoc ipso differentem audivistis) si experimenta Praecl. Fontanae, si observationes haec eadem comprobantia, quo estis ingenio atque sedulitate in unum colligatis, attenteque perpendetis, me iis omnibus, quae ab initio proposueram, si non pro viribus satisfecisse, saltem me eo pervenisse perspicietis ut quid hac in re judicandum sit plane dilucideque cognoscere queatis. Haec nova, quae in anatome proferuntur, vobis meridiana luce clarius demonstrant anatomes provinciam fere inexhaustam esse, ejusdemque limites adeo late patere, ut plura adhuc supersint aut tenebris involuta, aut imperfecto exposita, quae novos adhuc anatomicorum labores exposcunt. En, ornatissimi auditores, cur nova haec hodie in medium attulerim ut ex iis, quae in hac solempni anatomae prolusione vobis sunt patefacta, fumatis animos, sive ad ea addiscenda, quae in anatome iraduntur, sive ut laboribus vestris peculiaria observando novis frondibus tandem tempora praecingat. Dixi.

VL

DEMETRIUS IWANOFF

D E

ORIGINE NERVORUM INTERCOSTALIIUM.

ARGENTORATI 1780.

§. I.

Nervi intercostales, improprie dicti, sunt illi duo praegrandes nervi, qui juxta partes laterales omnium corporis humani vertebrarum, immediate ante apophysium transversarum radices, ac denique secundum laterales faciei internae ossis sacri partes suam positionem occupant.

Hoc spatium dum emetiuntur, duos longos funiculos repraesentant, unum a dextro, alterum a sinistro totius vertebrarum specus latere situm, qui in magnum tumorum gangliiformium numerum per intervalla intumescunt. Mediantibus hisce gangliis antea innumeros producant ramos; posterius vero cum omnibus nervis cervicalibus et dorsalibus a medulla spinali ortis; lumbaribus et sacris a cauda equina suam originem petentibus per fila lateralia communicationes alunt ¹⁾; alunt etiam insignes cum nervis cerebri. Prima haec communicatio eorum in cranio contingit, dum cum sexto quintove pari ejusque ramo secundo coalescunt. Extra cranium occurrit, secunda, quae ibi per fila breviora fit, ubi ganglion eorum primum cervicale cum trunco octavi paris quasi conjungitur ²⁾. Dein tertia cum ramo ejusdem paris, quem ad laryngem mittit,

1) Medullam spinalem a capite ad os sacrum usque descendere intra canalem a vertebris efformatum olim credidere: verum illam ad primam duntaxat lumborum vertebram pertingere ibique in apicem desinere ab Anatomicis recentioribus evictum est. Quae a secunda lumbari vertebra ad finem usque ossis sacri cavea invenitur, eam non medulla occupat continuata; sed replent nervi, ex imo dorso demissi cum arteriis et venulis atque ita congesti, ut caudam equinam quasi repraesentent. Haec cauda his conflata nervis atque cum fine medullae spinalis confusa, falso pro hujus medullae par-

te habita fuit, neque enim ejus series continua esse potest, cum illa in prima lumborum vertebra finem habeat, qui hujus rei clariorem ideam animo effingere voluerit, adeat 1° EUSTACHIUM videatque ejus tab. 17. f. 2. 2° BARTHOLINUM, in *Anatomia* pag. 23. 3° ARNISEUM, de partu — pag. 256. 4° VIEUSSENII, tab. 20. f. 2. 3. et tab. 21. 5° CL. HUBERUM, qui videtur in hoc opere omnibus palmam praeripuisse, pag. 56. f. 2. fasc. 7. tab. 4. 5.

2) Vide Tractatum WINSLOVII de nervis pag. 219. n. 370.

mittit, quique portio parva octavi paris nominatur ³⁾, tum quarta cum nono pari aut hypoglossio per filum, per duo interdum, a ganglio cervicali primo oriunda ⁴⁾. Tandem quinta cum quinto pari atque tertio ejus ramo sub maxilla inferiore circa glandulam maxillarem ramusculi molles horum nervorum confluunt cum ramis hujus paris ⁵⁾. Caeteras mitto conjunctiones, quibus intercostalium rami cum ramis octavi paris in pectore et in infimo ventre coeunt passim, atque plurimos simul plexus et ganglia quaedam producant.

§. II.

Ex his communicationibus adeo multivariis elucescit nunc nobilitas, dignitas et utilitas nervorum, de quibus sermo: cerebrum enim et medullam spinalem, utramque partem adeo nobilem, cum corde et visceribus abdominalibus tam arcto multiplicique nexu conjungunt, ut nullum paulo majoris momenti viscus sit, quo cum ratione quaedam commercium non habeant. Quapropter si explicanda venit mira illa viscerum sympathia, si causa vomitus nephritici, si hysterici mali ab utero ad superiora progressus, horum febrilium sedes, et quot alia phaenomena miratu digna! ex horum nervorum conjunctionibus debent enucleari.

Recte itaque WINSLOWIUS illis sympathicorum magnorum nomen assignavit ¹⁾; tum ut distinguerentur a sympathico medio, quo sub nomine octavum par venit; tum a sympathico parvo, qui septimi paris est portio dura; discriminarentur ²⁾.

§. III.

Intercostalium notitia adeo est antiqua, ut ad HIPPOCRATIS usque tempora, si fides HALLERO ¹⁾, revehatur. Exinde fluxerunt variae respectu originis eorum sententiae,

3) *Ibidem.*

4) In eodem Tractatu. III. HALLERUS istos communicationis ramos, quos WINSLOWIUS a ganglio primo cervicali nervorum intercostalium secedere, atque cum octavo nonoque pari conjungi putat, potius consideret tanquam ramos ab octavo nonoque pari secedentes, qui huic ganglio copulantur; eos tamen esse genuinos intercostalium ramos ipsissimis oculis vidi. Illud idem mollities eorum atque rubicundus color confirmat. Vide HALLERI *Elementa Physiologiae* Tom. IV. Sect. VI. pag. 255. ubi specialiter tractat de omnibus ramis in hoc ganglion primum cervicale nervorum intercostalium se immittentibus; et vice versa de illis loquitur ramis, qui ab hoc ganglio surgunt.

5) Ita WINSLOWIUS in eodem Tractatu.

1) Hic *illustr. Anatomicus* omnem ejusmodi nervum, qui plures cum aliis communicationes alit, Sympathici nomine insigni-

re duxit satius: quoniam autem nullus in corpore humano datur, qui tot cum nervis confluat; ideo expuncto nomine intercostalium, quod competere illis minime videtur, cum non ad costas solas sint siti, eos ab effectu Sympathicos magnos nominavit. Octavum quoque par et portionem duram septimi paris hoc nomine salutavit: quoniam primum cum nervis intercostalibus in thorace et abdomine coit passim, omnibus visceribus aliisque fere partibus ramos largiendo; et plurimos plexus atque ganglia quaedam simul producit; alterum vero cum quinto pari perpetuo et multivarie conjungitur.

2) De differentia Sympathici dextrae a sinistro respectu distributionis ramorum hic tractandi locus fuisset, ni utriusque originem rimari praeprimis constituissem. Istius itaque discriminis curiosos ad NEUBAUERUM mitto.

1) Vide Dissertationem *de vera nervi intercost. origine, quae operibus ejus minoribus inserta,*

sententiae, quas in scriptis suis protulerunt Anatomici fama notissimi: harum prae-
cipuas recensere, tum pro viribus in hisce pagellis refutare animus est; ac proinde
novam in medium opinionem proponere.

§. IV.

Auctores qui de sympathicorum magnorum origine scripserunt ante GALENI
tempora, eos ex vicinitate ganglii intercostalis primi cum octavi paris nervi nasci tradi-
derunt scriptis; atque eos tanquam alterum octavi paris ramum interiore habuerunt.
Quam ad opinionem ideo confugisse videntur, quoniam hoc ganglion cervicale pri-
mum per fila brevia arcte cum hoc pari conjunctum animadverterunt. Verum hanc
sententiam nullo fundamento gaudere ab ill. HALLERO satis superque demonstratum
est ¹⁾. Neque vero in ea mente fuit GALENUS ex quo Anatomiam colere cepit, ani-
madvertitque sympathicos nostros cum carotidibus e cranio egredi: hic enim tunc a
quinto pari nervorum eos surgere pronuntiavit; cujus sententiam amplexi sunt ORIBA-
SIUS, RHAZES, CARPUS, GABRIEL A ZERBIS, MASSA atque PARAEUS ²⁾. Ne-
que praedictis auctoribus adversantur VALSALVA et RAVIUS, cum illud sibi conti-
gisse testentur, ut eos a solo quinto pari oriundos viderint ³⁾.

§. V.

Contraria via incesse-
runt alii, et a sexto nervo duntaxat contenderunt intercostales
originem suam trahere, nihilque a quinto pari pro eorum radice constituenda proficisci
autumaverunt. Inter hos militavit ACHILLINUS ¹⁾, EUSTACHIUS ²⁾, MORGAGNIUS ³⁾,
SANTORINUS ⁴⁾, WALTHERUS ⁵⁾, ALBINUS ⁶⁾ atque illustr. HALLERUS ⁷⁾.

M 2

§. VI.

inserta, nimirum Tom. I. pag. 503. n. II.
ubi sic legere est: in thorace juxta vertebrae
nervi intercostales evidenter et fere absque
ulla praeparatione apparent: antiquissimam
adeo eorum cognitionem fuisse non valde
mirum est, quos HIPPOCRATES aut auctor
certi libri inter Hippocraticos reperiundi
adeo luculenter descripsit.

1) Videatur de ea re HALLERI Disserta-
tio, pag. 502. n. 4. atque etiam ejus *Physio-
logiae Elementa* Tom. IV. pag. 255. ibi le-
gere est haec verba: „id tamen cum octavo
„vinculum (*nimirum hujus ganglii primi Cer-
„vicalis nervorum intercostalium*) non est
„ejusmodi, ut oportuerit nervum interco-
„stalem pro octavi paris parte et interiori
„quodam ramo habere, ut quidem olim
„magnis viris excidit GALENO, CAROLO
„STEPHANO, FALLOPIO, DOMINICO DE
„MARCHETTIS, et RICHARDO LOVER, in
„animalibus quadrupedibus arctior hujus

„ganglii cum pari Vago nexus est; neque
„tamen in omnibus.“

2) Conf. eandem Dissertationem HALLE-
RI, ubi quoque auctores hos enumerat, qui
GALENUM secuti sunt, quos fateor me non
evolvisse.

3) Quod attinet ad istos duos auctores,
eorum testimonium de hac re exstat in Epi-
stola secunda ad Morgagn. pag. 224.

1) Vide Dissertationem HALLERI proxi-
me indicatam, in qua asseverat, quod hic
vir a solo pari sexto nasci crediderit.

2) Vid. ejus tabulam XVIII. f. 2.

3) In *adversariis Anatom.* pag. 30. et in
Epistola secunda pag. 224.

4) In *Observat. Anatom.* pag. 67.

5) In *progressu nervorum intercostalium.*

6) Hanc sententiam se ex ALBINI ore
hausisse fatetur, ill. HALLERUS in Dissertatio-
ne citata.

7) Eam Dissertationem de industria scrip-
sit.

§. VI.

Derivarunt eos LANCISIUS ¹⁾ et BIDLOUS ²⁾, a quinto, sexto et septimo pari; imo ab omnibus quotquot sunt in cranio nervis. Quod sane contra omnem omnino fidem clarissimi viri proposuerunt.

§. VII.

Ad veritatem propius accessisse reputantur alii quam plurimi, dum sinceram eorum originem a sexto et simul quinto pari e cranio deducerent. Primus hanc sententiam condidit WILLISIUS ¹⁾, quem COLLINSIUS ²⁾, VIEUSSENIUS ³⁾, COWPERUS ⁴⁾, RIDLEUS ⁵⁾, VERHEYNIUS ⁶⁾, BOURDON ⁷⁾, BLANCARDUS ⁸⁾, MUNIKS ⁹⁾, PAIFYN ¹⁰⁾, DRAKE ¹¹⁾, BIANCHI ¹²⁾, MONRO ¹³⁾, HEISTERUS ¹⁴⁾, Commentator ejus ¹⁵⁾, LA CHARRIERE ¹⁶⁾, NICHOLLS ¹⁷⁾, MECKELIUS ¹⁸⁾, NEUBAUERUS ¹⁹⁾ alique innumeri, nec non hodierni fere omnes Anatomici secuti sunt.

§. VIII.

Dum hos ipsos ramos, quos a sexto et quinto pari secedere atque primas radices sympathicis nostris suppeditare imaginabatur Willifiana cohors, attento magis animo scrutaretur PETITUS, clarus olim Parisinorum Medicus; dum structuram eorum adeo singularem, progressum a superioribus ad inferiora, suo privo modo comparatum, neque

fit, ut nullum ramum a quinto pari pro constituenda horum nervorum radice proficisci confirmaret: errorem putat ab iis, qui hanc radicem se se vidisse crediderunt, in eo commissum; quod radicis loco arteriolam acceperint, quae sub nervi specie follicitis etiam Anatomicis imposuit, quodque si verum fateri licet, non raro occurrere solet.

1) *De gangliis* pag. 105. 106.

2) Fide ill. HALLERI loquor; siquidem BIDLOUM comparare nequivi; testatur autem ill. HALLERUS, hunc auctorem eandem tenuisse opinionem, quam fovebat LANCISIUS.

1) *De Cerebro et nervis* p. 153. 154. 156. ait etiam HALLERUS in sua Dissertatione: „WILLISIUS fuit primus, qui nervum intercostalem ex hominum memoria a pari vago separavit, veramque a sexto pari radicem agnovit. Addit praeterea neque tamen ita sibi cavet, quin adderet praeter unam duasve a sexto pari, duas adhuc alias aut unicam a quinto advenire. Quod contra HALLERUM est.

2) Ex aliquot ramis sexti paris et uno quinti intercostales nervos oriri contendit, pag. 1048.

3) Vid. ejus *Neurograph.* tab. 22. 23.

4) *Anatom. of hum. body.* f. 16.

5) *Icon tota COWPERI* illud exprimit pag. 147. 148. f. 2. etc.

6) *Tr.* 3. Cap. 13.

7) *Descript. Anatom.* pag. 384.

8) *Anatom. reform.*

9) *De re Anatom.* pag. 172.

10) *Anat. Chirurg.* pag. 22.

11) *Antropolog.* pag. 293.

12) Apud MANGET in *Theatr. Anatom.* pag. 315.

13) In CHESELDENI scriptis pag. 233. 235.

14) *Composit. Anat.* not. 70.

15) Pag. 664.

16) *Anatom. de la tête*, pag. 226.

17) *Composit. Anat.* pag. 142.

18) *Histoire de l'Academie royale de Berlin*, année 1759 pag. 88.

19) In Dissertatione inaugurali, in qua tractat de differentia nervorum intercostalium respectu distributionis ramorum.

neque in aliis nervis e cranio oriundis unquam observatum; hanc sententiam invertendi consilium cepit. Itaque eosdem ramos, quos WILLISIUS cum praedictis Anatomicis a nervo sexto quintove descendere ad primum ganglion cervicale crediderat; ascendere potius ab hoc ganglio in cranium, seseque dictis paribus sociare existimavit ¹⁾.

§. IX.

Quaeri jam posset ex diversarum adeo sententiarum copia quae nam sit verior? cui quaestioni nunc responsum dare arduum est; prius enim oportet per multa excurrere, illud tamen praemonere animus, et si ab HALLERO, MECKELIO, aliisque tot praecclaris viris dissentiam, nolle me hanc ob causam injurius videri in eos, quorum cum nomina tum scripta semper in memoriam cum suavitate revoco. Minime tamen aequitas finit, ut eos suffragio prosequar, quorum ea mens est, sympathicos magnos ad cerebri nervos debere referri; quique illos tam a sexto, quam a quinto pari in cranium oriri contendunt.

Excitaverat quidem in me haec ipsa origo illius investigandae miram cupiditatem, ex quo Anatomiam colere cepi; ea de causa factum ut auctores plurimos evolverem; sed hac opera nihil satisfactum; cum unusquisque non veritatem scrutari modeffe, sed plena sibi manu praeconia tribuere videretur. Ergo ad singula propriis viribus lustranda me accinxi: quamobrem neque ullam occasionem praetermisi, qua liceret hos nervos rite dissectos tam in demonstrationibus publicis, quam in privatis sollicite intueri; neque mihi a subtili disquisitione temperavi, et hieme una duabus vicibus ipse hos nervos tum incidi, tum sedulo introspexi.

Quid tum? visa est PETITI sententia, etiamsi ab omnibus fere celeberrimis seculi nostri Anatomicis rejecta, multo caeteris verisimilior. Quod ut clarius appareat, rem ex omnibus partibus pertractabo. Inquiram igitur in id penitius, quem nam, habita quinti et sexti paris ratione, situm retineant illa fila, a quibus sympathici magni initium sumere reputantur: atque ut per singula excurram, a descriptione sexti paris ordiar, a quo primam horum nervorum radicem derivare solent; illam dein expendam diligenter, quam par quintum suppeditare creditur.

§. X.

Sub nomine sexti paris nervorum cerebralium intelliguntur illi nervi, qui ab unione medullae oblongatae oriuntur inter crassam protuberantiam transversalem atque eminentias olivares; dein progrediuntur quisque in suo latere seseque supra extremitatem processus cuneiformis, retro occipitis cum sphenoidae osse symphisis in duram matrem lateraliter insinuant: in hac cavernosa durae matris duplicatura repunt postea ad latus tum fundi sellae sphenoidalis, tum arteriae carotidis cui arcte adhaerent, ibique cum nervo vicino quinti paris, mediantibus filamentis brevibus, communicationes alunt.

M 3

Retro

1) *Histoire de l'Academie royale des Sciences de Paris*, année 1727. — cf. CL. WRISBERG de nervis pharyngis hor. script. neutr. min. III. p. 61. et GIRARDI ibid. p. 82. L.

Retro hanc communicationem atque foramen caroticum, per quod cranium subit arteria carotis, nervus hic sexti paris, uti in uno, ita et in altero latere filo adhuc instruitur: et hoc est illud ipsum filum, quod tanquam prima sympathici magni radix ab illis habetur, qui eum ex cranio derivant; quin ab anteriori retrorsum procedere, sequae in foramen caroticum immergere creditur.

Ast quoniam hoc filum in sensum rami ad truncum prorsus contrarium positum est, relate ad hunc sextum nervum; siquidem angulum constituit cum eo, cujus lata pars aut basis versus originem ejus, acuta vero versus ulteriorem illius ad oculum progressum ita spectat, ut videretur certe ab illa sexti nervi portione surgere, quae oculum adit: quoniam praeterea ob angulum hunc versus anteriora adeo acutum, non potest pro retrogrado quodam filo haberi; ideo PETITUS hoc idem filum a ganglio primo cervicali per foramen caroticum cum arteria ejusdem nominis ascendere, sexto sociari nervo, atque hujus portionem, quae ad oculum progreditur, sequi potius credidit. Idem rerum ordo pluries observatus in eandem opinionem me traduxit.

§. XI.

Quod haec res vere ita se habeat, auctor novo, eoque graviore argumento confirmat. Nimirum illud ipsum filum, quod antea descripsimus, sextum nervum in duas quasi portiones dividit: altera ejus portio illa haberi potest, quae ab origine ipsius mei nervi procurrit ad hoc usque filum; altera vero quae ab hoc filo ad oculum progreditur. Atqui praeclarus auctor hanc posteriorem in dissectionibus suis priori semper crassiorē reperit; nihil igitur dubitans, hanc portionem sexti nervi ab accessu hujus filii a nervo intercostali ascendētis crassiorē reddi asseverat. Et vero si hoc filum a nervo sexto surgeret, juxta naturae leges, ea portio, antequam illud secedat, majus volumen retinere deberet: quod nunquam accidit.

Porro quod haec portio sexti nervi, quae oculum adit, post conjunctionem hujus filii crassior sit, illud animadverterunt adhuc praeter hunc PETITUM, cujus argumenta nunc propono, PETITUS minor, WINSLOWIUS et BONHOMME, juxta illustr. HALLE-RI verba. Eandem ego ipse fabricam pluribus vicibus intentis oculis contemplatus sum. Tot testimonia debent omnem erroris suspensionem removere.

§. XII.

Transeamus porro ad illam radicem, quam a quinto pari credere proficisci.

Quintum itaque par, aut nervi trigemini, quoniam in tres principales ramos dividuntur, dicuntur illi, qui antea e partibus lateralibus protuberantiae transversalis medullae oblongatae per plura fila arctissime sibi invicem agglutinata oriuntur. Quilibet horum truncorum versus apicem ossis petrosi in sinum cavernosum se insinuat: hic deinde in tres principales ramos dividitur, ut jam diximus, qui per hunc sinum progrediuntur; illudque ut in uno, ita fit et in altero latere.

Primus horum ramorum sive superior nervus ophthalmicus audit, quoniam accedit ad oculum et in musculis ejus distribuitur.

Secundus,

Secundus, sive medius, per foramen rotundum ossis sphenoidis seu maxillare superius excurrit; et quoniam dispartitur in maxilla superiori, nervus quoque maxillaris superior appellatur.

Tertius ramus, sive inferior, per foramen ovale ejusdem ossis seu maxillare inferius descendit; atque ideo maxillaris inferior nominatur.

Minus hic a scopo aberrarem, si varias et miras conjunctiones evolverem, quas intra se fovent hi rami, postquam e cranio egressi sunt. Verum de secundo ramo hujus paris necessario agendum; quippe ab hoc altera sympathicorum magnorum radix surgere creditur. Et en quomodo!

§. XIII.

Postquam hic secundus quinti paris ramus in fossam pterygopalatinam egreditur, ex se duos ramos dimittere solet, qui saepissime in unum coeunt; quique in pinguedine, qua ut plurimum repletur haec fossa, retro arteriam nasalem superiorem descendunt, atque in progressu sui itineris supra partem superiorem faciei convexae sinus maxillaris infra sphenomaxillarem fossam et pone arteriam nasalem, modo duabus radicibus inceperint, inter se copulantur. Surgens ex hac copula nervus progreditur ulterius, et circa foramen palatinum anteriora et posteriora versus incurvatur, atque quam proxime hoc foramen ganglion efficit, cujus inventionem ill. MECKELIO debemus, huic ganglii sphenopalatini nomen indidit, quoniam prope foramen sphenopalatinum situm est¹⁾. Ab hoc ganglio sphenopalatino surgunt plurimi rami, quos in Dissertatione sua MECKELIUS enumerat: inter quos ramus retrogradus adest, VIDIANUS aut pterygoideus dictus, qui ab extremitate hujus ganglii posteriori oritur, quam canalis pterygoidei aut VIDIANI ab inventore dicti foramen contingit.

Hic VIDIANUS nervus recta fere per hunc canalem supra alas ossis sphenoidis insculptum pergit retrorsum; largitur progrediendo ramos nasales superiores posteriores, reliquoque trunco in cranium redit, atque tandem in itineris fine in duos ultimos ramos dividitur, alterum superiorem aut petrosam a situ nominandum, qui communicat cum portione dura septimi paris, estque illius vera propago; alterum profundum, qui pro altera Sympathici magni radice habetur.

Crediderunt nimirum clarissimi Viri, quibus placuit nervum intercostalem nostrum e cranio derivare, hanc praedictam radicem immittere sese in canalem caroticum, atque cum ea, quam sextum par suppeditat, radice ita sociari, ut intercostalis nervus exinde producatur.

§. XIV.

Circa primam illam radicem, de qua sermonem antea fecimus, facilior fuit erroris demonstratio: siquidem et angulus conjunctionis ejus cum sexto nervo, et

1) Vera itaque hujus ganglii positio intra maxillam superiorem et alas pterygoideas fiat, in fossula adeo angusta, et tam copiosa pinguedine circumdata, ut in causa fuisset

videatur, quam ob rem hoc ganglion anatomicos tam diu latuerit, a quibus forsitan saepe cum ea pinguedine ablatum fuit.

crassities hujus nervi aucta in ea portione, quae procedit oculum versus, argumenta sunt adeo clara, ut victrix PETITI sententia lucusque sapientibus placere debeat.

Ast res non ita se habet cum hoc filamentum, quod VIDIANO nervo conjungitur: nihil enim tale quidpiam in conjunctione ejus occurrit, quod in filo ad sextum nervum accedente videbamus.

Nihilominus illud PETITUS pro ramo nervi intercostalis habet; at vero nullis argumentis innixus, falsa veris potius inniscuit, quod ut rem sincere fatear, minime mirum est; quippe et ganglion sphenopalatinum, et originem, progressum ac divisionem nervi VIDIANI ignoravit, eumque pro aliquo nervo quinti paris a superioribus descendente, non vero pro retrogrado recepit: quia propter in observatione sua respectu radices hujusce quam ab hocce VIDIANO nervo deducunt hodierni, aliud nihil, nisi eam pro ramo quinti paris haberi non posse proposuit, quoniam ait: eundem angulum servat haec radix, quem ista quae sexto nervo copulatur. Quod cum revera non contingat, seposito in utili argumento, imo erroris pleno, quaedam in ejus locum pro viribus substituere conabor.

§. XV.

Omnis difficultas in eo consistit, quod statim enarrabo. Postquam nimirum hoc filamentum, de quo sermo, aut vera propago nervi intercostalis propter communicationem cum hoc VIDIANO nervo cranium ingreditur; retrogrado quasi modo ab hoc canali progreditur versus anteriora, et demum occurrit nervo VIDIANO, qui etiam a suo ganglio sphenopalatino posteriora versus retrogrado modo procedit, sicque conjungitur cum eo, ut non nisi unum continuum VIDIANUM ramum, absque sensibili crassitie ejus incremento constituere videatur. Hinc dubium illud controversiaque exorta est, num pars nervi VIDIANI sit, num vero intercostalis? Qui sunt itaque PETITAE sententiae adversi, non vident manifeste quapropter hoc filum pro ramo profundo nervi VIDIANI habere nequeant: nam neque situs ejus est contrarius, neque divisioni naturali nervorum cerebralium repugnat, quum a retrogrado nervo illud oriri supponant. Sic patet, hoc filum non ita se habere, quemadmodum illud, quod sexto nervo conjungitur.

Sic itaque ratiocinantur; si filum hoc aut ramus profundus esset pars nervi intercostalis in cranium adscendens atque cum nervo VIDIANO se conjungens, ad minimum hic VIDIANUS ramus in junctionis loco crassior esse deberet, quam in sua origine; observatur autem in origine sua multo crassior: non congruit ergo naturae legibus, ut hicce VIDIANUS ramus hoc filamentum accipere dicatur.

Haec objectio, quam proposuit illustr, MECKELIUS ad illud filum forte alludens, quod sexto cum nervo conjungitur, primo intuitu vera videtur: non perinde tamen recta: responderi namque potest crassitiem hujus nervi in coalitus loco ab accessu hujus filii augeri posse (et re ipsa augetur) quin tamen istam superet, qua hic VIDIANUS nervus in initio gaudet: pendet autem illud tum a diverso aut contrario hujus nervi progressu, tum a proportionem hujus minimi filii ad nervum VIDIANUM crassum: illud

enim

enim valde tenue est, atque multo subtilius finali ista nervi VIDIANI portione, in quam inferitur.

Praeterea hoc filamentum, quod est nervi intercostalis vera propago, pro parte nervi VIDIANI considerare non sinit casum ratiocinium: et si enim perpetua fere lege filum, quod sexto cum nervo coit, saepissime duplex, non raro triplex, illo sit majus, quod conjungitur cum nervo VIDIANO, quodque duplex raro invenitur; ab uno eodemque trunco nihilominus oriuntur: quare si majora filamenta pro nervi intercostalis parte habenda esse, validissimis argumentis evicti sumus; quare minoribus eandem praerogativam denegaremus?

Eundem ramum ex vagina canalis carotici jam dudum deduxit clar. SCHMIDELIUS, sibi que inventionem ejus vindicare tentavit atque in figura expressit.

Duxit me adhuc propius ad veritatem in tanta rei obscuritate nervorum horum color. Nimirum juxta opinionem eorum, qui nervos intercostales ab hoc VIDIANO nervo derivant, eum vidimus in duos ramos ad finem sui progressus dividi, scilicet unum superficiale aut petrosum, alterum profundum, de quo nunc agitur, quique pro altera intercostalis radice habetur. Porro quum in consistentia, tum in colore horum duorum ramorum differentiam quandam observavi: primus enim aut superficialis evidenter ad habitum durior, colore gaudet albido, quo ipse VIDIANUS nervus; cum alius profundus ramus, quem tanquam radicem consideramus, et ad tactum mollior sit, et colore rubicundo nervis intercostalibus proprio ab altero distinguatur. Exinde conclusionem elicere primum fuit; etenim si profundus hicce ramus esset nervi VIDIANI soboles, eundem ipsi ac petroso natura colorem induxisset: quae cum ita non sint, hanc potius esse veram intercostalis propaginem in cranium ascendentem atque cum VIDIANO coeuntem affirmare liceat.

§. XVI.

Haec fuerunt argumenta specialia: nunc generalia sequuntur. Ac primo quidem veram intercostalium originem a sexto quintove pari deducere non sinunt integumenta. Omnibus nervis in cranio ortis atque extra illud egredientibus commune est non tenuissima solum membrana, pia dicta, obvolvi, qua ab origine ad finem usque illos contineri non improbabile est; sed etiam duriori velamento a productionibus durae matris oriundo cinguntur: quod tamen eos, praeter opticum, omnes deferere solet, quam primum illi per foramina sua e cranio elapsi sunt; ut in exteriori cranii superficie reflectatur plerumque atque cum periosteo coeat. Accedit tum aliqua robustae atque albae vaginae imago, quae in ulteriori progressu hos nervos obvolvitur et custodit.

Ast quoties in hanc partem nervorum intercostalium inquisivi, qua a dictis paribus per foramen caroticum ad ganglion cervicale primum descendere reputantur; toties inveni eam mollissimam, atque his integumentis a dura matre accedentibus prorsus destitutam. Horum loco obvolvitur eam tenerrima quaedam cellulositatis a textu durae matris multo strictiore diversa; quaeque ut mihi visum est ab ea non differt, qua sanguifera vasa teguntur.

HALLERUS in refutando eorum opinione, qui dura cerebri membrana totum nervum obvolvi statuerunt, eadem testatur ¹⁾ utcumque ait: „antiqua est haec opinio et „aliquam veri speciem habet, a vero tamen aliena est. Primumque poterat ipse nervus intercostalis meliora ostendisse, qui adeo manifesto absque dura membrana molissimus per foramen carotidi internae destinatum migret: ut evidentissime eam carotidem non nervum toties minorem ea durae membranae vagina ambeat.“ Neque tamen opinionem HALLERUS, respectu originis eorum, mutavit, eosque semper e cranio descendere credidit. Qua in opinione permanendi occasionem illustri viro dederunt fortasse alii nervi molles, in canalibus ossium cranii hinc inde absque dura membrana distributi; quemadmodum in suo canali nervus VIDIANUS, portio mollis septimi paris aliique quos enumerare necessum non est. At interest in ea re plurimum discriminis; illi siquidem nervi extra cranium cum non egrediantur; minime indigent his integumentis.

§. XVII.

Non repetam hic quae antea proposui, naturam nempe praedictis radicibus alios induisse colores ac sexto Vidianove nervo, a quibus initium sumere reputantur: gaudere enim hos colore albo, has vero rubicundo jamjam praemonebam, cujus phaenomeni in praeparatione nervorum testis oculatus fui, cum incipiendo a ganglio primo cervicali, et ita ad sextum Vidianumve nervum progrediendo intercostalium originem rimarer. Hanc tamen colorum differentiam, quae inter sextum nervum et filum ad se accedens intercedit, primo intuitu non adeo manifeste apparere fatendum est; ut assertum meum quibusdam erroris plenum videretur, inde autem mali labes: haec namque sexti portio, quae cum isto filo ascendente conjungitur; in sinu cavernoso durae matris progreditur, atque ita cruore quasi inundata rubicundo videtur colore gaudere. Ast omnem fraudem brevi detexit lotio; quae in conjunctione cum nervo VIDIANO minime locum habet; cum hoc discrimen sit tunc temporis absque lotionem ulla valde conspicuum.

§. XVIII.

Nova observatio clariorem adhuc dictis lucem affundet. Et vero quotiescunque ganglion cervicale primum nervorum intercostalium attente consideravi; toties inveni illud in inferiori sua parte crassius, tenuius vero in superiori et longius: tandem in truncum abire vidi, qui colorem ganglii servans, quo magis in foramine carotico ascendit, eo gracilior redditur, ac postea in plurima circa carotidem filamenta saepissime dividitur, quorum quaedam minutissima et scalpello secari nescia in arteriae membranis evanescunt, dum ascendunt crassiora alia seque cum sexto et VIDIANO nervo conjungunt.

Lectoris fidem! an non nervorum intercostalium ascensum in cranium declarat et confirmat hic ganglii primi cervicalis status, tum exitus in truncum colorem ganglii conservantem, atque divisio in filamenta, quae partim evanescunt in arteria, partim cum

1) Vide ejus *Physiolog. Elementa* T. IV. L. X. pag. 191.

cum dictis paribus confociantur? namque si istam eorum partem, quae a ganglio nostro incipit definitque in paribus quinto et sexto, pro parte ab illis descendente potius acceperis; statim quaestio soluta difficilis moveri potest, nimirum unde rubor trunci? unde isti ramuli qui in carotide desinunt ascendendo, nullumque cum sexto et VIDIANO nervo commercium alunt?

§. XIX.

En argumenta, quae suppeditavit Anatome, quaeque mihi videntur intercostalium ascensum extra omnem dubitationis aleam ponere. Anatomicis physiologica sociavit et PETITUS, ut eandem veritatem a se detectam firmitus stabiliret: quae hoc loco praetermittere foret alienum.

Quoddam fluidum nerveum aut, quod idem est, spiritum animale in omnibus regni animalis corporibus adesse supponunt physiologi: hunc in cerebro praeparari, in hoc docent omnem sensus motusque musculorum latere rationem. Verum a cerebro, ejusque continuatione medulla spinali dicta omnes nervi oriuntur, per corpus disseminandi: quapropter posita spirituum animalium secretionem, facilis, imo necessarius fuit ad formandam ejusdem generis hypotheseon aliam transgressus; scilicet omnes nervos intus esse cavitates, ab iis fluidum in cerebro secretum excipi, uti ab arteriis sanguis e corde pulsus; atque sic ad omnes corporis partes sensu motuque plus aut minus instructas, per cavitates eorum quasi per tot canaliculos devehit. Iunitur principio philosophico haec hypothesis: *nihil sine ratione sufficiente fieri*.

Jam vero omnes nervos tam a cerebro, quam a medulla spinali ortos sic disponi putavit, uti sunt arteriae a corde provenientes, qui facillime liquorem suum vi cordis motum ad partes purpureo latice irrorandas deferunt.

Atqui istud filamentum aut radicem, cujus ope intercostalem a sexto nervo surgere credunt, huic structurae ob angulum cum hoc nervo adeo acutum prorsus non respondere vidimus ¹⁾, ita ut spiritus animalis per sextum nervum delatus cavitatem ejus ingredi non posset; aut saltem retrogrado modo ingrederetur et ab illa nervi parte quae oculum adit: posita itaque fluidi nervei existentia hoc ratiocinium instituit ²⁾: si nervi intercostales a sexto quintove pari originem suam traherent, tunc isti rami aut primae radices eorum ita deberent esse ad haec duo paria positi, ut possent hoc fluidum rapidissime a cerebro motum excipere commode, et absque ullo impedimento ad partes inferiores promovere; sed impossibile est ut a superioribus possit libere in radicem a sexto nervo oriundam incurrere: existimavit igitur a nervis medullae spinalis, quibuscum nervi nostri sunt per ramos frequentissimos conjuncti ³⁾, hoc fluidum intercostalibus communicari; atque adeo per istam eorum partem, quae a ganglio primo cervicali incipit atque ad sextum progreditur quintumve, illud ab inferioribus in cranium ascen-

N 2

dere

1) Non loquor de radice, quam a nervo Vidiano derivant, haec enim aliter se habet uti vidimus.

2) Voyez son observation sur l'origine des Nerfs intercostaux, qui se trouve dans l'histoire de l'Academie des Sciences de Paris; de l'année 1727.

3) Ibidem.

dere et progressum horum ramorum sequi credidit. Quam hypothesim experimento sequenti confirmare tentavit. Prius autem generalia quaedam oportet praemittere.

§. XX.

Nequaquam enim argumentum PETITI plus adstringam quam aequum est: siquidem mihi videtur hucusque incertum an omnis sensus et motus musculorum ab hoc fluido nervos persolvente dependeat? An medulla nervi sola absque fluido nerveo haec phaenomena producat? An alia aliqua lege regantur a supremo numine stabilita, quam cognoscere mortalibus non licet? Id tamen non ignoramus, omnem sensum in cerebri nervorumque medulla latitare; et deficiente in aliqua corporis parte nervo deficere omnem sensum novimus. Ipsum praeterea motum musculorum a nervis incitari quem physiologiae principiis imbutum fugit? Habent illi quidem ex sua natura aliquid privi, ita ut a nervo separati, ex propria vi irritabili possint applicatione plurimorum corporum in motum excitari; ligato tamen compresso aut discisso muscoli aliqujus nervo, cessat ejus actio spontanea, neque voluntati amplius obsecundat.

Requiritur ergo, ut sensus in aliqua parte adsit, aut motus in musculo quodam excitetur; requiritur inquam ut qui istis, in quas distribuitur, partibus prospicit nervus ille ab origine sua ad finem usque integer maneat.

Quodsi vero in animali vivo vel compresseris, vel discideris nervum quemdam a cerebro aut medulla spinali ortum, inter originem ejus et finem semper et constanti lege sensum et motum perire animadvertis in illis partibus, quae infra compressionis aut sectionis locum sitae sunt, dum supra sitae partes eodem nervo instructae eandem sentiendi movendique facultatem retinent.

Noverat haec omnia PETITUS, atque ut illa ad opinionem suam confirmandam detorqueret, veritatis amator indefessus, in vivis canibus experimentum, de quo antea, instituit: nimirum discidit illis nervum intercostalem in collo miraque phaenomena animadvertit: scilicet oculum ejusdem lateris languescere vidit, dein nitorem omnem amittere, corneamque membranam collabi, et caeteras mutationes facile praesentiendas: inde stringens PETITI argumentum: si in cranio oriretur hic nervus intercostalis in experimento discissus, si esset sexti nervi vera propago et indubitata soboles, post dissectionem ejus, juxta legem omnibus nervis a cerebro oriundis communem neque languor oculi, neque nitoris defectus, neque corneae collapsus aliaeque mutationes subsequi potuissent; cum supremam partem versus a dissectionis loco non ascendissent! Fatetur quidem PETITUS infra locum eum in infimo ventre mutationes animadvertisse sese, quae autem non adeo violentae fuerunt ac in oculo; nos insequentibus haec observatio juvabit.

§. XXI.

Auctoritate adhuc ipsa ante militandum, quam mentem propriam aperiam, ut sententiae PETITI confirmandae nihil defuisse videatur. De ea itaque hoc modo ratioeinatur illustris Auctor, cui neque voluntas vera dicendi, neque industria inveniendi nova, neque sagacitas vera a falsis distinguendi defuit; quique per longissimum tem-

poris.

poris spatium rebus Anatomicis operam navavit; WINSLOWIUM cogito, cujus propriis verbis meum specimen ornavo.

„Communiter, ait, statuunt quemlibet horum duorum nervorum (scilicet intercostalium) per filum sexti paris medullae oblongatae et per duo fila quinti initium sumere, haecque fila ab initio nervum admodum gracilem componere, qui regreditur ut e cranio per canalem osseum apophysis petrosae ossis temporum egrediatur, quique quo magis descendit, eo crassior evadit. Ast postquam putatam horum filorum originem cum attentione examinavi, eadem potius a basi cranii cum carotide interna ascendere, et a posteriori antrosum excurrere, quo se sexto atque quinto pari associant, mihi visa sunt: et angulum eorundem unionis cum hisce duobus paribus versus anteriora versum atque adeo acutum inveni, ut non pro nervis recurrentibus haberi possint.“

„Cum ab hoc tempore, addit, id est abhinc viginti fere annis eandem huius anguli dispositionem in singulis, quae dissectui, subjectis invenerim, semper in ea versatus sum opinione quod id, quod tanquam prima radix et tanquam species trunci a nervo intercostali dicto descendente consideratum fuit, non nisi ramus ejusdem ascendens sit, qui in cranium intrans in fila divideretur, se sequē mediantibus hisce filis duobus paribus indicatis recte associaret. Observatio peculiaris quam D. PETIT, Medicinae Doctor cum Academia Regia scientiarum de diversa crassitie portionum nervi sexti paris communicavit, in quantum nervum hunc antequam inter filum putati intercostalis atque orbitam, crassiorem quam posterius inter idem filum atque originem sexti paris invenit, plane demonstrativa videtur: experimenta ejus de vera huius nervi in organo visus Cooperatione magis adhuc id confirmant¹⁾.“

§. XXII.

Nunc liceat ab eo, quod proposui, paulisper digredi et varios opinionum humanarum quasi conflictus contemplari. Illud quidem mirum est, quod animum cujuspiam adhuc dubium facere possit vera intercostalis origo, cum sint in corpore humano adeo insignes, insuper a longo tempore cognitae; praeterea in phaenomenis practicis summae utilitatis; atque circa eos Anatomici nomine et re clari diutissime occupati fuerunt: sententia tamen PETITI, tanquam verisimilior proposita, imo tot argumentis a me confirmata a celeberrimis Seculi nostri Anatomicis adhuc falsa reputatur. Usque

N 3

quo

1) Hanc Cooperationem refutat HALLE-
RUS in *Element. Physiolog.* Tom. IV. Sect.
VI. pag. 223. siquidem ait: si discissis aut
compressis intercostalibus nervis symptoma-
ta foleant sese in oculo manifestare, quare-
idem in naso non evenit? Cui in hoc casu
responderi potest primo; hanc conjunctio-
nem intercostalium cum VIDIANO nervo non
adeo perpetuam esse quam cum sexto; natu-
ra saepe in ea ludere, cum plurimi Anatomici
eam penitus non animadverterint, ego

vero eandem duabus vicibus gracilem valde,
neque, ut WINSLOVIUS affirmat, duplicem
unquam invenerim. Deinde haec conjunctio
licet supponeretur perpetua, cum fiat mini-
morum filorum ope, ut vidi; quomodo gra-
via symptomata excitabit? Tandem haec
symptomata si vere adeflent in naso, non
ita facile animadverterentur quam in oculo,
siquidem pars est valde irritabilis et vix non
in perpetuo motu constituta.

quo Auctorum fama veritatem obscurabit? Atque haec dicta possunt in multos casus non multum diversos transferri; haec enim esse videtur omnium scientiarum atque artium fors, ut nova quaecunque opinio sententiae communi contraria, quamvis verissima, innumeros saepeque acres adversarios nanciscatur. Evolve ipsa HALLERI opera quae irritabilitatem spectant et sensibilitatem; haec prima proprietas, omnibus animalibus insita, plurimis saepe adnotata, in explicandis muscularis motus arcanis tanti usus, mutavit quidem totam physiologiae faciem, et in innumeros medicinae recessus lucem suam diffudit: vide tamen quantam in ea stabilienda difficultatem expertus fuerit Auctor immortalis! Nemo Anatomicorum in dura matre pleura, peritoneo, perio-steis, ligamentis, tendinibus vel minimulos nervos animadverterat; dum autem omnes illas partes ad insensibilem classem retulit idem HALLERUS; quanta adversariorum cohors? Qui nullis fere aliis argumentis veritatem ab eo detectam refutare conati sunt, nisi has partes ab omni retro tempore pro sensilibus habitas clamitando: haec eadem fata nervos nostros intercostales respectu originis suae cum mansisse tum mansura forte ne stupeamus.

§. XXIII.

Ast illa quam evolvimus, origo in eam tantum minimam particulam cadebat, quae sextum VIDIANUMVE nervum inter et ganglion primum cervicale continetur. Alia nunc quaestio examinanda venit, nimirum a quo fonte vera, nervorum, qua qua patent, intercostalium origo derivanda sit, si a dictis cerebri nervis non oriuntur?

Qui gangliis nullam nervos producendi facultatem tribuunt, intercostales nostros a vertebralibus ramis oriri facile respondebunt. Verum enim vero si quis omnes istos ramos attento animo consideraverit, eos ille Sympathicis nostris proportionem servatam consentientes inveniet: modo enim hi rami crassiores ingrediuntur intercostalium portiones, quae numerosos atque insignes furculos aliis partibus largiuntur: sic ad producenda ganglia cum truncis ac furculis istis videntur omnino inhabiles. Illud in portione cervicali prima ejusque duobus et tribus interdum gangliis potest evidenter observari: haec enim ganglia magnum ramorum mollium numerum dum spargunt ex se se, non nisi tenues a vertebralibus ramos accipiunt.

Quid quod in portione thoracica observantur eadem, imo quam in cervicali clarius: namque haec portio omnium crassissima, praeter alios minores, quinque ramos pro formando nervo splanchnico valde insignes dimittit; rami tamen a vertebris eam ingredientibus, etiamsi duplices, omnium tenuissimi; cum discissi et in unum fasciculum collecti, crassitie suae, ne vel dimidiam quidem portionis thoracicae cum ramis suis partem adaequare potuerint.

Contrario modo peccat horum ramorum vertebralium proportio cum duabus sequentibus intercostalium portionibus, lumbaribus nimirum et sacris; quae robustos licet a vertebris ramos accipiant, non nisi tenues ex se furculos vicinis partibus dispartiantur. Opinionem tamen eorum, qui vertebralibus nervis intercostalium structuram et originem adscribunt, stabilire quid magis debuit quam servata partium proportio? Ergo nihil in his circumstantiis simplicius mihi visum est atque naturae legibus magis consenta-

consentaneum, quam intercostales derivare a gangliis suis, atque omnes istos ramos, quos pro vertebralibus habuerunt, tanquam eorum ramos considerare. Discrimen ab omnibus Anatomicis observatum, quo intercostales a nervis vertebralibus dissentiunt, magis adhuc hanc opinionem confirmat: nam hi motui praefixi, ad tactum sunt durissimi; qui eos suis manibus praeparavit, huic veritati contradicere non potest: intercostales vero cum omnibus suis ramis continuo mollissimi observantur. Si itaque a vertebralibus his nervis originem suam caperent, necessario eadem duritie instructi esse deberent.

§. XXIV.

Una difficultate eaque gravissima premi potest haec, quam assignavi origo: illi scilicet, qui spiritus animales in sola cerebri structura praeparari statuunt, atque fistulis nerveis exceptos per easdem huc illuc circulari; quaerent ex me, unde nam possint ejusmodi spiritus, intercostalibus a gangliis suis surgentibus suppeditari? existimant autem cujusunque nervi a cerebro aut medulla spinali exorti functionem duntaxat pendere ab his spiritibus animalibus; horum ope imperia animae ex cranio ad omnes, voluntati subditas deferri partes, sensu instrui, musculos in motum excitari, et vicissim ex omnibus partibus a cerebro plus aut minus dissitis, omnes sensationes impressionesque ab objectis externis factas, ad sensorium commune revehi putant.

Quod si in gangliis horum nervorum spiritus hos secerni credideris; manet alia difficultas: neque enim structura eorum ut cerebri, ita comparata est; neque circulatio spirituum videtur absque confusione summa possibilis. Hinc semper ad cerebrum aut medullam spinalem tanquam ad veros et unicos fontes intercostalium origo referenda esse videtur.

At vero spirituum animalium existentiam volvens animo et revolvens, cum de eorum praeparatione in cerebro atque per fistulas nerveas circulatione certi nihil omnino existat, visum est ad quaestionem respondere non ita operosum. Ac primo quidem, si spiritus animales in cerebro solo praeparantur; cur fetus acephali vixerunt¹⁾? cur musculis et quibusdam sensibus usi fuerunt? cur animalia multa absque capite et sentiunt et vident²⁾? quare testudines capite resecto supervixerunt? an non haec phaenomena in contestatione ponant potius, utrum cerebri haec sit functio, an non sit ab ea prorsus alienum?

Praeterea sanguis, qui cerebrum adit, et ex quo contendunt fluidum hoc nerveum secerni, non ita videtur in suis vasis dispositus esse, ut haecce spirituum copiosa secretio expectari possit: enimvero plurima ejus pars ex arteriis in venas et sinus transgreditur; hanc veritatem injectiones confirmant. Quod fluidum relinquitur in arteriis diametro decrescendentibus, illud nutritioni destinari crederem potius, atque roris cujusdam intra cerebri substantiam reperiundi secretioni, quo continuo partes ejus ut humectentur, superfluous vero juxta leges naturae ut resorbeatur.

Longius

1) Vide illustr. HALLERI *Element. physiolog.* Tom. IV. Lib. X. Sect. IX. pag. 368.


2) Ibidem et alia etiam multa contra spirituum animalium existentiam protulit, quae hic recensere non necessarium duxi.

Longius procedamus. Solers physicorum industria plurimas detexit substantias aëreas, invisibiles praecipue nostris temporibus, ut materiam electricam, aërem fixum, nitrosum, inflammabilem, dephlogisticatum, mephiticum etc. Hae substantiae quanta sint subtilitatis, quibusdam tamen signis se substantias corporeas esse testantur: quare non idem praestant spiritus animales in cerebro secreti? manifestat se sensibus electrica materies certis aliquibus modis, cur eos fugiat fluidum nerveum? Cum tamen adeo subtile non sit, etenim ligatura alicui nervo injecta circulum ejus cohibet.

Adde quod in vasis sanguineis manifesto observantur cava lumina, nihil autem simile neque in medulla cerebri, neque in productis ab illa nervis apparet; etiamsi acerrima vitrorum convexissimorum auxilia adhibueris. Quin hae fistulae si ligarentur, foret ex hypothese eorum, ut nervus supra vinculum intumesceret? Sed haec phaenomena videre nulli Anatomico datum est.

Liquet ergo ex his argumentis aliisque non paucis, quae apud auctores hinc inde occurrunt, realem fluidi nervei existentiam inniti mera hypothese, neque certis ullis posse argumentis comprobari. Hypotheticas autem opiniones saepe fallaces esse quem latet?

Qua propter simplicitatis amans, neque extra ingenii humani limites egredi cupidus, hoc uno contentus sum, quod imperia animae ex sensorio communi ad omnes partes per nervos deferri noverim, atque omnes vicissim sensationes ex iisdem partibus per eos ad hanc sedem revehi. Rationem qua haec eveniant, ignoro. Illud autem, quod proposui de origine nervorum intercostalium, oculorum testimonio confirmari potest.



VII.

CHRISTI. THEOPH. LUDWIG

DE

PLEXIBUS NERVORUM ABDOMINALIUM

ATQUE

NERVO INTERCOSTALI DUPLICI

OBSERVATIONES NONNULLAE.

L I P S I A E 1772.

Quanta cum cura atque diligentia anatomici, hoc ipso, quo vivimus, seculo, in fabricam corporis humani, et in minimas ejus partes inquisiverint, eamque cum animantium brutorum structura non raro comparaverint, egregii eorum libri luculenter commonstrant. In nonnullis enim non solum inventa nova, icones elegantes et concinnae, descriptiones accuratae reperiuntur; sed ea etiam, quae jam dudum cognita, et ex veterum scriptis vindicata sunt, meliori ordine proposita, et copiosius descripta leguntur. Dolendum quidem est, in tanta inventorum copia plures etiam deprehendi, qui, vana res novas inveniendi gloria decepti, ad nomina magis, quam ad res respexerunt. Monendum quoque est, accuratos saepe dissectiones praeter necessitatem, in locum veterum nominum, nova supposuisse, quod quidem novandi studium lectionem veterum anatomicorum, non solum difficilem reddit, sed tirones etiam, propter magnam synonymorum copiam, ita confundit, ut nomini rei descriptae semper simul inventoris nomen addere teneantur. Hoc tamen, de inventione novorum nominum, judicium, peritissimis anatomicis solum relinquendum esse putamus, quippe qui, vel notionis claritatem, vel ordinem, situm et nexum partium descriptarum ad explanationes physiologicas magis accommodare solent.

Equidem ad fabricae humanae disquisitionem, aliis studiis detentus, parum conferre potui: cum tamen, anatonem docendo, et partes corporis in cadaveribus interdum diligenter demonstrando, doctrinae nostrae alumnis omni modo inservire studui, occasio quoque mihi data est, ut in libellis academicis sparsas has observationes interdum proponerem. Sunt tamen nonnullae observationes, quas, cum incompletas judico, publici juris facere nolui. Nunc, cum otio literario, quod morbus lentus mihi concedit, fruor, et schedas, in quibus hae observationes consignatae sunt, evolvo, in eam, de nervo intercostali duplici, incido. Et si vero et illa nondum absoluta est,

eam tamen cum Lectoribus meis, in hac prolusione, communicare non amplius dubitavi.

Ardua quidem et difficilis est disquisitio encephali et nervorum, si in illo decursus et conjunctiones fibrarum medullarium, in his ramos, plexus, et ganglia consideramus: ut plurimum enim de natura nervosi systematis parum instructi recedimus, novae quoque disquisitiones novas semper dubitationes movere solent. Sed, cum fluidi nervei natura adeo abscondita sit, et phaenomena, studiose collecta, ejus vim nonnihil illustrent, minime autem recte definiant, in directionibus et nexu tubulorum medullarium et nervorum indagandis, studium non inane positum esseprehendimus.

Quemadmodum enim fabrica cordis, sollicitè disquisita, et, praeter veteres, a VESALIO aliisque anatomicis accurate descripta, ad circulationem sanguinis declarandam nondum sufficiebat, sed regressus sanguinis in venis rectè observatus, hanc functionem universalem, usum scilicet fabricae partium cordis, in cavis et valvulis diversis, nec non arteriarum vim, in sanguine propellendo, detegebat: sic etiam nervosae fabricae functiones, nec per encephali structuram subtilissimam, variis incongruis vocabulis obfuscatam magis, quam explicatam, nec per fluidi ibi secreti indolem, cum variis vitibus universalibus macrocosmi, aethereis, electricis, cet. comparatam, sed potius, per progressum et nexum curiosissimum nervorum, tandem aliquando declarari posse arbitramur.

Si enim directiones nervorum in universum considero, novae semper se offerunt in diversis partibus corporis progressiones et conjunctiones. Etsi vero illae satis constantes sunt, nec adeo variant, ut vasa sanguifera; tamen in diversis cadaveribus, et in uno alteroque latere, interdum varietas occurrit notatu digna. Indicemus in transitu consuetos et constantes, attentione tamen dignos, nervorum tractus, ut postea observationem nostram, in paucis diversam, subungere possimus.

Nervi, vario ortu, progressu, et nexu, ad oculos deducti, in nobili hoc organo, non solum per nervum opticum sensum, sed per reliquos motum velocissimum bulbi et internarum partium efficiunt. Quinti paris varia distributio ad interiores capitis partes, ejusque nexus cum portione dura nervi acustici, seu sympathici minoris, progressus ad faciei musculos, et confinia colli, eodem modo, quo nervi diversi linguae inserti, in physiologica motuum contemplatione non sine attentione dimitti possunt. Mitto alios et minores nervos, ab anatomicis huc usque operose disquisitos, et, paucis de spinalibus praemissis, de pari vago et intercostali quaedam in universum monebo.

Medulla oblongata, in spinali continuata, secundum ordinem vertebrarum fasciculos nervosos utrinque dimittit, et in cervicalibus, dorsalibus, lumbaribus, et ossis sacri nervis varia ratione per corporis musculos distribuit. Cervicales majores sunt, partim ob occipitales nervos, quos largiuntur, validis motibus capitis dirigendis destinatos, partim ob plexum brachialem, ex his praecipue derivandum. Hujus robur in-

signe

signe est: magnis enim ramis dimissis, usque ad apices digitorum porrigitur. In thorace minores nervi sunt, cum ad tractum costarum excurrentes rami tenerioribus tantum musculis inferantur. Inferiores tamen eodem modo, ut lumbares, musculis abdominalibus potissimum dicati, paulo majores sunt, imprimis, cum ex lumbaribus plexus crurales simul efficiantur. Ultimi tandem, ex cauda sic dicta equina oriundi, et per os sacrum educendi nervi validissimi, plexum ischiadicum formant, cujus rami inferiorum extremitatum musculos transeunt, et totius corporis molem sustinent, varieque movent.

Praeter plexus indicatos, in omnibus his nervis aequalis ramorum distributio est, quae vasis sanguiferis, simili modo in ramos distributis, plerumque respondet, et ita tandem musculorum strata penetrat, eaque retis instar perreptat, donec in minimam fibram ad motum muscularem peculiari mechanismo absolvendum, destinat. In transitu hic moneo, etiam phrenicum nervum, initia sua ex cervicalibus colligentem, tandem in muscolum diaphragmatis distribui. Omnes autem nervi, qui in corporis superficie tandem terminantur, cutim perreptant, ibique singulari ratione ad papillas deflexi, tandem ita distribuuntur, ut, cum in aliis organis sensoriiis peculiare nervi sint, cutanei nervi suas partes a nervis, motum efficientibus, suscipere videantur.

Insignis autem copia viscerum, in media et infima corporis cavitate collocatorum, et sensu motuque excitandorum, nervos quoque postulat, ad haec officia praestanda idoneos, qui, cum singulari modo excurrant, sine attentione dimittendi non sunt. Primo itaque par octavum encephali, quod vagum dicitur, in lingua, larynge, oesophago, corde, et pulmonibus diversissima ratione distribuitur, et, juxta cardiam ventriculi descendendo, ad viscera abdominalia ita derivatur, ut, hoc solo, motus et sensus harum partium dirigi possint. Verum augmentum nervi in ipsa ramorum distributione, et consensus viscerum, cum universo corpore, ex hoc declarari non posset, nisi accederet intercostalis.

Hic nervus prae reliquis omnem exigit attentionem, cum non solum spinales, musculosam fabricam praecipue dirigentes nervos, et par vagum, ut nervum viscerum, conjungat; sed etiam, in aliis nervis, consensus universalis causa videatur, in qua praecipuam omnium nervorum vim positam esse censemus. Habet vero cum tenerrimis quibusdam filamentis, quae vix originem dicere possumus, nexum cum pari quinto et sexto encephali: postea vero ad totum spinæ dorsii tractum, nervis spinalibus innectitur, ut ex iis oriri, et incrementa capere videatur. Cum vero, ipse a pari vago, inter descendendum aucto, nihil recipere possit, fibras nervosas eidem tribuit, et in plexibus continuatis augeat. Imprimis vero, propter ganglia, huic potissimum nervo propria, peculiare vires, nondum satis definitas, acquirit, ut functionibus suis magis satisfacere possit. Quanquam autem haec in omni tractu, per collum et thoracem observantur, praecipuam tamen attentionem accessio ad par vagum, in plexibus viscerum abdominalium formandis, postulat.

Has quidem disquisitiones operose a variis neurologiae indagatoribus institutas esse scio, ideoque a me nihil addi posse intelligo. Cum vero, in docenda anatome, hanc rem praecipue difficilem deprehendi, quae nihilo minus in multis morbis abdominalibus, et in aliis, per consensum ex abdomine excitatis, attentionem medicorum exigit; diu cogitavi, an non, praecipuis plexuum abdominalium tractibus recte observatis, horum nervorum demonstrationem intelligentiae discipulorum magis accommodare possem.

Cum, anno jam quinquagesimo sexto, cadaver feminae quadraginta trium annorum dissecarem, et emaciatum hoc corpus, disquisitionibus nervorum idoneum, invenirem, optimo KRÜGERO, qui tum in examine nervi phrenici occupatus erat, ulteriorem ejus disquisitionem concessi; ipse vero, ad nervos abdominales indagandos, omnem attentionem adhibui. In iis vero examinandis ita versatus sum, ut primo paris vagi, in utroque latere ad abdomen progredientes ramos, paulo post simili modo descensum nervorum intercostalium, et cum iis splanchnici, sive collateralis, secessum attenderem; tandem plexus, ad mediam aortam vergentes, et iterum divaricantes perlustrarem, et ita praevidiam delineationem operis, continua observatione perficiendi, exhiberem.

Ramus nimirum paris vagi sinister, in thorace visus, ad finem oesophagi progrediendo, antrorsum flectitur; ille autem, qui non adeo fortis videtur, quam dexter, partem anteriorem cardiae subit, indeque, praecipuo suo tractu, in curvaturam parvam ventriculi distribuitur, ubi partim in ramis minimis, versus pylorum ductis, finitur, partim dextro, sive posteriori ramo, eo quoque tendenti, annectitur.

Paris vagi autem ramus dexter, qui posterior fit, in thorace insignem plexum circa oesophagum format, postea ad cardiam accedens, a posteriori ejus ambitus antrorsum quodammodo versus curvaturam minorem deflectitur. Hic, praeter ramos insignes, ad ventriculum ductos, et cum priori communicantes, ideoque in curvatura minori magis, quam circa cardiam, plexum efficiens, quem gastricum dicere possumus, ipse ad aortam, vel potius coeliacam arteriam, ex ea procedentem, pergit, implicans se variis plexibus, hoc loco formatis, de quibus paulo post nonnulla dicenda erunt.

Vidimus vero in hoc cadavere ramum nunc descriptum, ad ortum arteriae gastricae coronariae, quae ante divisionem coeliacae, in dextrum et sinistrum ramum, ut saepe fit, etiam hic progrediebatur, ita productum, ut eandem non solum, plexu formato, vaginae ad instar, cingeret, sed numerosis quoque ramis circa coeliacam propagaretur. Distinctos autem ramos satis conspicuos, quos trahendo semel iterumque a contextu celluloso tenaci distinguere, et separare tentavimus, ad partes vicinas abire cognovimus. Ex his vero tres potissimum, notatu dignos, deprehendimus. Primus superius ad hepaticum plexum dextrorsum; secundus interior et quodammodo sinistrorsum, in aliquot minores ramulos mox divisus, ad splenicam

splenicam arteriam; tertius tandem fortis satis, et a prioribus accurate distinctus, ad arteriam mesaraicam, et ejus plexum deducebatur.

Ulteriorem, et accurate a reliquis plexibus nervosis distinctum, hujus nervi progressum definire vix potuimus. Quamquam enim ejus propagines per mesocolon sinistri lateris amplius adhuc flecti, ad mesaraicam inferiorem arteriam, et paulo profundius ad aortae divisionem descendere cognovimus; tamen, cum a plexu coeliaco jam formato, aliisque, a ganglio semilunari oriundis, nervis et plexibus, omni licet cura adhibita, accurate distingui haud potuerint, in iis, quae certo deteximus, acquiescendum nobis erat.

Regredimur nunc ad splanchnicum nervum, qui collateralis dicitur, a latere dextro considerandum. Hic in thorace ex filamentis, ab intercostali nervo antrorsum ductis, oritur, per crura diaphragmatis transit, ei, per quod transit, quodammodo incumbit, postea glandulis suprarenalibus aliqua ex parte, magis vero venae cavae trunco, antequam is ad divisionem renalium procedit, tegitur. Supra vasa renalia enim, inter aortam et glandulam suprarenalem, ganglion semilunare formatur, in hoc latere figurae non adeo certae, ex quo, supra aortam et coeliacam, insignis oritur plexus, qui partim coeliacum constituit, partim cum opposito committitur.

A ganglio hoc nullum, vel notatu non adeo dignum, ramum ad mesaraicam superiorem arteriam abire vidimus; majores vero ad renalem arteriam deferuntur, ex quibus plurimi minores juxta glandulam suprarenalem reflectuntur. Etsi vero monuimus, ex ganglio nullos, vel parvos tantum ramos ad mesaraicum plexum produci; a renali tamen plexu jam formato plures et fortes rami ad eundem deferri, vicinisque nervis implicari, certum est. Sigillatim vero observavimus, in hoc cadavere ramum nervi splanchnici, separatim per diaphragma transeuntem, ganglio semilunari intacto relicto, ad renalem deductum esse.

Intercostalis nervus ipse, a parte posteriore progrediendo, evidentes satis ramos ad plexum renalem posterius dimisit, a quo loco satis insignis ramus ad arteriam magnam accedit, et spermaticae arteriae ramulum socium exhibet; maximam autem sui partem ad plexum mesaraicum inferiorem constituendum confert, tandemque ad divisionem aortae progreditur. Hic ramus, ab intercostali nervo oriundus, cum eo quidem per multos ramulos laterales communicabat; peculiaris tamen et distinctus in omni suo progressu cognoscebatur. Non autem hic solum ramus, ex plexu renali ejusque communicatione cum intercostali nervo oriundus, hac via progreditur, sed alius quoque ex eo procedens, sub renali ad aortam simili ratione ducitur, et cum plexibus ibi decurrentibus, connectitur.

In sinistro latere splanchnicus nervus eodem tractu descendit, et simili modo et loco ganglion semilunare constituit, quod in hac parte vere semilunare conspiciebatur, ad aortam super coeliacam extendebatur, et cornu inferius ultra, introrsum magis, protrahabatur. Ex parte convexa deorsum directa, multi rami ad renalem arteriam,

ut in dextro latere, progrediebantur, quibusdam etiam in glandulam suprarenalem reflexis. Praeterea nervus intercostalis ipse propagines suas ad plexum renalem, et ramos aliquos ad aortam mediam, plexusque ibi sitos, dimittit, quamquam non adeo insignes, ut in latere opposito.

Ut vero rationem plexuum accuratius perspiciamus, ad mediam quoque partem breviter describendam nos convertamus. Super coeliacam jam arteriam varii rami ex utroque ganglio, et ex paris vagi posteriori ramo producti, plexus formant, qui postea circa coeliacam et mesaraicam superiorem arteriam producuntur, ut praeter ea, quae superius de pari vago cum aliqua certitudine indicavimus, limites unius et alterius nervi vix definiiri possint. Vere enim monuimus, hunc plexum, circa has duas arterias, universalem esse. Sub mesaraica superiori, etiam similis plexus ex communicatione potissimum plexuum renalium formatur, ex quo rami ulterius producti ad aortam propius haerent, paulo post in mesaraicam inferiorem deflectuntur, et ita usque ad divisionem aortae cum intercostali ipso se conjungunt. Plexus inferior sub vena renali formatur et incipit; alter vero superior, quem in mesocolo sinistro progredi diximus, a mesaraica superiore, supra venam renalem reducitur, et ad plexum mesaraicum inferiorem descendit.

Dum vero in his nervis disquirendis occupatus essem, non tantum in sinistro, sed magis adhuc in dextro latere nervos peculiare, ex summo thorace descendentes, detexi. Erant illi propius ad vertebrae siti, ideoque in plexuum abdominalium disquisitione ab initio non observati. Cum vero longo tractu descenderent, ad origines eorum in supremo thorace et collo regrediendum fuisset. Dolebam omnino, per disquisitionem nervi phrenici, interea factam, omnes nervos colli e situ dimotos et praescissos esse: quantum itaque fieri poterat, in supremo thorace initia horum nervorum colligere incepi. Descendebant enim nostri nervi eodem modo in thorace, quo intercostalis ipse, sed propius ad aortam, ita, ut proxime ad originem arteriarum intercostalium conspicerentur. Cum autem dexter longior esset sinistro, ab hoc describendo initium faciam.


In dextro igitur latere praescissa ejus initia post arteriam subclaviam detexi, ubi cum aliis nervis minoribus, hic quoque praescissis, conjunctus fuerat. Inde vero post oesophagum, et porro inter aortam et venam azygos ad originem vasorum intercostalium descendendo, aliquot filamenta, in hoc tamen latere non adeo conspicua, ab intercostali vero suscipiebat. Cum autem post sextam arteriam intercostalem nihil omnino ab intercostali nervo accederet, tenuior descendit, et ad diaphragma perveniens ipse post crus dextrum se abscondit, ramulus vero aliquis ulterius divisus cum ultimis venae azygos ramulis ad abdomen descendebat, ubi tandem prorsus evanuit.

Ipse vero nervus magis attenuatus usque ad internum latus plexus renalis dextri pergebat, ibique denuo filamenta nervosa ab intercostali vero accipiebat, inde non nihil crassior redditus. Dedit quoque sub renali plexu ramum quendam, progrediendo varie divisum, quem cum plexu mesenterico inferiori communicari vidimus. Ipse truncus tandem in duos ramulos dividebatur, quorum major ad divisionem aortae, cum

cum reliquis nervis, ibi conjunctis, coibat; minor vero ad venae cavae divisionem sensim evanescebat.

In sinistro autem latere nervum nostrum ibi praescissum inveni, ubi arcus aortae deorsum flectitur. Notandum vero est, in hoc cadavere gibboso, in quo spina sinisterum distorta erat, aortam, non a latere sinistro vertebrarum, sed in medio magis progrediendo, ad dextrum latus spinae non nihil deflexam esse. Nervus autem noster proxime ad aortam decurrens, ab intercostali vero propagines nervosas, magis conspicuas, suscipiebat, quae ad tractum arteriarum intercostalium, ideoque non nihil deorsum, excurrerant. Qua re perspecta, diutius haesi, an non noster nervus intercostali suas propagines daret; in qua sententia etiam magis confirmabar, quod post vertebram octavam thoracis, nulla amplius communicatio inter utrumque nervum observabatur. Ab hoc enim loco, tenuior factus, crus diaphragmatis transibat, et ultimos tenuissimosque surculos, in plexu nervorum femilunari hujus lateris, disparere vidi, neque, omni cura adhibita, ejus progressum ulteriorem inveni.

Egregium quidem est, si ex observationibus anatomicis quaedam confectaria physiologica derivari possunt; omnibus tamen rite perpensis, in consideratione anatomica sola acquiescere debui, in primis, cum ad systema nervosum pertineret, in cujus conjunctionibus prorsus singularibus vera quidem, nunquam tamen plane declaranda effectuum ratio cernitur. Neque etiam ex functionibus hujus feminae, in statu sano et aegro peractis, aliquid certi concludi poterat, cum per tristem et sedentariam vitam victu crudo nutrita duceretur, usque dum cachexia, usque ad mollitiem ossium aucta, tandem incurvata in lectulo decumbens, non nisi de doloribus et tensionibus in universo corpore conquereretur, et tandem tabida periret.



VIII.

I O. G O T T L O B H A A S E

D E

NERVO PHRENICO DEXTRI LATERIS DUPLICI
PARISQUE VAGI PER COLLUM DECURSU.

L I P S I A E 1790.

Quod saepe fieri solet, ut, qui partes corporis ab aliis multo cum labore et assiduitate disquisitas, ipsi perscrutantur, non solum, cognito, quod aliorum studio natum erat, disciplinae augmento, admodum delectentur, sed suam etiam, cum ea, quae quisque scriptor vel invenerit, vel inveniri posse conjecerit, novis observationibus vel illustrent ac confirment, vel eorum varietatem aliis monstrant ac laudent, scientiam non parum augeant; idem etiam mihi toties accidit, quoties, ut in alias partes, ita in nervos explorandos tempus et cogitationem impenderim. Non solum enim ganglia, plexus et minores rami nervorum ob magnam varietatem admirationem nobis faciunt, sed majores etiam rami et trunci tum originis, tum progressus, miram quandam inconstantiam ac diversitatem habent, ita quidem, ut, licet in quamplurimis corporibus eundem eorum vel ortum, vel decursum ac distributionem reperiatis, in nonnullis tamen aliam eorum rationem esse invenias, et ad eundem finem consequendum iisdem quidem auxiliis et instrumentis, paullulum tamen mutatis, naturam uti, cum voluptate intelligas. Nervorum non eandem ubivis originem et progressum esse ischiadicus et intercostalis comprobant, quorum illum duplicem inde a lumbaribus et sacralibus descendisse, hunc vero, ut beatus LUDWIGIUS ¹⁾ per thoracem, ita egomet ipse jam per collum duobus truncis a ganglio cervicali superiori progressum esse vidi. Paris vagi truncum licet in quingentis cadaveribus uno, quamplurimis filamentis composito, fasciculo prodeuntem disquisiverat, semel tamen truncum ejus bifidum in dextro latere Ill. WRISBERG ²⁾ conspexit. Longe tamen magis haec in minimis animadvertuntur, in quibus plexus et retia, quae a ramis diversae originis construuntur, tum formae tum distributionis miram varietatem habent, eamque ob causam non sunt negligenda. Quis enim tractum eorum, qui ex cervicalibus, mollibus sympathici magni parisque vagi ramis per collum in cordis partes demittuntur, nervorum examinat, quin, quamcunque demum operam in iis exacte describendis et iconibus illustrandis

ANDER.

1) Programm. de plexibus nervor. abdominal. atque nervo intercostali duplici. Lips. 1772. — hor. script. T. III. p. 105. sqq.

2) Syllog. commentation. anatom. Goetting. 1786. p. 82.

ANDERSCHIUS 3), et NEUBAUERUS 4), nonnullique alii posuerint, quod honorifice ab iis factum esse omnes scimus, multiplicis generis furculorum differentiam esse cognoscat? Eadem de egregiis WALTERI iconibus dici possunt, quarum ad normam si quis paris vagi et intercostalis descensum per thoracem perlustraret ac utriusque nervi plexus infini ventris in variis corporibus cum delineatis partibus conferat, vix ullum reperiet partium genus, in quo majores, quam in hoc, reperiantur diversitates 5).

Primum autem quaedam a nobis proponenda sunt, quae de nervo phrenico collegimus. Oritur is in plurimis a quarto, quinto et sexto cervicali, et postea ante scalenum posteriorem rectumque capitis anteriorem longum trans vertebrae cervicales inferiores in pectoris superiorem partem ita inclinatur, ut a latere arteriae asperae ante ejus bronchum pericardium versus se flectat et inter illud et pleurac saccum pulmonalem, connexus cum his partibus per telam cellulosa, ad convexum diaphragma dividatur. Harum hujus nervi radicum non una eademque ratio est. Quae enim a quarto descendit, radix, vix dimidium pollicem longa, cum altera a quinto cervicali nata, longe brevior, conjungitur eaque copula nervus magis crassescit, tertiamque, qua novum accipit incrementum, a sexto trahit. Quorum filamentorum quam diversae sint ratio et origo, eam ob causam, quoniam de iis KRÜGERUS 6) alique satis docte exposuerunt, narrare nolumus; hoc tamen omittere non possumus, esse etiam in quibusdam hujus nervi cum ganglio cervicali medio nervi sympathici magni conjunctionem, cujus exempla Clarissimi Viri, NEUBAUERUS 7) et WRISBERGIUS 8) nonnulla collegerunt. Hunc nervum cum intercostali ope radice suae, quae furculum ad cardiacum plexum dimittat, conjungi, id non solum KRÜGERI narratione cognitum, sed nostris etiam laboribus, quibus alios in investigandis pectoris nervis imitari in animum nobis induxeramus, ita exploratum habemus, ut de ea re nullo modo dubitemus. Non potuimus autem, nervos colli perlustrantes, eam ejus regionem, qua rami descendentes noni nervi cum furculo rami anterioris cervicalis tertii et interdum etiam secundi conjunctio arcum effingit, dimittere, quin noni et phrenici anastomosis animadverteremus. Quod quanquam propter filamentum longitudinem ejusque reconditum situm aliquid difficultatis habet, tamen nisi clavicula e situ et nexu remota sit, operam nostram raro illudit.

Nervi phrenici originem tribus distinctis locis in cadavere viri superiore hieme vidimus. Maximum ex his idemque medium filamentum ex hiatu laterali, qui processibus transversis tertiae et quartae vertebrae colli intercipitur, inde a cervicali quarto nervo ita sese proferebat, ut ante carotidem inter venam subclaviam, quacum arctissime connectebatur, et arteriam similem, in pectus se demitteret. Ex eodem ramo ut

in

3) *tab. de nerv. card. Conf. mea cerebri nervorumque anat. repetit.* — hor. script. T. II.

4) *de nerv. card.*

5) WALTER, *tab. nervor. thoracis et abdominal.*

6) *Disput. de nervo phrenico.*

7) l. c.

8) *de nervis viscer. abdominal.* — hor. script. T. III.

in hoc, ita in nonnullis aliis corporibus, confirmari intelleximus eam, quam KRÜGERUS phrenici cum intercostali demonstravit, connexionem. Vix enim per dimidii pollicis longitudinem hoc filamentum e cervicali quarto egressum flectebat interiora versus ramulum, qui trans arteriam carotidem usque ad thyreoideam arteriam inferiorem, sive cervicalem, descendebat, alioque furculo in scalenum anteriorem distribuebatur, alio vero ante muscolum longum colli cum intercostali confluebat hujusque cum furculis tum ante tum post arteriam cervicalem dictam in plexum cardiacum finiebatur. Ex hac descriptione facile apparet, hanc phrenici cum intercostali connexionem propterea, quoniam hujus furculi cum intercostali confluxus a vasis ante muscolum colli positus tegitur, non, nisi his remotis, in oculos venire posse. Alterum filamentum, a noni paris descendente ramo ortum et paululum minus, cum medio post claviculam, confluebat, et, cum in quibusdam, in quibus hanc noni paris cum phrenico anastomosis invenire potui, ex eo, quem descendens is noni paris ramus cum ramo quodam nervi cervicalis tertii efficit, arcu in phrenicum demitti soleat, ipsum in phrenicum continuabatur. Est etiam in origine hujus descendens ramus noni paris, unde radix phrenici nasci solet, insignis varietas, quae eum, qui hunc nervum quaerit, fugere non debet. In plurimis enim hunc ascendentem ramum nervi noni, antequam ad inferiorem colli partem se deflectat, mox eo loco, quo truncus noni circum vagum flectitur, oriri, hocque facto alio ramo ad arteriae asperae et cordis superficiales partes distribui, alio cum cervicali tertio conjungi et per medium cum phrenico connecti vidi; in eo tamen cadavere par nonum ultra pollicem et dimidium anteriora versus et ad linguam sese protulerat et tum demum ramus descendens ad tres istos celebratissimos in collo formandos sese demiserat. Maximam vero attentionem excitabat tertium, exteriore loco positum, filamentum, quod, collatis inter se iis, quae celeberrimi Viri, HALLERUS, WINSLOVIUS, NEUBAUERUS, WRISBERGIUS alique de phrenico scripserunt, eam radicem esse facile cognovimus, quam alii a quinto cervicali pare repetunt. Cujus filamentum longitudo, cum esset tanta, ut illud demum, profundius in pectus demissum et infra bronchum dextrum ante hunc et a latere pericardii inveniretur, nos commovit, ut duplicem fuisse nervum phrenicum in hoc corpore ducamus. Exterior ille et secundarius phrenicus inter quintum et sextum cervicalem, facta jam utriusque hujus cervicalis conjunctione, magis tamen a quinto, quam sexto, ortus, ante plexum brachialem ita ad pectus se demisit, ut non, inere quidem primarii phrenici, inter subclaviam arteriam et venam sese intermitteret, sed ante venam subclaviam in pectus veniret. Quod cum ingressus esset, a latere venae cavae superioris truncum primarii phrenici aliquantulum per duos pollices est comitatus, donec ante et infra bronchum dextri lateris ad acutissimum angulum cum primario, ex nono et cervicali quarto phrenico nato, conflueret.

Par vagum illum ex multis filamentis, primum intra cranium pia matre et arachnoidea conjunctis, postea sub jugulari foramine tela cellulosa inter se conbinatis, compositum fasciculum nervosum dicimus, qui ante se glossopharyngeum et posteriore loco accessorium sibi appositos habet nervos, et inter eos per foramen lacerum cranio emittitur. Cum glossopharyngeum, nullibi in suo per jugulare foramen egressu cum
vago

vago conjunctum, ab eo separatum esse cupiamus, nullam ejus mentionem reddendam esse primum opinari quis posset; attamen, cum non tam propterea, quoniam alii eum ad vagum retulerunt, quam, quia ejus mira et multiplex est cum variis ramis paris vagi et intercostalis in collo et tracheali pharyngis regione anastomosis, hunc nervum plane omittere non potuimus.

Glossopharyngeus inter processum styloideum et carotidem internam declivi via ad linguae posteriorem partem dirigitur, ante hanc internam carotidem ramum dimittit anastomoticum cum pharyngeo jungendum, unde arcus fit, cujus inferior pars ganglion aemulatur carotidi internae ascensurae appositum, ex quo gangliiformi, ab inferiore glossopharyngei ramo et pharyngeo nato, arcu rami, cum mollibus nervis trunci intercostalis conjuncti, in pharyngem dimittuntur. Hoc facto inter lingualem nonum nervum et pharyngem ipsum ita se profert glossopharyngeus, ut, priusquam in linguae posteriorem et inferiorem partem abeat, alium ramum insignem ad pharyngem demittat, qui, in pharyngis laterali parte cum ramulis, ex ganglio pharyngeo natis, anastomosi jungitur et in pharyngem absumitur, alium vero sursum ad lateralem et tonsillarem pharyngis regionem distribuat. Eodem loco alius ramus ad stylohyoideum et biventrem, ita tamen, descendit, ut in laxa illa tela cellulosa, carotidi internae et venae jugulari internae circumposita, nonnulli ramuli ejus cum mollibus nervis copulentur et in plexum pharyngis immittantur.

Paris vagi cum communicantis faciei medio ramo anastomosis raro reperitur. Videtur quidem ex ea haud incongrue ea vultus mutatio explicanda, quae eorum est, qui, cum cruda et male digesta ventriculo contineant, miras tenuiorum faciei musculorum contractiones experiuntur; hujus tamen rei causa etiam ex aliis, et inprimis e paris vagi et intercostalis anastomosis hujusque inprimis tum cum pari vago, tum cum pari quinto, connexionem peti potest. Haud enim insolitum est, quibus ventriculus male concoquat, hos propter latissime patentem nervorum ventriculi conjunctionem toto corpore languere et capitis dolore laborare.

Pharyngei nervi, primi scilicet paris vagi rami, operosa quodammodo est disquisitio. Sunt in interstitio, quod ab angulo maxillae inferioris, processu mastoideo, styloideo, pharynge, vertebrique colli, et superiore asperae arteriae parte, intercipitur, tot tamque diversae partes positae, tamque copioso contextu celluloso involutae, filamentis inter se junctae, et musculis praeterea multiplicis generis interpositae, ut, antequam ad istam profundam intercapedinem, ubi pharyngeum reperis, pervenias, nervi intercostalis superiorem et canali carotico egressam partem, par vagum ipsum, carotidem internam, nervum nonum, accessorium, aliosque a cervicalibus tribus superioribus ortos ramos necessario probe distinguas, si hanc ex tot inter se complicatis nervis compositam telam et nervum pharyngeum diligenter rimari cupis. Neque tamen facile quis ab inveniendi eo aberrare potest, reperto glossopharyngeo, sub quo, non ex pari vago nato, sed ei circumflexo quodammodo et contiguo, ad duas tresve lineas ex trunco paris vagi enascitur et glossopharyngeo duplo minor trans arteriam carotidem internam ejusdemque exteriore loco in gangliiformem partem abit cum

P 2

glosso-

glossopharyngeo conjunctam, inde vero in duos istos ramos dividitur, quorum superior in lateralem et posteriorem pharyngis locum, maxime in constrictorem medium et constrictoris inferioris superiorem partem et thyropharyngeum musculum quinque et pluribus filamentis dividitur; alter et inferior, qui ramus pharyngeus inferior dici posse mihi videtur, ad inferiorem constrictorem et oesophagum ipsum demittitur. Vidimus tamen etiam ex hoc ganglio pharyngeo ramos ad plexum nervosum, qui in loco divisionis carotidis communis carotidem internam comitatur, distributos ibique cum furculis nervi intercostalis mollibus conjunctionem factam esse, unde ejus ad cardiacum plexum distributio esse solet.

Inter accessorium et ganglion cervicale superius sub pharyngeo pollicis dimidii longitudine laryngeus ex pari vago editur, qui magnitudine glossopharyngeum aequat vel superat. Is ab interiore carotidis internae latere declivi via ad latus pharyngis et arteriae asperae flectitur, antequam vero in istam partem telam distribuatur, varios ramos plexui nervoso carotico posteriori impertit, aliisque cum cervicalibus superioribus conjungitur et cum istis eorum furculis confluit, qui ad plexum cardiacum descendunt. Hoc facto in duos ramos a latere interiore carotidis communis dividitur, quorum superior, major per membranam ligamentosam laryngis, ossi hyoideo et cartilagini thyreoideae interjectam, ad interiora laryngis dividitur, quae divisionis ratio non nisi musculo thyreohyoideo plane conspici potest, et inferior in posteriores laryngis musculos, cricoarytenoideos distribuitur.

IX.

I. O. G O T T L O B H A A S E

D E

PLEXIBUS OESOPHAGEIS NERVOSIS PARISQUE
VAGI PER PECTUS DECURSU.

L I P S I A E 1791.

Cum HALLERUS, Vir immortalis memoriae, iis locis, quibus arteriae ad varias et sede a se invicem non parum dimotas partes dividuntur, magnum nervorum numerum inveniri vidisset, qui, vel reti composito, vel laqueis et anlis effectis, arterias venasque concomitarentur ac circumirent; in eam incidit opinionem, ad eam, quae sit nervorum in varia eorum affectione ad motum sanguinis vel augendum, vel retardandum, vel perturbandum, immo ipsam humoris huius crasin mutandam, vim, quemcunque ex iis, in quas incurrat, difficultatibus aliquo modo sese expedire posse, si ad hanc nervorum progressus, divisionis, et copulationis rationem mentem et oculos intentos teneat. Quae res non solum ipsum impulit, ut, cum esset amplissima doctrina ornatus et observationum ubertate ac varietate instructus, hanc opinionem sustinere studeret, sed alios etiam commovit, ut truncorum nervorum, eorumque ramorum decursum ac directionem inde ab ortu usque ad finem studiosissime disquirent. Ac verissimum quidem et maxime cognitum est, paris vagi utriusque lateris ramum reflexum sive recurrentem aequae atque eos, qui in cervicibus circum subclaviam et cervicalem inferiorem ac anteriorem arteriam ad superiorem thoracem in ganglion magnum ac recurrentis principium descendant, filamenta esse vasis stricte circumflexa. Certum etiam est, non solum vasa minora, arterias maxime, sed ductus etiam excretorios plurimis in corporis locis ac partibus ingenti nerveorum filamentorum copia, tanquam laqueis, cingi et comprehendi, quae cum trunculis in partes remotas ac parenchyma viscerum intrent et ductus excretorios comitentur. Quam nervorum directionem uti in pharyngea HALLERI, transversali faciei, temporalis arteriae ramo superficiali et profundo, tribus caeliacae ramis, renali, sphenopalatina aliisque, ita in glandulae parotidis ductu Stenoniano et glandulae submaxillaris Warthoniano saepe admirati sumus. Qua in re ita constans ac fida fuit natura, ut hoc nervorum connubium etiam in reconditissimis cavis et ossium recessibus esse iusserit, quod nuper, SCARPAE ¹⁾ et WRISBERGII ²⁾ labores imitatus, in nervis narium internis, a ramo sphenopalatino

P 3

1) *Anatomic. annotat.* lib. II. de organo olfactus praecipuo, cap. 4. 5.2) *Commentat. anatom. Syllog.* p. 37. — hor. script. T. III.

nopalatino ortis, satis superque cognovi. Nam, cum, cavo narium verticali sectione diviso, membranae pituitariae posteriorem partem a ganglio sphenopalatino removissem et ossis palatini tenuissimam, quae canalem pterygopalatinum anteriorem interius tegit, partem resevissem, singuli arteriae sphenopalatinae rami, cum nervis per canales digressi, nervis comprehendebantur et obvolvebantur. Queniamodum Vidiana arteria in pterygoideo canali a recurrente interius tecta et in duos ramos divisa cernitur, quorum alter petrosus nervum, alter radicem intercostalis nervi sequitur, ita, cum canalis pterygopalatinus, remota palatini ossis tenuiore et posteriore verticali parte, diffractus esset, tum nervi palatini majoris cum arteria palatina ad fornicem palati, tum palatini minoris cum ramulis arteriosis ad pharyngis lateralem tonsillaremque partem decursus ac distributio plane sese mihi obtulerunt. In ea disquisitione etiam didici, nec nervum nasopalatinum solum sed cum arteriola conjunctum arcuato progressu ad septi narium superiorem partem flecti, ramosque ejus cum vasis per canales duos osseos, lamina tenui ossea tectos, per foramen Stenonis incisivum ad palati fornicem finire, eamque arteriam non, ut HALLERUS 3) credebat, a palato ad nares ascendere, sed, cum diameter ejus versus sphenopalatinam arteriam amplior sit, inde ab interiore parte fissurae sphenonasalis in tractu nervi nasopalatini pergere.

Quae cum ita sint, facile potuisset ab eo, cujus erat eximia corporis animalis cognitio et ingenii fertilitas, opinio, nervorum laqueis modo strictis, modo relaxatis, miram oriri motus sanguinis aliarumque functionum varietatem ac mutationem, sustineri, nisi, irritabilitatis causam ac fontem exploraturus, nullum in nervos, qui sensum feriat, cadere motum, experimentis cognovisset. Cui argumento et hoc addi potuisse arbitror, tantam esse quorundam nervulorum truncis arteriosis circumjectorum exilitatem ac tenuitatem, ut, etiamsi vere constringerentur, canales tamen sanguine plenos comprimere non possent; quod facile is concedet, qui non ignorat, illa, quae a ganglio cervicali medio arteriae cervicali et subclaviae circumflectuntur, filamenta nervea esse admodum tenuia ac tenera.

Quamquam vero magno illi viro, hoc, quod in opinione, quam ipse protulerat, quaeque non destituitur argumentis, plane abjicienda primum se ostenderit, facile condonare possumus; praesertim cum ea nec usu et sensu confirmetur, nec ipse, irritabilitatis doctrinam stabiliturus, a se dissentire potuerit; extant tamen, non levia, illa, quae opinionem istam non quidem ab omni parte sectandam, limitandam tamen esse manifesto probant. Nam si verum est, animo multis variisque modis affecto et modo exhilarato, modo perterrita ac commoto, corpus ipsum ita affici, ut quaedam ejus partes vel rubore suffundantur, vel pallore obsideantur, modo humores profundantur, modo retineantur, et in ipsis excretoriis ductibus, ut biliferis et salivalibus, insignes varietates inveniantur, haec vero sine nervorum in vasa vi et actione mente concipi nequeant, justam esse intelliget quisque causam, cur, haec explicaturi, a nervorum ad partes decursu ac distributione oculos ac mentem deflectere non debeamus.

Latus

Latius patere hanc nervorum potestatem, et praeter vasa etiam alias partes nervorum culpa natari, comprobarent superiores octavi nervi cerebri rami, quorum mira cum intercostali nervo, parte dura septimi nervi, et cum nono, conjunctione multiplex ille continetur consensus, qui in sanis suavitatis non parum, in aegrotis molestiae plurimum habet. Cum autem in argumento, cujus tractationem quondam jam ingressus eram 4), persequendo animum posuerim, meis imprimis adjutus excitatusque laboribus, de plexibus oesophageis nervosis parisque vagi per pectus decursu agere ita est animus, ut, istis, quae in plurimis inveniantur, quaedam, minus usitata addantur.

Dum nervus vagus a superiore colli parte ad supremum thoracem descendit, dimisso ramo eo, qui cum molli ramo nervi intercostalis cardiacum plexum intrat, anteriora versus fertur et ante subclaviam vel innominatam arteriam ad pectus ita pergit, ut arteria hac et vena jugulari interna intercipiatur. Eo loco ab interno phrenici latere in pectus ingreditur, et, quanquam in omnibus ad arteriam asperam, cardiacos et pulmonales plexus et oesophagum extenditur, poterant tamen et quaedam de progressu ejus in pectus collectae observationes id, quod aliis jam altiori thoracis loco cum nervis ad abdomen decurrentibus, visum est, commercium quodammodo comprobare. Novimus, nervi truncum ante subclaviam vel innominatam arteriam in quibusdam in duos dividi ramos, quorum alter et posterior circa arteriam subclaviam vel innominatam reflectitur et recurrens appellatur, alter, dimisso interdum minore recurrente, introrsum propius broncho apponitur, et, cum major sit et e longitudine oesophagi in uno plures ramos divisus, truncus octavi nervi ipse est habendus. Licet autem in plurimis tres, quatuor, quinque dimittit ramos, qui inter superiores vertebrae dorsi et arteriam asperam ad pulmonem et oesophagum descendunt, octo tamen in nonnullis numerare potuimus. Hoc facto truncus a tergo pulmonis dextri nonnihil latefcit, connexus ibi cum eo per filamenta nervea, quae visceri huic insinuantur. Nascitur enim ibi plexus pulmonalis dexter, cujus furculi bronchum sequuntur et in pulmone finiuntur. Truncus denique in rete plexumque dividitur oesophageum, cujus rami tres pluresque, saepe non parvi, et reticulari anastomosi juncti, per averfam oesophagi partem descendunt separati, vel in unum filamentum uniti, quod post oesophagi cum cardia ventriculi factam unionem vel cum ganglio splanchnico vel cum plexu semilunari confluit. Sinister, dimissis quibusdam ad cardiacum plexum ramis, eodem modo dividitur, et, reflexo circum arcum aortae recurrente, in duos finditur ramos, quorum minor bronchum sinistram sequitur, major vero cum ramis dextri vagi nonnullis passim junctus et descendens, plexum pulmonalem sinistram, et oesophageum ejusdem lateris sive anteriorem effingit, quo facto ante cardiam ventriculi in latifculam partem mutatur, unde praecipue in plexum gastricum anteriorem finiri ac consumi videtur.

In


4) Progr. de nerv. phren. dextri lateris duplici parisque vagi per collum decursu. — v. supra p. 112. sqq.

In omnibus, in quibus is est paris vagi decursus, nihil illud quidem ab eo loco, quo recurrens ad tracheam et gulam reflectitur, augmenti accipit, sed propriae in variis cadaveribus collectae observationes me docuerunt, par vagum et intercostalem nervum in nonnullis longe superiore loco ac maturius ad viscera infimi ventris nervis instruenda connubium inire. Ex eo, cujus praecipue ad normam huius nervi decursum per pectus indicavimus, cadavere cognovimus, nervo propter eam, quae ejus cum ganglio thyreoideo et thoracico magno est, vicinitatem, vel ex utroque incrementum parari. Recte annotavit NEUBAUERUS ⁵⁾, industrius ille nervorum cardiacorum incisor, ex istis, qui circum subclaviam arteriam ansa in modum a ganglio thyreoideo sive cervicali inferiori ad thoracicum magnum demittantur, ramis, interiores per communicantes furculos non solum cum eo ipso ganglio, sed etiam cum cardiaco plexu profundo et superficiali ac nervo recurrenente committi; at vero nuper vidimus, etiam huius ganglii anastomosis in nonnullis ad ipsum paris vagi a latere oesophagi descendens truncum pertinere. Duplex in eo, unde haec collegimus, corporis trunco ansa ex ganglio thyreoideo ad thoracicum primum dirigebatur, quarum exterior ante arteriam subclaviam et circum eam in hoc ganglion finiebatur, interior sub eadem arteria in duos dividebatur ramos, quorum interior, cum ramo ganglii proximi inferioris magni thoracici ascendente conjunctus, partim in plexum cordis magnum ac profundum, partim in truncum descendens paris vagi desit et cum eo ad oesophageos plexus descendit.

Hoc a me assertum utriusque nervi magni, intercostalis nimirum et paris vagi, connubium, unde huius augmentum physiologi excitare potest studium, etiam splanchnici illius in colli regione ortus comprobare videtur. Licet enim is, cum non in omnibus inveniatur, inter constantes nervos referri non possit, constat tamen, eum, si adsit, ex cardiacis ortum et pari vago superiore loco in nonnullis auctum, vel in eundem nervum vagum, vel in plexum stomachicum posteriorem, vel profundius descendere, ramosque ejus nonnullos cum plexu mesaraico inferiore conjungi. Nervus ille tribus quatuorve ramis ex plexu cardiaco in colli regione inferiore natus cum oesophago in thoracem ingreditur, in dextro latere venae sine pari in sinistro aortae proximus, eoque loco nonnullis filamentis nervi intercostalis auctus, in abdomine cum pari vago vel splanchnico copulatur.

Ex istis varia colliguntur, quorum alia sani corporis functiones, alia aegroti morbos illustrant. Negandum non est, paris vagi inde ab inferiore colli regione ad finem usque in ramos discessionem eo spectare, ut cor, pulmones et viscera infimi ventris nervis instruantur. Quo magis vero ad plexuum abdominalium latitudinem ac varietatem ramorumque cum intercostalis nervi ramis discedentium multitudinem attendo, eo magis intelligo, opus fuisse, ut sat roboris in truncis paris vagi ad abdomen descendens esset, cujus beneficio larga distributio

distributio fieri posset. Non dubito itaque, quin illud, ab ganglio cervicali inferiore et thoracico primo vel a plexu cardiaco per sympathicum superiorem et minorem factum, augmentum in iis, in quibus haec structura invenitur, huc spectet, ut par vagum, vel majores ejus rami, accepto hoc incremento, tot ramis dimittendis sufficerent, quot distribuendi essent. Eadem vero anastomosis intercostalis cum pari vago causa esse mihi videtur, quod in variis infimi ventris morbis cor propter insignem, quae ejus est, irritabilitatem in consensum trahatur et ad crebriores contractiones stimuletur, in pectore ipso vero dolores excitentur. Probabile admodum est, dolores istos, qui pectore percipiuntur, febrique excitatam illam, si acrimonia quaecunque, imprimis carcinomatica e carcinomate mammarum resorpta, ad ventriculum, pancreas, glandulasque mesenterii et ad ipsum uterum conjicitur, ab eadem nasci causa. Haec enim, dum nervos infimi ventris vellicat, ipsum cor in sensus communionem trahere, crebriores ejus contractiones et dolores in pectore molestissimos ciere potest.



X.

I A C. I O. K L I N T

D E

N E R V I S B R A C H I I.

G O T T I N G A E 1784.

Cum solidioris chirurgiae, si humano generi salutaris et proficua fieri, et cum honore, conscientia et securitate exerceri possit, primum fundamentum anatomica corporis cognitio dicatur: omnes semper, durante studiorum academicorum cursu, vires intendendas esse censui, ut illa accuratius imbuerer. Adjuvit ardorem, auxit, confirmavitque *Solertissimus* et *fidelissimus Praeceptor* talem in modum, ut sine omni verborum fuco, laetabundo pectore sincerissimas Illustri WRISBERGIO persolvam publice gratiarum actiones. De humanitate, facilitate instruendi ingente, de benevolentia qua auditores suos amplectitur, et de eruditione Viri optimi, ea omnino depraeicare non erubesco, quae Illustrissimus L. B. de ASCH¹⁾ grata mente de Hallero, suo tunc praepatore pie et caudide olim dixit. Concinnis praecipue et doctissimis Venerandi praepatoris demonstrationibus, in quibus aequali probitate et candore cum rem cognitam et notam, tum ab ipso melius adornatam et inventam cum suis auditoribus benevolentissime communicat, permotus sum, descriptionem *nervorum brachii* Ill. Wrisbergii suasu pro themate Dissertationis seligere, in qua re pertractanda, et pro virium mearum indole ad finem perduenda cadaveribus, libris ex divite sua suppellectili, re quoque et sapienti consilio ubique me sublevavit. Et, ne quidquam nitoris deesset, quod opusculo meo gratiam et commendationem conciliare apud eruditos posset, humanissime concessit, ut ex locupletissimo rerum anatomicarum Musaeo brachium, venas et nervos cutaneos eleganter praeparatos exhibens, depictum et aeri incisum addere potuerim.

Ultimo loco pauca tantum verba de ortu nervorum brachii monenda sunt. Nisi in uno alteroque cadavere respectu originis consuetorum 6 7 vel 8 nervorum brachialium, qui ex uno alteroque parium cervicalium et dorsalium fasciculo coalito et denuo rursus diviso formantur, occurrat, omnes recentiores scriptores a DUVERNEYO ad Ill. HAASIUM usque, praecipue vero Ill. CAMPERUS veritatem ita proposuerunt, ut nihil magni momenti addi possit.

Sequuntur enim nervi in plexu magno brachiali ex coalitu paris 5ti, 6ti, 7mi, 8vi nervorum cervicis et 1mi nervorum dorsi parato sequenti ordine. *Musculo-cutaneus*

1) Diss. de Primo pare nerv. medullae Spinalis. Goettingae 1750.

cutaneus ex pari 5to et 6to quoad maximam partem cum accedentibus ope nervi mediani paucis filis nerveis ex 7mo provenit. *Medianus* certissime ex pari 5to, cum magnam portionem hujus paris, caeteroquin quam maxime in scapularem radialem et musculo-cutaneum consumiti, assumat, 6to, 7mo, 8vo cervicalium, et paucis filis ope cubitalis illi allatis ex Imo dorsaliū oritur.

Radialis et qui cum ipso, ut ramus cum trunco, arcte conjunctus est *Axillaris* gignuntur ex paribus 5to, 6to, 7mo et ope radice ex nervo cubitali in eodem missis ex 8vo cervicalium et Imo dorsaliū.

Cubitalis cum *binis nervis cutaneis internis* quoad maximam partem formatur ex 8vo pare cervicali et Imo dorsali huic inde enato trunco superaccedit altera radix in plerisque cadaveribus a 7mo cervicalium pare, cujus maxima portio in medianum consumitur.

CAPUT I.

DE NERVO MUSCULO - CUTANEO.

Nervus musculo-cutaneus fere omnium recentiorum a DUVERNEY temporibus, qui antiquam denominationem deferuit, *Oeuvres anatomiques à Paris* 1761. 4. T. I. p. 109 ad WINSLOW. *Expos. anat.* T. III. §. 222 p. 274. MONRO sen. *on the bones a. nerv.* p. 411. HALLER *El. Phys.* IV. p. 249. III. CAMPER l. c. LIEUTAUD *Anat. hist. et prat.* T. I. p. 665. III. MARTINI *de Nerv. corp. hum. Sect. II.* p. 210. Celeb. HAASE *cerebri nervorumque anat.* p. 98. nostrumque aevum usque.

Synonyma.

Secundus brachium petens VESAL. ed. Basl. p. 336 it. CASSERII et VIEUSSENII.

Primus nervorum brachialium ALBINI Explic. tabular. anatom. Eustachii p. 115.

Secundus DIEMERBROEKII opp. T. I. p. 763.

Perforans CASSERII respectu Coraco-brachialis.

Cutaneus externus et radialis WRISB.

Figurae meliores.

VESALII de hum. corp. fabr. edit. Basil. p. 232 et pag. 353 et 354 Z.

edit. Lugd. bat. Boerh. et Albini p. 373 et 391 Z. S. clarior fig. praec.

edit. Ingolst. Ill. Level. p. 216. 226.

EUSTACHII edit. Rom. Lancif. Tab. XIX. p. 33. edit. Leid. Albini. Tab. XIX.

Nro. 11. 32. 33.

CASSERII Tabular. anat. 78. edit. Bucret. apud Spiegel. opp. Lib. VII. Tab. III. fig.

II. § 277 2.

VIEUSSENS *Nevrograph.* edit. Lugd. Tab. XXV. et XXVI. E.

BERRETINI et PETRIOLI Tabulae anat. I. p. 9 cum pluribus sequentibus omnibus malis.

GAUTIER Exposit. anat. edit. Massil. Tab. XVII. r. sed admodum imperfecte.

DAGOTY Exposit. Anat. des org. des sens Tab. VI. 24.

III. CAMPERI Demonstr. anat. path. L. I. Tab. I. n. 51. 57. 58. 59.

III. ALEX. MONRO jun. Observations on the struct. a. funct. of the nerv. system. Tab. XV. 17.

NOSTRA in adjecta tabula 35. 36. 37. 38. etc.

§. I.

Ortus ex communi omnium nervorum brachialium plexu, et praecipuis ex illa parte, quae medianum et cubitalem gignit, cum mediani autem altero crure praecipue conjunctus, ut, prouti superius monui, ad inentem Praeceptoris III. WRISBERGII magnus mediani nervi ramus appellari possit, a mediano separatus, iter suum speciatim nunc profequitur.

Decursus nervi *Musculo-cutanei* ejusdemque directio quammaxime exteriorem seu radialem universi brachii aequae quam manus regionem occupat, ita quidem, ut perforato *musculo Coracobrachiali* tactisque musculis *bicipite*, *brachiali interno*, *supinatore longo*, versus cutem partis brachii radialis decurrat, et in dorso manus finem capiat.

In speciali et accuratiore autem progressus hujus nervi examine, distributio ejusdem per plures brachii particulas animadvertitur.

§. II.

Ubi enim nervus musculo-cutaneus medianum deseruit, in illa inter medianum et musculo-cutaneum intercapedine, magnae venae brachii arteriaeque axillaris comites ascendunt, et cum vena basilica in truncum venae axillaris et subclaviae conflunt. Quicumque hujus venae per insignes hos nervos transitum attente intuetur, facile sibi persuadebit, motum sanguinis in illa, quae omnino communem venarum brachii profundarum truncum sistit, opé horum nervorum sub diversa illorum conditione insigniter mutari posse et debere.

Statim ab initio nervi musculo-cutanei antequam coraco-brachialem perforat, in 13 cadaveribus observavit III. WRISBERGIUS mediocrem ramum principio alterius bicipitis musculi ex processu coracoide orti insertum, inter constantes autem ramos eum minime referendum esse existimat, nec mihi metipsum in uno cadavere illum quaerenti occurrit. Oblique nunc et ad acutissimum angulum nervus musculum coracobrachialem perforat; pro ratione magnitudinis musculi, paucos parvosque ipsi exhibet ramulos, quorum numerum 4 nunquam superare vidi.

§. III.

§. III.

Per totam brachii anterioris et exterioris longitudinem decurrit jam nervus musculo-cutaneus inter bicipitem et brachialem internum seu flexorem inclusus, et mox in nonnullis cadaveribus altius, mox profundius in plures ramos truncus dividitur. Minores rami sunt musculares in utrumque bicipitis crus missi quatuor, quinque, numeri inconstantis. In media autem circiter bicipitis parte truncus nervi constanter in duos ramos finditur ¹⁾, alterum majorem, quem *superficialem* appellare possumus, (hic est verus *cutaneus*) alterum minorem *profundum* et *muscularem*.

Ramus minor idemque *profundus* statim in plures diversae magnitudinis minores ramos dividitur, quorum fere omnes in flexorem brachialem mittuntur. Binos vero ramos ostendit Illustris Praeceptor cum ramo superficiali ex mediano per egregias anastomoses confluisse, et nitidissima retia circa arteriam venasque brachiales profundas formasse. Alius ex his dispersis ramis ortus furculus cum arteria nutritia humeri interiora ossa penetrat ²⁾.

§. IV.

Ramus major *superficialis* revera *cutaneus* omnium ramorum nervi musculo-cutanei primarius et accuratiores cognitione dignissimus, cum ejus sub venae sectionibus in cephalica pollicis institutis laesiones funestissima interdum produxerint symptomata. Derelicto ramo profundo ulterius sub ventre bicipitis progreditur, et in omnibus subjectis ad marginem exteriorem tendinis inter venam cephalicam et tendinem bicipitis ipsum versus plicam cubiti descendit, in plures ramos divisus. *Primus* satis insignis inter brachialem internum et venam cephalicam ad radialem cubiti regionem deflectit, editis parvis ad supinatore longum furculis totus cutaneus fit, repetitisque subdivisionibus in cute finitur, factis tam cum ramo cutaneo ex radiali, quam cum continuatione trunci ipsius musculo-cutanei usque ad carpum anastomosis. Truncus dein sub ramo venoso ex mediana vena cum cephalica anastomosis sustinente transit, et duos furculos parvos super illum ramum et venam medianam conjicit ¹⁾ tunicis ejusdem prospicientes. Emittit praecipue sub illo ramo venoso communicante *secundum* ramum magnum et insignem, qui sub vena emersus, ubi minores furculos subjacenti flexori radiali dedit, juxta totam longitudinem venae cephalicae internae in medianam abiturae decurrit ad volam dorsumque manus usque. Trunco ipso seu tertio ramo notabiliter minor in plures ramos spargitur, quorum exteriores partim in supinatore longum, extensorem radialem cutemque consumuntur. Maxima hujus rami portio venam cephalicam internam conscendit, eandem oblique supergreditur et mutata directione nunc pone interiorem hujus venae marginem descendendo progreditur. Alii rami in hoc decursu ex eodem orti cum trunco nervi musculo-cutanei continuato seu tertio ramo validis anastomosis uniuntur, alii in cute finiuntur. Finditur dein in duos

Q 3

ramos

1) Tabulae nostrae 39. 40.

2) Mentionem fecisse hujus furculi videtur Celeb. AD. MURRAY in Diff. de Sensibilitate ossium morbofa.

1) Tab. nostra e d.

ramos aequales venam cephalicam includentes, et cum eadem versus carpum et dorsum manus properantes, ubi factis frequentissimis cum ramis cutanei radialis, versus carpum, dorsum manus, et intervallum inter pollicem, indicem et digitum medium decurrentibus, et cum trunco musculo-cutanei innumeris filamentis in cute finitur. Tertius tandem ramus, qui truncum ipsum ad finem perducit, et crassitie sua insigni non solum, sed etiam longitudine et ambitu sui decursus trunci nomine dignus, relicto ramo secundo sub vena mediana et sub ipsa cephalica, antequam in medianam abierit, ad aliquot pollicum longitudinem delitescens, arctissime venae adhaerens, in plerisque cadaveribus mediam cubiti regionem attingit, et pone anteriorem venae cephalicae marginem sensim ab ea remotus descendit. Vidi tamen apud Ill. WRISBERGIUM specimina nitide evoluta, ubi hic truncus mox sub mediana cephalicam transcendendo pluribus ramis supergreditur: et in ejusmodi subjectis si hoc in loco vena inciditur absque chirurgi culpa vehementissimi dolores, stupores, quin graviores oriri possunt sequelae.

Decurrit deinceps hic ramus inter cutem et subjacentes musculos flexores, radialem, palmarem et digitorum, satis constanti ratione in plures ramos cutaneos, pauciores musculares dividitur, ex quibus varii in tunicas venae cephalicae pollicis, nonnulli exigui in tendines et ligamenta armillaria distribuuntur, quorum praecipui sunt ramus exterior tendinem supinatoris ad insertionem usque comitans, et multis furculis cum vicinis nervis praecipue cum ramo secundo connexus, alius interior cum ramo cutaneo mediani unitus: maximus medius pone arteriam radialem descendens, pluribus filamentis circa illam ludens, longe lateque se super radialem carpi regionem et pollicis superficiem volarem spargens, ibidemque infinitis furculis cum ramo cutaneo mediani et ramo superficiali ex radiali communicans. Distincte videre possumus, si cauta manu tenellos furculos hujus rami evolverimus, ultima ejusdem filamenta ad extremum pollicis apicem distribui, et in cute cum ramis dorsalibus ex radiali communicationem habere.

CAPUT II.

DE NERVO MEDIANO.

Nervus medianus plerorumque recentiorum DUVERNEYI. WINSLOWII. HALLERI. CAMPERI. LIEUTAUD. MARTINII. HAASII.

Synonymia.

Nervus brachialium secundus ALBINI *Explicat. Tab. Eustach.* pag. 115.

Tertius nervus brachialis VIEUSSENII *Nevrogr.* p. 217. H. et DIEMERBROEKII l. c. *Muscularis.* CHESELDENII *Anat. of the hum. body.* edit. Lond. 1712. p. 243.

Nervus brachialis medius BERRETINI p. 3. alibique.

Nervum axillarem dicit id. pag. 6.

Radialis MONROI sen. of bones and nerv. p. 413 item Works p. 363, retinuit nomen Cel. MONRO jun. observat. p. 134 etc.

Icones commendabiles.

VESALII edit. Basil. p. 353. 354. T. Leidenf. p. 391. T. Ingolstadt. Level. p. 226. fig. 7. T.

EUSTACHII edit. Albinianae Tab. XIX. Nro. II. 28.

CASSERII Libr. VII. Tab. III. fig. II. ๑๕๓. in SPIEGEL.

VIEUSSENS Nevrogr. Tab. XXV. et XXVI. H.

BERRETINI Tabulae anat. II. fig. I. Et III. fig. I. X. Tab. IV. fig. I. u. etc.

HALLER Icon. Anat. Fasc. VI. Tab. III. 10. satis bona figura cum vasis brachii.

DAGOTY des org. d. sens. Pl. VI. fig. I. 25.

III. CAMPERI Demonstr. I. Tab. I. fig. II. 67. 68. 69.

III. MONROI jun. Observ. Tab. XV. 18. sed numerus non expressus est. Tab. XVI.

24. 24. 24.

Nostra figura in annexa tab. 5. 16. 16. 16. 17. 18.

§. V.

Nervus *Medianus*, cujus dimidius truncus ipse, comprehendens adhuc nervum musculo-cutaneum, post radialem omnium nervorum brachii maximus est, dimittit statim insignem filamentorum nerveorum portionem, quam plexui magno, originem alterius mediani nervi cruris, cubitalis et cutanei interni seu cutanei ulnaris vel cubitalis constituenti inferit, et sub acutissimo angulo nervos suos cum illis, qui communem originem cubitalis et cutanei interni formant, conjungit; tali autem ratione, ut directio eorundem minime mutetur, e contrario ex repetitis observationibus WRISBERGII quodlibet filamentum post conjunctionem distingui queat, quod pariter vere animadvertit accuratus vir Ill. MONRO¹⁾, cum paullo post, ex hoc plexu de novo dimissi, et cum aliis nervis ex illo plexu uniti, sub alterius cruris nomine nervo mediano inferantur.

Abiit equidem testante natura, secundum repetitas Ill. WRISBERGII in plus quam 27 cadaveribus descriptas observationes, ex superiore illius plexus parte insignis ramus mere subcutaneus, et in cute etiam finitus, a nemine huc usque annotatus; quem optimus PRAECEPTOR ter ex mediano ipso provenire vidit, sed cum longe frequentius iste nervus, quem caeterum *ramum superficiale mediani* appellat, altius ex plexu prodire viderit, inter constantiores nervi mediani ramos illum hucusque referre noluit.

§. VI.

Ex duobus itaque cruribus¹⁾ confluens *nervi mediani integer et communis truncus* talem in suo per extremitatem superiorem decursu observat situm et ordinem, ut per mediani

1) *Observations on the structure and functions of the nervous system Edinb. 1783. fol. Tab. XVI.*

1) In ejusdem cadaveris brachio, in quo inter alias musculorum varietates etiam ar-

teriae radialis diversam et cum ipsa circumflexa conjunctam vidimus originem, ex epigastrica et ramo ischiadico coalitam obturatoriam, coeliacam et mesentericam ex uno communi trunco provenientes etc. aliquid etiam

mediam fere brachii superioris vel humeri partem, uti ex nomine nervi jam suspicari licebat, cum arteria brachiali fere semper parallelus, aut potius eidem incumbens, cum bini venarum brachialium profundarum trunci, arteriam amplectentes latera mediani nervi tangant, in plicam cubi descendat, medius quasi inter utrumque brachialem, flexorem nempe et extensorem,

Pariter etiam vix mutat situm in brachio anteriore seu cubito. Super tendinem enim flexoris brachialis sub pronatore terete in foveam delapsus, quam condylus humeri internus, ulna et radius formant, praeter ramos, quos divaricatione edidit et amittit, truncus in media fere cubiti parte musculis flexoribus digitorum inclusus, versus carpum volamque manus descendit, et prouti in superiore brachii regione fidus arteriae brachii comes fuerat, nunc in cubito potius ulnarem arteriam sequitur, cui tamen non tam arcte annexus est.

§. VII.

Cum nunc de divisione *nervi mediani*, et ramis inde provenientibus sermo est, omnes equidem autores, natura in plerisque cadaveribus humanis consentiente, conveniunt, truncum nervi mediani usque ad pronatorem teretem, sub quo decurrit, nullam pati divisionem, ramum vix ullum, qui attentionem mereatur, ex illo provenire. Iudicium hoc, a gravissimis viris latum, auctoritate et observatis Ill. Praeceptoris confirmare possum. Non vero praetermittendum est, quod optimus WRISBERGIUS in variis individuis, quin in ipso specimine et archetypo musaei sui, cujus imaginem in tabula adjecta cum publico communicandam mihi concessit, nervum *cutaneum internum* seu cutaneum ulnarem, eadem ratione, et altera radice mediani cum nervo cubitali connexa, oriri viderit, uti cutaneum externum seu musculo-cutaneum ex priore radice provenire observavit: quid quod, in variis hominibus nervi, medianus, cubitalis, et cutaneus internus, ratione originis sibi tam vicini sunt, ut dictu admodum difficile sit, ex quonam illorum cutaneus internus certo provenerit. Sequemur autem receptum ordinem, et describemus *medianum* nervum, nullo habito ad cutaneum internum respectu, ut rami supremi mediani sed potius cubitalis nervi.

§. VIII.

Ex duplici nunc radice, in vicinia circiter tendinis musculi coraco-brachialis coarctatis, enatus *mediani* nervi truncus absque ullo notabili, saltem grandiori ramo edito, arteriae

etiam singulare ratione originis *nervi mediani* observatum est. Nov. 1779. Ex duplici crure, ut solet, constabat, altero cum cubitale cohaerente, altero ex communi plexu brachiali orto, et cum utroque cutaneo nexum habente. Hoc secundum crus, altero crassius, loco nervi musculo-cutanei, qui plane deerat, per musculum coraco-brachialem transiit, et in illo itinere ramos spargit, qui alias ex musculo-cutaneo oriuntur, hisce datis in

media circiter flexoris cubiti parte, cum altero crure confluit, et in *verum Medianum* abit. Incisores, ut huc usque generatim in annotandis, observandis, et ad naturae constantem ordinem accommodandis partium varietatibus, debitam attentionem non adhibuerunt, ita nervorum lusus et varietates, ceu tales plane neglexerunt. Non poenituit itaque me apud Ill. CAMPERUM lectionis Celeb. COOPMANNI in *Demonstr. L. I. p. 11.*

arteriae brachiali venisque profundis parallelus descendit, parvos tamen furculos manifeste tunicis vasorum subjacentium impertit. Antequam se nervus integer sub venis in plica cubiti confluentibus abscondit, emittit duos vel etiam tres ramos constantes versus condylum ossis humeri internum, directionem fere venae anastomoticae habentes, quorum maxima pars brachiali externo seu capiti tertio et infimo extensoris cubiti exhibetur, unicus modo furculus in principio pronatoris teretis evanescit. Tertius in cutem abit. Ipse autem nervi mediani truncus super brachialem internum seu flexorem ejusque tendinem in flexuram cubiti satis convenienter descendit, ut partim a venis magnis superficialibus, quae illi incumbunt, partim aponevrosi bicipitis et pronatoris teretis talem in modum abscondatur, ut evanuisse videatur. Observationes et praeparata Ill. WRISBERGII hic aberrationem tam frequenter a consueta fabrica occurrentem ostendunt, ut quam proxime ad constantem ordinem accedat. Transiit enim secundum Celeb. Praeceptoris annotationes truncus nervi mediani per medium pronatorem teretem, eundemque simili modo perforat, uti musculo-cutaneus coraco-brachialem perforare solet.

§. IX.

Divisio nervi mediani in recondito hoc sinu satis constanter plerumque in ramos contingere solet sequentes: 1) *minorem* ramum ad musculum pronatorem teretem, in quibusdam subjectis ex altiore trunci loco proveniente, in aliis ex binis furculis constantem, mox superiorem pronatoris ventrem, mox medium musculum una cum furculo arteriae venaeque sociae ingreditur, in pluresque ramos divisus musculum ad tendinem usque percurrit, unus autem furculorum fere maximus, ex fibris musculi denuo erumpit, et in cute vicina cum ramo cutanei interni palmari conjunctus finitur. De hoc ramo caeterum adhuc notandum est, brevi itinere in pronatorem abire, si, uti paulo ante monitum est, nervus medianus hunc musculum perforat. 2) *Secundus* paullo major ramus constantissime caput flexoris radialis, seu radialis interni petit, eundem musculum ingressus insigniter latefcit, et pluribus furculis per eundem distribuitur, varios furculos manifeste in parte tendinea finitos vidi. 3) Plures parvi rami, numeri inconstantis, per musculum flexorem sublimem digitorum decurrunt. 4) Sequitur nunc ramus *interosseus* bene jam ab aliis ita appellatus. In plerisque hic ramus interosseus ex solo mediano oritur, et tunc satis grandis est, vidi autem bina apud Ill. WRISBERGIUM exempla, ubi duo crura, alterum ex mediano, alterum ex nervo radiali ligamentum interosseum perforans in verum nervum interosseum coaluerunt. Nervus interosseus autem, derelicto nervi mediani trunco, directionem suam ex ulnari magis in radialem cubiti partem mutat, et fasciculum vasorum interosseorum attingit, eidemque immixtus multifarie dividitur: tres furculi flexori pollicis proprio, duo flexori profundo digitorum exhibentur, sextus omnium maximus vel uti dictum plerumque solus, vel cum radice a radiali conjunctus super ligamentum interosseum distribuitur. Antequam nervus interosseus ipse descendit, emittit elegantem furculum juxta totam longitudinem musculi flexoris pollicis decurrentem, fibras ejusdem hoc albidissimum filamentum ad angulum acutissimum secat, et absque ullo cum fibris muscularibus commercio in tendinem musculi abit. Super ligamentum interosseum tunc descendendo nervus

cum vasis interosseis semper conjunctus manet, et arteriae incumbit, dextrorsum sinistrorsumque copiosos furculos in flexoris digitorum varias partes spargit, et tandem fere tota residua portio in musculum pronatorem quadratum consumitur. Illam enim cum interosseo posteriore, perforato ligamento, communicationem, cujus Ill. MARTIN ¹⁾ mentionem fecit, omni licet adhibita industria invenire non potui.

§. X.

Per totam cubiti longitudinem descendens 5) ramus est truncus ipse nervi mediani continuatus, inter diversas flexoris digitorum portiones ad carpum et palmam manus properans. Satis accurate mediam cubiti partem tenet, ulnae potius paullo propior quam radio. Binos modo furculos prodire in hoc decursu vidi, *minorem* in eam flexoris sublimis portionem, quae indicem flectere debet, *majorem*, quem ramum cutaneum longum volae appellat Cel. MARTIN ¹⁾. Hic in omnibus subjectis exiguus ramus versus tendinem flexoris radialis dirigitur, cui etiam filamentum dare videtur, dein in ligamento carpi et cute finitur. Supra ligamentum carpi truncus dein saepe in duos ramos, paullo post denuo divisos, dispescitur, in aliis subjectis truncus vel supra ligamentum vel sub illo statim in tot ramos secedit, quot digitorum lateribus destinatus est.

Truncus itaque nervi mediani vel integer vel in ramos divisus ex carpo in manum procedens, inter aponevrosin palmarem, quae illum tegit, et tendines flexorum, quibus incumbit, continetur. Manifeste ²⁾ in hoc transitu duo insignia filamenta, tam aponevrosi palmari, quam principio adductoris pollicis impertit, et insignem ramum anastomoticum in directione arcus arteriosi palmaris sublimis, ad cujus marginem superiorem ascendit, in nervum cubitalem volae manus mittit, quem arcum nervosum anastomoticum Ill. WRISBERG in omnibus subjectis, si descripta ratione lustrantur, invenisse asserit. Ita pariter in quolibet tendinem flexorum, qui omnes tenaci cellulosa cum nervis cohaerent, filamentum nerveum, vasculum comitans, abit.

§. XI.

Certus sane numerus ramorum ex trunco mediani ortorum vix natura non consentiente iniri potest. Cum enarrationem et descriptionem Ill. CAMPERI ¹⁾, quam etiam fere immutatam assumpsit Ill. MARTIN ²⁾, naturae convenientissimam invenerim, vix quidquam novi addere potero. Desumam meam ex cadavere valentibus et grandibus nervis instructo. Divaricatur nervi mediani truncus antea in binos ramos divisus generatim in 4 majores et 3 minores ³⁾: *primus* majorum, pone tendinem flexoris longi pollicis incedens, editis ad flexorem brevem et adductorem furculis, in plures

1) *De Nervis c. h. T. II. p. 213.*

1) l. c. pag. 213.

2) Si distincte haec cernere volumus, cutem manus cum nervis vasis et musculis ab ossibus separatam et a parte dorsali incisam examini subjicere debemus.

1) *Demonstrat. anat. path. I. p. 11.*

2) *De Nervis corp. hum. II. §. 179. et seq.*

3) Comme une patte d'oye, composée de six branches principales, DUVERNEY *Oeuvres anatomiques T. I. p. 111.*

plures ramos divisus, *nervus pollicis volaris et ulnaris fit*. Sequebatur nunc ex ordine *minorum primus* ramus, sive respectu numeri ramorum omnium, nulla magnitudinis habita ratione, secundus; hic multifidus cum multis furculis vasorum in cute inter pollicem et indicem consumitur. *Secundus majorum*, sive tertius omnium est nervus digitalis communis secundus, pro ramo pollicis volari et radiali, et pro ramo indicis volari et radiali, ille absque alia mutatione versus pollicem properat, hic autem ramulum insignem, qui in binos furculos divisus per musculum lumbricalem primum distribuitur, quo edito versus indicem progreditur. Sequitur nunc *minorum secundus*, seu omnium ramorum quartus, pluribus furculis aponevrosi palmari perforata aut in eadem manente cum vasorum fasciculis versus cutem volae manus abit. Ita pariter ramorum *minorum tertius*, seu omnium quintus. Prodit jam ramorum *majorum tertius*, seu omnium sextus, digitalium tertius: antequam dividitur, emittit constantem ramum ad lumbricalem secundum, quem una cum arteriarum ramo, inter furcam duorum suorum furculorum incluso, penetrat. Nervus digitalis tertius ipse dein in duos ramos dehiscit, et arteriam digitalem tertiam transmittit, mutantur rami nervei in ramum indicis volarem et ulnarem, et in ramum digiti medii volarem et radialem. Finem nervi mediani tandem facit *ramorum majorum quartus*, s. omnium septimus, digitalium quartus, certe cunctorum ramorum maximus. Cum hoc ramo digitali quarto in multis cadaveribus communicat cubitalis ope rami ex digitali quinto cubitalis originis in illum missi. Ex eo prodit supra memorata ansa anastomotica: paullo magis progressus, editis denuo parvis furculis multis ad aponevrosin, arcum arteriosum et cutem, gignit ramum ad lumbricalem tertium, et dein bifurcatus in ramum digiti medii volarem et ulnarem, et in ramum digiti annularis volarem et radialem finitur.

CAPUT III.

DE NERVO AXILLARI.

Nervus axillaris vel *articularis* WINSLOWII, *lib. cit. p. 284.* MONROI *sen. p. 410.* LIEUTAUD *l. c. p. 668.* Ill. CAMPERI *p. 13. §. 10.* Ill. HAASE *§. 194. etc.*

Synonyma.

Primus nervus brachialis VIEUSSENI *lib. cit. p. 216.*

Ramum modo tertiorum brachialium appellat Ill. ALBINUS *Explic. Tab. Eust. p. 121. 37. 37.*

Axillaris sive circumflexus. HALLERI *l. c. p. 246.* Ill. MARTIN *l. c. §. 187.*

The articular circumflex nerve Ill. MONRO *jun. Observations p. 133.*

Icones praestantiores.

EUSTACHII *edit. Albinianae Tab. XX. Nro. 11. 37. 38. 39. 40. satis accurate.*

VIEUSSENS *Nevrogr. Tab. XXV. XXVI. B.*

BERRETINII *Tab. V. Fig. I. p. musculo C. insertum Tab. VIII. Fig. I. pone litteram L. musculum deltoideum significantem: alibique non male.*

Ill. ALEX. MONRO *jun. Observ. Tab. XV. 12.*

§. XII.

Axillaris seu potius *Articularis* nervus *radialem*, cujus primarius ramus dici potest¹⁾, derelinquit, ubi grandis hic nervus cum mediano et musculo-cutaneo cohaeret, et nervi thoracis posteriores versus dorsum descendunt.

Magnitudine et crassitie omnes cutaneos superat, licet ad tam remotas partes non distribuatur. Statim ab ortu emittit *primum* ramulum ad vasa et glandulas axillares: paullo post ad inferiorem scapulae marginem seu costam descendens, exhibet *secundum* ramum majorem, per musculos teretem minorem, majorem et latissimum dorsi distributum, plures minores hujus rami furculi cutem petunt, et cum thoracicis ex dorsalibus communicant: Flectitur dein circa collum scapulae, et sub arteria scapulari inferiore incedit versus capitulum ossis humeri ab interioribus ad exteriora. In medio circiter capitulo pone infra-scapularis adhaesione dividitur truncus in duos ramos, quorum minor *tertius* ex ordine, quem satis concinne Celeb. MARTIN *l. c. p. 221* cutaneum humeri externum appellat, sub principio anconae longi incedit, et variis ramis per teretem minorem et ipsum deltoideum distributis, maximam partem per cutem, anteriorem humeri regionem integrentem, dispergitur, ubi frequentibus anastomosibus cum furculis cutaneis ex radiali unitur. Reliqua, quae adhuc superest major portio, truncum finiens, cum arteria circumflexa majore satis constanti ratione pluries divisa subdivisaeque in musculum deltoideum consumitur.

CAPUT IV.

DE NERVO RADIALI.

Nervus radialis plerorumque incisorum recentioris aevi. DUVERNEYI. CHE-
SELDENII. WINSLOWII. HALLERI. LIEUTAUD. Ill. CAMPERI. MARTINI.
HAASII.

S y n o n y m a.

Quartus brachii nervus VESALII edit. Bas. pag. 344. edit. Boerh. pag. 383. D D.

Quartus brachium ingrediens nervus CASSERI in Spiegel. operib. pag. 128. Ψ 3.

Tertius brachialium, qui pone humeri ossa decurrit. ALBINI Explic. pag. 115.
29. pag. 121. 37. 43.

Quartus crassissimus DIEMERBROECKII Anat. pag. 763.

Quintus nervus brachialis VIEUSSENII Nevrogr. pag. 220. M. pag. 223. K.

Posterior brachialium nervus. BERRETINI Tabularum pag. 11.

Muscularis MONROI sen. BONES a. nerv. pag. 411. 5. Works pag. 362. 5.

Spiral-muscular Ill. MONROI jun. observ. pag. 134. 15.

Spindel-Nerve (radialis) Ill. LEVELING. Vefal. pag. 221.

Icones

¹⁾ Agnoscit idem Ill. CAMPER *Demonstrat. anatomico-path. L. I. p. 13.* quod
WINSLOW *Expos. T. III. p. 284. §. 253.*

Icones melioris notae.

- VESALII edit. Bas. p. 344. Boerhav. Leidenf. p. 383. Leveling. Ingolstadt. p. 224.
 D D. ab origine, quoad progressum, edit. Bas. p. 333. Ψ. pag. 354. e. Edit. Leid.
 p. 373. Ψ. p. 391. e. g. Edit. Ingolst. p. 217. Ψ. 34. p. 225. e.
 CASSERII perfecte eadem est Vesalii. vide Tabul. Bucret. II. Ψ. in Spiegel. p. 129.
 EUSTACHII edit. Lancif. Tab. XX. Edit. Albini. Tab. XIX. Nro. 11. 29. Tab. XX.
 Nro. 11. 43.
 VIEUSSENS Nevrogr. Tab. XXV. M. XXVI. K.
 BERRETINI Tab. V. fig. I. ⊙. VIII. fig. I. J.
 DAGOTY organ. des feus Tab. VI. k. l. m. n. o. p.
 CAMPERI Tab. I. fig. I. II. III.
 MONROI Iun. Observ. Tab. XV. 15.

§. XIII.

Omnium nervorum brachii in homine maximus et ramosissimus est. Singulari modo leniter inflexus situm suum diversimode mutat. Ab interiori enim humeri parte, inter duo anconaei musculi superiora capita, versus exteriorem humeri et radialem cubiti partem inter radiales musculos procedit ad carpum, et pariter in radiali manus regione finitur. Nomen itaque Radialis nervi ipsi procul dubio est convenientissimum.

§. XIV.

Ablegato nervo articulari, truncus *nervi radialis*, inter arteriam axillarem et nervum cubitalem situs, nihil furculorum alicujus pretii emittit. Mox autem prodit *primus* ramus satis concinne *subcutaneus internus* ex radiali nuncupandus: decurrit inter anconaeum longum et cutem, per quam numerosis furculis ad mediam cubiti partem excurrentibus distribuitur. Copiosas ibidem habet anastomoses cum cutaneo interno majore. Nunc exit truncus ramus *secundus* insignis muscularis soli capiti longiori anconaei musculi impertitus. Ex trunco nervi, jam sensim circa os humeri versus exteriora gliscenti, provenit *tertius* ramus, cum ramis arteriae humeri profundae per anconaeum secundum distributus: Dein *quartus* ramus pariter in tricipitis caput secundum mittitur. *Quintus* ramus insignis magnitudinis cum arteria humeri profunda conjunctus, per duo inferiora tricipitis seu extensoris cubiti capita divisus finitur. *Sextus* ramus parvus eundem finem obtinet.

§. XV.

Jam truncus circa os humeri, modo ab omnibus autoribus accurate descripto, ab interioribus versus exteriora gliscit, et in intervallo angulari, quod concursu anconaei secundi, supinatoris longi et brachialis interni formatur, denuo in conspectum prodit. Sub ipso musculo anconaeo secundo gignit *septimum* ramum magnum longum *subcutaneum externum ex radiali* appellandum. Excurrit hic ramus pone confluxum

omnium capitum extensoris cubiti sub cute, et inconstanti ratione, respectu numeri ramorum, partim per cutem, exteriorem cubiti regionem obtegentem, partim per musculos distribuitur, furculos ad dorsum manus extendit: infinitas format anastomoses, praecipue cum ramis musculo-cutanei et cum radialis ramis inferioribus cutaneis ipsis: elegantia etiam efficit retia circa venam cephalicam pollicis in carpo. Continuatio trunci ipsa nunc inter flexorem cubiti brachialem, supinatore longum brevenique, et musculus flexorem carpi radialem in exteriorem flexurae cubiti partem delabitur, pluresque ibidem novos gignit ramos. *Octavus* nempe grandis et validus ramus radiali interno seu flectenti impertitur, pluresque minores alii supinatores petunt. In regione supinatoris brevis, nervus radialis cognitam omnibus patitur divisionem in duos fere aequales ramos: *nomum superficiale*, et *decimum profundum*.

§. XVI.

Ramus superficialis, altero tantillo minor, licet ab Ill. MARTINO ¹⁾ pro continuato habeatur trunco, statim ramum emittit in extensorem radialem, quoad totam radii longitudinem dein inter supinatore longum et pronatore teretem progreditur usque ad locum, ubi tendinem supinatoris perforando, aut pone eundem incedendo, arteriae radiali parallelus, in inferiore radii parte super carpum emergit ²⁾. Novam denuo subit divisionem in *ramum volarem*, et *ramum dorsalem*: magnitudine sibi non perfecte aequales, et bini maximam partem per cutem distribuuntur.

Ramus volaris ³⁾ super abductore longo pollicis, cui furculos impertit, volam manus petens, pauculis filamentis ligamento armillari et musculis pollicis parvis datis, mere cutaneus fit, multasque init cum musculo-cutaneo anastomoses: praecipuus tandem ramus versus pollicem procedit, ejusdemque nervus digitalis dorsalis et radialis fit. Elegantes circa principium venae salvatellae format amplexus et retia. In aliis subjectis vidimus hunc ramum bifidum fuisse, et binos ramos digitales dorsales pollicis genuisse.

Ramus dorsalis ⁴⁾, exhibitis antea pluribus ramulis per cutem carpi in dorso manus distributis, in duos ramos dehiscit; *alter multifidus* copiosos furculos spargit in intervallum, inter os metacarpi pollicis et indicis, in musculos ibidem sitos cutemque. Unus idemque praecipuus ramus a nemine descriptus recurvus sub aponevrosi, interosseos tegente, illo in loco versus superiorem regionem redit, ubi vena profunda in cephalicam pollicis abitura prodit: Aliquis majorum ramorum in ramum digitalem pollicis dorsalem et ulnarem, et ramum radialem indicis finitur. Alter pariterque bifidus lateri ulnari indicis et lateri radiali digiti medii in superficie dorsali prospicit.

§. XVII.

Ramus profundus, si crassitiem respicias, superficiali paullo major, in musculo supinatore demergitur, et pluribus furculis eundem perreptat, maxima autem pars,

1) *De nervis corp. hum. Sect. II. p. 220.* 3) *Tab. nostra 56.*
§. 186.

2) *Vide Tab. nostr. 54.*

4) *Tab. nostra 55.*

pars in ipso hoc musculo circa radium se simili modo contorquet, uti truncus radialis circa humerum fecerat, et nunc multifidus in exteriori cubiti parte, inter everforem Halleri et extensores digitorum, quibus plures furculos subministrat, in conspectum prodit. Praecipui eorum sunt *interosseus externus*, hic, datis pluribus furculis sub everfore musculo super ligamenti interossei exteriori superficiem ad carpum procedit, et *ramus muscularis*, qui, exhibitis multis ulnari externo furculis, ad ulnarem carpi partem descendit.

Nervorum inter pollicem et indicem distributorum numerus et frequentia Illustr. PRAECEPTOREM cautum fecit in administranda variolarum secundum methodum Waglero-Gattianam, insitione, quod ipse in speciali nervorum manus dispositione ostendit.

CAPUT V.

DE NERVO CUTANEO INTERNO
MINORE VEL ULNARI.

Nervus cutaneus minor internus vel ulnaris WRISBERGII delineatus in Tabula nostra sub Nro. 8.

§. XVIII.

Cum nervo cubitali connexus est, ex eodemque pariter originem capit, uti cutaneus secundus seu internus plerorumque autorum, tertius nervus cutaneus verus et constans ab aliis praetervisus, ab Ill. WRISBERGIO *cutaneus minor internus vel cubitalis* dicitur. Mirati omnino sumus, insignem hunc ramum cutaneum, tam in optimis EUSTACHII, BERRETINI et Ill. CAMPERI tabulis non delineatum, nec in accuratissimis descriptionibus b. WINSLOWII ¹⁾, MONROISEN., HALLERI, Ill. CAMPERI, MARTINI et HAASII verbis expressum esse, quod certe propter constantiam, et latam, amplam, multifariamque suam divisionem omnino meruisset. Visum nobis interim est, egregium VIEUSSENIUM ²⁾, cujus labor pro ea aetate stupendam industriam et diligentiam prodit, paucis hunc nervum tetegisse.

§. XIX.

Accurate repraesentatum hunc nervum *cutaneum internum minorem* sistit Tabula nostra adjecta sub Nro. 8. Originem ducit ex communi illo nervorum fasciculo, qui medianum, musculo cutaneum, cutaneum internum majorem, et cubitalem gignit, cum *cubitalis* fibris praecipue connexus. Derelinquit cubitalem ad altitudinem plus quam pollicis supra egressum cutanei interni majoris, ipso hoc *cutaneo medio* paullo tantum minor.

Dirigitur

¹⁾ *Expos. anat. T. III. pag. 277.* „il ne donne dans ce trajet que de petits filets.“

²⁾ *Neurograph. univ. Tab. 26, Nro. 9.*

Dirigitur statim a cubitali recedens versus anteriorem humeri partem et venam axillarem grandem, cui, infra eandem progrediendo, cellulosa ope fortiter annectitur. Proccedit dein ad anteriorem latissimi dorsi, teretis majoris, et anconaei longissimi partem, propior venae brachii profundae interiori in axillarem abeunt. In regione circiter arteriae brachii profundae, truncus in duos ramos dehiscit: Minor, Nro. 9, quem *posteriolem* dico, cum magis versus posteriorem humeri dirigatur regionem, in plures dividitur ramulos furculosque, quorum plerique in anteriorem et posteriorem cutem, anconaeum musculum tegentem, et in ipsum anconaeum ad olecranon usque distribuuntur: plura ejusdem filamentula e panniculo adiposo emergentia, in cutis papillas prosequutus sum. *Major* ramus, interior et anterior potius nominandus Nro. 10 in intervallo, quod caput primum et secundum anconaei relinquunt, immediate sub cute descendit, cubitali nervo fere parallelus, versus tendinem communem extensoris cubiti et processum anconaeum ulnae excurrit, et in eo itinere vix furculum ullius momenti emittit, tacto autem extensoris cubiti communi tendine, repetitis divisionibus et subdivisionibus, cum in musculi extensoris finem, tum in cutem dispescitur, factis multis cum cubitali ipso, cutaneo interno majore, et ramo subcutaneo ex radiali anastomosis, super posteriorem cubiti partem extensus finitur.

Laesionibus et irritationibus hujus nervi graves et acuti dolores adscribendi sunt, si vulnera, pressiones, furunculi et perfrigeria regionem anconaeam affecerint.

CAPUT VI.

DE NERVO CUBITALI.

Nervus cubitalis fere omnium recentiorum. DUVERNEYI. WINSLOWII. HAL-
LERI. LIEUTAUD. DAGOTY. CAMPERI. MARTINI. HAASII etc.

S y n o n y m a.

Quintus brachii nervus VESALII edit. Basileensis pag. 354. m. Leidens. 392. m.
et DIEMERBROECKII pag. 763.

Quintus brachium invadens CASSERII l. c. pag. 128. 32. 2.

Quartus brachialium ALBINI Explic. Tabul. Bartholomaei Eustachii p. 115. 30.
48. 49. 50. item Quartus VIEUSSENII l. c. p. 216. K.

Ulnaris idem quod cubitalis Ill. MARTIN l. c. p. 215. secundum denominationem
magni incisoris b. MONROI sen. Anat. of bones and nerv. p. 412. item Works
pag. 362. etiam Ill. MONRO jun. in Observ. p. 134.

I c o n e s.

VESALII de hum. corp. fabr. edit. Basil. p. 354. m. edition. Boerhav. Leid. p. 391.
m. n. o. Level. Ingolst. p. 226. m. n. o.

CASSERII ut praecedens l. c. pag. 129. Tab. II. 32. 33. 34. Tab. III. pag. 131.
32. 34. 35.

EUSTACHI

EUSTACHIÏ edit. Lancis. Tab. XIX. XXI. Albinianae. Tab. XIX. Nro. II. 30.

VIEUSSENIÏ Nevrogr. Tab. XXV. K. XXVI. I.

BERRETINI Tab. VII. fig. I. r. XVII. fig. I. Ψ

DAGOTY organes d. sens. Tab. VI. VII. 26.

III. CAMPERI lib. cit. Tab. I. fig. I. 85. 86. 87. 88. seq.

III. ALEX. MONRO Observ. Tab. XV. 19. Nostra tabula 14. seq.

§. XX.

Dimisso nervo cutaneo interno majore, seu cutaneo ulnari aut cutaneo medio, et ablegata altera ad conformandum nervum medianum radice, magna illa nervi, quae superest ex hoc communi trunco portio, satis bene ab Autoribus *Nervus cubitalis* appellatur. Decursus enim ejusdem in latere interiori seu ulnari brachii, pone duo inferiora anconaei capita ad fulcum inter condylum anteriorem et processum anconaeum ulnae, ulterior ejusdem juxta ulnam inter flexorem carpi ulnarem et flexores digitorum ad carpum progressus, finisque tandem in ulnari manus cum volae tum dorso parte assequutus, iter hujus nervi omnino significant.

§. XXI.

Vena basilica mox in axillarem mutata super nervum cubitalem incedit, eodem vero sub vena nunc demum in conspectum prodeunte, assumit ex nervo radiali constantem et satis insignem ramum anastomoticum, quem in descriptionibus aliorum auctorum pariter frustra quaerimus, qua ratione oriatur, occasione nervi radialis melius dictum est. Hoc ramo anastomotico vel integre recepto, vel quoad maximam partem sibi associato, provenit ex nervo cubitali in ea circiter regione, ubi radialis se circa cubitum flectere incipit, vel unice ex cubitali, vel assumpta radice parva ex ramo anastomotico radialis, insignis ramus *primus* constans, quem *subcutaneum ex cubitali* III. PRAECEPTOR appellat, inter cutem et ventres tricipitis ad olecranon et anteriorem cubiti partem ad manum usque decurrit, et in iisdem finitur, facitque multis anastomosis cum nervo cutaneo interno minori. Jam truncus nervi cubitalis modo ab omnibus autoribus perfecte simili et satis vero descripto per fulcum, inter humeri condylum internum et olecranon situm, ad cubitum descendit, tenui aponevrosi modo tectus, et cuti fere immediate subjacet; proxime adjacens arteriae recurrenti ulnari. In ipso hoc fulco trunco egreditur ramus *secundus* pariter constans et insignis per carnes ulnaris flexoris seu interni distributus. Truncus nunc inter principium, medium et finem ulnaris flexoris et digitorum communis arteriae ulnari parallelus, ductu ulnae ad carpum procedit: statim sub ramo secundo emittit ramum *tertium* magnum et mere muscularem in flexorem profundum. Paullo supra mediam cubiti partem, cum truncus ad maximam divisionem sese accingit, trunco egreditur *quartus ramus* praecedentibus major, constans egregiusque ramus propter nexum cum arteria ulnari praecipua

S attentione

Ludwig script. neur. min. T. III.

attentione dignus: ab erudito et magno incisore b. WINSLOW ¹⁾ aliquantisper tactus, a recentioribus omnibus neglectus. Ortus ex trunco per 4. 5. pollices adhuc arcte cum eodem connexus manet, dein arteriam cubitalem attingit et cum eadem cohaerens, circa illam repetitis vicibus inflexus carpum penetrat, et furculis per tunicas vasorum, musculos et cutem distributis circa volam manus finitur. Ramum anastomicum communicantem cum mediano, cujus Clar. MARTIN ²⁾, mentionem fecit, inter 13 observationes semel vidimus inter sublimem et profundum processisse.

§. XXII.

Nervi cubitalis truncus jam versus juncturam cubiti manusque progrediens, constantissime in duos insignes ramos satis commode *dorsalem* et *volarum* significandos ¹⁾ dividitur. Non semper in omnibus cadaveribus ad eandem in cubito altitudinem haec divisio contingit, si absque cultri adminiculo naturaliter separati sunt, in medio in cubito a se invicem secedunt, vidimus autem separationis locum fuisse paullo super officulo pisiformi, ad utrumque tendinis ulnaris interni latus, quam deinceps non ita multo post nova rami volaris subsequuta est in suos ramos divisio. Interim artificiosa cultri separatio hic multum efficit, ut altius profundiusque trunci in ramos dispergantur.

§. XXIII.

Ramus dorsalis sub ulnari flexore erumpens, plerumque in 3 ramos dividitur: a) *minor* caeterum satis insignis denuo ad regionem carpi redit, nomine *rami carpei* ab aliis distinguendus, constantissime ad angulum fere a reliquis ramis secedit, et arcu facto a margine ulnari ad radialem super carpum progreditur, in ligamenta et cutem ejusdem regionis distributus: communicat variis in locis cum ramis superficialibus ex radiali, arcusque ibidem ab Ill. MARTINE ¹⁾, notatos formant, unus vero vel alter ramorum juxta longitudinem ossis metacarpi digiti medii decurrunt ad cutem digiti ipsam, et variis elegantissimis anastomosis ramos dorsales ex radiali et cubitali uniunt. b) *Maximus* omnium iterum in duos ramos secedens verus nervus dorsalis manus fit, cum bini rami rursus bifidi digitum minimum et annularem, et c) iterum paullo minor latus ulnare digiti medii tanquam rami digitales ex superficie dorso nervis locupletent, et cum illis nervis digitalibus dorsalibus ex radiali in arcum abeant.

§. XXIV.

Si ultima nervi cubitalis portio, quae *ramus volaris* truncique continuatio est, sub ligamento armillari parvo, quod inter officulum pisiforme et hamulum officuli carpi cuneiformis medium est, una cum arteria ulnari et eleganti rete venoso arteriam ambiente, transiit, in plures plerumque statim ramos dividitur, qui, non semper respondente observatione, sub duobus modo proponuntur ramis *sublimi* nempe et *profundo*. In nonnullis equidem subjectis haec divisio locum habet, in pluribus autem observa-

vimus

¹⁾ *Expos. anat. III. p. 278. §. 234.*

²⁾ *Lib. cit. p. 216.*

¹⁾ *Cel. MARTIN lib. cit. p. 216. §. 182.*

¹⁾ *Lib. cit. pag. 217.*

vinus a) ramum muscularein et minimum ad adductorem et flexorem brevem digiti minimi: b) sextum nervum digitalem ad latus volare et ulnare digiti minimi: c) ramum cutaneum: d) ramum communicantem cum nervo digitali quarto ex mediano: e) nervum digitalem quintum statim pro latere radiali digiti minimi et latere ulnari digiti annularis divisum: ultimoque loco, f) *ramum profundum* proprie dictum, quod in profundiores manus regionem descendat.

§. XXV.

Singularis et tam ratione magnitudinis, quam respectu distributionis memorabilis nervus est *ramus profundus rami volaris ex cubitali*, a nullo pro dignitate satis descriptus ¹⁾: addam igitur, quae Ill. WRISBERG praeceptor ingenuus nobis de eodem retulit. Ramus profundus a reliquis rami volaris ramificationibus separatus, datisque ad abductorem digiti minimi furculis, foveam intrat, inter ligamentum, a) quod processum aduncum cum ossiculo pisiformi, b) pisiforme sub musculo abductore digiti minimi tenuissimum, cum osse metacarpi auricularis, et c) os metacarpi auricularis cum praecedente jungit ²⁾, inclusam, diversasque portiones musculi flexoris brevis perforat, et sub illis una cum ramo arteriae ulnaris, arcum volarem profundum ineunte, in profundiore volae manus parte circa processum aduncum flexus comparet. Situm ibidem occupat, leniter in arcum, arcui arterioso profundo fere parallelum contortus, inter carnes flexoris brevis digiti minimi, adductoris pollicis et musculos interosseos, et ab incumbens sublimis et profundi flexoris tendinibus, quibus lumbricales adhaerent, obtegatur. Nervus hoc modo arcuatus, cujus extremi fines recte animadvertente Cel. MARTIN ³⁾, versus adductorem pollicis exporriguntur, mirum in modum emollescit, et in plures furculos dividitur: plurimi eorum per musculos interosseos distribuuntur, et pro hoc scopo ramus ille profundus in hanc regionem descendit, paucula autem et tenerima filamenta una cum furculis ex arcu arterioso profundo musculis lumbricalibus ex parte posteriore afferuntur. Magnus autem ramus denuo ab hoc ramo profundo abscedit, in multis cadaveribus per intervalla tendinum flexorum sublimis et profundi, loco admodum inconstanti transit, et cum ramo insigni rami sublimis unitus, nervum digitalem quintum communem format. Sed saepius haec altera radix ex ipso ramo sublimi jam nata est, et cum radice altera pariter ex sublimi orta confluens et arteriam digitalem in angulum coalitionis suscipiens versus latera digitorum excurrit.

CAPUT VII.

DE NERVO CUTANEO INTERNO.

Nervus cutaneus internus autorum nostrae aetatis, DUVERNEYI. WINSLOWII. HALLERI. CAMPERI. MARTINI. HAASH.

S 2

Synonyma.

1) An b. GEORG. MARTINI in *Commentariis in Barthol. Eustachii tabulas anatomicas*. Edimb. 1755. 8. pag. 220 hunc ramum insigniverit?

2) WEITBRECHT *Syndesmol. Tab. VI. fig. 21. u. x. e.*

3) *Lib. cit. Sect. II. pag. 217.*

S y n o n y m a.

Sextus brachii nervus VESALII edit. Basil. p. 337. 8. 1, 2. p. 353. q. item CASSERII l. c. apud SPIEGELI p. 128. 36.

pariter VIEUSSENS lib. cit. p. 220. O. sextus nervus brachialis, qui membranis plurimum musculorum, panniculo carnosio, et cuti totius partis brachii internae prospicit ad carpum usque. et DIEMERBROEKII pag. 764.

Cutaneus (simpliciter) CHESELDEN Anat. of hum. body. p. 242. 1. et beati MONROI sen. Nerv. p. 411.

The subcutaneous basilic nerve. Ill. MONROI jun. in observat. p. 134. 20.

Cutaneus medius WRISBERGII praelect. anat.

I c o n e s p r a e t i p u a e.

VESALII edit. Basil. pag. 332. 8. 48. pag. 354. q. edit. Boerhav. et Albinii Leidens. pag. 373. et 391. Leveling. pag. 216. 226. sub iisdem litteris; satis bona repraesentatio, cui autem deficit directio nervi in medio fere brachio decurrens, quam natura offert, et nostra tabula imitatur.

CASSERII ex edit. DAN. BUCRETII in SPIEGEL oppb. Lib. VII. Tab. II. 36. seq.

EUSTACHII edit. Lancif. Tab. XXI. edit. Albinianae. Tab. XXI. Nro. 11. 16.

VIEUSSENS Neurograph. Tab. XXV. O. XXVI. L. sed binae figurae ad situm et veram directionem intelligendam non sufficiunt.

BERRETINI Tabular. Anat. I. fig. I. in sinistro brachio B. videtur indicatus esse.

DAGOTY Organes des sens etc. Tab. VI. 27.

Ill. CAMPERI lib. cit. Tab. II. fig. I. p. q. r.

Ill. MONRO jun. Observ. Tab. XV. 20.

Nostri tabula 6. 20. 21. 22. 23. 24. 25. — 27. 28. 30. — 33. 34.

§. XXVI.

Capta origine ex communi plexu, qui alterum mediani nervi crus genuit, et nervum cubitalem producit, cum cubitali eadem ratione jungendus est nervus *cutaneus internus*, uti de nervo musculo cutaneo respectu mediani dictum est, ut pro primo cubitalis nervi ramo haberi possit. Ratione itineris et decursus sui generatim considerati, sequitur maximam partem in superiore brachio seu humero nervum medianum et subjacentia eidem vasa, nisi quod saltem superius locetur, medianus nervus autem inferiorem situm occupet, nam immediate cuti subjicitur. Haec ratio etiam excusare potest iudicium, observatione WRISBERGII sultum, nervum cutaneum internum commercium habere cum mediano. Si plicae cubitali propior factus est, a medio brachio paullo magis versus latus ulnare cubiti declinat, et totus subcutaneus partim in media et interiore, partim in latere ulnari et dorso cubiti ad manum decurrit, ramisque suis majoribus plerumque unum alterumque majorum ramorum venarum cubitalium in basilicam confluentium sequitur, eosdemque comitatur.

§. XXVII.

§. XXVII.

Nervo cutaneo interno a cubitali secedente, et ad medianum appropinquante, cui etiam exiguo intervallo intercedente cellulosa annectitur, edit exiguum sed constantem ramum ad superiora musculorum coraco-brachialis et bicipitis; paullo post jam emittit ramum insignem, quem *primum* appellare possumus, mere cutaneum, supergreditur ¹⁾ hic coraco-brachialem et paullo magis ad exteriora declinat, cum ramulo arteriae axillaris et venulae unitur, et egregium rete bicipiti superstratum format, ramulos plerosque per cutem spargit, paucos musculo suppeditat, usque in plicam cubiti descendit, ibidemque factis multis anastomosibus cum ramis ejusdem nervi inferioribus, circa venas ulnares et cephalicam ludentibus, finitur. Trunco nervi ulterius progresso, ubi parvis furculis cum mediano unitur, oritur *secundus* ramus pariter mere subcutaneus super ventrem bicipitis excurrent, et in rete a primo ramo factum consumitur.

Nunc directionem suam aliquantisper truncus mutat, et magis versus latus humeri ulnare declinat, venaque basilicae propior fit, et in multis cadaveribus illi incumbit et arcte adhaeret. In hoc humeri loco truncus mox altius mox paullo demissius in duos aequalis fere magnitudinis ramos ²⁾, *tertium* et *quartum* dividitur, cum paullo antea exiguum ramum cuti subministraverit.

§. XXVIII.

Ramum *tertium* tantillo minorem quarto, *cutaneo-ulnarem* distinctionis causa appellavit Praceptor, ut ex directione statim innotescat, et diversa ejusdem a ramo quarto conditio intelligatur. Hic ramus *tertius* seu *cutaneo-ulnaris* a quarto recedens, super venam basilicam se conjicit, et dum ab incumbente cute contra venam sanguine turgidam prematur, aliquomodo latefit, aut ope divisionis in ramos, si hoc supra venam, uti in multis contingit, in latiore ambitum expanditur. Alter inde paratur locus, qui sub venaesectione, justo altius in vena basilica administrata; periculo ansam praebere potest, nerveo insigni ramo cum vena pertuso. Plerumque hujus rami divisio super ipsam venam fieri solet, frequenter jam contigit, antequam nervus venam attigerit, saepe etiam tunc tandem perficitur, cum nervus jam venam supergressus fuerit. Semper in duos ramos grandiores aliquotque exiguos furculos in tunicis venae manentes contingit, qui bini rami, facto insigni arcu, versus condylum humeri internum, seu flexorium diriguntur. *Minor* versus anconaeorum musculorum adhaesionem progreditur, et multis ramis partim in illis, partim in cute, partim in conjunctionibus finitur, quas multi eorundem furculi tam cum nervo cubitali ipso, quam cum ramo subcutaneo ex cubitali perficiunt. *Major* supergreditur vel venam basilicam ipsam, vel paullo inferius omnes ramos venosos in basilicam confluentes, medianam nempe et ulnares internas, ibidemque pungi nervus cultri sub venaesectione ictu potest. Inconstanti ratione nunc dividitur, alii minores furculi in tunicis venarum manent, major ramus versus olecranon progreditur. Omnium maximus venae ulnaris internae comes cum illa dorsalem cubiti regionem conscendit, et per totam cubiti longitudinem in

1) Tabula nostra 19.

2) Tabula nostra 24. 28.

plures ramos divisus ad carpum et latus manus ulnare excurrit: frequentissimis anastomosibus coit tam cum ramo subcutaneo ex radiali, quam cum ramo quarto cutanei interni ipsius, et cum ramo superficiali ex cubitali versus cutem digiti minimi excurrente; fere unice cuti descriptae regionis impenditur.

§. XXIX.

Ramus *quartus*, vera trunci continuatio *Cutaneus palmaris* ab Ill. WRISBERGIO appellatur: cum enim decursus hujus rami satis bene musculo palmari longo respondeat, et fere omnes ejusdem ramificationes versus palmam manus tendant, hanc novam rami quarti denominationem, ad eundem a tertio distinguendum locum habere posse existimo.

Facta separatione a tertio ramo, hic *ramus cutaneus palmaris* aliquantisper adhuc cum arteria brachiali et vena brachii profunda interiore, super quae vasa descendit, conjunctus manet: editis aliquot tenellis furculis ad tunicas horum vasorum, in duos ramos dehiscit, et in plerisque cadaveribus sub vena mediana progreditur, rarius, quod tamen Ill. WRISBERGIUS vidit, mihiq; ostendit, super venam medianam incedit, et eam ob causam in talibus subjectis venae medianae incisionem semper periculofam reddit. Binorum horum aequalis magnitudinis ramorum *alter*, magis palmaris, sub mediana vena emergens, inter venam cephalicam et ulnarem internam descendit, ulnari venae tamen semper vicinior, in plures statim ramos et furculos dehiscit, infinitas anastomoses tam inter se, quam cum musculo cutaneo formant partim in tunicas vasorum, partim plurimi eorum in cute tandem finiuntur. Egregium sane spectaculum est elegantia cernere retia, quibus tenella haec nervorum filamenta venas amplectuntur, et circa easdem ludunt. Multos etiam furculos in tendine aponevrosique bicipitis manentes vidimus. Aliquot majores rami, formati semper in decursu cum furculis alterius rami communicationibus, versus carpum descendunt, in ligamenta, aponevrosinque palmarem manifestos furculos spargunt, et in cute dein volae manus evanescent.

§. XXX.

Alter magis ulnaris, sub duobus magnis venarum ulnarum internarum ramis delitescens, bifurcatus paullo post emergit: *prior* ramus, iterum directionem magis palmarem servans, incedit pone alterum venae ulnaris latus, cujus unum ramus cutaneus palmaris occupat, et cum hac vena ad carpum et volam manus per egregium venarum ulnarum internarum rete descendit ad digitum minimum, anuularem et medium usque, filamenta spargens in aponevrosin musculos cubiti cingentem, in tunicas vasorum, ligamenta et cutim: *posterior* totus ulnaris sequitur alteram magnam venam ulnarem internam, et juxta longitudinem ulnae ad carpum manumque decurrit, servatisque repetitis anastomosibus tam ramorum inter se, quam cum remoto ramo subcutaneo ex radiali, furculis suis paucioribus in aponevroses, vasorum tunicas et ligamenta, plurimis vero in cutem ad dorsum manus usque finiuntur.

EXPLICATIO TABULAE ANNEXAE

A D

ARCHETYPUM MUSAEI ANATOMICI WRISBERGII
D E P I C T A E.

Sistit tabula brachium, ex articulatione cum cavitate glenoidali scapulae solutum, resectis itaque musculis, quae cum a trunco, ut pectorales et latissimus dorsi, tum a scapula, ut coraco-brachialis, biceps, deltoides, teres major, caputque longum anconaei humeri ossi inferuntur. Perseissus est plexus nervorum brachii, ubi in 6 illos communes receptosque nervorum truncos et nostrum septimum dividitur. Arteriae rubra, venae coerulea cera nitidissime in archetypo repletae sunt. Caeterum interior seu anterior humeri, cubiti et manus superficies tantum expressa est: impensae, quas haec tabula postulabat, editionem secundae vetarunt.

I.

M u s c u l i

In conspectum venientes, cum maxima pars cutē, reti vasorum nervorumque tecta sit.

- | | |
|--|---|
| <p>A. Residua <i>pectoralis majoris</i> pars, humero adhaerens.</p> <p>B. Communis origo <i>coraco-brachialis</i>, et capitis alterius <i>bicipitis</i> a processu coracoide scapulae resecta.</p> <p>C. <i>Coraco-brachialis</i>.</p> <p>D. Caput alterum <i>bicipitis</i>.</p> <p>E. <i>Biceps</i> et F. tendo ejusdem inter nervum cutaneum externum seu Musculo-cutaneum et venam medianam radio infertus.</p> <p>G. <i>Brachialis internus</i> ex parte tantum conspicuus, cujus progressus, et in ulnam insertio, <i>bicipitis</i> aponevrosi, tendine, et vena mediana tegitur.</p> <p>H. I. K. Relictae portiones <i>spinatorum</i>, <i>subscapularis</i>, deltoidis, <i>teretium</i> et <i>latissimi dorsi</i>.</p> | <p>L. Caput longum <i>anconaei</i> a margine inferiore scapulae ortum.</p> <p>M. Caput tertium, <i>anconaei</i>, nam secundum in hoc situ cerni nequit, ab ossē humeri productum.</p> <p>N. Tendo <i>palmaris longi</i> in aponevrosin palmarem insertus.</p> <p>O. <i>Abductor</i> et <i>flexor brevis</i> pollicis.</p> <p>P. <i>Adductor</i> pollicis.</p> <p>Q. <i>Abductor</i> digiti minimi.</p> <p>R. S. T. U. X. Tendines flexorii omnium digitorum.</p> <p>Y. Z. Vaginulae et ligamenta arcuata, sub quibus tendines ad digitos procedunt.</p> <p>Z. z. Similes vaginulae et arcus super totam digiti indicis longitudinem ductae, per quas quibusdam in locis tendines translucent.</p> |
|--|---|

II. Arteriae

II.

A r t e r i a e.

Quantum quidem in superficie brachii oculo sese offerunt.

- a. Truncus communis *axillaris*, edita b. *circumflexa magna*, arteria *brachii* dicta.
- c. *Humeri profunda*.
- d. *Anastomotica*, in hoc subjecto altiori loco orta, et multos ramos musculares subministrans.
- e. *Arteria brachii* in plicam cubiti sese demergens, ubi in radialem et ulnarem dividitur, ibidem loci vena mediana, et confluxu venarum ulnarium externarum, truncum basilicae formantium tecta.
- f. Truncus *arteriae radialis* aliquantisper inter tendines nervos et venas emergens.
- g. Continuatio *arteriae ulnaris* in magnum *arcum volarem manus sublimem* abiens, et duobus ramis, qui in hoc subjecto admodum parvi erant, cum radiali conjuncta.
- h. Ramus cutaneus ad carpum.
- i. Ramus communis pro *arteria digitalis ulnari et radiali* digiti minimi, et *digitali ulnari* digiti annularis.
- k. *Arteria digitalis* furcata, pro latere radiali digiti annularis, et ulnari digiti medii.
- l. *Arteria digitalis* bifurcata pro latere radiali digiti medii et ulnari digiti indicis.
- m. *Arteria digitalis*, quae finem *arcus volaris* sublimis constituit, et superius duos ramos *anastomoticos* ad ramum volarem ex radiali misit, digitalem dein ad latus radiale digiti indicis ablegat, et notabili tandem ramo, cum ramo digitalis et ulnari pollicis n. ex arteria radiali provenientis coit.
- o. *Ramus digitalis* pollicis, lateri ejusdem radiali prospiciens ex radiali arteria ortus.

III.

V e n a e.

Delineari modo potuerunt venae superficiales cum paucis ex profundarum venarum provenientibus truncis.

- a. Truncus *Venae axillaris*, quod sane nomen omnino meretur, cum vena basilica, ex confluxu venarum brachii anterioris seu cubiti, plicaeque ejusdem et medianae orta, binos venarum brachii profundarum truncos, venam humeri profundam et quasdam minores recepit.
- β. *Vena basilica* dicta; ad hunc truncum formandum plures omnino venae majores minoresque, quin ex minimarum ordine confluunt, praecipuae earum sunt Mediana, truncus communis unus alterve, rete venosum interioris cubiti superficiei conjungens, et confluxus unius vel plurium venarum ulnarium superficialium, uti Cel. Wrisbergius illas appellat, arcusque venosi ulnares etc.
- γ. *Vena mediana*, ex vena radiali superficiali interna, etiam cephalica dicta, cum venis ulnaribus internis in basilicam inserta.
- δ. *Vena cephalica* humeri, ex venis radialibus superficialibus internis et externis numero-

numerofissimis anastomosibus tum inter se, tum cum ulnaribus connexionem habentibus, orta: quoad particulam tantum in hoc situ visibilis.

ε. *Vena superficialis*, vel subcutanea interna *media*, ex reticulo venoso pollicis orta.

η. *Venae superficiales ulnares internae*, in basilicam β. confluentes, ex omni superficie volae manus et interioris cubiti ortum capientes.

ζ. *Rete venarum cubiti internum*, cepha-

lico-radiales, medianam, et basilico-ulnares conjungens.

θ. Ramus communicans cum venis manus profundis.

κ. Ramus communicans inter arcum venosum volarem et rete venosum pollicis.

λ. *Rete venosum* pollicis, partim ex venis pollicis ipsius, quae plurimum sanguinis afferunt, partim ex arcu volari venoso formatum: ex quo rete dein cum vena cephalica, tum venae superficiales ulnares enascuntur.

IV.

N e r v i.

1. Truncus communis pro nervo *mediano*, *cubitali*, et tribus *cutaneis* c. e. pro *musculo-cutaneo*, seu cutaneo externo vel radiali; *cutaneo interno majore*, vel medio; et *cutaneo interno minore*, vel ulnari.

2. Truncus communis pro *radiali* et *axillari*.

3. *Radialis*, post separationem ejusdem ab axillari, sub venam axillarem descendens, eademque ita obtectus, ut cerni amplius nequeat.

4. *Cubitalis* seu Ulnaris, proprie ita nominatus, sub vena axillari oblique decurrens.

5. *Medianus*, super arteriam axillarem in brachialem nunc mutata descendens.

6. *Cutaneus internus* seu potius *cutaneus medius*.

7. *Cutaneus externus* vel *musculo-cutaneus*.

8. Insignis ramus *cutaneus*, (cutaneus minor internus et ulnaris Wrisb.) ex cubitali ortus, quem tanquam tertium *nervum cutaneum*, describit. §. 18. 19 eun-

demque internum considerare possumus, in duos ramos divisus, quorum *minor*

9. in superiorem cutis partem, anconaeum longum tegentem, distribuitur: *alter major*

10. in intima brachii parte inter cutem et anconaeos ad cubitum decurrit, pluribusve filamentis in cute finitur.

11. Nervi *cubitalis* truncus sub vena axillari emergens, et insignem ramum

12. ex radiali ortum, secum conjungit, ex quo ramo ex radiali proveniente

13. plures furculi in extensorem cubiti abeunt.

14. Locus, ubi nervus cubitalis crenam cubiti attingit, et inter duas venas inclusus in profundioris cubiti partem sese demergit et absconditur, donec in vola manus

15. denuo in conspectum prodeat, et in nervos digitorum divisus desinat.

16. Nervi mediani super anteriorem brachii partem decursus, inter duas magnas venas inclusus, et arteriae brachii incumbens, usque ad locum

T

17. ubi

17. ubi sub confluyente mediana vena et basilica sese abscondit, et facto itinere per profundiorē cubiti regionem in vola manus
18. denuo exit.
19. Ramus insignis cutanei interni ad cutem.
20. Descensus nervi *cutanei interni*, seu potius *medii*.
21. Alius minor ejusdem ramus ad cutem.
22. Tertius ramus ad tunicas vasorum, eleganter per easdem distributus.
23. Divisio trunci in duos ramos aequalis fere magnitudinis, quorum
24. *interior* paullo minor ramus super venam basilicam decurrens in plures minores furculos dividitur, inter quos tres praecipue
25. 26. 27. per inferiorem brachii et omnem interiorem cubiti cutem distribuuntur.
28. *Medius* ramus, Praeceptore appellante *Cutaneus palmaris*, priore seu interiore paullo major, in duos ramos 29. statim divisus, sub vena mediana in basilicam transeunti incedit, et quatuor ramis
30. 31. 32. 33. super mediam et interiorem cubiti partem in cutem et vasorum tunicas distribuitur. Inter hos ramos Nro. 30 in magnum ramum *cutanei externi* sub acuto angulo inseritur.
34. Est continuatio rami 33. in cutem carpi volaeque manus distributa.
35. Exitus nervi *musculo-cutanei*, seu *cutanei externi* ex musculo coraco-brachiali quem perforavit, et hoc numero praecipue notantur ramuli in bicipitem missi.
36. Decursus ejusdem inter coraco-brachialem, flexorem brachialem et bicipitem, sub quibus delitescit
37. Locus, ubi truncus nervi musculo-cutanei inter tendinem bicipitis, et venam cephalicam denuo emergit, et tres ramulos
38. 39. 40. super venam cephalicam, ejusque tunicas in cutem dispergit.
41. 42. Bini rami majores, in quos truncus nervi sub vena cephalica divisus est, quorum
41. *exterior* idemque *major* pone anteriorem venae cephalicae marginem decurrit, nonnullos minores furculos
43. 44. 45. in cutem mittit.
46. Ipse ramus venam cephalicam conscendens, cum alio furculo
47. ex ramo interiore et majore proveniente, in novum truncum
48. coalescit, qui post aliquem super venam cephalicam decursum ad exteriora flectitur, ut reliquum hujus rami iter in figura non amplius exprimi potuerit:
49. *interior* et *major* ramus trunci, est continuatio nervi Nro. 42 significati, nunc relicta cephalica late in conspectum prodians, et per interiorem radii superficiem descendens.
50. Locus divisionis ejusdem in tres ramos, quorum
51. intus in cutem carpi distribuitur, variisque in locis cum ramis cutanei medii communicat:
52. medius super arteriam radialem incedit, et in radiali carpi manus parte in cute finitur.
53. extremus, fascia Nro. 47 anastomosii ad anteriorem cutis partem progreditur.
54. *Nervi radialis* continuatus truncus ex angulo inter tendines muscoli bicornis seu extensoris radialis ad carpum prodians, cujus
55. ramus *major* seu *dorsalis* infra venam cephalicam pollicis ad dorsum manus excurrit.

56. ramus

56. ramus *minor* seu *volaris*, per cutem et musculos pollicis distribuitur.
 57. Ramus digitalis pollicis radialis ex mediano, cum arteria collateralis ad apicem pollicis excurrentis.
 58. Ramus digitalis pollicis ulnaris ex mediano communi radice cum sequente ortus.
 59. Ramus digitalis indicis radialis ex mediano.
 60. Ramus digitalis indicis ulnaris ex mediano.
 61. Trunculus communis pro ramo ulnari indicis et radiali digiti medii ex mediano.
 62. Trunculus communis pro ramo rad. digiti med. et ramo ulnari digiti annular. ex med.
 63. Ramus digitalis annularis ulnaris ex cubitali ad partem volarem.
 64. Trunculus communis pro ramo ulnari digiti annularis et radiali dig. minimi ex cubitali.
 65. Ramus digitalis minimi ulnaris ex cubitali.
-



XI.

I O. G O D O F R E D I E B E L
O B S E R V A T I O N E S N E V R O L O G I C A E

E X

A N A T O M E C O M P A R A T A.

TRAJECTI AD VIADRUM 1788.

P R O O E M I U M.

De utilitate naturalis scientiae, ad quam medicina omnino pertinet, nemo temere dubitaverit; illa vero, cum tota nitatur contineaturque observationum experimentorumque fide, in tanta rerum et phaenomenorum naturalium varietate non satis curiose exploranda: eos certe, hujus scientiae incrementa et augmenta maximopere juvisse existimaverim, qui in repetendis clarissimorum virorum diversis periculis inque iis inter se conferendis, otium operamque suam collocarunt. Ita enim, non solum fore, sperandum est, ut neque fallamur ipsi, ex aliorum auctoritate et doctrina pendentes, neque fallamus alios, nostris rebus, ut ferri solet humana natura, confisi nobisque nimium tribuentes; verum etiam conjuncta hac doctorum virorum opera, tandem definire licuerit, quid in tot opinionum, mirum quantum, inter se discrepantium farragine veri certi et explorati demum insit? Opinionum enim commenta delet dies, naturae autem judicia confirmat.

Quae, cum ita sint, animum haud ita pridem ad eam sententiam attendi, quae homini inaximum, inter cetera animantia, cerebrum tribuit, si hoc in homine, uti in quolibet animantium genere, cum illorum nervorum magnitudine comparatur, qui e cerebro proxime prodeunt. Hujus observationis honos, nuper monente illustri BLUMENBACH ¹⁾ merito habetur SAMUEL. THOM. SOEMMERRINGIO ²⁾, apud Moguntinenses Professori medico, viro et ingenii felicitate et universae rei anatomicae peritia incomparabili, qui natura, multis tam cadaverum humanorum, quam animantium corporum incisionibus, consulta, hanc ejus legem e tenebris eruit, eamque in doctissima dissertatione, et in singulari multaeque frugis libello, quem de Aethiopum anatomicae conscripsit, cum orbe eruditorum communicavit. Quos inter, cum praeter ALEXANDRUM MONROUM ³⁾ nemo SOEMMERRINGIANAM observationem repetitis periculis

1) *Institut. physiolog.* Goett. 1787. §. 193.

2) *De basi encephal.* Goetting. 1778. p. 17.
Ejusd. über die körperliche Verschiedenheit des Neger, vom Europäer 1785. pag. 58—67. — Et calvariae humanae cavitatis eadem est ratio ad faciei ossa, quemadmodum in

caeterorum animantium calvariis: Est enim minor quoad faciei ossa in Simia, Cane, porro in Equo, Camelo, multo minor in Elephante, Rhinocerote et Cetaceis. L.

3) *Bemerkungen über die Verrichtungen des Nervensystems.* Leipzig, 1787. p. 19.

periculis vel confirmare, vel refutare hucusque voluerit, id mihi datum esse existimans, ut in hanc rem, quam neque a medici studiis alienam, neque non physiologiae et psychologiae cultoribus jucundissimam futuram esse judicavi, curatissime inquirerem. Comparavi igitur animalium cerebra, quot potui, eaque et cerebrales nervos sedulo incidi et rimatus sum; omnia meis oculis vidi, saepius lustravi, quae vidi, manu mea delineavi, delineata, ut sumptibus parcerem, in aes ipse incidi. Fateor, me antea nunquam sculptoris stylo usum esse, verum audaciam addidit animus, perficiendi operis ardore flagrans; ipsoque labore mire delectatus. Dabitur autem facile veniam, lectores! juveni viro, si vel in manu, exercitationem et dexteritatem, vel in judicio, longum et subactum rerum usum interdum jure Vestro desideraveritis; malui enim, ut ingenue fatear, mea potius proferre, quam alienis superbire! Denique, ut sciatis, lectores optimi! qui me in incidendis animalium cerebris definiendisque ponderibus et mensuris gesserim, breviter monuisse sufficiat, me, ut ea tantum ponderi subjicerem, quae in cavo calvariae vere insunt, animantis caput atlantem inter et magnum ossis occipitis foramen semper amputasse. Deinde nec arachnoideam, nec piaam meningem, solvere ausus sum, quippe absque cerebri ipsius dilaceratione hae tunicae, saltem posterior, separari nequeunt. Glandulam pituitariam, quamquam in iconibus aeri incisis non animadvertatur, semper tamen singulam lanci imposui. Nervos, qui e basi cerebri exeunt, singulos, circini beneficio curate emensus, juxta veram eorundem amplitudinem sollicite delineavi, quemadmodum itidem operam dedi, ut, in pingendis cerebri haemisphaeriis omnibus ac singulis varietatibus, naturae fines et mensurae servarentur, sine omni adulteratione, integrae. In ponderibus definiendis, usus sum libra vulgari medica duodecim unciarum; in scribendis vero dimensionibus, mensura Rhenana, pollicique duodecim lineas, et lineae decem assignavi scrupulos. Adnotationes meas zootomicas cum humano cerebro lubenter contulisse, nisi me, hac opportunitate destitutum, in animalibus subsistere oportuerit invitum; in quibus, quae forte alia, circa cerebri structuram et nervi intercostalis, a me ad ganglion ejusdem thoracicum primum, diligenter investigati, magnitudinem et molem relativam notatu digna, mihi reperisse visus sum, et figuris exprimere et chartae mandare volui *).

§. I.

An homo, ratione corporis sui, inter omnia animantia, maximo cerebro instructus sit, quaeritur?

Vetus opinio est, hominem maximo cerebro gaudere, quae etiam recentiori tempore saepius defensa et experimentis confirmata legitur *).

T 3

si anima-

*) Subjungamus his quaedam ex SOEMMERRINGIO (Vom Hirn und Rückenmark. Mainz 1788.), qui demonstravit calvariam tenuem magnum, crassam parvum recondere cerebrum, quod avium minorum et majorum calvariae praecipue nos docent. — Quo major et ponderosior cerebri in bestiis moles,

eo crassior dura meninx. — Quodlibet animantium cerebrum ab humano ad erucacephalon in duo hemisphaeria est distinctum. — Glandula pinealis in multis animalibus minoris encephali major, quam in homine, in camelo lobata est. L.

*) Caeterum nullum est viscus vel organum

si animalium domesticorum cerebra, cum illo hominis, compares. Quum autem plurimorum animantium corpora et cerebra lanci imposueris, invenies, nec hanc sententiam veram esse, nec ullo modo tam universe probari posse. Quod facile ex comparatione nonnullorum animalium patebit. Cerebri adulti hominis pondus nonnunquam libram cum semisse non superavit. POZZI pondus cerebri librarum trium atque unciarum octo, et ejus rationem ad corpus uti $\frac{1}{30}$ invenit. SENNERTUS, RIOLANUS et ARLET cerebrum librarum quatuor, alias librarum quatuor et unciarum trium, rationem uti $\frac{1}{25}$ et $\frac{1}{35}$ invenerunt. Cerebrum porro nonnunquam librarum quatuor ad quinque fuit, quinimo hoc pondus superare visum est. HALLER in puero sexenni, rationem fere $\frac{1}{22}$ invenit, et in adulto homine universe uti $\frac{1}{35}$ constituit, pondus cerebri numero rotundo libris quatuor, adulti hominis vero libris 140 exprimens ¹⁾. Delphini cerebri ratio ad corpus fere $\frac{1}{25}$ alias $\frac{1}{30}$ fuit ²⁾. Pondus cerebri simiae ouistiti cum illo totius corporis comparatum est pene $\frac{1}{8}$; in Simia Sajou ratio fere incredibilis $\frac{1}{11}$; in Sai iterum fere $\frac{1}{10}$; in Saimiri $\frac{1}{11}$; in Malbronx $\frac{1}{14}$; in Talapoin $\frac{1}{15}$ ³⁾ Muris agrarii $\frac{1}{11}$ ⁴⁾. In aviculis cerebrum permagnum reperitur: in passere ratio erat $\frac{1}{15}$; in fringilla, cujus cerebrum delineavimus ⁵⁾, $\frac{1}{25}$ erat; in canariensi rationem $\frac{1}{14}$ invenit POZZI ⁶⁾. Si his exemplis res confici posset, simiae Sajou dictae, honos maximi cerebri, omnino competeret; interim id saltem liquet, hominem hac praerogativa, si quae est, jure ornari non posse.

§. II.

E corporis et cerebri pondere, inter se comparato, certa ratio inveniri nequit.

Singularem et admirandam hanc esse cerebri naturam novimus, ut tot mutationibus adeoque repentinis, minime obnoxium sit, quot, qualesque ceterae corporis humani partes experiuntur. Ea nempe cerebri infantilis magnitudo est, quae ea ratione augeri nequeat, qua ceterae homuncionis partes, in justam adulti hominis proceritatem, crescunt. Qui copiosum adipem alunt, corporis quidem pondus, non ita cerebri augent; sicuti in extenuatis exhaustisque, corporea certe moles imminuitur, cerebri vero magnitudo minime aequae decrescit. Haec unicuique, rei intelligenti judici, facile persuadebunt, ut credat, omnium longe incertissimam eam rationem esse, quae in comparatione ponderis cerebri, cum illo, totius corporeae molis, quaeritur.

§. III.

Rationem certiore, e nervorum cerebralium comparatione cum cerebro, unde prodeunt, definiendam esse ostenditur.

Nervos, quos cerebrales anatomici vocant, arctissimo nexu cum cerebro conjunctos esse, constat. Quos sive, ut communis fert sententia, a cerebro proficisci exque

num humani corporis, quod ceteroquin quoad singulas partes cum eodem animalium organo adeo conveniret. L.

1) HALL. Elem. physiol. T. IV. p. 10.

2) ARLET. mem. de Montp. 1746. p. 67. — CALDANI Ep. II. p. 387.

3) BUFFON T. XV. p. 104. 44. 57. 47. 223. 234.

4) BUFFON T. VII. p. 336.

5) Tab. II. Fig. VI.

6) HALLER. loc. cit.

exque eo vires unice haurire, credideris, siue, quae forte, si ad animalia nonnulla respicias, magis probari possit opinio, tantum in basi cerebri cum illo, arctissimo vinculo conjungi, existimaveris: structura tamen et natura optime cum cerebro conveniunt ita, ut credibile non sit, aut nervos illos, salvo cerebro, admodum laedi, aut cerebri medullam male affici posse, nervis illis, vim inimicam cerebro illatam non sentientibus. Ceterorum nervorum, qui musculos, viscera, aliasque corporis humani partes adeunt, dissimilis neque adeo constans ratio esse videtur: his quippe partes visceraque, quae adeunt, aliquam mutationem inferre, prorsus credibile est. Quod quum in prioribus cerebralibus fieri non possit, illos omnium maxime adcommodatos esse, patet, ad inveniendam aliquam certam rationem, qua voti nostri fiamus compotes. Hanc vero Ill. SOEMMERRING ¹⁾ ita invenisse sibi visus est, ut ponenda sit in tenuitate nervorum istorum cerebralium, cum magnitudine humani cerebri collatorum; unde, quum hi nervi, in homine longe tenuissimi sint, multoque crassiores in omnibus ceteris animantibus reperiantur, hominem maximo cerebro instructum esse, profitendum est; contra, quo ampliores illi nervi in animalibus conspiciuntur, eo minori cerebro pollere, dicenda sunt. Enimvero majores cerebrales nervi, majorem quoque cerebri virtutem absorbere videntur, unde in animalibus quidem tota fere cerebri efficacia in illos nervos continuo propagatur, inque ipsis consumitur. Hominis longe dispar invenitur ratio et plane contraria; etenim humanum cerebrum viribus abundat, cum nervi proximi tenuissimique pauculis tantum egeant. Itaque insignem illam virtutem, quam cum nervis cerebrum non communicat, longe nobilissimis usibus inservire, inque illa positam esse humani ingenii praestantiam, quidni ad veritatis speciem quam proxime accedere, crediderim? Certe aethiopes ²⁾, sicuti Europaeis majora sensoria organa, nimirum olfactus, visus et auditus, minorem vero cerebri copiam nacti sunt; ita quoque Europae incolis ingenio longe inferiores praedicantur. Quae quum saltem verisimili ratione assignari possit causa, cur homo omnia animantia ingenio antecellat, inquisitores haereticae pravitatis monitos esse velim, mihi tantum, de mentis domicilio sermonem esse, quod majore ornato majoribusque sumtibus, in homine, paratum esse, constat, neque ideo negari a quopiam posse, instructissimas et ornatissimas aedes excellentissimum inhabitare dominum. Sed de his satis!

§. IV.

Soemmerringii sententia confirmatur.

Quae magnis, admodumque perfectis sensuum externorum organis, vitae animantium consuluit natura: eadem, locupletissimo nervorum apparatu iisdem instrumentis prospicere voluit. Quod imprimis patere potest, exemplo organi olfactus, in quadrupedibus valde elaborati, ossibusque tortuosis admodum spatiosi. Ast quanta vis cerebri

1) l. c. de *Aethiop. e. c.* p. 58—61.

2) Ueber die Versch. des Neger u. s. w. p. 21. 24. et 53. Confer MEINERS *Grundriss der Geschichte der Menschheit* p. 68. ali-

bique passim. Contraria exempla ab Ill. BLUMENBACH (*Magazin aus der Physik und Naturgesch. v. Voigt IV. B. III. Stück p. 1.*) allata, nobis quidem non satis idonea videntur.

cerebri in illud derivatur? Utraque cerebri substantia in latissimos thalamos (ita enim aptissime has cerebri productiones dixeris, quarum tota structura nervorum dissimilis, cum cerebro una eademque est) confluit, processusque mammillares format, e quibus tandem olfactorii nervi ¹⁾ exeunt. Nervus cerebri quintus miram prae se fert amplitudinem: sed hic idem est, qui validissimis quadrupedum musculis, quorum beneficio manducant, mordent, gustusque instrumento, linguae inservit; idem est, qui avium quarundam v. c. anserum rostra adit, inque ea, bene multis neque exiguis ramis dispergitur; idem denique est, quem cum multorum piscium, lingua, musculis capitis, tentaculisque majores nervos, externa tantum cute defensos, communicare videmus. In ²⁾ piscibus quoque par octavum nonumque, eximiae magnitudinis reperitur. Haec nervorum amplitudo in aviculis, piscibus, imprimis vero rana ³⁾, tanta est, ut ad cerebri parvitatem attendens, quae adeo crassis nervis minime respondere videtur, non possis non in ALEXANDRI MONROI ⁴⁾ et SOEEMERRINGII ⁵⁾ clarissimorum virorum, cogitationem incidere: fieri non posse, ut a his parvulis cerebris adeo validi nascantur nervi, quos potius, cum basi illorum tantum arctissime conjunctos esse suspicanduni sit. Certe amphibiorum mira vitae tenacitas, cujus, laeso licet, immo penitus destructo cerebro, post plurimos dies hebdomadaeque, documenta edunt admodum luculenta ⁶⁾, huic opinioni maxime favere videntur, si tecum reputaveris, haec animantia medullam spinalem adeo magnam validamque ⁷⁾, si cum cerebri parvitate comparatur, non temere et frustra nata esse. Haec in homine longe aliter se habent, in quo, adulto quidem, etsi pericula mea repetere nondum licuerit; contigit mihi tamen, ut foetus humani maturi cerebrum molliissimum diffuensque, non tam rimari, quam nervulos in eximendo cerebro solutos, ibi metiri potuerim, quo durae meningi committuntur. Ne quid vero opinioni meae tribuisse viderer, neque justa acribia in periculis meis desideraretur, mensuram, quam circinus indicabat, naturali magnitudine minime inferiorem aliquantulum auxi. Nihilominus tamen hoc foetus humani cerebrum cum nervis ejusdem comparatum, pondus cerebri equini ⁸⁾ maxime superavit.

§. V.

Nostrorum experimentorum ratio explicatur.

Equidem, cum omnis cura mea in eo versata fuerit, ut nervorum, cujus vis animalis, a me examinatorum magnitudines, ad cerebri pondus sollicite referrem, illas magnitudines diligentissime exploratas lineis scrupulisque definivi, hasque mensuras, cum cerebri ponderibus ita comparavi, ut satis accurate constaret, quanto cerebri pondere,

1) In sagacissimorum mammalium craniis v. c. elephantis, ursi, canis etc. amplissimam quoque et numerosissimis canaliculis perforatam laminam horizontalem ossis cribriformis, suis oculis usurpavit Ill. BLUMENBACH. *Instit. Physiol.* p. 194.

2) vid. Tab. II. icon. 3.

3) vid. Tab. I. computationum calci dissertationis adjectam.

4) l. c. pag. 20.

5) *Verschiedenheit des Neger.* pag. 62.

6) *Allgemeine Naturgesch. der Schildkröten* von L. G. Schneider. 1787. pag. 286.

7) Tab. II. icon. 5.

8) Tab. computat. citat.

dere, definitus linearum scrupulorumve numerus contineretur. Quae inde natae sunt observationes, in tabulam consignavi, unde facili opera, omnes hujusce rei diversitates cognoscere poteris. Memineris tamen nervorum rationes ad cerebrum vel ideo majores, illis, quas tabula nostra indicat, ponendas esse, quoniam par nervorum primum omnium ceterorum cerebralium in animantibus maximum, in censum venire non potuit. Cum enim mihi numquam contigerit, adeo esse felici, ut plurimos tenuissimosque nervulos, qui e processu mammillari exeunt, integros fervarem, in definienda longitudine et latitudine, ipsius processus mammillaris, subsistere me oportuit; his autem dimensionibus, tanquam a scopo meo alienis, uti nec potui, nec volui. Licet vero in ceteris octo nervis, nihil reliqui fecerim, in quo diligentia mea jure desiderari possit, hosque nervos omnes emensus fuerim, antequam durae matris vinculo, in teretes fasciculos coeant: unusquisque tamen, qui vel idem nobiscum tentare voluerit, certe experietur, singulas e quibus omnis nervus componitur, fibrillulas numerari non posse. Itaque votis non penitus nos excidisse, nobis videbimur, si hanc tantum laudem nobis concesserit idoneus harum rerum arbiter, a veritate nos quam proxime abfuisse.

§. VI.

Nervorum opticorum decussatio.

Observationes nonnullas ex anatome comparata, in medium prolaturus, inter labores neurologicos natas, de opticorum nervorum decussatione, sicuti in plurimis animantibus a me visa est, primo dicam. Haec vero in omnibus animantibus, non uno eodemque fit modo: in plurimis piscibus, ranaque, admodum perspicua videtur, ita tamen, ut alter quidem, super alterum decurrat nervus, uterque autem singulus omninoque divisus, et sine omni substantiae mistura; secus ac in aliis animantibus observatur, quae nescio, an veram decussationem an potius arctissimam intimamque horum nervorum conjunctionem ostendant? Illam vero admodum luculentam in equino cerebro vidi. Oculi sinistri bulbus ulcere plane confusus, nervusque itidem contractus, macilentusque erat, et luteo colore deturpatus: hic e dextro cerebri latere ortus cum sano nervo sinistri lateris multas fibrarum conjunctiones inivit, quem deinde decussans ad sinistrum oculum processit. Quod singulare decussationis nervorum opticorum exemplum ea, qua fieri potuit diligentia ¹⁾ delineavi.

§. VII.

Glandula pituitaria.

Cerebri appendiculam, quae pituitariae glandulae nomen in anatomicorum scholis obtinuit, semper vere solidam inveni. Spiritum ex infundibulo in glandulam ipsam urgere non potui, nisi in cerebro equino; hujus enim pituitaria glandula, quam vel ideo pingere ¹⁾ placuit, parvulam aliquam cavitatem, quae ab immisso spiritu dehisceret,

1) Tab. I. icon. 1 et 2.

1) Tab. II. icon. 22.

dehisceret, omnino continuit *). Bovilli cerebri infundibulum in glandulam altius dimitti descendereque videbatur.

§. VIII.

Crura fornicis.

Quotquot animantium cerebra dissectui, tam processum mammillarem, quam eam cerebri provinciam curiose lustravi, quae tota fere olfactorio nervo inservire videtur. Hujus medullares, cinereasque fibras persequutus cerebri substantiam pedetentim in tenues lamellas cultro divisi et abstuli. Tandem ad fornicis crura perveni; quorum posteriora ad tuber usque cinereum decurrere, ibique inter se confluere et eminentias candicantes efficere vidi; anteriora vero in processus mammillares porrigebantur, quorum superficiem magno medullae fasciculo, cujus latitudo in itinere semper crescebat, totam fere obducebant. Haec duo anteriora crura arcte inter se cohaerent, unde mammillares processus¹⁾ quoque conjunguntur. Porro striata corpora omnes prope medullares fasciculos, in processus mammillares dimittere²⁾, itaque ad odoratus sensum, quo plurima animalia eminent, maximopere conferre, observavi.

§. IX.

Communicatio ventriculorum cerebri.

Anatomicorum plurimi inque iis ipse HALLERUS¹⁾, vir et post fata immortalis memoriae, perperam negarunt, ventriculos cerebri anteriores et inter se invicem et cum tertio conjungi. Etenim, quoties in glandulae pituitariae infundibulum tubuli beneficio, spiritum vel leni halitu inmisit, toties quoque in animalibus certe omnes ventriculos attolli observavi. Neque etiam foramina, minime coeca, sed satis aperta patentia, difficulter inveneris, quibus hic ventriculorum perficitur nexus, quem sicuti in homine dudum ostendit MONROUS²⁾, ita ego quoque secundum meas observationes icone³⁾ illustrare volui.

§. X.

Nervus intercostalis.

Insignem huncce et egregiae utilitatis nervum, in plurimis animalibus, sedulo rimatus sum, easque diversitates, quas partim nervus ipse, partim ganglia ejusdem, superius nempe, medium, et thoracicum primum ratione magnitudinis obtulerunt, in tabulam diligenter consignavi. Hujus vel aliquando aliquis usus esse poterit; etsi definiendae relativae cerebri moli parum profuerit, cum intercostalem nervum, cervicales plurimis ramis aedeant augeantque.

EXPLICA-

*) Cf. hor. script. neutr. T. II. p. 34. — in multis animalibus major est, quam in homine. L.

1) Tab. II. icon. 20. 21.

2) Iconibus modo laudatis haec patere arbitror.

1) Element. Physiol. T. IV. p. 42. 55.

2) Ueber die Verrichtungen des Nerven-systems, p. 9.

3) Tab. II. icon. 19.

EXPLICATIO ICONUM.

TABULA PRIMA.

Figura I.

Exhibet dimidiam basin equini cerebri singulasque ejus partes litteris notatas. Numeri paria nervorum indicant.

D C B. Cerebrum proprie sic dictum.

E F. Cerebellum.

L G I K. Portio cerebri, quae processum mammillarem formare videtur.

O M N. Processus mammillaris, e quo nervi olfactorii exeunt.

U T. Crus cerebri sinistrum.

Q P. Pons Varolii.

P. A. Medulla oblongata.

R. S. Tuber cinereum.

W. Locus infundibuli glandulae pituitariae.

a b c d e f g h. Nervi optici.

a b c d. Nervus sanus, qui oculo dextro prospicit.

e f g h. Nervus corruptus; qui oculum sinistrum adit, et alterum oppositi lateris decussat.

Fig. II.

Nervi optici reflexi, ut eorum superficies inferior pateat.

a b c d. Nervus Sanus.

e f g h. Nervus corruptus, multis fibris cum sano nervo, laminaque medullari tenui ventriculos obducente conjunctus.

Fig. III.

Cerebri basis in fele cum nervis.

Fig. IV.

Felis processus mammillaris ita delineatus, ut vera ejus magnitudo pateat.

Fig. V.

Cerebri basis in caniculo.

Fig. VI.

Cerebri vitulini basis.

a a a a. Fasciculi medullares confluentes.

b. Inter fasciculos modo indicatos latissimus, qui abit in processum mammillarem. Haec medullae lamina in omnium animalium cerebris hac tabula delineatis reperitur.

c c c. Fasciculi et medullares et cinerei, qui etiam ad processum mammillarem progrediuntur.

Fig. VII.

Cerebri basis in cane.

Fig. VIII.

Cerebri basis in veruece.

Fig. IX.

Cerebri basis in boue.

Fig. X.

Cerebri basis in porco.

Fig. XI.

Cerebri basis in capreolo.

Fig. XII.

Cerebri basis in strige ulula.

E C D. Cerebrum proprie sic dictum.

A B F. Medulla oblongata.

a b c d. Thalami nervorum opticomum.

e. Processus mammillaris.

f. Cerebellum.

Numeri paria nervorum indicant.

Fig. XIII.

Cerebri basis in falcone gentili.

T A B U L A S E C U N D A.

Fig. I.

Cerebri basis in ansera.

d d. Fasciculi medullares.

a. Eorum conjunctio.

b e. Nervi olfactorii.

Fig. II.

Exhibet cerebrum efocis lucii, ejusque basin cum nervis et auditus organo.

a b c. Sacculus elasticus Camperi, in quo auditus ossicula duo sita sunt.

d e. Locus, in quo tertium ossiculum auditus insidet.

f g h. Canales semicirculares valde elastici.

i i. Cerebrum proprie sic dictum.

k k. Colliculi nervorum olfactus.

l. Cerebellum.

Numeri paria nervorum indicant.

Fig. III.

Cyprini carpionis cerebrum, ejusque basis cum nervis et auditus organo nec non origine nervorum olfactoriorum.

a b c. Sacculus elasticus, in quo ossicula auditus tria sita sunt.

d. Apex unius ossiculii.

f g. Locus, in quo quartum ossiculum auditus insidet.

h i k l. Canales semicirculares.

m n. Membrana pituitaria.

o o. Venae.

p. Bulbus nervi olfactorii.

q. Linea alba in membrana pituitaria observanda, sub qua bulbus in membranam inferitur, inque eam plurimas fibrillas nervosas mittit.

r r. Colliculi nervorum olfactus.

t t. Papillae, e quibus nervi olfactorii nascuntur.

u u. Nervi olfactorii.

22. Nervi optici reflexi, ut origo nervorum olfactus perspicue pateat.

f. Superficies superior colliculorum nervorum olfactus.

u u u. Lobi cerebri magni, e quibus par nervorum secundum proficiscitur.

v v. Cerebellum.

w. Eminentia quadrigemina.

Fig. IV.

Cerebrum ejusque basis in siluro glanide.

a. Glandula pituitaria.

b. Bulbus nervi olfactorii.

c c c. Cerebellum.

d d d. Lobi cerebri magni, e quibus nervi optici exeunt.

e e. Colliculi nervorum olfactus.

Fig. V.

Cerebrum ejusque basis in rana esculenta.

a. Medulla spinalis dissecta.

b. Discus, in quem nervus auditorius extenditur. Hic discus in medio vestibulo reperiendus, figurae fere ovalis est, formaturque a materie singulari albilissima et fere fluida.

c. Glandula pituitaria.

d e. Quartus ventriculus cerebri.

f. Cerebellum.

g. Lobi magni cerebri.

Fig. VI.

Cerebri basis in fringilla.

Fig. VII.

Nervus intercostalis in boue cum pare nervorum octavo et nono.

a b c. Ganglion superius nervi intercostalis.

e d. Rami ad pharyngem.

f. Nervus intercostalis in colli latere descendens.

u t f. Gan-

- u t f. Ganglion thoracicum primum.
v. Ramus ab intercostali veniens.
q. Ramus ad par octauum progrediens.
s. Nervus intercostalis in thoracem et abdomen descendens.

w w w. Rami nervos. pedis anterioris adeuntes.

o n h i. Par vagum.

a m k l. Accessorius Willisii.

Fig. VIII.

Equi nervus intercostalis.

a. Nervi intercostalis ramus, qui ab ipso secedens diuisusque, cum ganglio ejusdem superiori iterum conjungitur.

b. Spatiuin hoc nervi discessu natum, per quod arteria carotis transit.

Fig. IX.

Nervus intercostalis in foetu humano maturo, cum ganglio superiori, medio et thoracico primo.

9. Par nonum.

8. Par octauum.

Fig. X.

Nervus intercostalis in caprea.

Fig. XI.

Intercostalis nervus in foetu bubulo octimestri cum ganglio superiore et thoracico.

8. Par octauum.

9. Par nonum.

Fig. XII.

Nervus intercostalis in cane.

a. Ganglion superius.

c. Ganglion thoracicum.

8. Ganglion nervi vagi.

Fig. XIII.

Intercostalis in veruece.

- a. Ganglion superius.
b. Ganglion medium.
D. Ganglion thoracicum.

Fig. XIV.

Nervus intercostalis in porco.

a. Ganglion superius.

E. Ganglion medium.

E. Ganglion thoracicum.

Fig. XV.

Intercostalis nervus in cuniculo.

a. Ganglion superius nervi intercostalis.

Fig. XVI.

Nervus intercostalis in lepore.

a. Ganglion superius.

b. Ganglion thoracicum.

Fig. XVII.

Intercostalis in fele.

a. Ganglion superius.

Fig. XVIII.

Intercostalis in anfore.

a. Ganglion superius.

b. Glossopharyngeus, octavi paris ramus.

Fig. XIX.

Ventriculi laterales in vitulo. Ventriculum sinistrum ita delineavi, ut septum lucidum pateat.

A A. Corpora striata.

B B. Fimbriae, quae cum fornice cohaerent.

C. Centrum semicirculare geminum.

D. Thalamus nervuorum opticorum.

a a a. Plexus choroideus.

b b. Septum lucidum.

c. Foramen, quo ventriculi laterales conjunguntur.

d. Foramen ad cauitatem processus mammillaris ducens.

e e e. Processus mammillaris.

U 3

Fig. XX.

Fig. XX.

A B C D. Basis cerebri in lepore, ablatis medullae laminae ad crura fornicis usque.

a a. Nervi optici reflexi.

b b. Processus mammillares.

c c c. Crura anteriora fornicis.

d d. Crura posteriora, quae in tubere cinereo confluunt.

e e. Medullae fasciculi, qui crura fornicis cum cruribus cerebri conjungunt.

f f. Crura cerebri.

g g. Fasciculi et medullares et cinerei corporis striati ad processus mammillares progredientes.

Fig. XXI.

Exhibet basin cerebri in vitulo, cerebri substantia usque ad crura fornicis ablata. Processus mammillaris sinister apertus est.

A B C D. Pars cerebri ea, quae ad processus mammillaris formationem pertinere videtur.

a b c. Crura cerebri.

c c c c c. Crura anteriora fornicis, quae latitudine paulatim crescunt, et fere totam superficiem processus mammillaris obducunt.

c c. Fasciculi alii, qui ad corpora striata adeunt.

d d. Crura posteriora fornicis.

e e. Fasciculi medullares crurum cerebri.

f f. Naturalis situs corporis striati, ejusque substantia medullaris.

g g. Fasciculi cinerei inter fasciculos medullares corporis striati observandi.

h. Apertura ventriculi lateralis in cavitatem processus mammillaris.

Fig. XXII.

Equi glandula pituitaria. Infundibulum glandulae aperui, ut glandulae cavitatem in conspectum veniat.

a b. Infundibulum apertum.

c. Cavitatem glandulae pituitariae.

T A B U L A I.

*In qua nervorum cerebralium magnitudo, ad cerebri pondus, hocque,
ad illud totius corporis, refertur.*

Animantia.	Pondus corporis.	Pondus cerebri.	Ratio cerebri ad corpus.	Magnitudo parium nervorum octo.	Magnitudo nervorum comparata cum pondere cerebri.	Mensura processus mammillaris.
Foetus humanus maturus.	—	3xj. 3iij.	—	12 ^{'''} . 5 fc.	3j — 1 ^{'''} . 3j — = 1 ¹ / ₄ fc.	
Equus.	—	3xv. 3j.	—	33 ^{'''} . 1 fc.	3j — 2 ^{'''} . 3j — = 2 ¹ / ₂ fc.	1 ^{''} . 5 ^{'''} . 3 ¹ / ₂ fc. long. = 9 ^{'''} . 2 ¹ / ₂ - latit.
Bos.	—	3xiv. 3iβ.	—	36 ^{'''} . 5 fc.	3j — 2 ^{'''} . 4 fc. 3j — = 3 fc.	1 ^{''} . 1 ^{'''} . 9 fc. — = 7 ^{'''} . 7 fc. —
Vitulus.	—	3viiiβ. gr. iij.	—	21 ^{'''} . 5 fc.	3j — 2 ^{'''} . 4 fc. 3j — = 3 fc.	1 ^{''} . — 3 fc. — = 6 ^{'''} . 6 fc. —
Capreolus.	—	3iiiβ. 3ii. gr. vii.	—	20 ^{'''} . 1 fc.	3j — 4 ^{'''} . 8 fc. 3j — = 6 fc.	= 10 ^{'''} . — — = 5 ^{'''} . 9 fc. —
Porcus.	libr. 140.	3iv. 3ij.	$\frac{1}{412}$	22 ^{'''} . 8 fc.	3j — 4 ^{'''} . 8 fc. 3j — = 6 fc.	1 ^{''} . — 2 fc. — = 6 ^{'''} . 8 fc. —
Veruex.	l. 50. 3viii.	3iij. 3j. 3ii. gr. v.	$\frac{1}{192}$	19 ^{'''} . 2 fc.	3j — 6 ^{'''} . 4 fc. 3j — = 8 fc.	= 8 ^{'''} . 5 fc. — = 5 ^{'''} . 3 fc. —
Canis.	l. 38. 3x.	3ij. 3vj. gr. viii.	$\frac{1}{161}$	16 ^{'''} . 6 fc.	3j — 6 ^{'''} . 4 fc. 3j — = 8 fc.	= 10 ^{'''} . 1 fc. — = 5 ^{'''} . = —
Felis.	l. 6. 3viii.	3vj. 3ij. gr. v.	$\frac{1}{94}$	12 ^{'''} . 6 fc.	3j — 2 ^{'''} .	= 5 ^{'''} . 1 ¹ / ₂ fc. = 2 ^{'''} . 4 fc.

Animantia.

Animantia.	Pondus corporis.	Pondus cerebri.	Ratio cerebri ad corpus.	Magnitudo parium nervorum octo.	Magnitudo nervorum comparata cum pondere cerebri.	Mensura processus mamillaris.
Cuniculus.	l. 3. 3ij.	3ij.	$\frac{1}{1\frac{1}{2}2}$	9''' . $\frac{1}{2}$ fc.	3j — 4''' . 8 fc.	$\begin{aligned} &= 3''' . 2 \text{ fc.} \\ &= 1''' . 5 \text{ fc.} \end{aligned}$
Anas.	l. 8.	3ii. 3ii. gr. 19.	$\frac{1}{2\frac{1}{2}7}$	11''' . 8 fc.	3j — 4'''.	$\begin{aligned} &= 3''' . 3 \text{ fc.} — \\ &= 1''' . 6 \text{ fc.} — \end{aligned}$
Falco gen-tilis.	l. 1. 3xj.	3j. 3ii. gr. viii.	$\frac{1}{102}$	8''' . $5\frac{1}{2}$ fc.	3j — 6'''.	$\begin{aligned} &= 1''' . 3 \text{ fc.} — \\ &= — 7 \text{ fc.} — \end{aligned}$
Strix Vlula.	—	3ii. 3ii. gr. iv.	—	8''' . 6 fc.	3j — 4'''.	$\begin{aligned} &= 1''' . — 2 \text{ fc.} \\ &= — = 7 \text{ fc.} \end{aligned}$
Fringilla Spinus.	3ii. 3ii.	gr. vii.	$\frac{1}{23}$	4''' . 8 fc.	grj — 6 fc. 3j — 36'''.	
Essex Lucius.	l. 4. 3viii.	gr. 16.	$\frac{1}{1303}$	9''' . 8 fc.	grj — 6 fc. 3j — 36'''.	
Cyprinus carpio.	l. 3. 3vij.	gr. 19.	$\frac{1}{388}$	13''' . 7 fc.	grj — 7 fc. 3j — 42'''.	
Silurus Glanis.	lib. 4.	gr. xi.	$\frac{1}{1187}$	6''' . 4 fc.	grj — 8 fc. 3j — 48'''.	
Rana esculenta.	3v. 3ii. gr. v.	gr. ij.	$\frac{1}{122}$	3''' . 4 fc.	grj — 1''' . 6 fc. 3j — 96'''.	

T A B U L A II.

Magnitudinem nervi intercostalis nonnullorum animalium indicans.

Animantia.	Pondus cerebri.	Latitudo nervi intercostalis.	Magnitudo ganglii superius.	Magnitudo ganglii medii.	Magnitudo ganglii thoracici primi.
Foetus humanus maturus.	3ii. 3iij.	4 fc.	5''' . 5 fc. latit. 6''' . = longit.	1''' . — lat. 3''' . 8 fc. long.	1''' . 7 fc. lat. 4''' . = long.
Equus.	3xv. 3j.	7 fc.	3''' . 2½ fc. — 11''' . 4 fc. —	—	—
Bos.	3xiv. 3iij. 3iβ.	5 fc.	3''' . 7½ fc. — 2'' . 5''' . 7 fc. —	4''' . 1 fc. 1'' . 1''' . 5 fc.	8''' . 8 fc. 1'' . 3''' . 7 fc.
Foetus octimestris.	3v. 3v. grj.	4½ fc.	3''' . 1½ fc. 4''' . 5 fc.	9 fc.	2''' . 7½ fc. 7''' . —
Veruex.	3iiiβ.	2½ fc.	2''' . — 4''' . —	2''' . — 1''' . 1½ fc.	1''' . — 5½''' . —
Caprea.	3ii. 3vj. 3j. gr. v.	2½ fc.	1''' . 2½ fc. 6''' . 5 fc.	—	1''' . 5 fc. 7''' . 8 fc.
Porcus.	3iv. 3j. gr. x.	5 fc.	1''' . 7 fc. 5''' . 6 fc.	8½ fc. 2''' . 2½ fc.	1''' . 5 fc. 7''' . 8 fc.
Canis.	3ii. 3iii. 1½ fc.	5½ fc.	2''' . — 4''' . 1 fc.	—	1''' . 6 fc. 7''' . 2 fc.
Felis.	3vi. griii.	1½ fc.	— 9½ fc. 3''' . 1 fc.	6¼ fc.	1''' . 5 fc. 2''' . 7½ fc.
Cuniculus.	3j. 3ii. gr. 12.	1¼ fc.	— 8¾ fc. 2''' . —	—	— 7½ fc. 2''' . 4 fc.
Lepus.	3iv. gr. 12.	1 fc.	— 7½ fc. 2''' . 8 fc.	—	— 7½ fc. 2''' . —
Anas.	3ii. 3ii. gr. 19.	2 fc.	— 5 fc. 1''' . 2 fc.	—	— 7½ fc. 1''' . 2 fc.



XII.

IAC. FR. ISENFLAMM ET IO. FR. DOERFFLER

DE

V A S I S N E R V O R U M.

ERLANGAE 1768.

P R O O E M I U M.

Nihil Viro ad medendum accedenti magis animum addere, nihil majorem posse alicuius critatem injicere videtur, quam ea, qua recte se agere cognoverit, certitudo. Si enim recte agere cujusque honesti viri est, eorum profecto, qui artem salutarem profitentur, quae ne semel quidem peccare licet, huc cum primis eniti eo magis intererit. Sic enim optime, ubi insculptae corporibus nostris mortalitatis leges irrita interdum reddunt artis conamina, non suum tantum animum ex morte infirmi dolentem ¹⁾ pacata erigit conscientia, verum etiam scientiae honestatisque famam a conviciis maleuolorum vindicat ²⁾. Agit vero recte dum, quae muneris partes possunt, provida suscipit sapientia, indefessa explet assiduitate, sicque conservando et restituendo civium sanitatem, ipse bonum se virum, bonumque civem exhibet. Paucis quidem hoc officium verbis comprehenditur, ad immensos tamen, vixque determinandos extenditur limites. Non distinctissime solum, qui sint in quibus vertitur sanitas, cardines cognovisse oportet, verum etiam qui quantique modi, quibus hi degenerare possunt. Neque enim, cum dolor intus incidit scire, quid doleat, is potest, qui, qua parte quodque viscus intestinumque sit, non cognoverit, neque curari id, quod aegrum est, potest ab eo, qui quid sit ignoret ³⁾. Aggrediendi sunt, qui aut crudeliter, aut subdole corpus nostrum destruunt hostes, verum dubia est et incerta militis et arma et conflictum ignorantis victoria. Probe igitur Medicus suum perspiciat necesse est remediorum, quibus utitur promptuarium, eorumque vim et modum agendi cognoscat. Fiet enim tunc, ut cujus et causas et effectus optime perspexit, morbo ea opponat sapienter selecta remedia, quorum partes, mixtionem atque virtutem talem esse cognoverit, quae exstirpandis mali radicibus sufficiat. Alacrem tum fiduciam, qua in opere versatur, addit argumentorum firmitas, felixque eam saepe eventus coronat. Sunt tamen permulta, quae, quo minus ad hunc semper euebatur certitudinis gradum cognitio nostra, impediunt, acciditque frequenter, ut ni praecoci ratiocinio in aua errorum abripi

1) Vid. III. RICHTERI Programma: de Medico morientis aspectum magis quam mortui fugiente.

2) Vid. III. SCHULZII Diss. de Medico vehementer laud. digno §. XV. XXIV.

3) CELS. Lib. I. Praef.

abripi velimus, ab hoc abstinere cogamur, sic iubente cognitionis nostrae defectu. Nascitur hinc facile opinio, quam scientiae opponit diuus HIPPOCRATES, dum ⁴⁾ hanc quidem scientiam seu scire, (ἐπισκοπᾶν) illam ignorationem (ἀγνοεῖν) facere contendit; licetque ipse hic Medicinae pater grauius eos reprehendat, qui ex imperitia et consilii inopia morbum non agnoscunt ⁵⁾, vix tamen eueniet, quin interdum in Diagnostici morborum maxime ingenui ejus filii hanc incurrant reprehensionem. Nobis certe inuitis saepe sufficit, si quid fiat intelligamus, etiamsi, quomodo quidque fiat, ignoremus ⁶⁾, cum, quantam haec caligo medellae nostrae remoram injiciat, tristes experiamur. Neque tamen abjiciendus prorsus ob rei difficultatem animus, quin potius conjunctis viribus prouida tamen cautione, tentandum est, num altius in dies in abdita Naturae humanae penetrare cognitioni nostrae liceat. Hac jam mente BAGLIUIUS, cujus in obseruando et medendo maxima merito laus est, varia medicis, quae desiderantur, proposuit, eorum excitaturus attentionem. Refert, nec immerito, inter desiderata Historiam morborum nasi, oculorum, oris, aurium, ventriculi, hepatis, NERVORUM, alicuiusque hujusmodi partium magis principalium sigillatim ⁷⁾. Superfunt forte circa unamquamque enumeratarum partium problemata quaedam, mihi tamen ea potissimum, quae ad nervos pertinent, maximis inuolui tenebris videntur. Non me profecto intempestius pruritus ad hanc incitauit considerationem, in qua dubium se haerere ipse magnus non diffitetur BOERHAVIUS ⁸⁾, sed proficiendi cupido, et necessitas quaedam, dum vix ullos viderem morbos, in quibus non plus vel minus ipsi nervi adficerentur. Verum cum et ad morbos minus manifestos artem inopem esse non conueniat ⁹⁾, lubens hanc, quae mihi sese offert arripiens occasionem, ea, quae dudum de *Vasis Nervorum*, tanquam sede multorum morborum meditatus sum, eruditorum examini subjicio. Quod igitur dum praesenti hoc Specimine Inaugurali facio, id beneuolum Lectorem rogatum volo, ut prolata pro rei difficultate dijudicet. Sic enim spero fore, ut facile veniam impetrem eorum, quae mihi incognita in meditando remoram, in argumentando hiatum effecerunt.

§. I.

Quo magis jam attento animo sciendique cupido nervos contemplor eorumque structuram et actionem, eo me pluribus difficultatibus eoque altius implicari sentio. Plura sunt, in quibus perscrutandis nostrorum deficit organorum acies, plura, in quibus argumenta infirma vix firmum suppeditant ratiocinium. Dubius sic iam maximorum Virorum scripta peruoluo majorem inde cognitionem deprompturus, parum saepe iis euolutis recedo doctior. Vel enim in variorum explicatione in varias eos abire video sententias, vel, quae certitudini desunt, conjecturis saepe supplere, vel id ipsum, in quo cardo rei vertitur, in dubio relinquere. Non animo meo spes illudit fore, ut lites hasce componat, aut his in tenebris clariora adferat tractatio mea. Verum cum ingens sit eorum, qui nervos adficiunt, morborum numerus, vixque dentur ulli, quibus non et hi adjungantur, nunquam hanc rem meditatione satis persequi posse mihi visus sum,

X 2

nec

4) Lib. de Arte. Cap. I.

5) Lib. de morb. sacr. Foes. Sect. 3. 84.

6) CICERO de Diuinat.

7) BAGLIV Prax. Med. Lib. II. Cap. 7.

8) De morb. nervor. pag. 179.

9) HIPPOCRAT. Lib. de Arte Cap. VIII.

nec injucundam ratus aut prorsus inutilem fore pathologicam potissimum nervuorum considerationem. Sic vero hac in re mihi agendum esse sentio, ut neque noua intempestiue fingendo erudito Lectori molestiam, nec trita jam et cognita nimis recoquendo creem nauseam. In iis igitur, quae hucusque Clarorum Virorum detexit industria, quaeue de nervis eorumque fluido et actione unanimi fere consensu statuit orbis medicus, subsisto, huic fundamento, quae mea me meditatio docuit de Vasorum eorum statu praecipue praeternaturali superstructurus.

§. II.

Differunt utique pro diuersa, quam corpori nostro praestant, utilitate, variae, e quibus id compositum est, partes simplices vel *similares* ¹⁾, aliaeque longe musculorum, quae annexa contractione sua mouent, *alia* vasorum, quae fluida vehunt, *alia* ossium, quae corpus fulciunt atque defendunt, *alia* NERVORUM, qui sensui motuique seruiunt, substantia est atque fabrica. Licet enim non defuerint magni Viri, qui *credendum* putarent, *omnes partes solidas corporis contextas esse fibris nervosis atque iis constare* ²⁾, vel etiam quod *nomo totus sit nervus* ³⁾, sic tamen loquendo vel fibrillas nerveas alio sensu sumserunt, quam eo, quo vasis musculisque opponuntur, vel juxta aliorum Cel. Viror. sententiam *manifesto in hoc nimii fuerunt* ⁴⁾. Neque vel primo intuitu, grandiores cum primis ubi fuerint, nervos a vasis, vasaque a musculis aut ossibus discernere, et in quaque parte eam, quae ad functionem requiritur, fabricam deprehendere difficile est. Est tamen inter hasce partes peculiaris quidam maximeque necessarius nexus, et mutuum, quo suis sibi subueniunt functionibus, officium. Nutriuntur ossa succo per vasa advecto, haecque ipsa suam actionem fibris muscularibus ⁵⁾ atque nerveis ⁶⁾, in acceptis ferunt, quae rursus vasculis suam debent integritatem. Sic sibi mutuo implexae hae partes, ad subeundas, quibus praesunt, functiones aptae euadunt, vixque fieri potest, quin vna harum partium laesa, aut male adfecta, in totam complexae partium functionem notabile redundet detrimentum.

§. III.

Singulare hoc, quo vasa ad nervos accedunt, quo nervi vasis subueniunt, commercium singularem quoque mihi mereri attentionem videtur, sique magnum est, nervuorum in vasa imperium, fane non minus a vasorum infirmitate inultae penderent nervuorum adfectiones. Sunt mihi vero hic in genere vasa canales ramosi fluidum siue a corde in ramos minores ad ultimas usque extremitates vehentes, siue id ab ipsis his extremitatibus in majores truncos indeque tandem in cor reuehentes, nec obstat, siue id intermedia quadam parte e. g. Hepate in Vena Portarum fiat siue nulla. Potest adeo hoc sensu cor et pro fluidorum promptuario et pro vasorum omnium origine atque fine haberi.

1) HEISTERI Comp. Anat. p. 9.

2) BOERHAVE Institut. Med. §. 301.

3) BOERHAY. de Morb. Nerv. p. 286.
vbi tamen vix satis clare de homine interno
et inuisibili sermo est.

4) Ill. v. HALLER Element. Physiol. T. 4.
p. 27. WILHELM. BATTIE Exercitar. XXIV.

5) CASSEBOHM. Meth. fecand. Lib. 3.
Cap. V. §. 8.

6) v. HALLER El. Phys. T. I. p. 70.

haberi. Licet jam *sanguis sit humorum nostrorum crassissimus* ¹⁾ facileque inde tenuiores humores tenuioribus vasis vehi sequatur, vix tamen inde vel ordo et numerus vasorum decrefcentium vel particularum humores constituentium in minores subdivisio determinari potest. Verum cum pluribus argumentis probari possit, *dari minora vascula ex arteriis rubris orta, sed diaphana, nullius vitri ope conspicua, quae globulis sanguineis imperuia tenuius fluidum vehant* ²⁾ fluidique moleculas vasculorum lumini respondere necesse sit, neque praeterea *ex crasso humore, sanguine scilicet, subito omnium tenuissimum generari veri simile videatur* ³⁾, facile inde sequi apparet varios adesse debere et luminis vasorum decrefcentis et tenuitatis fluidorum ordines. Hi igitur siue *errore loci* ⁴⁾ siue quocunque demum modo turbati fuerint, fluidorum motum progressuum turbando, diuerfas quoque sani corporis turbabunt functiones.

§. IV.

Ne ipsis quidem nervis parcere malam hanc vasorum constitutionem, quid? quod plerasque forte illorum adfectiones huic originem debere, clarior sine dubio ipsorum nervorum consideratio probat. Pluribus quidem partibus Veteres nervorum nomen imposuere, ita tamen, ut re ipsa coacti nervos proprie ab aliis partibus distinguerent. Sic *nervos a cerebro Spinaeque medulla prodeuntes, actiuos, sensorios, et electiuos atque tonos, qui circa artus sunt, copulatiuos dixit RUFUS EPHESIUS* ¹⁾, ERASISTRATI simul, qui *nervos sensorios et motorios distinxit*, et HEROPHILI, qui *voluntati quosdam obedire, aliquos ab osse in os, a musculo in musculum transire docuit*, sententiam subnectens ²⁾. Arctioribus recentiores vocis significationem includere limitibus, sensum potissimum et motum nervis tribuentes ³⁾. Neque id immerito, cum tanta sint, quae pro hac nervorum functione, eidemque accommodata fabrica militent argumenta. Siue igitur Nervos dicamus *partes corporis ortas ex medulla cerebri, cerebelli, medulla oblongata et spinali, et inde porrectas ad omnes alias fere corporis partes firmas, forma chordarum vel funiculorum* ⁴⁾, siue *funiculos planos fibrosos a cerebro aut a spinali medulla profectos, sensus acerrimi participes* ⁵⁾ siue id ipsum aliis verbis enunciemus ⁶⁾, facile de nervis nobis sermonem esse, quidue hoc sub nomine intellectum velimus, apparebit.

§. V.

Validiora sine dubio pro tractatione nostra argumenta ex considerata accuratius funiculorum nervorum structura atque compage desumi possunt. Substantia scilicet
X 3 medullaris

1) BOERHAVE Instit. Med. §. 226.

2) v. HALLER Elem. Phys. T. I. p. 115.

3) ibid. p. 114.

4) BOERHAVE de cognosc. et curand. morb. Aph. 118.

1) De Appellatione Part. Corp. human. Lib. I. Cap. XXXV.

2) Lib. III. Cap. XVIII.

3) ADRIAN SPIEGEL de Corp. human.

Fabr. Lib. VII. Cap. I. BOHN. Circ. Anat. Physiol. Progym. XIX. TH. BARTHOLIN. Anat. reform. p. 659.

4) BOERHAVE de morbis nervorum p. 2.

5) v. HALLER. Elem. Physiol. Tom. IV. p. 185.

6) FRID. HOFMANN Med. Rational. Systemat. T. I. Lib. I. Sect. 3. Cap. I. BAUMER. Diff. de Nervis Corp. human. §. 1.

medullaris siue tubulis siue funiculis constans a cerebro, cerebello, medulla oblongata atque spinali oriunda, suisque vestita tunicis, funiculorum instar ad suae locum destinationis, pro sensu scilicet aut motu decurrens, nervos constituit. Bina sic sunt, quae ad formandum proprie funiculum nervueum concurrunt, substantiae scilicet medullaris productio, et eae, quae hanc vestiunt atque tegunt tunicae. Non de tubulorum medullarium indole, non de ipsius fluidi nervei natura nunc sermo est, cum hujus proprie in illis motui, sensus motusque id est vera nervorum actio unanimi fere eruditorum consensu tribuatur. Lubens igitur in retantis confirmata argumentis ¹⁾ acquiescens ad involucre potius nervorum consideranda oculos animumque conuerto. Horum jam post suum e theca ossea exitum inque decursu suo partem exteriorem intuens, satis eam densa constare tunica video, quae siue in omnibus nervis a dura cerebri membrana enata ²⁾ sit, siue hac post nervorum exitum in periosteum reflexa ³⁾, ex cellulosis fibris compingantur, tamen cum sic robustam aliquam atque albam vaginam efficiat ⁴⁾, muniendae cumprimis atque firmandae molliori, quam continet substantiae destinata videtur, quippe qua intermedia substantia cellulosa vasculosa partibus vicinis adnectitur. Qui hac continentur funiculi nervei, in minores rursus funiculos vix determinando numero diuidendi, sua jam vestiuntur singuli tela cellulosa ⁵⁾, quam ab arachnoidea continuatam esse docet Ill. HALLERUS ⁶⁾ huicque demum Piae meningis productio singulorum involuens funiculum subjacet, quae et teneram suam Naturam vasculisque pictam in nervis retinet ⁷⁾.

§. VI.

Nervorum jam haec fabrica atque distributio, si cum vasorum per corpus nostrum decursu comparetur, vario respectu mutuum harum partium considerari potest commercium, inodusque, quo reciproce suas sibi laesiones communicant. Magnum sine dubio est, quod ex nervulis vasa percurrentibus ¹⁾ in haec redundat emolumentum, nec difficile forte, horum ab illis robur vitale pendere, demonstrare esset. Ipsos laqueos nerveos vasa nonnulla satis notabilia transmittentes non sane somnians natura, sed sine dubio ad magnos usus creatrix Sapientia struxit ²⁾, licet quid inde vasis commodi accedat, nondum satis certe determinari possit. Clarius forte et sensu et ratiocinio vasorum ad nervos accessus et implicatio, mutuusque sic eorum nexus cognoscendus

1) Ill. SCHMIEDEL Diff. de Aët. Nervor. §. VII.

2) VESAL. de Corp. Hum. Fabrica. T. I. Lib. IV. Cap. I. SPIEGEL de Corp. Human. Fabr. Lib. VII. Cap. I. BOERHAVE Instit. Med. §. 781.

3) v. HALLER. El. Phys. T. IV. p. 191.

4) loc. cit. p. 192.

5) WINSLOW Expos. Anat. Tom. III. p. 346.

6) loc. cit. p. 189.

7) loc. cit. p. 188.

1) v. HALLER Elem. Physiol. T. I. p. 69.

T. VIII. p. 275. — Et perpetuo in vicinia multorum vasorum nervi ceruntur. v. VRISBERG hor. script. Tom. III. p. 24. Fuerunt adeo, qui ex tela cellulosa et vasis sanguiferis nervos componerent. vid. CALDANI in Instit. Physiol. not. ad §. 199. Plura porro de vasis nervorum tradidit Ill. ISENFLAMM in praktischen Anmerkungen über die Nerven p. 38. Vasa absorbentia nervorum defenderunt MARTIN, R. CARR, NUCK, RUYSCH. cff. hor. script. Tom. II. pagg. 60 et 72. L.

2) Tom. II. p. 204.

das est, quem vario effici modo apparet. Sunt vasa vicina nervis, hos in decursu suo satis arte comitantia, ut pro varia eorum extensione aut obstructione vario quoque modo nervus vicinus adfici possit. Comitantur sic e. g. vasa intercostalia nervos in costarum sulco decurrentes, plurimaeque arteriae et venae per mesenterium ad intestina distributae nervos vicinos comitesque habent. Notabilis maxime est nervorum hepaticorum cum ramis Venae Portarum arteriaeque hepaticae vicinitas ³⁾ qua horum distributiones eadem involuti tunica exacte sequuntur ⁴⁾. Facile vicina haec nervorum vasa distinguere erit a superstratis, iis scilicet, quae super tunicam nervorum externam distributa exiguo in spatio in multas abeunt ramificationes, vasculosamque quasi tunicam constituunt. Haec cera tincta replens, praecipue in truncis nervorum majoribus elegantissime reddit conspicua, pictique cujusdam retis vasculosi nervum involuentis speciem efficit. Facit jam horum mentionem SPIEGELIUS, dum ad tunicam nervorum externam ex vicinis venulis furculos quosdam impense exiles derivari dicit, iis, qui per corneam oculorum tunicam dispergantur, non dissimiles ⁵⁾. Ab hisce quoque vasis praeter naturam adfectis turbari pariter ipsius nervi contenti integritatem posse facile apparet.

§. VII.

Licet non infœcunda prorsus in Medicina hujus contiguitatis ulterior videatur consideratio, non tamen huic insistere, verum ad aliam potius, quae vasa nervosque intercedit, communicationem transire constituimus, eam scilicet, qua propius ad nervi substantiam vasa accedunt, ipsisque quasi funiculis nerveis intertexuntur. Non Veterum jam effugit indaginem arteriola quaedam alte nervi optici pulpa immersa, quam porum ab eo, quem ei adscribere, usu denominarunt ¹⁾ pluraque sunt vascula, quae huic addidit recentiorum industria. *Plurimae arteriolae per hanc medullam aut ad oculum feruntur, aut ad ipsius medullae naturam pertinent* ²⁾ ipsaque retina, quae substantiae medullaris propago est atque extensio, *ingenti vasculorum numero scatet* ³⁾. Verum vitiosa merito videri posset, haec, quae a nervo optico argumentamur, analogia, utpote qui pluribus in momentis, cum primis involucri singulorum funiculorum deficiente a reliquorum nervorum fabrica recedit. In iis ergo subsistere satius est, quae constantiori quadam lege in formandis reliquis nervis per corpus distributis natura observavit.

§. VIII.

Funiculi igitur medullares ¹⁾ fasciculos proprie nerveos densiori in decursu tunica vestitos constituentes, ipsi singuli tenera admodum circumdantur membranula, alios semper ab aliis separante, quam piaae meningis ipsos jam truncos nerveos ab origine

3) GLISSON. Anat. Hepat. Cap. XXXIII.
FRYD. RUYSC Thesaur. Anat. T. X.

4) CASSEBOHM Med. secand. Lib. I. Cap. X. §. 16.

5) de Corp. Hum. Fabr. L. VII. Cap. I.

1) GALEN. de Usu part. Lib. X. Cap. XIII.

2) v. HALLER T. V. p. 354.

3) WINSLOW. Expos. Anat. Tom. V. p. 534. — Arteriae et venae centralis nervi optici et retinae distributionem; illius VRISBERGIUS in Commentt. soc. Reg. Sc. Gotting. T. II. p. 104. hujus WALTERUS in epist. de venis oculi Berol. 1778. proposuit. L.

1) vid. §. V.

giae comitantis propaginem esse, nullum dubium est. Pendet cumprimis similitudo ab ingenti vasculorum numero, quae jam intra ipsum cranium Pia Meninx dirigit atque sustentat. Cum igitur *nerui ex infinitis funiculis contexti, et ope harum membranarum inuicem connexi obseruentur* ²⁾, facile pro horum funiculorum numero augeri membranae hujus intertextae superficiem atque extensionem, sicque vasculorum perreptantium numerum apparet. Originem horum vasorum cum ipsa pia Meninge ex Cranio vel tubo spinali repetere, ingens, qui in tanto decursu adesse deberet, ramorum numerus, motusque fluidorum vix cogitandus vetat, dum ex vasis vicinis vel superstratis facile furculi tunicas externas perreptando ad ipsa funiculorum inuolucra penetrare possint. Confirmat utrumque, felix tentamen atque experientia, dum *scilicet materia tincta in arteriam quandam impulsam et vasa nervorum superstrata replet, et horum propagines furculos scilicet ad interiores membranas abeuntes* ³⁾. Id ipsum ex ore FRID. RUVSCHII describit BOERHAVIUS ⁴⁾, dum, *quando nervus*, inquit, *in corporibus infantum (nam in his optime demonstrari possunt) per injectionem coloratur, tunc penitus ruber euadit, sine ulla distinctione, et omnia interstitia inter primum et secundum inuolucrum etiam inueniuntur plena, his ablatis inuenitur materia intra fibrillas secundo inuolucro contentas, adeo, ut detegantur vasa, injectam materiam accipientia, quae pertinent ad fibrillas ultimas.* Bina sunt, quae ex hoc sequuntur experimento, interjacere scilicet inter duo inuolucra textum cellulosum, et dari vascula ad minimorum forte funiculorum inuolucra penetrantia.

§. IX.

Respondit jam summus Vir ad objectionem, quae forte moueri possit, fieri scilicet injectione inflammationem artificialem, dum injectio non quale fluidum vehatur, sed adesse vascula peruia doceat, majorique haec vi et fluidorum impulsu distendi posse. Probant haec simul cum ramificationum numero comparata et luminum decrecentium ordinem, et crescentium semper fluidorum transeuntium tenuitatem. Nec obstat haec vasculorum exiguitas, quo minus in variorum explicatione phaenomenorum magnam mereantur attentionem; cum illam ineffabili suo numero, quo per totum systema Nervorum, omniumque funiculorum inuolucra disperguntur, compensent, nec, quae in nervis nostris mutationem producant, pondere semper et mole mensuranda sint, hique a subtilissimis saepe, ut radio lucis, effluuiis odoriferis, igne electrico affici vehementer possint. Hanc merito attentionem inculcat BOERHAVIUS, dum de inuolucris nervorum eorum fibrillas colligentibus et firmantibus, deque illorum vasis sanguiferis, lymphaticis aliisque loquitur, eaque *intellectum parere multorum in nervis phaenomenorum et morborum* adjicit ¹⁾. Non igitur *inter minutias Anatomicas probe ab intentionibus Praeficis excludendas* ²⁾ retulit Vir Magnus horum vasculorum considerationem, ejus sapienter subnectens utilitatem.

§. X.

2) SPIEGEL de Corp. human. Fabr. Lib. VII. Cap. I.

4) de Morb. Nerv. p. 217.

1) Instit. R. M. §. 282.

3) FRID. RUVSCH. Epist. Probl. XII. Thef. Anat. I. p. 42.

2) ACT. WRATISLAW. AO. 1717. Mens. Sept. Crass. V. Art. 2. — PROCHASKA de struct. nervor. Viennae. L.

§. X.

Liquidi quidem hujus tenuissimi per tenuissima vascula membranulas perreptantia allati, atque *in cellulosa telam, quae funiculos nerveos ordinat* ¹⁾, exhalantis varius esse usus potest, eoque major, quo altius funiculis nerveis haec tunica vasculosa immergitur, quoue plura sunt inter illos interstitia ²⁾. Nondum mihi, fateor, indoles ipsius fluidi nervei seu spirituum animalium satis perspecta est, ut iis facultatem, prout reliquum corpus ita et nervos nutriendi adscribere possim, eoque magis, cum et plantas nutriri videam ³⁾, in quibus tamen vix aliquid nervorum fluido simile suspicari licet. *Liquidum ergo nervos nutriens ex arterioli telae cellulosae, fibrillas nerveas connectentis, et inuolucrorum nervos obducentium provenire, secerni, et in tunicas, quae fibrillas nerveas componunt, potissimum in earum interstitia deponi, ut nutriat et irroret decenter* ⁴⁾, Clarorum Virorum est sententia. Praeter hanc nutriendi functionem, quod reliquum humoris est, *facile concretionem prohibere, has partes humectare et emollire potest, ne fibrillae minimae exarescant, et nervi actionem impediant* ⁵⁾, quous sic necessaria conseruetur parietum flexilitas atque humiditas.

§. XI.

Constanti quadam in corpore nostro lege sancitum est, ut, quae contraria directione fluida vehunt, vasa plus vel minus sese arcte comitantia, eodem fere modo distribuuntur, quo sic sit cuique fluido allato, suum, quo reuehi possit, vasculum. Eundem et in minimorum genere obtinere ordinem ratio docet, et experientia; tenuissima cumprimis vascula exhalantia liquorem, vasa resorbentia requirunt, ne is vitiose collectus multarum fiat fomes infirmitatum ¹⁾. Quae igitur vasa venosi generis, arterioso oppositi prout in omnibus corporis membranis vasculosis adsunt, adesseque debent, ita omnino fieri nequit, ut funiculorum nerveorum inuolucra iis destituantur. Plexus inde seu rete conflatur vasorum varii generis, incredibilis quidem tenuitatis, verum etiam immensi numeri. Recipiunt horum alia numero ramorum non determinando fluidum suum ab ipso corde arteriisque majoribus, reueliunt alia in majores semper successiue ramos abeuntia eundem humorem in venas majores, indeque in cor ipsum, ut adeo a cordis et recipientis et distribuentis debito motu liber quoque fluidorum etiam per haec vascula motus pendeat, nec difficile sit patulas sic a corde ad funiculorum vsque nerveorum inuolucra atque interstitia vias concipere.

§. XII.

1) v. HALLER. Elem. Physiol. Tom. IV. p. 193.

2) vid. Cl. LEDERMULLER Mikroskopische Ergözungen Tab. LI. Clarissimorumque Virorum de his interstitiis subjunctam sententiam. *Fränkische Sammlungen* Tom. V. N. 7.

3) Ill. LUDWIG. Instit. Physiol. Regn. Veget. P. II. C. III.

4) Ill. SCHMIEDEL Diff. de Actione nervorum §. VI.

5) BOERHAVE de Morb. Neru. p. 218.

1) Ill. v. SVIETEN Comment. Tom. IV. p. 171.

§. XII.

Multa jam exinde quae ad horum vasculorum integritatem, multa, quae ad liberum per haec vascula fluidorum motum requiruntur momenta, sponte sequuntur. Vires enim cordis siue majori impetu fluida in subtilissimos vsque canaliculos impellant, siue languore suo tardio rem fluidorum motum efficiant, tardiusque sic eadem ab extremitatibus recipiant, notabilem semper et in his ipsis vasculis producent differentiam. Accedit porro, in vascula nostra, quatenus canales sunt, omnes quoque vasorum quadrare morbos, sique parietes eorum respexeris, hos nimium extendi, constringi, obstrui, posse, si, quae vehunt fluida, haec vel lentore phlogistico, vel spissitudine frigida peccare, si utraque consideraueris, errorem loci obuenire, humoremque in vasculorum ramos sibi imperuios irruere posse. Quem igitur ad modum vnius-cujusque corporis nostri partis libera functio atque integritas multum a libero fluidorum per vasa, quibus illa circumdatur, transfluxu pendet, hocque turbato, et illius plus vel minus turbari actionem necesse est, ita quoque funicularum nerueorum actionem multum a vasculorum membranulis, quibus circumdantur, perreptantium conditione mutari posse, merito concluditur.

§. XIII.

Sed quo haec omnia? - Anne minima Praetori, anne exigua haec vascula Medico considerata sunt! Mihi fane, vbicunque de actione in nervos, de mutatione in nervis producta agitur, nulla vnquam res adeo exigua est, quin maximam attentionem mereri videatur, eoque magis, cum a tenuissimis corpusculis, vt supra §. IX. dictum, miras in nervis produci mutationes deprehendam, vt adeo eo facilius, sic substantiam medullarem a vasculis proxime contiguas affici posse, intelligam. Dubiam mihi saepe has de Nervorum affectionibus sententias mentem traxisse non diffiteor, meque infirmos accedentem deque morbi ac Symptomatum causa materiali et formali sollicitum ancipitem saepe haesisse, vbi vel minimam in morbo nervorum adfectionem adesse deprehenderem. Si quis ex fructuum horaeorum vel obsoniorum abusu tensionibus flatulentis, ructibus atque borborygmis vexetur, si ex venarum compressione oedemata superueniant, si sanguis in motu progressivo impeditus corrumpatur, si pro aeris pulmonumque qualitate respiratio turbetur, satis mihi quidem tum ex principiis physicis tum ex structura partium causam inter et effectum nexum perspicere videor. Sed quam primum motus inuoluntarius vel ejusdem debilitas adsit, vel de ingente dolore siue vniuersali, siue partis cuiusdam conqueratur infirmus, *aquam mihi cum magno BOERHAVIO* ¹⁾ *haerere*, lubens fateor, nec vllam siue de causa materiali et formali dolorum, siue de sede materiae rationem, quae mihi ipsi prorsus satisfaciatur, me adferre posse. Video quidem Ill. HALLERUM post exantlatos tantos in perscrutanda Corporis humani Natura labores ingenue fateri, *in doloribus articulorum nos veram sedem tormenti nondum satis perspectam habere* ²⁾. Ego vero sincere fateri non erubesco ple-

causam

1) de morb. neru. p. 179.

2) El. Phys. T. II. p. 404.

causam materiale[m] atque sedem vehementer mihi obscuram esse, multaque phaenomena, probe considerata majorem adhuc reddere obscuritatem. Non itaque intempestivo cuidam pruritui suam debet originem haec mea de VASIS NERVORUM meditatio, sed necessitate quadam de his vasculis cogitare coactus sum. Ad lectos infirmorum acerrimis excruciatorum doloribus, lacrymisque et eiulatu seuamen saltem dolorum petentium tori ingenium, et ipsam causam sedemque dolorum detecturus, et, quibus hi profligari possint, remedia. In vascula funiculos nerveos circumdantia humoresque contentos multum causae conjici posse, suspicans, hanc meam eruditorum examini propono opinionem, numquid inde forte lucis in Pathologiam aut Symptomatologiam spargi possit.

§. XIV.

Neque hic ad sentiendi mouendique facultatem, qua nervi gaudent ¹⁾, redeundum est, cum hanc eruditorum consensus testetur, confirment ipsa experimenta, quamvis, quo id fiat modo conjecturis plus quam firmo ratiocinio explicare liceat. Liberum requiri per nervum partem inter sentientem vel motam atque nervi originem commercium, nervus ligatus vel destructus probat, nec male inde, fieri id per motum tenuissimi fluidi, nervei scilicet, in cerebro ac cerebello secreti colligitur. Dubiolum quidem non penitus hic silentio praeterire lubet. Nervos sentientes et mouentes in artubus cumprimis accurate discernere et determinare vix hucusque licuit, suntque Clarissimi Viri, qui utrique functioni eosdem praesse validissimis demonstrant argumentis ²⁾. In sensu sine dubio a parte sentiente ad sensorium commune, quocunque demum id modo fiat, mutatio propagetur necesse est, in motu vero ab ipsa nervorum origine ad partem mouendam. Quod si igitur pars corporis e. g. manus flammae ignis exponatur simulque fortiter moueatur, simul et mouetur et sentit. Contraria ergo sic directione mouetur fluidum nerveum eodem tempore. An per diuersos funiculos nerveos? An per eosdem? An diuersus hic motus, ut alter alteri non obstat? An alter alterum minuere aut absorbere potest? An ideo instinctu quodam naturali partem dolentem mouemus, tibiamque allidentes genu manibus apprehendimus pedemque vibramus, vel digitum conquassantes, illico vehementer manum quatimus, sensum sic atque dolorem oppressuri?

§. XV.

Verum non dubiolum hoc vrgere, nec altius in re ardua difficultatibus implicari lubet, in iis potius, quae communi doctrina recepta sunt, subsistendum nobis est. Nervos, siue de sensu, siue de motu sermo sit, *per interiora non vero per exteriora actiones suas facere* ¹⁾, certum est, *nerviue majores cum primis minimam partem suae molis habent vere nervosam dicendam* ²⁾, iis scilicet, quae nervis propriae sunt, facultatibus praeditam. In medullari ergo substantia haec vnice, quae nervis tribuitur, virtus residet. Subtrahit sese hujus fabrica atque compages oculis atque scrutinio maximo-

Y 2

rum

1) vide §. IV. V.

1) BOERHAVE de Morb. Nerv. p. 3.

2) v. HALLER El. Physiol. T. IV. p. 389.

2) Ill. v. SVIETEN Comment. T. I. p. 358.

rum Virorum, in eoque tandem omnes acquirere, tenuerrimam esse atque imperscrutabilem. Id saltem cognita hac ex teneritudine sequitur, eam a minimo contactu minimi corpusculi mutari debere, mutationemque hanc et moli, figurae, qualitati, et in petui contingentis particulae respondere, foreque eo majorem, quo paucioribus intermediis tegumentis vel membranis corpusculum substantiam medullarem contingat. Contactum utique siue mediatum siue immediatum substantiae medullaris indeque ejus mutationem in actione nervorum requiro, non enim etiam hic vel actionem in distans vel *irradiationem* HELMONTIANAM cogitare possum, licet et hujus vocis significatio contactum aliquem significare videatur.

§. XVI.

Dum igitur substantia medullaris et sentit et mouet, fit quaedam in ea mutatio, hoc est, aliter se nunc habet ac antea, dum non sentiret, vel non moueret. Qualis denumcunque haec fuerit mutatio, id saltem certum erit omne illud, quod in medulla nervi talem mutationem producere valet, posse etiam sensum motumque producere. Liber et aequabilis sit necesse est, fluidi nervei per tubulos medullares motus, tumque et sensus ingratus aberit et naturalis ille, qui in corpus sanum quadrat, motus fiet. Mutabunt hunc fluidi nervei transfluxum ea, quae parietes tubulorum aliter ac antea erant, contingunt, variosque sic, plus forte vel minus tubulos arctando, pro sua natura, vi atque extensione effectus producent. Fiet id, siue immediate substantia medullaris tangatur, siue papillae cutaneae, siue integumentorum externorum compressio ad nervorum usque inuolucra perque haec ad ipsos tubulos penetret, sicque pro rei varietate vel sensus simplex, vel voluptas, vel dolor, vel stupor, vel si constrictione hac vi quadam fluidum nerveum in tubulorum propagines impellatur, inuoluntarius quidam et convulsivus motus orietur. Confirmant hanc de tubulorum nerveorum constrictione, dum agunt, sentiunt vel adficiuntur, sententiam, ea, quae et in majoribus corporis nostri vasis fieri videmus, quae scilicet fluidum magis in aliam partem propellentia, ipsa angustantur, vel et reciproce si constringantur, aut comprimantur, majorem fluidi copiam in alias partes impellunt.

§. XVII.

Nec obstat, quod in dolore potissimum tensionem aliquam adesse nervorum doceri videam. Ita in dolore fibrae tensio maxima, adeo ut haec ruptioni sit proxima, adesse dicitur ¹⁾ ipseque dolor eo acrior, quo fibra rupturae propior, eo autem mitior, quo naturali est tensioni propior ²⁾, cum tamen vix de substantia medullari, quam tamen proprie sentire certum est, eam dum sentit vel mouet, tendi, relaxari vel constringi ³⁾ cogitari possit. Adjuvor explicatione Illustrissimi Commentatoris, qui ad locum supra citatum ⁴⁾ rem exemplo a Carnificum tormentis suspensum hominem extendentibus desumpto illustrat. Sic enim prout totum membrum ita et totum nervum ejusque potissimum

1) Nou. Pathol. Delin. §. 138.

2) BOERHAVE Aphor. 221. de cognosc. et curand. Morb.

3) Ill. v. HALLER El. Physiol. Tom. II. p. 205. T. IV. p. 407.

4) Ill. v. SVIETEN Comment. T. I. p. 357.

potissimum inuolucra extendi video. Tubus vero mollis et flexilis vix extendi majorem in longitudinem potest, quin ejus simul lumen minuatur, totumque cauum angustetur, sicque contenta in arctiorem contactum comprimantur. Fiet ergo extensione nervorum eadem, de qua supra §. praec. dictum, substantiae medullaris mutatio, fluidumque in ea vectum aliter ac antea mouebitur, ut adeo posse quidem tensionem producere dolorem, non vero in omni dolore tensionem adesse, argumentari liceat. Ad di forte posset, hujusmodi substantiae medullaris coarctationem, fluidi nervei praeternaturalem motum efficiendo, dolorem producere, tantam vero, quae omnium tubulorum nerveorum cauum aboleat, omnem quoque fluidi nervei motum abolere, sicque stuporem et insensibilitatem efficere. Posset sic fortasse transitus ex summo dolore in stuporem concipi. Frigus enim intensum papillas nerveas ipsaque nervorum inuolucra sensum constringendo, primo sensum ingratum et dolorem infert, *mox dein sensum, tandemque motum delet* ³⁾. Quadrant haec quoque in ipsum ignem, qui prout omnes partes membranosas fibrosasque corporis, ita etiam nervorum vaginas exsiccando corrugare, sicque in substantia medullari hanc mutationem ad plenariam usque destructionem efficere potest. Si denique *acerrimi liquores chemici in cute dudum mortua, dum haec humida sit, constrictionem fuscitant* ⁴⁾, quidni etiam acria nervos contingentia, tunicas constringendo, ipsam substantiam medullarem afficient.

§. XVIII.

Sed ad vasa jam nervorum redeundum est, numque iusta in haec cadat suspicio, disquirendum. Plethoricum video, suum, quo abundat sanguinem, vel motu corporis violento vel potu spirituofo commouentem, alto sepultum somno, situ capitis forte declivi noctem transigere. Expergiscens de vertigine, sensuum obnubilatione ac hebetudine, languore corporis capitisque dolore ipsi saepe arteriarum pulsui respondente conqueritur. Non in obscuro rei videtur ratio. Turgida Piae Meningis anfractus cerebri vestientis vascula sanguine accumulato, substantiam cerebri comprimunt, ejusque sic functionem turbando varia produciunt incommoda ¹⁾. Sed tantum abest, ut eandem quoque reliquorum nervorum conditionem concipere nequeamus, ut potius plura adsint, quae similitudinem structurae docendo pro similitudine quoque adfectionum militent. Distribuantur per corpus funiculi medullares, quos Piae Meningis propaggines comitantur ac inuoluunt, suis intertextae vasculis ²⁾. Recipiunt vascula quem vehunt, humorem, a vasis majoribus, sicque ab ipsa humorum massa, ut adeo pro motu et qualitate totius massae fieri et in his vasculis, sicque et in iis, quos inuoluunt, funiculis mutationem necesse sit.

Y 3

§. XIX.

3) v. HALLER El. Physiol. T. IV. p. 391.
6) pag. 195.

1) Posse a cerebro sic adfecto in reliquos corporis nervos molestias propagari, ex eo facile intelligitur, cum cerebrum ac cerebellum nervis originem det. Nihilque im-

pedit sententia Veterum, animam et ideo etiam origines Nervorum in corde quaesivisse, cum autopsia ultimo repugnet. ARISTOT. de Part. Animal. Lib. III.

2) vide §. VI. VIII. X.

§. XIX.

Dum imminente febre acuta abit sensum in lentorem phlogisticum Massa sanguinis, turbatur fluidorum motus, haecque vasculis sibi fere imperuiis impacta difficiliter transeunt, vasaque sic extendendo vicina comprimunt. Impediuntur quidem sic omnes, quae a libero fluidorum in corpore sano motu, functiones pendent, verum cum ad cerebri etiam nervorumque vascula continua malum extendi necesse sit, horum compressione tantam induci debilitatem mirum non erit. An forte hoc sensu *lassitudines ultro abortas arguere morbos* dicit diuus HIPPOCRATES ¹⁾, quas lassitudines in notis adiectis, ut ab aliis Speciebus distingueret, *phlegmonosas* vocat JOH. HEURNIUS. Idem Magni BOERHAVII Ill. Commentator sic explicat: *in morbis acutis inflammatoriis dum orbatu diluente suo vehiculo sanguis difficiliter transit per ultimos arteriarum fines saepe tanta debilitas oritur, praecipue si morbi impetus caput petat, atque in encephali vasis immeabilis sanguis haerere incipiat* ²⁾, ut adeo etiam hic de vasculis ad omnes partes, quae robur corpori addunt nervos scilicet tendentibus sermonem esse appareat. Confirmat id attenta rerum quae eueniunt, observatio. Eos, qui paullo ante vegeti erant ac robusti, jam nunc dum morbo prehendantur inflammatorio, tanta inquirit debilitas, ut vix corpori, vix membro mouendo pares sint, verum repente exhausti quasi concidant, nec male saepe ex hujus debilitatis magnitudine de ipsa morbi futuri judicatur vehementia. Ex eadem fere scaturigine omnium membrorum dolores febres saepe malignas praecedentes oriri videntur,

§. XX.

Nec Diathesis semper vel phlogistica vel maligna ad producendam hujusmodi debilitatem requiritur cum et sanguinis maxime laudabilis abundantia cum primis si a causa externa commoueat, robur corporis minuere ac suppressere possit. *Plethoram grauatiam* vel *Plethoram ad vires* ¹⁾ vocare solent. Validam efficit cordis arteriarumque actionem magna fluidorum moles, altiusque sic majorique vi in vascula minima fluida inpelluntur. Decrescente sic cum vasorum ordine motus celeritate ²⁾ vascula fluidis contentis dissenta vicina compriment, quae si ad nervorum adplicentur vasa, densioribus hincque non facile cedentibus vaginis substrata, ea tubos medullares comprimere atque afficere debere facile intelligitur. Talis fuit *lassitudo cum tremore ab oppressione virium*, in quam *Pythionem* incidisse nobis refertur ³⁾. Eo modo a morborum fere contrariorum classe affici funiculi neruei eorumque robur et actio minui potest, dum fluidorum moleculae lenta viscositate nimis cohaerentes non patiuntur se diuidi per vasorum actionem in illam tenuitatem, quae requiritur, ut transire possint per ultimas vasorum angustias, sicque frigidum pituitosum, vel glutinosum spontaneum adest. Pallidum et tumidulum corpus repletas esse viscedine non libere satis resorpta cellulas

1) Praenot. Coac. Sect. I. Cap. VI. Aphorism. Lib. II. Aph. V.

2) Comment. T. II. p. 269.

3) JUNKERI Consp. Pract. p. 7.

2) v. HALLER El. Phys. T. II. p. 210. T. IV. p. 384.

3) HIPPOCRAT. Epidem. Lib. III. Cap. I.

cellulas testatur, cumque sic et vascula, cellulaeque funiculos nerveos interjacentes turgant, horum quoque debilitatur et robur et actio, nec mirum quod in hoc morbo languida membra vix corpus trahant, a minimo motu delassata illico, quodue sensuum omnium hebetudo, stupor vertiginesque molestissimae adsint ⁴⁾). Licet enim motus difficultatem etiam laxis musculorum fibris tribuere possimus, sequentia tamen in Cerebrum potissimum nervosque quadrare nemo dubitat. An hujusmodi forte statum subintelligit Hippocrates, dum, quidquid inquit, non coahuit, siue cute siue carne tegatur, cauum est, quod quidem sanum spiritu, aegrum vero sanie, (ichore) impletur ⁵⁾).

§. XXI.

Possent quidem, quae hucusque de morbofo vasculorum nostrorum statu dicta sunt, maximorum virorum probari testimoniis, qui in aliis morbis, in massa fluidorum vasisque majoribus residentibus, hanc etiam nervorum conditionem respexisse, et nervorum morbos a vasorum vitiis deduxisse videntur. Ita Ill. de HAEN acutarum illarum febrium lentarum, quas alii NERVOSAS, alii malignas, alii mesentericas nominibusque iterum aliis alii insigniunt, mentionem facit ¹⁾), et Cel. PRINGLE febres nervosas inflammatorii adnumerat ²⁾). Cum igitur inflammatio vix absque fluido in vascula sibi imperuia irruente cogitari possit ³⁾), eo magis hic nervorum vascula alte sepulta considerata erunt, quo atrociora saepe sunt in his morbis absque conspicuo rubore vel tumore Symptomata.

§. XXII.

Aliud adhuc argumento nostro momentum accedere ex puerorum Natura considerata videtur. Tenellis pueris genus nervorum prae adultis admodum sensile ac mobile vnanimi consensu tribuunt Medici, jamque inter morbos eorum vigilias atque Pavores, qui nervos potissimum adfectos denotant, numerat HIPPOCRATES ¹⁾). A levissimis laeduntur caussis ²⁾), quaeque vix adulti forte sensissent, diras produunt in tenellis Nervorum adfectiones. In cerebri majori humiditate atque mollietate causam quaerit diuus Celsus, analogia quoque ab ouibus atque capris desumpta ³⁾). Confirmat utrumque experientia, et puerorum sensibilitatem et humidam cerebri mollietatem inter ipsas incisoris manus quasi diffluentis, hinc ad demonstrationes anatomicas minus apti. Vix haec, si vlla menti nostrae vel oscillationis vel tensionis nervorum idea inhaereat, combinari possunt, cum hic major mollietates cerebri et sensiles magis et magis mobiles nervos

4) Ill. v. SWIETEN Comment. Tom. I. p. 104.

5) Lib. de Arte. Cap. VIII.

1) Rat. Medend. T. X. p. 256.

2) de Morb. Castrenf. P. III. Cap. VII.

3) BOERHAVE Aph. 371. 372.

1) Lib. III. Aphor. XXIV.

2) Ita Ill. SWIETEN Comment. T. IV. p. 664. Male consultitur regum pueris, dum

in luminosis conclauibus exponuntur, dum in vicinia exploduntur tormenta bellica etc. Noxium hunc morem, si non abolere omnino potuerim, saltem sic emendare licuit, ut vix amplius nocere possit.

3) Lib. de morb. sac. Cap. V. De magnitudine Cerebri hic quoque considerata elegantem vide locum in Ill. v. SWIETEN Comment. T. IV. p. 402.

nervos efficiat. Pro vasis haec Nervorum militant. Si humidior pulpa cerebri in pueris, plus ei humoris insit, necesse est. Plura igitur aut pro ratione vasa, quae humorem adferant, aut haec majora aderunt. Congruit hoc cum majori corporis puerilis mollitie, spongiosoque ejus et magis vasculoso habitu, qui et in ipsa Nervorum involucria extenditur, nervosque magis reddit conspicuos. Ideo vascula haec sub involucri nervorum delitescunt facilius in pueris materia ceracea impleri posse testatur BOERHAVIUS, hancque nervorum artificialem repletionem *non procedere in adultis hominibus, nam involucria illa per aetatem coalescunt et indurescunt* 4). Anne ergo inde magis nervorum affectionibus obnoxii homines in prima aetate, quod plura vascula patula humoribus e minima causa commotis aut turbatis faciliorem praebeant ad ipsos funiculos nervos aditum, anne et inde nervi magis sensiles? ita fere suspicarer, cum primis dum etiam *pulsus celeriores infantum nervis magis irritabilibus et corpori magis vasculoso tribui videam* 5), inque nervorum affectionibus etiam vasa cum primis nervorum esse considerata 6). Posset sic ex tensione vasorum facilius substantia medullaris affici.

§. XXIII.

Eo clarius forte cuncta haec patebunt, si particulares quasdam seu topicas nervorum affectiones consideremus. Praemonendum tamen, nunquam hic nobis de morbis nervorum deuteropathicis seu per consensum nervorum productis sermonem esse, cum utique tot miri inter nervos consensus phaenomena observemus, celeriterque substantia medullari adfecta in diffitos nervos continuos tamen propagetur affectio. Sic villis primarum viarum irritatis toties omnes corporis partes convelluntur, sic meconium retentum dolores atque convulsiones inducit 1), sic vermes inprimis viis stabulantes affectus epilepticos et catalepticos inferunt 2).

§. XXIV.

In solis ergo adfectibus idiopathicis, iis scilicet, in quibus materia in ea, qua detinetur sede, effectum exhibet, subsistentes, non male ab ipsa totius encephali suis vestiti tunicis cum substantia medullari nervorum suis contenta vaginis similitudine argumenta desumimus, quantasque materia meninges, inter et cerebrum accumulata vel effusa turbas concitauerit, consideramus. Scitent scripta medicorum observationibus, quae post multas cerebri functiones turbatas, miras in cauo cranii degeneraciones repertas esse testantur. Sic post vehementia deliria gelatinae non mediocris copia in capite circa basin cranii reperta est 1), postue affectus soporosos aqua limpida ventriculi cerebri repleti erant 2); in capitibus Paralyticorum aqua glutinosa adfuit 3), iique, qui post diuturnam sensuum hebetudinem obierunt, serum in basi cranii extravasatum habuerunt.

4) de Morb. Nerv. p. 218.

5) Rob. WHYTT de morb. Hypochon. Cap. III.

6) Ibid. Cap. I. et Cap. VI.

1) BOERHAVE Aphoris. 1345.

2) v. SWIETEN Comment. T. IV. p. 713.

3) III. MORGAGNI de sedib. morb. Epist. VI. Art. 2. Epist. VII. Art. 6. 7.

2) Ibid. Epist. LXXII. Art. 15.

3) Epist. X. Art. 11. Epist. XI. Art. 22.

habuerunt 4). In cadauere viri, qui jugulum discindens mortem sibi conscuerat, quodue in Theatro Anatomico Academiae hujus dissectum est, praeter singularem cerebri duritiem plexus choroideus mire aneurysmaticus et varicosus obseruatus est, cum in cadauere viri maniaci serum in ventriculis cerebri et vesiculas in plexu choroideo viderit Ill. MORGAGNI 5). In delirio, conuulsione et sopore gelatina sine foetore sub pia matre, calculique in glandula pineali cum vasis medullae spinalis inflammatis 6), in apoplectico feri insignis quantitas in basi cerebri 7). Aphonia et torpor cum sero inter meninges cerebri et spinalis Medullae 8). In Ictero, conuulsione et sopore aqua serosa ex pariete medullae spinalis effluxit 9), postue conuulsione in aqua cerebrum inundatum fuit 10). Lipothymia et Syncope cum sero intra meninges 11), tandemque Epilepsia dicitur nervorum distentio interdum ab aqua intra cranium effusa 12). Post diurnam vertiginem serum in ventriculo cerebri dextro adfuit 13). Delirium, sopor et mors cum aqua in medulla spinali 14). Nec morbos, qui adeo inter se diuersi et contrarii videri possent, ab huiusmodi colluue produci posse, mirandum est, dum supra jam, pro diuerso gradu, materiaeque quantitate aliter nervorum functiones turbari dictum sit, hosque se inuicem morbos sequi et excipere quotidie obseruamus, sic et ipsam Catalepsi in morbum comitalem mutatam ex BENIVENIO, refert MARCELLUS DONATUS 15).

§. XXV.

Nulla in allatis hisce exemplis de materiae qualitate vitata aut acrimonia facta est mentio, vt adeo soli ponderi ac moli materiae comprimentis, hae turbatae cerebri functiones tribuendae videantur. Effet ideo magis probabile, dum et sola ossium cranii mala conformatio cerebrum comprimendo tantas saepe turbas intulit. Sic dum *futurae cranii a figura naturali deuierent, et quasi clino exaltatae emerent*, epilepsia oborta est 1), idemque morbus superuenit ab osse cranii propter laesionem tumido 2), vt nihil nunc de Obseruationibus chirurgicis, diras affectiones a sanguine sub cranio extravasato vel etiam festucis osseis productas testantibus adjiciamus, in quibus Symptomata a solo contactu, irritatione vel compressione oborta sunt. Verum praecipitanter nimis omnis materiae acrimonia atque corruptio excluderetur, cum et hanc interdum et ipsarum partium solidarum destructionem adfuisse, obseruationes confirment. Ex metastasi materiae

4) PISO de Morb. a coluu. Seros. p. 158. 159.

BONNET Sepulchret. T. I. p. 276.

5) de Sed. Morb. Epist. VIII. Art. 4.

6) Ibid. Epist. X. Art. 17.

7) Epist. IV. Art. 19.

8) Epist. IV. Art. 7. 21.

9) Epist. XXXVII. Art. 2.

Felix PLATER. Prax. Medic. Lib. I. Cap. 2.

10) Epist. X. Art. 6.

11) Epist. XXV. Art. 2. BOERHAVE de Morb. Nervor. p. 63. 64.

12) Epist. IX. Art. 7. 8. 9.

13) Epist. II. Art. 9. 22.

Epist. VI. Art. 2. 6. Epist. X. Art. 11.

14) Epist. X. Art. 18. Epist. LI. Art. 48.

LOWER Tract. de Cord. p. 259.

15) Histor. Medic. mirab. Lib. II. Cap. VII.

1) BARTHOLIN Anat. Lib. IV. Cap. V.

2) Ephemer. Nat. Curios. Dec. I. Art. 4. obs. 35.

materiae purulentae ad cauum cranii delirium atque convulsionem ortae sunt 3), post ulcera intempestive sanata aqua limpida cerebrum inundatum 4). In cerebro aqua acidula reperta est 5), et post dolorem capitis, lethargum et apoplexiam tamen sine convulsionibus aqua subfalsa adfuit 6), in alio convulsionibus extincto serum id falsum erat 7), et post deliria capitisque dolores serum cruentum in cauo cranii repertum est 8). Verum etiam partium solidarum destructarum notabilia inuenio exempla. Post delirium abscessus in cerebro repertus est 9), ipsumque cerebrum et Thalami Optici corrupti in Paralytico 10). Cerebrum hominis fatui corruptum inuentum est 11), postque diuturnam somnolentiam serum cruentum in ventriculis inque plexu choroideo vesiculae deprehensae sunt 12). Post convulsionem ventriculi cerebri corrosi, et plexus choroideus laceratus inuenitur 13), inque vera epilepsia cum tremore alterum corpus striatum corruptum est 14). Ipsum tandem post fatuitatem conarium materia turbida mucosa repletum cernitur 15).

§. XXVI.

Possent utique innumera huiusmodi afferri exempla, nisi ex allegatis jam affatim pateret, posse materiam inter substantiam cerebri ejusque inuolucra praeternaturaliter accumulata vel pondere suo ac mole vel degeneratione et acrimonia tanta mala inferre. Sic Paralysis *vel a topico lentore vel a rosione vasorum oriri dicitur* 1) et materia acris a sanguine per Metastasin ad nervos deposita, mira mala producit 2). Transiit haec nobis ad morbos nervorum particulares parant, nam etiam post vitia topica notabiles nervorum degenerationes reperio. Nervus cruralis posticus erosus fuit 3), ut et nervi poplitei 4). Post motum oculi convulsuum multum feri subfalsi et prasino colore tincti circa glandulae pituitariae sedem repertum est 5), postque coecitatem nervus opticus humore turbido plenus 6), idemque nervus destructus et retina ossa 7), idem nervus cinereus et multo mucosus repletus 8). Femur ipsum erosum et in acetabulo serum cruentum deprehensum est 9), inque rheumatismo gelatina supra musculos effusa 10).

§. XXVII.

3) MORGAGNI de Sedib. Morb. Epist. V. Art. 4.

4) Epist. V. Art. 30.

5) Epist. I. Art. 6.

6) Epist. II. Art. 20. Epist. IV. Art. 2.

7) Epist. IV. Art. 4.

8) Epist. XLVII. Art. 12.

9) Epist. V. Art. 2.

10) Epist. V. Art. 17.

11) Epist. I. Art. 3.

12) Epist. III. Art. 3.

13) Epist. II. Art. 9.

14) Epist. IX. Art. 20.

15) Epist. XXI. Art. 24.

1) BOERHAVE de morb. Nervor. p. 616.

2) ROB. WHYT de Affect. Hypochondr. Cap. IV.

3) III. MORGAGNI de Sedib. Morb. Epist. L. Art. 2.

4) Epist. L. Art. 55.

5) BRIGGS. Ophthalmographia p. 90.

6) MORGAGNI Epist. XIII. Art. 8.

7) Epist. LII. Art. 30.

8) Epist. XIII. Art. 8. 9. Epist. LII. Art. 30.

Epist. LXIII. Art. 4. 6.

9) Epist. LVII. Art. 3. 5.

10) Epist. LVII. Art. 16.

§. XXVII.

Probant haec cuncta junctim sumta, et in morbis nervorum particularibus posse materiam praeter naturam ad substantiam medullarem delatam vehementer adeo nervos afficere, *sive humor hic inter tunicas nervorum collectus partes interiores comprimendo agat* ¹⁾, *sive mordax natura succi* ²⁾ nervos vellicet. Ita Ill. MORGAGNI problematice quasi proponit, an serum limpidum variis, ut supra dictum, locis deprehensum premendo agat an irritando ³⁾. Posse vero solo contactu nervos vehementer affici, dolor spinam sub ungue infixam aut tibiam allisam sequens, ut et convulsiones dentitionem difficilem comitantes testantur, ubi vix acrimonia vellicans demonstrari potest, possunt vero et *acres putrefacti humores haerentes in arteriis membranae exterioris nervos erodere, et diuturnos dolores excitare* ⁴⁾. Non enim vel fluidi nervi indolem vel tubulorum medullarium capacitatem satis perspectam habeo, ut vel illud acrimonia quadam infici, vel in hanc sanguinis penetrare acrimoniam, suspicari audeam, vixque hoc credendum ipse magnus docet BOERHAVIUS, ita tamen, ut id forte de solo spiritu stillatio fermentato vegetabili suspicetur ⁵⁾. Corrodi tamen semper vascula a materia acri sic ad medullam penetrante dolor saepe absque malo consecratio breui evanescens, materia aliorum translata, admittere vetat. Si sola extensione vascula medullam vicinam afficiant, unum esset idemque siue illa liquore blando siue acri turgeant. An forte collecti humoris particulae tenuissimae per Diapedesin transsudent? Vix hic aliquid determinare audeo, in re et oculorum meorum et ingenii aciem effugiente.

§. XXVIII.

Audio tamen Medicos unanimi fere consensu quibusdam in morbis de materia nervos infestante loqui, ejusque coctionem et excretionem per varia corporis emundatoria, ad quorum tamen fabricam vasa plurimum conferunt, promouendam, repulsionem vero ad viscera vitalia summe esse periculosa. Convulsivos sic motus variolarum erupturarum prodromos ex SYDENHAMO dicit BAGLIVIVS ¹⁾. *Venena corporis humani nervosas praecipue partes adoriri*, FRID. HOFFMANNUS ²⁾, *eaque introuersa gravissima Symptomata inducere*. Efflorescentiae intempestive retropulsae vertigines ³⁾, et fonticulus clausus miras convulsiones inducere potest ⁴⁾. Materia miliaris ad nervos repulsa eosdem irritat ⁵⁾, et ex *ejusdem funesta ad interiora corporis et vitalia organa retrocessione singultus oritur* ⁶⁾. Quenam sunt haec, per quae celeriter adeo hujus morbi materia retrocedit, vascula, et ubi proprie haec materia retrogressa nervosque infestans delitescit? Continua sint haec receptacula cum vasculis subcutaneis

Z 2

necesse

- 1) BOERHAVE de Morb. Nervor. p. 65.
 2) MORGAGNI de Sed. Morb. Epist. LI. Art. 45.
 3) Epist. I. Art. 6. 7.
 4) BOERHAVE de Morb. Nervor. p. 59.
 5) Ibid. p. 157. 160.
 6) Prax. Med. Lib. I. de Variolis p. 62.

- 2) Med. Rat. Syst. T. II. Part. II. Cap. III. §. XXXVI.
 3) BOERHAVE de Morb. Nervor. p. 518.
 4) ROB. WHYTT de Affect. Hypochondr. Cap. VIII.
 5) Ibid. Cap. VII.
 6) Ill. v. HALLER Elem. Physiol. T. III. p. 310.

neceſſe eſt, dum cito ſaepe adeo et feliciter eadem expellitur. Multum hujus rei cognitione in formanda Prognofi et inſtituenda Therapia adjuuarer.

§. XXIX.

Dum haec ſcribo, video coram me virum juvenem ante aliquot meſes inſultu leuiori apoplectico correptum, remanente alterius auris ſurditate, pedisque et brachii ſtupore et motu difficili. Liberatur ab his penitus, ſponte effloſcentibus in brachio numeroſis vlceribus ſordidam ſaniem plorantibus. Haec dum intempeſtiue conſolidarentur, in eundem incidit affectum hemiplecticum iisdem cum ſequelis. Redierunt poſt uſum diluentium, reſoluentium et neruorum vlcera in carpo dextrae manus inque brachio ſiniſtro, magnam materiae ſanioſae quantitatem ſtillantia, jamque nunc ab omni debilitate, neruorumque affectione prorſus immunis eſt. Quanam via, et quorſum celeriter adeo repulſa haec materia vlcerofa fertur, vt Paralyſin efficere poſſit? Incidit in peſſimam febrem miliarem mulier quinquagenaria. Nec regimen calidum, nec remedia calida adhibita ſunt, ſatiſque placide morbus non alioquin leuis decurrit. Die morbi vndecimo repente, poſt animi excaſcentiam retrocedunt exanthemata, ne veſtigio quidem ſuperſtite. Illico tuſſis conuulſiua, vomitus et ſingultus ſuperueniunt, tanta vehementia. quantam in nullo vnquam infirmo obſeruau. Nihil veſcantia ſat magna, nihil Cortex Peruvianus affatim et ſub omni forma datus profuit. Tanto ſic imminente periculo alternatim quouis horae quadrante, cum inſuſo herbae Scordii datae ſunt quatuor guttae *Olei Bezoardici Wedelii*, et guttae decem *Effentiae Scordii* cum *Spiritu Bezoardico Buſſii*, eo quidem effectu, vt ſecunda poſt horum remediorum uſum hora purpura vberrime rediret, conqueſcentibus illico omnibus viſcerum internorum affectorum Symptomatibus. Uſum horum remediorum juſto citius intermiſſum ſtatim rursus purpurae retroceſſio cum iisdem atrocibus Symptomatibus excepiſt, quae vero ſemper adhibitis rursus his remediis cum leuamine apparuit. Notabile, ſoeminam hanc intra trimeſtre ſpatium tres ejusdem morbi recidiuas paſſam eſſe, et in quauis recidiua ternas forte vel quaternas retroceſſiones. Euasit tamen, nuncque optime valens laeta vltimarum, vt vocant, guttarum reminiſcitur. Immanis totius corporis dolor juvenem inuaſit ita, vt prae tormentorum ferocia ne vnum quidem membrum mouere poſſit, ſed quaſi tetano correptus immobilis decumberet. Largiſſime die ſeptimo poſt uſum Corticis Peruviani erumpens Purpura miliaris, omneque quaſi corpus tegens tantum illico leuamen attulit, vt et omnes dolores euaneſcerent, et membris rediret mobilitas. Die vigefimo frigis incaute admiſſum eoſdem dolores atroces reuocat, rursus copioſa Purpura erumpente conqueſcentes, majorique demum Purpurae cura habita non redeunt. Ex me ipſo quaerens, quae fuerint praecife fibrillae quaeue vaſcula, quibus materia ſubito retrocedens adhaeſerit, tantaque mala produxerit, et quomodo celeriter adeo in vaſcula ſubcutanea expelli potuerit, vix mihi ipſi ſatiſfacio, niſi forte ad *Nervorum Vaſa* reliquo vaſorum Systemati continua confugere liceat.

§. XXX.

Atröcia sunt, quae dentitionem difficilem comitantur Symptomata, multis pueris periculosa, multis funesta ¹⁾. Nervi, cum primis rami paris quinti vehementer adficiuntur. Dens quidem prorumpens nervulos tendit, comprimit et vellicat, lateque per consensum tristes diffundi possunt passiones. *Dolet membramula, quae praesepiolum obvelat jamque nunc dirumpitur* ²⁾. Potest tamen et major fluidorum affluxus in dentium evolutione obuius conferre ad affectionum extensionem, possuntque fluida in vasa nervuorum irrumpentia eorum adficere medullam. Adesse vero maiorem humorum affluxum, tum oculorum illacrymatio tum salivae profluuium testatur. Maiorem illum efficit cum periculo alius adstricta ³⁾, ideoque forte HIPPOCRATES *pueros dentientes, quibus profluuium alui est, minus convelli dicit*, minori sic humorum versus superiora affluxu. Verum dum adultos quoque interdum post admissum frigus de odontalgiae specie, quam fluxionem vocant, conqueri audio, eosque doloris extensionem describentes, exacte paris quinti distributionem pedemque anserinum delineare video, absque tamen ullo vel tumore vel rubore conspicuo, vix possum, quin de vasculis in ipsis horum nervulorum inuolucris contentis, humore plus justo turgidis suspicer. Debilitantur saepe refrigeratione partes quaedam corporis, ita ut per totam vitam magis sensiles sint ad minimam aeris sicque humorum motus mutationem vel acriter dolentes vel ad motum ineptiores, nec rubicundae, nec tumidae. An vaginas nervuorum frigus constringendo reddidit angustiores, ut sic vascula paucio affluente humore magis turgida tubulos medullares afficiant? Dum de inueteratis fluxionibus hinc inde labentibus nec temere repellendis populares conqueruntur, nullum, in quo praecise causa doloris residere possit, locum inueniens, ad haec nervuorum vasa conuerto animum.

§. XXXI.

Confirmor eo magis in hac opinione, dum Clarorum Virorum eam fulciri aliquantum video testimoniis. *Post affectus Catarrhales interdum Paralytes sequuntur* ¹⁾, et in affectibus rheumaticis doloribusque articulorum nihil juvant sudores, nisi simul addit urina hypostatica ²⁾. DURETUS vero *sudorem Paralytico superuenientem vel morbum solvere vel incurabilem reddere docet* ³⁾, scilicet vel materia nervos comprimente resoluta et expulsa, vel tenui amisso fluido magis inspissata. Quantum porro in Passionibus Hypochondriacis atque Hysteriis Systema nervuorum, abdominalium cum primis adficiatur, dira hos morbos comitantia saepeque horrenda testantur Symptomata, inque his multum conveniunt ⁴⁾, praetermissa nunc, quae hos ad-

Z 3

fectus

1) III. SCHMIEDEL *Diff. de Dentitione difficili* §. VI.

2) III. HALLER *Elem. Physiol. Lib. XXX.* p. 20.

3) III. SCHMIEDEL *loc. cit.* §. XIII.

1) HEISTER. *Comp. Pract. Cap. XIV.* §. 37.

2) SYDENHAM *Oper. p. 564.*

3) *Explic. Praenot. Coac. Hipp. Cap. XIV.*

4) ROB. WHYTT *de Affect. Hyp. Cap. II.*

fectus intercedit differentia ⁵⁾. Dum enim hysterica mulier *veluti comitiali morbo correpta, citra nervorum distensiones strangulatur, dumque angustis jecur, transversum septum, pulmones et cor celeriter opprimuntur* ⁶⁾, in nervos potissimum adfectos mali culpa conjicitur. *Neuropathiam* horum adfectuum cateruam a Viro Illustr. vocari video ⁷⁾, eamque materiae acri nervos irritanti tribui ⁸⁾. Sic BOERHAVIO sermo est de morbo hypochondriaco *cum materia, quam faeces sanguinis amurcosas in propaginis arteriarum mesentericarum retentas vocat* ⁹⁾, alioque loco dicit: *materiam lentam in vasis abdominalibus collectam ita agere in nervos, ut inde mala quaedam producantur* ¹⁰⁾. Mihi tamen praeter nervorum vascula nullus locus innotescit, ubi propior hujus materiae cum substantia medullari, quae proprie sentit, contactus intercedere possit.

§. XXXII.

Est plerumque his in adfectibus Symptoma quoddam peculiare, vrina scilicet, quae tenuis interdum et aquosa excernitur. Ita de hac Illustr. HALLERUS: *in urinae certe Hypochondriacae exemplo vix possis tibi temperare, quin agnostas nervos ostiola urinifera amplexantes stringere, ut exclusis crassioribus et colore aliquo tinctis particulis puram aquam solam transmittant* ¹⁾. Observationem tamen, quae mihi adeo notabilis videtur, adferre liceat. Matrona quadragenaria post numerosa puerperia grauib. corripitur passionibus hystericis. Praeter alia Symptomata agrypnia aderat molesta, quam sex vel octo in eadem nocte mictiones reddebant molestiorem. Id vero notandum maxime, bis vel ter in vna nocte tam vehementem accidisse mingendi stimulum, ut ei ne per momentum quidem compefscendo par esset, verum subito arrepta matula lotium reddere cogeretur. Erat hoc circiter sex vnciarum, pallidissimi et vere aquei coloris, cum reliqua vrina naturali simulo missa vix quoque a naturali consistentia et colore recederet. Tanta erat haec vrinarum diuersitas, ut matutino tempore accedens, sexque vel septem vrinalia intuens illico distinguerem, quae vrina spastice, quae naturaliter excreta esset. Pallida haec vrina dum excerneretur, jam in vesica aderat, quam non potuit debili acrimonia stimulare; unde ergo incompefscibilis stimulus? In renibus vix alternans adeo frequenter constrictio, dum quatuor et quinque vriniae naturales prodirent. Unde ergo singularis aliarum pallor?

§. XXXIII.

Si denique euictum esset, morbos, qui interdum epidemice in nonnullis prouinciis grassati sunt, quosue singulares adfectiones Spasticae et conuulsivae comitabantur,

5) FRID. HOFFMANN Med. Ration. Syst. T. IV. P. III. Cap. V. VI.

6) ARETAEUS de Acutis Lib. II. Cap. XI.

7) MORGAGNI de Sedib. Morb. Epist. XLV. Art. 17.

8) Ibid. Art. 27.

9) De morb. neru. p. 118.

10) Ibid. p. 483.

1) Element. Physiol. T. II. p. 442.

mitabantur ¹⁾), ab usu clauorum secalinorum vel secalis corniculati ²⁾), ortum traxisse, quod tamen nondum ab omnibus admittitur ³⁾), probaret id, posse etiam eum alimentis prauam ingeri materiam, quae nulla coctione prorsus superata forte in vasis neruorum retenta dira huiusmodi mala produceret. Id fere ex methodo, quae in his morbis proficua deprehensa est, laxantibus scilicet remediis, alexipharmacis et volatilibus adhibitis ⁴⁾) concluderem, dum non satis distincte *Sulphur quoddam narcoticum, vaporosum nervis admodum inimicum*, quod pro causa allegatur ⁵⁾), perspicio. Conuenit forte cum his adfectionibus aliquantum, licet ratione causae occasionalis differat, morbus ille, quem sub BERIBERI nomine describit Ill. GORTERUS ⁶⁾), quemue in *India orientali acquiri saepe dicit, si aestu fatigati potum frigidum bibunt avidius, decumbantue in aere nocturno humido et frigido, ubi tum motus et sensus extremorum hebescit cum quadam titillatione, immo quandoque vox ipsa*. Confirmat id BOERHAVIUS, dum ex WILEISIO refert, *hominem per medios imbres, ambulantiem propter refrigerium madidi corporis in Paralytin omnium partium incidisse, quae nervos ex medulla spinali accipiunt*, concluditque inde, *a prohibita perspiratione et resorptione potuisse effundi liquidum, quod comprimebat omnes nervos* ⁷⁾). Quadrare mihi hoc vel maxime in vascula substantiae medullari con-
figua, vasa scilicet neruorum videtur.

§. XXXIV.

Varia jam mihi huic meditationi ultra insistenti sese offerunt Problemata. *An character ille nervis impressus vel in subtilissimo fluido et vasis illud continentibus haerens, per quem statis temporibus paroxysmus febris reuocatur* ¹⁾), interdum in nostris neruorum vasis delitescit, ibi frigus et debilitatem, in vasa maiora resorptus calorem et sudorem excitans, cum pauca saepe sit, quae eum per salutarem labiorum efflorescentiam ²⁾) tollit excretio? An omnes neruorum passiones, ubi materia quaedam fluida praesto est, potius ad morbos humorum sicque etiam ad morbos vasorum referendae sunt? An remedia neruina talia, quae maxime illibata in vasa minima penetrant? An vis electrica nervos concutiens refluxum per vascula accelerat, sicque maiorem in vasis maioribus motum efficiens et vasorum morbis medetur ³⁾)? An ad hanc neruorum vasorumque vicinitatem attendendum
in ex-

1) Act. Medic. Berolin. Dec. II. Vol. VI. Miscell. Lips. T. V. obs. 102. Act. Wratislav. Ao. 1717. Class. IV. Art. XI. Ao. 1733. Class. II. Art. 3. §. 4.

2) THEOPHR. ERES. Hist. Plantar. Lib. VIII. Cap. V. SCHENCK Obseru. Med. Lib. VII. Obs. IV.

3) Diss. G. W. WEDEL de morb. spasmodico Epid. Jen. 1717.

4) Act. Wratislav. Ao. 1717. Class. IV. Art. XI. §. 2.

5) FRID. HOFFMANN Med. Rat. Syst. T. IV. P. III. Cap. III. §. XI.

6) Compend. Medicin. Tract. XXIV. §. X.

7) De Morb. Nerv. p. 65.

1) v. SWIETEN Comment. T. I. p. 537. 538.

2) Ill. DELII Diss. de Efflorescentia Labior. §. XIV. XV.

3) CHRIST. LUD. ALBERT Diss. de Vi electrica in Amenorrhoea. §. XV.


in explicatione morborum interdum per terrorem curatorum, e. g. oris inflammationis et tumoris 4), haemorrhagiae narium et vteri 5), alui adstrictae 6), aliorumque, ut nihil de morbis vasorum a terrore inductis commemorem. An majus est, magisque propinquum in nervos an in vasa animae imperium aut vis pathematum, dum haec celerrime pulsum, respirationem et faciei colorem mutant? an ex vno Systemate in alterum propagatur mutatio? Fuit forte tale in utrumque Systema imperium mulieri, quam ZACHIAS ecstasin simulasse, et vultum in mille colores vel ictu oculi mutasse 7) refert. Sed satis me jam in salébrofa hac et caliginosa semita incessisse arbitror, vixque ultra progredi audeo, verens, ne plura audaci conjectura, non experimentis vel ratiocinio satis fundata proferens erudito lectori displiceam. In his saltem, quae hucusque protuli, lucem quandam, tum ubi ipse doloribus infirmorum angerer,prehendere mihi visus sum, eo mihi gratiorem, dum et indicationum et eligendorum remediorum ostenderet cynosuram, felici saepe euentu confirmatam. Nec comto haec sermone nimis ornare enixus sum, probe gnarus, *morbos, sic loquente CELSO, remediis curari, non eloquentia.*

4) GWERN. ROLFINK Meth. Med. spec. S. III. Cap. XII.

6) VIT. RIEDLIN Lin. Med. An. 97. Mens. April. N. 6.

5) DOMINIC. PANAROL Pentecost. V. Obs. 27.

7) Quaest. Med. Leg. Lib. III. Tit. II. Quaest. VI.



XIII.

CAROLI CHRISTI. KRAVSE

DE

SENSIBILIVS PARTIBVS
HUMANI CORPORIS.

L I P S I A E 1765.

§. I.

Scriptit olim HERMANNVS BOERHAAVE: ¹⁾ „Si contemplamur ingentem molem „cerebri, cerebelli, medullae oblongatae, medullae spinalis, comparatione habita „molis vere solidae reliqui corporis, numerum maximum neruorum inde egressorum, „et vbique distributorum; cerebrum et carinam, h. e. medullam spinalem esse basin in „embryone, vnde reliqua viscera et partes deinceps generantur, teste egregio MAL- „PIGHIO; vix vllam esse particulam corporis, quae non sentiat, vel se non commo- „veat; credemus fere, omnes partes solidas corporis contextas esse fibris neruosis atque „iis constare.“ Quae quidem sententia cum et sermone hoc probabili et a Viro sum- mae auctoritatis tam fidenter proposita esset, inde vsque doctissimis Europae Medicis placuit comprobataque fuit, donec ALBERTO ab HALLER, Viro Perillustri Genero- sissimoque, et a natura ad experiendum comparatissimo, per numerosissima de viuvis animantibus brutis capta experimenta veritatem ejus periclitanti, secus visum esset. Post illa enim a Summo Viro acta pericula, aucipiti disputatione magnaue per oppida et vrbes edita animalium strage distracti, et inter sese diffidentes Medici modo huc modo illuc se inclinarunt, quo scilicet sua quemque impelleret opinio traheretue miserorum animalium quiritatio et angor. Quam quidem sententiarum diuersitatem ne nunc quidem post tot in vtramque partem habitas disputationes sublatam cernimus. Cum igitur a nobis partae hactenus doctrinae specimen quaecunque edendum esset, neque in tot peritissimorum Scriptorum frequentia protinus materies animo occurreret, quae, si a nobis explicaretur, neque nimis trita parumue utilis, neque prorsus iniqua viribus nostris esse videretur; de sentientibus humani corporis partibus cogitationes nostras proponere, animum tandem induximus, non quod usque adeo arrogantes eramus, nobisque ipsi tam suauiter blandiebamur, vt tam difficili et a tot claris doctisque viris hactenus varie tentatae rei pares omnino vires nostras putaremus, verum quod tantae eam esse

¹⁾ *Institut. Medic.* §. 301.

esse dignitatis, tantamque ad recte faciendam artem momentum habere existimabamus, ut vel iteranda tertianaque tractatio posset non superuacanea videri. Ipsa enim dignitas illa effecit, ut Illustris HALLERUS post primam ea de re editam dissertationem ²⁾ iterum ³⁾ iterumque ⁴⁾ mentem suam exponeret, et eruditissimorum hominum admonitionibus locum concedens paulo quidem luculentius veriusque quam prima scriptiōe explicaret. Quo minus nobis speramus vitio verti posse, quod post illa, quae alio loco lingua vernacula scripsimus ⁵⁾, denuo eadem de re differere ita quidem hoc tempore instituiamus, ut ex ea dissertatione quibusdam nostro quidem arbitrio defunctis et transcriptis, aliis pro hac nostra breuitate omiſſis, modo noua quaedam proponamus, modo ibi iam dicta nouis hic rationibus rerumque testimoniis confirmemus et illustremus. Et quoniam, quod vir Illustris et sapiens, I. B. MORGAGNUS, aliquo loco vere dixit, saepenumero priscæ doctrinae fastidio ultra aequum progredi docti homines solent, uos ne in contrarium vitium curramus, et nouae doctrinae odio ultra aequum progrediamur, quam poterimus, diligenter cauebimus. Via autem est ratione hac utemur, ut a praemissis generalioribus, atque iis quidem paucis, ad singula genera partium humani corporis veniamus, singula eo, qui nobis commodior videbitur, ordine contemplaturi, et sensum cuique suum vindicaturi.

§. II.

Vt igitur ordine procedat oratio nostra, primo, quae et unde sit illa, quae partibus humani corporis tribuitur, sentiendi vis, paucis videamus. Est autem ea humani corporis partibus attributa proprietas, qua sit, ut, si partes eae certa quadam ratione commouentur vel ab aliis corporibus continguntur concutiunturque, mutatio haec a principio vitali illo, quod toti corpori praesidet, et vulgo *anima* appellari solet, animaduertatur percipiaturque. Quae quidem facultas, si ejus causa in corpore reperiunda spectatur, quin a solis nervis, et parti cuique sentienti arctius intimiusque intertextis et cerebro ejusue, quae in spina est, medulla conjunctis copulatisque proficiscatur, nemo peritiorum est, qui dubitet. Quod cum ita sit, id quoque verum erit, omnem corporis partem, in quam, datis quibusdam causis, quibuscunque demum iis, sensus aliquis cadit, nervis instructam esse donatamque, etiamsi nerueorum funiculorum in eam ingressus nulla hactenus esset arte demonstratus. Non tamen vicissim, si qua pars aut non omni sensus genere aut tempore certo quodam ne illa quidem sensus specie, quae vehementior est et dolor vocatur, afficitur, protinus colligendum est, eam nunquam non ad causas quasque insensibilem esse, nihilque nervosi accepisse.

§. III.

2) Vid. *Comment. Soc. R. Goetting. A.* MDCCCLII.

3) vid. *Mémoires sur la nature Sensible et irritable des parties du corps animal* par Mr. DE HALLER T. IV.

4) *Physiol. T. IV.*

5) Vid. Abhandlung des Herrn von Haller von den empfindlichen und reizbaren Theilen des menschlichen Leibes verdeutscht und geprüft von D. Carl Christian Krausen. Leipzig 1756.

§. III.

Itaque si quis partes corporis aliquas ex sentientium classe ejicere ausit, multa sane oportet circumspiciat, neque solis credat experimentis, captis illis de sanis corporibus vel hominum vel animantium brutorum. Quapropter nos quoque, dum argumentum hoc attingimus, magis ex ipsius artis salutaris thesauris quam ex ornatissimis theatris Zootomicorum hauriemus atque suppeditabimus ea, quae ad disceptationem propositae rei pertinere videbuntur. Quod dum in animo habemus, non ii quidem sumus, qui ejuspiani honesta studia et solertiam nauci faciamus, aut quemquam ab experiundi sedulitate atque industria dehortemur auocemusque, sed qui tamen prorsus arbitramur, ad elegantiam artis cujusvis pertinere, ut doctores, ubicunque possint, domesticis potius quam aliunde petitis, quasi precariis et emendicatis, principiis utantur; cum maxime vero ambigua esse, quae ad euincendum refellendumue sensum partium humani corporis ab animantibus brutis requiruntur extorquenturque testimonia.

§. IV.

Sed ne hoc frustra dixisse videamur, protinus sententiae nostrae aequitatem lectoribus comprobare volumus. Misera autem animalia tantae torturae subiecta, de partium suarum sensu non posse liquido testari, quisque facile intelligit. Alia enim eorum agitantur ira et exandescencia, alia prae terrore metuque stupida fiunt, alia maximo angore sollicitantur commouenturque. Prius illud Illustris HALLERVS ipse ingenue fatetur, „nam etiam, inquit, absque vulneribus bestia, libertatis amans, vincula et „lora maligne fert, et solet impatientiam clamoribus testari, sui que tortoris faciem ma- „numque perhorrescere.“ Alterum ex HALLERI discipulis aliquis ¹⁾, antequam controuersia haec suscepta esset, diserte et ingenue asseruit hisce quidem verbis: „Similes „terroris effectus vidit HALLERVS in canibus, quos HAMBERGERI incredulitatis aut, ut „recte loquar, ejus, in Anatomicis praesertim, ignorantiae et nefarii ingenii causa „toties dissecare coactus fuit, qui, dum vinculis adstringuntur, ne guttula quidem san- „guinis effusa, et ne mucronem quidem cultri experti, prae solo metu non raro expi- „rasse visi sunt.“ Tertium denique quod attinet, MART. FROBEN LEDERMÜLLERVS ²⁾, nobilis ille et diligens rerum naturalium scrutator, summam anxietatem animantium hujus generis torturae subiectorum doloremque, quo corpus vniuersum perturbatur, multiplicem adeo veretur, ut nec de sanguinis motu accelerato ejusque globulorum figuris firmum et certum quid ex observationibus ejusmodi colligi statuique posse arbitretur. Quo igitur minus fida ex illis fuerit collectio, si de sensu partium statuere fategeris! Neque adeo ii, qui, quod istiusmodi experimentis aut nihil aut perparum tribuunt, eam rationem experiundi negligunt, reprehendendi sunt aut Anatomes ignorantiae accusandi, in hac certe re, ad quam subtilioris Anatomes peritia opus non est.

A a 2

Ex

1) Vid. LANGHANSII, Viri clarissimi, tam, a summo dolore, mortem superue-
dissertatio de consensu partium corporis nire.

humani, edita Goettingae 1749. pag. 34.
Haec, cum scripsssem, alia legi apud
Ill. HALLERVM, scilicet aliquando subi-

2) Vid. JACOBI BERNH. PREV *differ-*
tatio de celeritate sanguinis in vasis mini-
mis. Altorfi 1758. p. 27-33.

Ex illis autem animantium variis affectibus et commotionibus intelligimus, quam ob rem, datis iisdem externis doloris causis, signa ejus modo edere modo nulla dare bestiae consueverint, non tantummodo in eorum, qui Illustri HALLERO aduersantur, experimentis, sed in eorum etiam, qui Illustris viri causae patrocinantur 3).

§. V.

Sunt aliae quaedam animaduersiones necessariae. Dolore vtuntur tanquam signo praesentis sensus in qua parte. Cujus quidem causa proxima in obscuro posita est, nec nisi generaliore hanc explicationem admittit, si qua pars doleat corpori adhaerens, aut nerueos funiculos ipsos aut fila nervosa parti illi intertexta motu certo quodam concuti et commoueri sic, vt inde oriatur sensus ille ingratus, qui dolor vocatur. Cum igitur corporis partes fabrica inter sese differant, rationi consentaneum est, in partibus diuersae fabricae non eundem semper sensum ab iisdem causis excitari. Fieri igitur posse, vt qua pars, quae, cum esset sanissima, vri quidem ac pungi scindique aut dirumpi absque sensu exquisiti doloris poterat, nihilominus tamen alio tempore ad alias doloris causas dolens existat. Id autem fieri propterea, quoniam nervosa illa flamina, parti illi intertexta, quae in sano corpore nimis compressa, et per fabricam partis nimis densam fere elisa erant, morbosa conditione ita rarescunt, turgent, aut etiam tenduntur, vt oscillationes illae, quae doloris causae proximae vice funguntur, celebrari possint. Neque a ratione abhorret, *partem eandem eodem tempore ad causas quasdam indolentem videri, ad alias ingrato sensu affici*. Vtramque sententiam per luculenta exempla comprobata alio scriptionis hujus in loco Lector inueniet. Hoc loco neque alterius vtrius probationem, neque plures generales sententias proponere placet, ne dicendorum difficultate legentibus taedium creemus.

§. VI.

Percurramus igitur partes corporis humani, et, quid experimenta observationesque doceant, curiose videamus. Repetimus autem, *neruos* non modo ipsos sensu et eo quidem acri et exquisito pollere, sed omnis etiam sensus quasi fontem nisi primum, certe propiorem esse. Sentire autem potissimum eorum partem medullarem.

§. VII.

An vero *arteriae* et *venae* quoque sentiendi facultate gaudent? Arteriis minoribus venisque sensum aliquem esse ex eo erit colligendum, quod postea de cute et musculis dicetur. Hoc loco nihil aliud liquet nisi hoc, canalibus illis sentiendi facultatem, certam quandam, quamcunque denum, inesse posse, inesse enim nervosa fila. Haec autem inesse docet mutatio motus sanguinis, quae consequitur conuulsaturque mutata conditionem systematis nervosi. Quo enim modo canales illi a terrore metuque con-

stringi

3) Vid. *Memoires sur les parties sensibles et irritables du corps animal* par Mr. de HALLER, T. II. p. 68. 69. 241. 336. 356.

T. III. p. 17. 165. 358. 359. et alibi passim. Petiora eaim loca tantum excito, praeteritis pluribus aliis.

stringi et arctari, a moestitia remitti, ab iracundia et gaudio celerius fortiusque ac plenius impelli possent, nisi nervosi quid inesset? Spasticus, durus, contractus, parvus micantium arteriarum motus, seu febrili commotione seu aliis spasmodorum causis inductus, idem docet. An vero et *maiores arteriae et venae* illa facultate possent? Posse pollere ex eo intelligimus, quod maiores illi canales ex continuatis minoribus, aut, quod alius dixerit, hi ex illis oriuntur. Neque omittendum est, nervorum in arterias insertionem ex eo jam satis intelligi, quod in artubus, quorum nervi inutiles facti sunt, sanguinis humorumque circuitus perit. Ut taceam, plerisque arteriis majoribus data esse conspicua fila nervosa. Re ipsa venae majusculae dolere videntur; varices quippe, quibus crura obsidentur, nonnunquam dolent. Arteriae lumbares dolere visae sunt; ut est apud THOM. BARTHOLINUM¹⁾, qui scripsit „GALENVS ait, pulsus „inflammari, item sentire et dolere arteriam; quod in interiori expertus est quidam „Patauus, qui ingenti circa lumbos dolore defunctus, lapides, instar vnguis, in arteriis „lumbaribus condebat.“ Ab his partibus similaribus transeamus ad eas, quae ex illis componentur.

§. VIII.

Ordiamur autem ab *epidermide*. Quam si dixerim non omni sensu carere, vendum erit, ne multi sint, qui nimis subtilia et ab omni medicorum sensu aliena docentem me deferant et spernant. Sed vero si cuticulam sanam et integram ab subiecta cute deglubi nonnisi vehementissimo cum dolore posse, ex cute igitur in illam nervas fibras prodire, eidemque penitus iutexti, atque ab iis praestari sensum aliquem posse, secum animo cogitarint, aequiores ex iis spero esse reuersuros. Epidermidem paulo antea sanam, at a cute nunc solutam, siue vlllo doloris sensu vellicari, discindi et comburi, ingenue quidem fatemur; sanam vero et cuti nerveisque filamentis adhaerentem insensibilem esse, ex eo ipso colligi cogique posse plane negamus. Neque ignoro, vngues pilosque, quamvis a corpore auelli non absque sensu doloris possint, ad partes, quae non sentiant, ab omnibus tamen referri, idemque ergo de epidermide dici merito posse videri. Sed frustra videtur; diuersa enim earum partium fabrica est atque natura. Nos autem de sensu epidermidis veri simile dixisse, testes proferimus digitos, in iisdemque reduuiam h. e. epidermidis a cute abscedentis morbum vulgatissimum illum. Hoc enim morbo epidermis a cute soluta, quanquam non semper saepenumero tamen, inflammatur, atque tum, si vnguium summis acuminibus premendo vellicatur, ad summum vsque reduviae apicem sensu manifesto afficitur. In erysipelatis generibus leuioribus cutis non magis quam cuticula affecta, et pruritus sedes in hac aequae atque illa esse videtur. Nam nisi inflammata epidermis esset, ejus color rubicundus esse non posset. Sana enim epidermis subiectam habet cutem rubicundam satis; neque tamen rubore splendet. Epidermidis squamulae post illum aliosque morbos cutaneos a tergo resolutae et decedentes idem docent. Atque haec quidem de sensu epidermidis satis dicta sunt. Operae enim pretium esse non puto diu morari in refutatione opinionis eorum, qui epidermidem non ex vasculis nervulorumque propaginibus

1) In *Anat. reform.* p. 650.

ginibus contexi atque componi, sed ab exhalantibus succis condensatisque originem repetere persuasum habent.

§. IX.

Epidermidi subjecta *cutis* est. De cujus sensu eodemque acri et exquisito, cum nemo sit, qui dubitet, nihil quidem, quo cum vindicem, pono, verum tamen animaduersiones quasdam adjicio, quae caeterarum partium sensum illustrent. Primo igitur obseruo, cutis quidem sensum aequae ac caeterarum partium esse a nervis, non eam tamen totam ex solis nervis conflata esse atque compositam, sed maiorem partem constare atque existere ex intertextis venis arteriisque et cellulosae telae filis aut laminulis ¹⁾, ejus generis partibus, quibus aut nullus omnino, ut Illustris HALLERVS. ejusque Amici arbitrantur, aut certe, quod nobis ac non paucis aliis iisque eruditissimis viris videtur, paulo obscurior sensus attributus est. Ergo si cutem, cujus fortasse vix sexta pars nervis debetur, vel acutissimo scalpello feces vel pertenui acicula compungas, fieri non posse, ut continuo et vbique nerueas fibrillas laedas; nihilo tamen minus cutem in omni puncto vel minimo dolere, eidemque adeo toti vere tribui facultatem sentiendi, eamque fere vnum continuumque neruum esse videri; itaque caeteras illas particulas vel jam antea quam cuti infererentur, sensus fuisse participes, vel post insertionem a nerueis fibrillis facultate sentiendi donatas esse. Tandem et hoc, quod vel praecipuum est, addimus, *cutem, epidermide tectam, dum integra sit nulloque morbo affecta, vel admodum aspere contrectari, premi, elongari, perfricari, multaque alia sine doloris sensu posse pati, quorum ne minimum quidem ipsa ferat tum, cum vehementiori inflammatione fuerit correpta.* Hanc observationem si animo diligenter proponas, et ad caeteras corporis partes minus sensiles illas transferas, has easdem interdum obscuriori obtusiorique, ac propemodum nullo sensu pollere, interdum tamen satis acriter dolere posse facile dabis.

§. X.

Nos vero ipsi haec §. praec. dicta protinus transferamus ad *tunicam cellulosa*m, quae, si illis, quae de sensu animantium brutorum rudi manu et pingui quasi Minerua capi solent, experimentis fides habenda sit, omni sensu carere videtur. At vero si cutem ipsam, qua spectat telam cellulosa, in folia et cellulosa laminas abire omnesque nervos cuti implantatos per eam telam ad cutem migrare ¹⁾, praeterea tunicam cellulosa minoribus arteriis venisque abundare, in eademque frequentissimam inflammationum et abscessuum sedem esse, ab iis autem morbis dolorem abesse non posse cogitaueris, nullum plane sensum telae illi esse, rudiioribus illis experimentis non facile credes. Pro varia tamen pinguedinis laminis solidis interjectae copia magnum ac praecipue varium

¹⁾ Fibras quoque tendineas in cutem variis in locis tendere eamque crassiorem reddere, TH. BARTHOLINVS in *Anatom. reform.* p. 13. docet, STENONIVM maxime Auctorem secutus. Idemque in nuperrimo scripto

posthumo DVVERNEY legimus. Sed negant alii.

¹⁾ EVSTACHIUS multos esse in cute nervos negat, in tunica cellulosa plures admittit.

varium discrimen ejus sensus esse non est dissimulandum. Caeterum non omittendum est, ad usum medicum nihil interesse, an laminae illae seorsim spectatae pro sensilibus habeantur, cum nemo eas ita nudas omnique alia parte spoliatas unquam acceperit curandas.

§. XI.

Ab externis illis corporis partibus per media ossa ad internam eorum medullam ac periosteum internum veniamus. His autem partibus cum et arteriae et venae sint; nervos quoque datos esse, et analogia suadet et periti viri docuerunt ¹⁾. Sentire ergo partes eas posse facile persuademur. Reipsa autem et vehementius quidem laesam medullam dolere, demonstrarunt DUFFERNEY ²⁾, MONRO ³⁾, BERTIN ⁴⁾, HEVERMANNUS ⁵⁾, BORDENAVE ⁶⁾, PETITVS ⁷⁾, neque tantum in animantibus brutis, sed in hominibus quoque idem factum esse, cum sanae mentis essent. Vt adeo frustra sit Illustris HALLERVS, quando eorum experimentorum momentum fatagit adductis contrariis minuire ⁸⁾. Praeterea fidelis observatio eorum, quae atrocis illius morbi, quem *spinam ventosam* barbare vocant, initio contingunt, docet, inflammato ac deinceps in pus abeunte periosteio interno et ossium medulla, dolorem concitari, qui in intimis ossium recessibus furians aegrotos dies noctesque vexat ac pungit, omnemque somnum eripiens, ad summam maciem perducit. His aliisque permotus Magnificus LUDWIGVS iis assentitur ⁹⁾, qui dolorem aliquem in medulla ossium interdum extitisse perhibent. Tandem huc quoque pertinet HIPPOCRATIS observatio, inquentis: „Επὶ ὅσας διακοπήν παραφροσύνη, ἣν κελεύει λαβῆναι, id est: Ex ossis dissectione delirium, si ad vacuum usque processerit ¹⁰⁾.“ Non autem oleosam partem medullae, sed solidas laminae sensu pollere, prorsus credibile est.

§. XII.

Periosteio interno et medullae laminis facultatem sentiendi esse vidimus. Quid autem de ossium ipsorum substantia videtur? Ossa sana vri, radi, perterebrari, ferra praecidi absque doloris sensu posse, omnibus cognitum est atque perspectum. Negamus tamen, ex eo consequens esse, ut ossa omnis sensus expertia sint, neque dolore affici unquam possint. Nam et nervi et arteriae per substantiam ossis ad internum periosteum migrant, et ipsa ossa suas habent arterias conspicuas; ergo sentire et dolere possunt. Quod ad causas quasdam non doleant, id minime insolens est, cum ipsa cutis,

1) Vid. MONRO *Osteolog.* p. 28. BERTIN *Osteolog.* p. 216.

2) *Hist. de l'Acad. des Sc. de Paris* a. 1700. p. 288.

3) *l. c.* p. 218.

4) *Abhandlung der chirurgischen Operationen* Th. I. p. 55. 56.

5) *Memoires sur les parties sensibles etc.* par Mr. DE HALLER T. III. p. 266.

6) *ad Palfynii Osteolog.* P. I. C. 5. in amputatione artuum tum, cum ferra medullam attingere occoeperit, homines de acerrimo dolore conqueri docet.

7) *Physiolog.* T. IV.

8) in *dissert. de laesa ossium nutritione* p. 29.

9) *Aphor.* XXIV. Sect. VII.

cutis, dum recte valet et integra est, ad causas sat asperas indolens sit; quod et, nisi ita esset, parum conducere. Sed relinquamus haec, colligamusque observationes, quae docent re ipsa ossibus inesse sentiendi facultatem qualemunque. Ac primo quidem illud ponimus lippis et tonforibus notum, quo constat, euphorbii aliorumque calidorum pharmacorum actionem per corruptam partem ossium carie affectorum penetrare ad sanum usque corpus, ibidemque pungere et irritare ossis arterias minimas, adeo ut succus nutritius alliciatur, quo eae elongentur, ac propullulantes corruptam ossis partem depellant. Quod sane, nisi ossibus aliquis, quanquam obscurior subest sensus, fieri nequit. Deinde et illud ignotum non est, acute sentire carnes rubicundas, granulis non absimiles illas, quae ex ossibus periosteo priuatis nudatisque efflorescunt, ac propullulant, posteaquam superiores ossis laminae pluribus iisque exiguis foraminulis perterebratae sunt. Id quoniam Illustris HALLERUS iusticias ire non potest, effugium quaerit, ac se varie mouens respondet ¹⁾, eas carnes ipsa ossa esse, minime recte affirmari, sed videri ex tumido celluloso textu efflorescere, qui ossibus incumbat, et cujus pars sit periosteum; in eo autem textu quin nervi insint, nihil repugnare. Sed hac responsione Vir Illustris nihil proficit. Eadem enim carnes ex ipsa ossis substantia progerminant tum in truncis artuum serra praecisorum, tum ossibus calvariae modiolis excisis, ubi tumidi illius textus suspicio nulla esse potest. Carnes eas granulis similes alterno motu eodemque caeteris corporis arteriis synchrono micare, oculus microscopio armatus cernit ²⁾. His jungi possunt aliae observationes. NICOLAUS MASSA ³⁾ femoris os carie peresum vidit, quod ne minimum quidem tactum ferret, quin summus oriretur dolor. Si ossa fissuras vel minimas a vi externa contraxerunt, vehemens dolor, febres, aliaeque grauissima symptomata consequuntur ⁴⁾. Ex illis autem praemissis intelligi potest ratio dolorum, quos profunde in ipsa ossium substantia sentiunt homines, arthritide, scorbuto ⁵⁾, morbo syphilitico affecti, itemque febre quartana vehementiori rigentes, horrentes tremantesque. Quibus Magnificus LUDWIGVS addit, in summe delassatis percipi sensum ingratum, in artuum penetralibus, qui ipse ossium substantiam afficere videatur ⁶⁾. Et SCHELHAMMERVS ossibus sensum vindicat, sed obscurum ⁷⁾. Non raro etiam in medullis calvariae, diploën vocant, a collecto

1) *Physiolog.* T. IV. p. 272.

2) Vid. VAN SWIETEN *Comment. in Aph. Boerhaauui* T. I. p. 253. MONRO l. c. p. 20.

3) *Introduct. Anatom.* C. XXX.

4) Vid. Chirurgorum libri, praecipue Jo. VLRICI BILGVERI, Viri Excellentissimi et Experientissimi, Liber inscriptus ille: *Anweisung zur ausübenden Wundarznei in Feld-lazareth.* § 479-533.

5) Vid. LYDOV. ROYPPEN *de morbis navigantium liber vnus etc.* p. 138. ubi Auctor ille, qui multorum scorbuticorum corpora curauit, scribit: „Hoc in statu (Scilicet secundo) morbi saepe animaduertuntur in vna vel

altera corporis parte acerbissimi dolores, praesertim, circa ossa, qui nulli cedunt remedio, nec locum mutant.“ „In ossibus „ipsis eorum dolorum sedem esse docent ossium morbi consequentes exostoses, caries, „epiphyseum solutiones ab ossis corpore, et „similes. Vid. etiam Celeb. STÖERKII *Ann. Medic. secundus*, ubi leges: Quandoque „dolor rheumaticus internam ossium substantiam occupauit, et tunc aegri externum „ad tactum, quamuis satis rudem, sine magna molestia tulerunt.“

6) *cit. dissert.* p. 9.

7) *In Analect.* p. 473.

ibi et mora acriori reddito humore acerbissimi dolores concitantur, quod jam RIOLANVS memoriae prodidit ⁸⁾. Illis similes sunt dolores hi, qui miserrime dilacerant homines, dum ossa emolliuntur absumunturque ⁹⁾. Omnis autem dolor ossa diuexans nasci videtur, si, quae ossium laminae inuestiunt, membranulae, tenerrimae illae, perque eas diuisae arteriolae minimae et nervosa filamenta aut inflammatione corripuntur aut nimis tenduntur, aut acribus humoribus punguntur, roduntur concutiunturque.

§. XIII.

Ossibus affines sunt *dentes*. Quos sentire adeo certum est, ut eorum sensum ab Illustri HALLERO in dubitationem adduci, mirum sit. Nam quocunque loco tangas dentem, in eo ipso loco senties contactum. Praeterea dentes, a manducatione austerorum acidorumque, item a solis acidis vaporibus ex ventriculo explosis, ingrato illo sensu, qui *haemodia* nominatur, affici quisque imperitissimus compertum habet. Eum autem in extrema dentium superficie sedem habere, quilibet oportet in suis ipsius dentibus animaduertat. Ego sane saepius facto periculo hac de re dubitare non possum. Ne vero absque testimonio istud dictum sit, testes adhibebo idoneos. Legimus autem apud MOEBIVM ¹⁾: „Sentiant dentes non solum ob nervum insertum, membranam, que exterius et in cavitatem expansam, ut multi iudicant, sed etiam in propria substantia, ut affirmat GALENVS L. XVI. *de usu partium* et L. V. *de compositione medicamentorum*, secundum loca.“ Idem fatetur THOM. BARTHOLINVS, quando, „dentibus, inquit ²⁾, sensum aliquem tribuere possum, cum sentiant aerem vel aquam frigidissimam, etiam extremis partibus, in haemodia praesertim, antequam ad membranulas nervosque, quorum beneficio sentire creduntur, pertingat.“ Et ARETAEVVS quoque ³⁾ tum ossibus cum maxime vero dentibus sensum aliquem esse scribit, et causam, quam ob rem ad alias laesiones doleant, ad alias non doleant, probabilem edisserit, veram enim solis Diis esse cognitam; probabilem autem illam ab intemperatura caliditatis insitae repetit, et rursus alio loco ⁴⁾ monet, aegrotantes de tenui dolore et in ossibus defixo conqueri, et morbum articulare populari vniuersam ossium compagem. Cum his prorsus consentit recentior scriptor, celebris ac peritus apud Parisios Medicus dentarius, cui nomen FAUCHARD ⁵⁾. Atque hos quidem testes e pluribus adduxisse sufficiat. Nobis quidem videtur sensus ille ingratus oriri, si vegetabilium rerum succus acerbus, acidus, austerus et adstringens per spicula sua terream dentium partem aggreditur, rodit et concutit, ut osseam substantiam dissolvat et destruat, quod ossibus aceto maceratis, et dentibus per acida mineralia a sordibus subinde repurgatis dealbatisque accidere omnes

8) *Enchirid. Anatom. VI. C. 7.*1) *In fundamentis Physiologicis p. 112.*9) Vid. I. B. MORGAGNVS *de sedibus et causis morborum Epist. L. VIII. no. 4.* item SCHENKII *Obs. de capite, Obs. LX. vbi docetur, ossa ita dolentia sub integris suis membranis tumentia et ad medullam usque suppurata inueniri.*2) *Anat. Reform. p. 692.*3) *Morborum diuturnorum L. II. C. 12. p. 65.*4) *p. 66.*5) *Chirurgien dentiste T. I. Ch. 6.*

nes norunt. Ille autem tremor, extimam dentis partem concutiens, tunc communicatur cum arteriolis minimis illis, quas in ipsa durissima substantia dentium post artificiosissimas injectiones in conspectum sese dare asseruit RYVSCHIVS. 6). Dissolutionis illius initium percipere lingua lambens potest; stupentes enim dentes in extrema superficie factos esse asperiores et sapiens et insipiens particula illa sentit. Ipsa quoque in vulgus nota medela haemodiae nos eodem ducit. Stupentibus enim dentibus medemur manducando aut multo butyro illita, aut caseum non recentem; quorum illud pinguedine sua dentibus adhaerentes particulas obuoluit, hic vero partim absorbet, partim mucagine sua etiam obuoluit spicula ea hebetiaque reddit. De ingrato illo sensu per dentes, incisores praecipue et caninos propagato, qui oriri solet, si manus opus textile vel coactile leuiter appressa fricat, aut si instrumenta metallica vel similes res ad se mutuo atteruntur, et certum quendam fere omnibus hominibus ingratisimum sonum edunt, hoc loco dicere non placet, quanquam ea res est dignissima consideratione, tanquam e qua recte ratiocinando colligi confectionaria possunt, per quae doctrinae aliae difficiles illae quidem, sed nihilo tamen minus verae faciliorem explicationem accipiant. Ob id autem ipsum, neque hoc postremo loco tactum, neque illa supra de dentium sensu dicta, aut alia huiusmodi a Viro prudente nauci sunt, etiamsi ad medicinam faciendam parum pertinet, siue res hoc siue illo modo fiat, dum modo, quod malum subsit, et qua ratione ei medendum sit, scientia comprehensum habeamus ac probe intellectum.

§. XIV.

Relictis ossibus et dentibus transeamus ad *periostea externa* et *pericranium*, tanquam partes, quas sensilissimis olim connumerant omnes fere, qui artis exercitio inelyti fuerunt, medici. Quae quidem opinio, adeo constans et communis, nisi parte quadam sigillum veri prae se ferret, tanti consensus ratio intelligi non posset. Videntur autem medici, quicumque acrioris illius sensus meminerunt, non tam ad sanum quam aegrotum corpus animum attendisse. Neque vero improbabilem omnino eorum sententiam esse ex iis, quae de interno periosteo et medulla ipsisque ossibus diximus, intelligi potest. Etenim per externum periosteum iter faciunt nervi et arteriae, ad os ipsum ejusque medullam pertinentes, in eoque summo repunt uerui, qui ad musculos vicinos tendunt. Ipsum quoque plenum est sanguiferis vasis, quae nervorum potestati subiecta esse, dubitari nequit. De nervis, quae periosteo externo proprii sint, dubitationem mouet Hl. HALLERVS, quod oculo usurpari non possint. Sed jam MARCVS TVLLIVS sapienter praecepit: *Animo contemplare, quod oculo non potes.* Itaque si ea, quae §. VIII. diximus, ad animum reuocamus, de nervis periosteo intextis dubitare non possumus. Nam si, destructis nervis artus cuiusque in membro isto vitalis humorum motus sistitur, et ex eo putredo oritur; arterias et venas indequeeductos minores canaliculos absque nervorum actione atque adeo sine nervis ipsis ad edendas actiones idoneos non esse, ergo nerveis filis carere non posse, manifestum est. Sed non modo hujus modi contemplationes nervos periosteo externo esse docent, sed clari quoque

quoque doctique viri inesse demonstrarunt ¹⁾. Quod non omnibus datum sit, ea reperi-
 re et ob oculos ponere, nemo prudens objecerit. At perioſtea poſſe nerueis filiſ do-
 nata eſſe, et nihilominus tamen ad læſiones et vulnera non dolere, fortasſe dixerit
 aliquis exemplo vnguium et pilorum adductus. Sed hæc partes perioſteo ſimiles non
 ſunt; id quod quoniam omnes vident, ſecurè ſumimus. Alius nouitatis amans, quia
 ex amicis HALLERI eſt, Illuſtrisque hujus viri experimenta ſuſpicit, tranſuerſus rapitur.
 Verum experimenta omnia illa nihil aliud docent, niſi hoc vnum, neruis ipſis et cute
 minus ſenſilia eſſe perioſtea; ſenſu omni neruiſque carere non docent, nec poſſunt do-
 cere. Medicorum vero fidelis diligentia et in medendo occupata induſtria perioſteis
 facultatem ſentiendi eſſe oſtendit, et omnem hanc dirimens controuerſiam, ſuſpici
 debet. Etenim perioſteum propter magnam arteriarum venarumque minimarum co-
 piam ſæpius inflammari, et tunc eo loci dolorem vehementiſſimum aegrotanti mole-
 ſtum eſſe, et febrem conuulſionesque et alia grauiora ſymptomata ſequi, itaque illud
 ſenſu gaudere neruiſque adeo non carere, ad liquidum perducit. De quo vel ipſa ex-
 perientia conſulatur vel legantur libri chirurgorum, et ex his ille ſupra laudati BILGVE-
 RI ²⁾. Quo tamen non negatur, fieri quoque ſæpius, vt vulnera et læſiones perioſtei
 et pericranii ſine grauioribus ſymptomatibus ſanentur. Sed eadem exitus varietas in
 omnium propemodum partium vulneribus cernitur, neque tamen earum partium ſen-
 ſum in controuerſiam adducit. Sunt vero etiam alia, per quæ ſenſum earum tuearis.
 Ac pericranium præcipue ſenſu gaudere dolor capitis tam crebro hominibus infeſtus,
 docet. Tum enim non cutis dolet, cum dolor altius inſidet; neque, quod Ill. HAL-
 LERO viſum eſt, ſoli neruorum fasciculi afficiuntur, cum dolor non tantummodo in iis
 locis, per quæ fasciculi illi repunt, ſed omnino latius et in omnibus ac ſingulis do-
 lentis regionis punctis ſæuit, atque continuus eſt. Aliquando tamen dolor partes
 quoque occupat prorsus definitas, vt de doloribus futurarum caluarie teſtatur ARE-
 TÆVS ³⁾ his verbis: Τῆς κεφαλῆς, ἡλγες τὰς ῥαφὰς, ἐν εἰδὼς μὲν ὅ, τι πο-
 νεί, εἰδείναι τῶν ῥαφῶν τὰ ἰδεα λοξὴν, εὐδείην, ἐπικάρσιον, ὀπίσω τὲ καὶ πρόσω.
 Atque nonnunquam vsque adeo ſæuiuerunt capitis dolores, vt futurae cranii hiſcere viſae
 ſint, quod de eruditifſimo quondam PASCALIO memoriae proditum eſt ⁴⁾. Non
 ignoro, Illuſtrem HALLERVM aliquo loco dixiſſe, ex his doloribus nihil certi colligi
 poſſe,

Bb 2

¹⁾ Vid. PETITVS ad *Palfynii Osteolog.* eſt; quĩ quidem locus lectu digniſſimus
 T. I. C. 5. eſt.

³⁾ l. c. p. 66.

²⁾ l. c. §. 438. Quem quidem locum,
 quia luculentior eſt, appono. Die Gehirn-
 und die Diple sind vielfältige Mal mehr Ur-
 ſache an den Zufällen bey den Wunden, und
 Urſachen zu Knochenkrankheiten ohne Wun-
 den, als man bisher gedacht hat. — —
 Die Gehirn wird beſonders, ehe ſie zer-
 platzt, in die Höhe getrieben, macht entſetz-
 lichen Schmerz, Conuulſionen und Fieber.
 Item §. 535. vbi de ſymptomatibus pericra-
 nii a caluarie ſolutionem comitantibus ſermo

⁴⁾ Vid. PETITVS ad *Palfynii Anatom.*
chir. p. 75. vbi præter id alia hujus rei
 exempla apud *Hippocratem* et *Galenum* legi
 aſſeuerat mihi non nota, niſi illum in *HIP-
 POCRATE de Medici officina* Sect. III. §. 37.
 p. III. Edit. Charterii. Vid. quoque AR-
 NOLD. BOOT in *obſ. Medicis de Affectibus*
 omiſſis Cap. IV. ANT. DE POZZIS in E. N.
 C. Dec. I. A. 10. obſ. 32. J. CONR. PEYER
 in PAEON. et PYTHOGOR. Exercit. Anat.
 et Med. Exercit. XXXVIII.

posse, cum aegrotantes, quid doleat, ipsi sentire non possint. Sed quoniam Vir Illustris, „se in podagricis tormentis, et cum muscali a scalarum in funiculos subterraneos ducentium multo usu, aut a longo praecipitium montium descensu acriter dolerent, accurate percepisse, nullum omnino tendinum sensum esse“ assuevit⁵⁾, idem aliis quoque hominibus postea relicturum esse speramus. Experimenta de animantibus brutis aut hominibus quoque capta, experimentis HALLERI ejusque amicorum contraria, ac partim ab eo ipso excitata⁶⁾ attingere nolo, iis quippe parum tribuens verensque, ne Vir Illustris sensum ejus doloris a nervis repetat pericranio non propriis neque inquilinis. Id vnum praeterire non possum, quod in loco, quem modo excitaui, Ill. Vir posuit. „In duobus hominibus, inquit, Clar. Chirurgus, JOSEPHVS VESPA, os „ferra resecurit, neque periostium derafit, nullo cum aegri sensu, neque aliter jubet „operari nuperus Clar. Chirurgus GOOCH. In alio homine periosteum scarificavit, „nullo pariter cum aegri dolore CL. ROBBIATTI. In alio simile exemplum extat CL. „PERENOTTI⁷⁾“. Sed vero quam speciosa ista videantur, nil quicquam tamen iis proficitur. In tam amplo enim loco pericranii nullum omnino, ne minimum quidem nervulum, ac ne aduenam quidem subsuisse, qui credat, vix quisquam erit. Ex quo consequens est, nervos ipsos interdum ad manifestiores dolorum causas videri non dolere. Alii autem Chirurghi pericranium a caluaria non sine dolore separari fatentur⁸⁾. Et nos ipsi militem gregarium virum caeteroquin fortem atque intrepidum, dum ea fieret separatio, vehementer conquestum vidimus.

§. XV.

Sed ne in hoc vno loco nimis diu haereamus, a pericranio per caluariam ad *duram menynghem* penetramus, admirabundi medicorum summam instantiam. Quam enim patrum nostrorum et nostra ipsorum quoque memoria eruditissimi medicorum, Principes dixeris, omnium aliarum in corpore membranarum matrem salutarunt, omnisque propemodum sensus originem constituerunt, atque motu suo dilatatorio et restrictorio separationi liquidi nervosi ac progressui sanguinis per encephalon admirabiliter subuenire, confidentius scripserunt; eam nunc membranam post Illustris HALLERI experimenta non modo omnibus his munerum honorumque splendidis titulis, sed proprio etiam suoque sensu orbatam spoliataque cernimus. Quarum quidem opinionum nulli animum addidit vir sapientiae studiosus et ab sectandi seque jactandi studio alienus. Quam ob rem nos, missis aliis omnibus, id agamus, ut durae menynghi sensum suum viudicemus, qualemcunque demum. Ac primo quidem animaduertimus, illis, quibus Illustr. HALLERVS ejusque Amici credunt, experimentis opponi alia posse, a viris non minoris eruditionis ac peritiae capta et instituta¹⁾. Ad haec quidem respondet Ill. HALLERVS, doloris signa inde extitisse, quoniam simul tactum pressumque fuerit ipsum

5) Vid. *Elem. Physiolog.* T. IV. p. 284.

6) *l. c.* p. 286. sqq.

7) Vid. HALLERI *Physiol.* T. IV. p. 287.

8) Vid. BILGVERI *l. c.* §. 560.

1) Vid. KAAW BOERHAAVE in *Impetum faciente* §. 325. 326. 329. vbi Clar. Vir multoties repetita experimenta idem semper docuisse h. e. durae matris sensum probasse, fatetur.

ipsum cerebrum. Sed his HALLERI verbis nemo quicquam tribuerit, quicumque alios viros in iisdemque HALLERI ipsius Amicos cerebri cortici sensum hujus generis per experimenta derogasse non ignorarit²⁾. In cerebri vulneribus idem cernere licet, h. e. nisi ipsa medulla laceratur aut quocunque modo concutitur commoueturque, doloris signa in animali vix animaduertuntur percipiunturque. Quin etiam aliquem cortici ei relinquere sensum possumus (vti reuera relinquimus) et negare tamen, a solo pressu leuiori, qualiter ejusmodi experiundi labore vtuntur, dum integra sit dura meninx, in cortice illo vtunque sensili dolorem exoriri. Etenim cutis, quae haud dubie cerebri cortice longe sensibilior est, dum sana et integra est suaque epidermide contacta, pressum tactumque nullo rudiorem et liquores satis acres absque vilo doloris sensu perferre solet. Quae cum ita sint, singularia illa effecta, quae a dura matre titillata extiterunt, in nota subiecta³⁾ adjicimus; non quod eorum, quae supra §. III. diximus, imme-

Bb 3

mores

2) Vid. Idem KAAW l. c. item Cl. ZIMMERMANNVS in *differt. de irritabilitate* p. 29. alique viri eruditi.

3) Vid. *Memoires sur les parties sensibles* etc. par Mr. DE HALLER T. II. p. 116. vbi Cl. HEYERMANN HALLERI Amicus fateatur: „Il y a pourtant eu quelques chiens, qui ont crié, quand j'ai detaché la dure mere du crane“ et p. 223. Cl. BROKESBY ait: „Il y a pourtant eu des sujets, dans lesquels il m'est resté quelque doute, sur l'insensibilité parfaite de la dure mere“ et p. 239. 240. legimus: „On piqua la menyngé avec l'aiguille, l'animal (canis) se plaignit; on y appliqua le caustique et il hurla“ et T. III. p. 47. Clar. CALDANI ait: „Il est vrai, que l'animal paroissoit souffrir, lorsque je prenois la dure mere avec des pinces, et que je la tiraillois pour la separer du crane;“ idem ibidem: „M. MOLINELLI introduisit alors une sonde d'argent entre la dure et la pie mere, en heurtant la superficié interieure de la dure mere, l'animal leva tout d'un coup la tete“ et p. 48. „On recommença à chatouiller la dure mere, et le cheveau leva la tete comme la premiere fois“ et p. 50. „Lorsque l'on a introduit une aiguille un peu grosse entre le crane et la dure mere, ou une spatule, les animaux se sont souvent agités. Cependant la compression du cerueau ne produisoit pas, cet effet.“ Porro ibidem: „Je n'ai remarqué que trois fois une sorte de sensibilité de la dure mere, qui est decouverte, après qu'on a trepané le

crane. Cela arriva à un grand chien et à deux petits. Ils jetoient des cris à la seule application d'une sonde, lors même qu'on les chatouilloit, ou qu'on comarimoit un peu cette partie, quoique fort legerement.“ Item p. 52. „On entorrilla la pointe d'une alene avec du coron, et l'ayant trempé dans de l'eau forte, il l'aprocha de la dure mere. A peine l'eut-il touchée, l'animal s'agita.“ Ibidem: „Lorsque l'on chatouilloit la partie concave de la dure mere, il y avoit quelques signes de douleur.“ Et p. 53. „Toutes les fois, que les animaux s'agitent lors qu'on les chatouilla, ils furent d'une tranquillité admirable, lorsqu'on appliquoit les caustiques dans l'endroit même, où ils avoient été sensibles au chatouillement.“ Et p. 60. „Je repetai sur un chat l'experience de la dure mere. Mr. FONTANA les fit aussi sur un autre et sur un agneau et sur un chien. L'évenement fut constamment le même.“ Admiratione quidem digna res ea est, non tamen vsque adeo singularis, vt prorsus nihil simile in animali reperiatur. Nam titillationis sensum pedis planta aegerime fert, caustico non vehementissimo sat tamen valente illi a nihil dolet, nihil sentit. Ill. HALLERI Amici sensum eum non durae menyngi, sed cerebro tribuunt, sed aduersarii respondebunt, qui fieri possit, vt cortex cerebri, si a tam exigua causa commouetur, per eandem menyngem (ex hypothesi) insensilem non sentiat ignem, cum tamen cutis sensilis per insensilem cuticulam vim minimam

mores sinus, sed ut eorum, quae §. VI. proposita sunt, illustrationem suppeditemus. Deinde, aliud de dura menynge caluariae adhuc adhaerente, aliud de eadem nexu eo soluta et nudata, iudicium ferendum esse, quisque videt. Idemque etiam per experimenta compertum est ⁴⁾. Apud Illustrem MORGAGNUM ⁵⁾ quoque legimus, a coarctatu menyngum exstitisse capitis dolorem, nisi fortasse, quod mihi videtur, menyngum ille coalitus inflammationem menyngum doloremque cum ea conjunctum, tanquam effectus causam, fuerit consequutus. His omnibus addere licet cunctorum ante nostra tempora illustrium chirurgorum praecepta de non laceranda dura menynge in illa capitis curatione, quando caluariae ossa terebris exciduntur ⁶⁾; eorundemque observationem de menyngis dolore, quam CELSVS quoque ⁷⁾ proposuit hisce verbis: „Raro, sed aliquando tamen euenit, ut os quidem totum integrum maneat, intus vero ex ictu, vena aliqua in cerebri membrana rupta aliquid sanguinis mittat, isque ibi concretus, magnos dolores moueat.“ In aliis casibus remittunt symptomata et dolores, sublata festuca, quae menyngein antea pungebat. Ergo illa symptomata non a laeso cerebro sed vellicata menynge oriuntur. Multa eademque singularia ad hunc locum pertinentia leguntur apud BILGVERVM ⁸⁾, quae dubitationem, quin pericranium et dura mater sensu gaudeant, nullum sane relinquunt. Non ignoro quidem, Illustrem HALLERVM dicere, neruum, qui conspicuus sit, durae menynge insertum reperiri nullum. Verum utcumque id sit, sensus istius membranae, qualiscunque demum ille, similem rationem habere potest ei, quae in sensu periostei interni aliorum ossium cernitur. Possem alia addere, nisi metuendum esset, ne lectoris ingenio nimis parum aut nihil omnino tribuere viderer, si de sensu membranae, innumerabilibus arteriis venisque conspicuae, et inflammationi doloribusque a causa interna externaue concitatis saepe saepius obnoxiae, prolixior essem.

§. XVI.

minimam ignis quam ocysime percipiat. Alii, quos ad HALLERI Amicos non referre licet, alia, etsi illis non contraria repererunt. Vid. GEORG. GVILL. BENEFELD *diff. de Habitu virium motricium corporis humani ad actionem medicamentorum* p. 5. Cum Cl. Vir peniculis illis horridis, ex filis ferreis contextis, quibus vtuntur auri fabri, menyngem duram confricaret, animal protinus exquisitum dolorem concepit et enormiter conuulsus est. Similiter cum argenti solutionem spiritu nitri fumante factam et aqua dilutam, membranae illi adhiberet, ac praecipue de humida calce, ad solutionis fundum subsidente, nonnihil ipsi admoueret, aequae molestum et grauem dolorem inde percepit animal, pariterque conuulsus est, imprimis cum sedi, quae supra torcular Herophili est, eam applicaret.

tionem excitat, quam videre non contigit. Nec non Ill. MORGAGNI in *L. de sedibus et causis morbor. Ep. IX. n. 21.* vbi PETRI PAULI MOLINELLI experimentum refertur. Is autem cum retectam in cane viuam duram matrem iterum et saepius pungeret, obseruauit, canem conuulsionibus torqueri variis, praesertim cum ea pars durae Matris pungeretur, quae maxime ad os adhaerebat. Eodem loco epilepsiam ab erosa dura matre, item ab irritata ortam concitatamque esse legimus.

5) Ibid. L. I. p. 8. legatur et p. 8. 9. 49. 50.

6) Vid. CELSVS L. VIII. c. 3. neque periclitemur, inquiens, ne terebrae mucrone cerebri membrana laedatur. Ex quo graves inflammationes cum periculo mortis oriuntur.

7) ibidem.

8) l. c. §. 511—563. ac praecipue quidem §. 530—537.

4) Vid. HALLERI *Physiolog. T. IV. p. 307.* vbi ipse candidus vir FABRI colle-

§. XVI.

Hunc locum igitur relinquere potero, posteaquam de reliquarum omnium membrarum sensu pauca quaedam pro hac breuitate adjecero. Dico autem, a nulla membrana, per quam arteriae et venae pertextae sunt, quaeque inflammatione corripitur, facultatem sentiendi prorsus abesse posse. Et pulsus duriities, quae ipsa pro nota inflammationum membranarum a medicis habetur, nervos per eas dispersos esse, tanquam liquido docet, ut de re euidenti pluribus dicere inutile sit, maxime cum contrariae sententiae rationes fere leues sint. Nam ut hoc utar, si tacta cornea membrana oculi dolere videtur, aut laesa in experimentis sensum ingratum excitare visa est, ipsa autem cum propagine conjunctivae membranae ante corneam productae, cui et numerosi nervuli sunt et sensus cutis propagine dignus, arctissime cohaeret¹⁾, nos sane non intelligimus, qui possis ex eo, quod cornea membrana in curationibus suffusionis plerumque absque doloris sensu incidi aut in animali vivo absque signo doloris compungi potest, ejus insensibilitatem colligere.

§. XVII.

Venio igitur ad *Ligamenta*, quibus sensum, quamvis nullum esse GALENUS primum plurimique post eum Medici putauerunt, aliquem tamen esse ex his intelligimus. Ac primo quidem ligamenta plena sunt refertaque arteriis; quae et in sano integroque statu ad functiones peragendas vim ac potentiam nervorum poscunt, et in statu inflammationis dolorem movent. Quod sane luculentius patet, si varias occasiones, in quibus dolor laesis ligamenti superuenit, omnino proponimus. Quis enim est, qui ignoret, articulos valde dolere, si artuum ossa, vel minora quoque illa in manibus pedibusque ossicula, sedibus suis vel prorsus vel quodam tantummodo mota sunt atque distorta. Similiter etiam ligamentorum vulnera quamquam non semper, saepenumero tamen, gravissima symptomata ipsam interdum mortem inferunt, quamvis leuiora videantur¹⁾. Deinde et illud, quod in eo panaritii genere, cujus sedes in vagina tendinum musculorum digitos flectentium est, nonnunquam fit, praetereundum non est. Accidit videlicet interdum, ut in curatione pessimi illius generis, quicquid agas, nihil proficias, neque symptomatum remissionem praestes, nisi ligamentum, quod in manus capite est et annulare vocari solet, et in eo saepe morbo inflammatione correptum est, praecidatur²⁾. Sunt vero etiam aliae occasiones, in quibus ligamenta, quoniam magis quam antea tensa sunt et ab acri humore, quocunque demum, punguntur vellunturque,

1) HALLER. *Physiol.* T. IV. p. 291.

1) Vid. BILGVERVS l. c. §. 131. 439. 441. ubi leges: So gering die Wunden in Gelenken auch vielmals scheinen, so werden sie doch oft in sehr geschwinder Zeit gefährlich, ja gar tödtlich. Quod quidem fidem facit ei, quod Cl. WHYTT de dolore maximo refert inque mortem demum finito, cum capsula ad humorem emittendum perforata esset.

2) Vid. GARENGEOT *Traité des opérations de Chirurgie* T. III. p. 313. Si le ligament annulaire est lui-même abbrevié d'un pus, qui cause la maladie, qu'il soit inflammé, et qu'il donne occasion à des douleurs violentes, il faut sans aucune difficulté le couper, et l'on verra bientôt le malade soulagé; c'est ce que feu Mr. Arnaud a fait plusieurs fois.

canturque, dolores inferant, acutos admodum. Tanquam si id genus catarrhi, quod rheumatismum medici vocant, articulis ligamentisque incumbit, et ad minimos articuli motus intolerabilem dolorem infert. Aut si dolores podagrici, chiragrici, ischiadici hominem pessime habent; quorum sedem in ipsis ligamentis esse docet materia calci vel topho similis, qua obsidentur articuli arthritide confirmata vetustaque detenti affectique. Frequens etiam dolorum causa in articulis est humor acris eorum, qui eo, quem scorbutum barbare vocant, morbo detinentur 3). In aliis nonnunquam fit, ut a diuturnis doloribus ischiadicis caput femoris sede sua moveatur, et homo claudus reddatur. Neque rarum est articulos impleri humore abundante et acri, a quo magnus et diuturnus dolor movetur, quem, non nisi emissio humore acri illo et rodente, abegerit aliquis sustuleritque. Ex multis huc pertinentibus exemplis praecipue illud memorabile mihi videtur, quod Cl. HEVERMANNVS, et ex ejus libro Cl. KVRELLA adducit, ut ligamentorum insensibilitatem lectoribus comprobata reddat 4). Quod ego quidem vehementer miror. Nam si dolor, qui foeminam per annos continuus exercuerat, statim evanuit, cum humor, perforato ligamento, articulis emissus esset; nonne dolorem eum ab ipso illo humore ligamentum pungente commotum fuisse, adeoque ligamenta ipsa sensu non carere manifestum est? Tandem et dolor ille quoque, a motu seu flexionis seu extensionis artuum quacunque de causa rigidorum et contractorum existens, a Cl. WEISIO, qui eundem in se ipse percepit, argumentum et indicium facultatis sentiendi ligamenti concessae dicitur 5).

§. XVIII.

De ligamenti haec satis dicta sunt; transeamus igitur nunc ad *musculos*. De quorum quidem sensu cum nemini facile existere dubitatio possit, nihil, nisi quod de cute diximus, adjiciendum est, omne videlicet musculi punctum, vel minimum, sensu esse praeditum, quamvis praeter nervos plurima tela cellulosa, plurimaeque arteriae et venae ad constituendum, quem dicunt, ventrem musculi accedant.

§. XIX.

3) De doloribus his vid. utilis liber, quem de morbis nauigantium, LVDOV. ROYPER, vir peritissimus, conscripsit atque composuit, in cujus p. 172. leges. „Ob defectum motionis synovia, quae naturaliter in articulationibus secernitur, uti et ros, qui in et circa articulationes, inprimis genuum, majori in quantitate, quam ut dissipari, resorberi que possint, accumulatur, mora et stagnatione ibi acrimoniam contrahunt, ligamenta, ossium cartilaginee corrodunt, ossibus cariem inferunt. Clarent inde rationes fixorum, et pertinacissimorum dolorum, collectionis humorum, in et extra articulorum capsas; de stridore, ossium crepitatione quid asserre superuacaneum erit; nam res ex se ipsa patet.“

4) Vid. Cl. HEVERMANNI liber inscriptus *Abhandlung von chirurgischen Operationen* Th. I. p. 44. Aut Cl. KVRELLA in SCHARSCHMIDII libro posthumo de vulneribus in p. 49. subiecta observatione, cujus summa est, foeminam quandam, quam dolor articuli per annos male habuerat, fere nullum dolorem a perpunctione ligamenti percepisse, et emissio humore dolorem ipsum evanuisse.

5) Vid. Io. NIC. WEISII *Tetras dissertationum Medicarum, quibus theorema medicum: Alia sensatio alii motus, adstruitur* etc. p. 12. praefat.

§. XIX.

Ex his autem musculi fibris §. praec. sensilibus admodum, continuatis ac productis confici et conflari tendinis partem nisi omnem, certe maximam, cernimus. Qui quidem tendinum ortus antehac ab HEVCHERO ¹⁾, viro et arte et facundia insigni, paucisque aliis in dubium vocatus, haud ita pridem ab HALLERO magis quam antea ambiguus haberi coepit. Sed dubitandi rationes allatae ab hoc Illustri Viro tam parum valent, ut Vir Illustris, nisi opinionem eam suae de partium quarundam sensu hypothesei fauere putaret, iis nihil omnino tribueret. Nunc autem cum opinionis suae patrocinium quoddam in eo reperiri sperat, vere ostendit, nihil tam longe a vero abhorrens, tam durum, tam insolens nihil esse, quod dicendo mollescere non possit ²⁾. Si tamen ab Illustri Viro propositas rationes aestimes, nihil iis effici videbis. HEVCHERI dubitatio repetitur a facili ruptura, cum quis separare velit carneam fibram usque ad extremum tendinem. Sed ego quidem, quo quis jure ex illa facili ruptura insertionem fibrae carneae in tendineam colligere possit, non intelligo. Abrumpitur enim carnea fibra, quoniam versus extremum tendinem fibrae arctissime connexae inter sese sunt atque coalitae. Atque si, quod nemo dubitat, verum est, fibram tendineam prouectiori aetate magis magisque augeri, carnea fibra paulatim in tendineam mutata; LEVWENHOEKII et MVYSII observationibus per microscopia factis nihil plane efficitur. HALLERI ipsius cogitata ad rem prorsus non faciunt. Quae enim, qualis et quanta collectio est: „Fibra carnea accipit nervos et irritabilis est, a fabrica cellulosa diuersa videtur, fibra tendinea non accipit nervos, neque irritabilis est, et sunt praeterea experimenta aliqua, quae videntur naturam tendinis cellulosa euincere; ergo tendineae fibrae non videntur esse continuatae carnea?” Nullus modo idearum nexus, modo cogitationes ipsae non satis verae, sed precariae. Reliqua ³⁾, quae a Viro Illustri posita sunt, ne digna quidem iudico, quae repetam et opponam sententiae de carneis fibris in tendineas productis continuatisque, ubique fere receptae illi, et in se probabili. Nam si, quod nemo negat, musculi pars carnea in recens natis major, tendinea minor est; si in iisdem tendinis natura nondum dura, nondum splendida est, ac vix a pallidior carne differt; si in junioribus tendines nondum adeo frequentes sunt; si alias fibra muscularis in tendineam abit, atque adeo tendinea pars musculi cuiusque prouectiori aetate magis magisque increfcit; si ipsa tendinea fibra aequae atque carnea contortam faciem contemplanti offert; si natura simplex est, ab ea autem simplicitate abhorret digastrici, ut hoc utar, musculi, qui satis commode ex continuis fibris componi poterat, compositio et conglutinatio ex triplici ordine fibrarum, vno muscularium, altero tendinearum, tertio muscularium: nullus profecto

1) Vir iste in nostris terris quondam Illustis de eo ortu dubitauit in *Selectioribus Anatom. Physiol. Practicis Sect. de Muscul. Thes. VI.* Item in *diff. de Ignorantia Anatomicorum Thes. XXV.*

2) Vid. HALLERI *Physiol.* Tom. IV. p. 431.

3) l. c. p. 432.

fecto amplius erit locus dubitandi, quin tendinum fibrae sint aliud nihil nisi fibrae musculares productae continuataeque.

§. XX.

Quodsi autem tendineae fibrillae nihil aliud sunt quam fibrae musculares in longum porrectae, ac graciliores redditae, quae ipsae sensu exquisito pollent; erunt et illae tendineae quadam sentiendi facultate praeditae, qualicunque denum. Sed quia strictiores, tenaciores, cellulosis filis brevioribus arctius copulatae atque compactae sunt, nervosum, quod iis inest, magis, quam in carne musculi, comprimitur, adeoque id, quod fibrillis nerveis inest, medullosum eliditur, eo quidem magis, quo longius a ventre musculi tendo distat; ergo sensus quoque fibrarum tendinearum eo obtusior evadet, quo longius a ventre musculi partes earum distabunt, et quo magis adulta aetas est: cum aetate enim crassescunt tendines atque de sensus vigore, ut partes aliae quaelibet, paulatim remittunt. Ex quo consequens est, punctiones tendinis, quo mollior is, quo propius a ventre musculi illae absunt, eo grauiora symptomata non modo inferre posse, sed, ita jam sentiente VESLINGIO ¹⁾ reipsa inferre. Praeterea vero tendinibus sunt suae quasi vaginae, aliis quidem robustae, firmae et tenaces ac propemodum cartilagineae naturae, aliis teneriores, molliores et facile cedentes, quibus nervosi quid inferi atque adeo intertexi nemo, ac ne HALLERVS quidem ipse, negare ausit. Itaque si vel tendinem ipsum facultate sentiendi prorsus carere, atque adeo ejus vulnera omni omnino periculo vacare sustineas, de vagina tamen ejus aliter sentiendum, atque illa symptomatum grauitas, quam propter a-vulneribus tendinum timere Chirurgi solent, saltem vaginis nervosis illis attribuenda erit. Atque si tum tendinis tum vero maxime vaginae inflammationem, quam quidem illa symptomata grauiora aut comitantur aut consequuntur, non earum partium limitibus solummodo circumscribi et contineri, verum ad ipsius musculi ventrem ejusque circumdatam cellulosam pertinere, ergo nervos musculi ipsius affici atque adeo inflammatione corripri, indeque igitur symptomata illa existere posse cogites; nihil erit causae, quam ob rem mala saepenumero symptomata a tendinum vulneribus inferri posse, imo re ipsa illata esse neges.

§. XXI.

His ex natura rei petitis addenda sunt, quae in ipsis morborum curationibus usus ostendit. Ac primo quidem hominem, cui tendo vel punctum vel caesum quidem, at transverse et ex parte tantum, vulneratus est, in magnum periculum adduci, plurimi ante nostra tempora experimentis crediderunt, cum post vulnera ea magnum dolorem, vehementem inflammationem, febrem acutam, gangraenam, delirium atque convulsionem subsequi vidissent. Si tamen etiam vulnera tendinum et aponeurosum aliquando absque grauioribus symptomatibus et facile ad sanitatem perducta esse objicis, concedo, et diuersum euentum ex modo vulneris, ex loco tendinis laesi, ex tendinis vel mollioris vel ossae fere naturam nacli natura §. prae. ex hominis natura singulari, minus sensibili

¹⁾ Vid. VESLINGII Obs. et epist. p. 91.

sensibili illa ejusque aetate intelligo, at propterea omne tendinis vulnus parui faciendum esse, nego ac pernego. Quanquam enim Illustris HALLERVS chirurgos quosdam, claros Viros, secum consentientes adducit ¹⁾, non tamen defunt, quibus secus videatur ²⁾. Quorum agmen ducat GALENVs, qui, quamvis alibi aliter sentiat, sibi tamen parum constat, et tendinum vulnera, aequae ac nervorum, periculosa judicat nec confluenda esse ³⁾. Post GALENVm fere pauci fuerunt, qui tendinum laesiones non graues esse existimarent. Sed hos HALLERi aetate superiores nominatim excitare superuacaneum est. Ex recentioribus autem primo loco ponendus est, Illustris Incisor et Medicus LIEUTAUD, qui tum neruum cutaneum, tum vero etiam aponeurosin vel tendinem musculi bicipitis in brachio, dum vena pertunditur, laedi interdum, asseuerat. Priori casu dolor eo, quo neruus pungitur, temporis inomento acutus percipitur, et ad apices digitorum vsque per totum cubitum propagatur. Casu altero dolor fere post aliquot horas exiit, et grauiora symptomata infert; sub ipsa sectione venae chirurgus sentit resistentiam ⁴⁾. Sequatur Io. VLRICVS BILGVER, Vir Experientissimus, quem honoris causa nomino. Hic, si quis alius, numerosissima omnis generis vulnera per occasionem belli nuper truculenter gesti tractauit, dignus igitur, quem hac de re audiamus. Ipsa adeo ejus verba in subiecta nota pono ⁵⁾. Aliud testimonium de sensu tendinum dixit VOGELIVS, Medicus et Chirurgus apud Lubecenses clarissimus, qui id, quod supra de causis dolorem creantibus dixi §. V. liquido docet ⁶⁾. Neque contemnenda

Cc 2

sunt,

1) l. c. T. IV. p. 279.

2) *ibidem* p. 280. vide non paucos secus sentientes.

3) L. III. de comp. medic. secundum communia.

4) Vid. LIEUTAUD *Precis de la Medecine pratique* p. 605. seq.; item DIONIS *Cours d'Operations de Chirurgie* p. 471.

5) Vid. Io. VLR. BILGVER Anweisung zur ausübenden Wundarzneykunst in Feld-lazarethen. §. 276. Die nur halbe oder nur geringe Zertrennung eines starken Muskels, einer Flesche oder Aponeurosis und eines Nervens verursachen oft entsetzlichen Schmerz, Fieber, Convulsionen, Entzündungen u. d. g. denn alle diese nur einigermaßen zertrennten Theile werden alsdenn widernatürlich gespannt und gezogen. Et §. 402. Dergleichen, h. e. eine heftige Entzündung, kann eine kleine Wunde in einem Tendine oder Aponeurosi verursachen. Et §. 299. Lassen aber die Zufälle nicht nach dieser Behandlung nach, so bleibt nichts übrig, als den leidenden Muskel, die leidende Aponeurosin oder Flesche gänzlich zu zerschneiden. Item §. 441. In Gegenden des Körpers, wo Fleschen, Bänder, Drüsen und Wasser Gefäße, auch

auffer den Gelenken, befindlich sind, eräugnet sich oft, daß diese Wunden lange Zeit nach ihrer größten Heilung, doch immer noch offen bleiben, und beständig nassen, zwar nur eine wäkrichte Feuchtigkeit, doch oft in Menge geben, immer mit schwammichem Fleische angefüllet sind, und sehr schwer heilen oder wohl gar fistulös bleiben. Et tandem §. 443. illa omnia de aponeurosin et tendinum vulneribus periculo plenis denuo proponuntur.

6) Vid. Vogels Wahrnehmungen etc. p. 365. Die verletzten und verborreten Sehnen fiengen schon an, durch die Eiterung abzuschälen, daß sie fast ganz weiß vor Augen lagen. Ich reizte durch ein bedächtiges Kneipen diese Sehnen mit einer Pinzette, ohne daß sich mein Kranker darüber beschwerte; allein wenn ich etwas warm gemachten Terpentinegeist darauf brachte, so verspürte er ein empfindliches Brennen, welches aber bald vorüber gieng. Haec verba postrema Callide omiserunt Scriptores Goettingensis Diarii eruditi, cum hoc VOGELII scriptum recenserent an. MDCCCLIX. pl. XXVI.

sunt, quae SCHNEIDERS, Chirurgus rerum suarum gnarus, proposuit 7). Neque, si a tendinum vulneribus nihil metuendum est, satis intelligo verba Illustris HALLERI, quae loco supra excitato leguntur: „Chirurgos multa expertos nolle parci tendinibus, „atque jubere amputari“ tendines enim frustra refecare hominis temerarii est. A tendinum vulneribus ad istud genus mali in digitis, quod *panaritium* barbare vocant, veniamus et ad tertiam quidem ejus speciem, cujus sedes est in vagina tendinum musculorum digitos flectentium. Cum chirurgi a tam pauca materia tam horrenda symptomata excitata toties vidissent, an inirum erat, si tendinum laesionibus adeo timebant, iisdemque sensum exquisitum attribuebant? Illustris HALLERVS causam symptomatum in nervos vicinos transfert a tumore compressos. Sed a sola modesta compressione tam parui et vix animaduertendi tumoris dolor oritur nullus. Praeterea a qua parte origo symptomatum repetenda sit, ipsa curatio satis perspicue docet. Saepe enim quicquid agas, nihil proficis, nisi tendinem in muscoli ipsius vicinia, persecueris; quo facto omnis atrocitas symptomatum, momento temporis remittere solet, non solum in hoc genere, sed ubicunque tendines ex parte tantum vulnerati graua symptomata efficiunt. Atque haec quidem de panaritio satis in praesenti re dicta sint. Hoc vnum adjicio, si affecti tendines in hoc genere tantum mali, ipsam mortem, eamque truculentam, adferunt, annon in laesionibus tendinum et aponeurosum a manifesta causa externa perpetratis fieri similia possunt? Equidem crediderim; ab similibus namque causis similia effecta dari non ignoro. Atqui si aponeuroses et tendines vel paruo vulnere vel alia quacunque ratione ita laeduntur, ut aut fibrae varie trahantur, distendantur lacerenturque, aut effusi humores in putredinem abeuntes acrimonia sua easdem rodant, vellicent atque concutiant; causae hae similes sunt illis, a quibus illud in digitorum extremis oriri malum solet. His jungi multa admodum possunt, quibus suum cuique momentum est ad vendicandam tendinum et aponeuroseon sensibilitatem. E quibus nonnulla quam potero brevissime exponam.

§. XXII.

In digitorum resectione, quia praecisi musculorum tendines suis, quibus comprehenduntur, vaginis constringuntur, eaque res magnam inflammationem mouet, vaginam secti tendinis forfice paululum findere chirurgi jubent. Eandemque ob causam, videlicet

7) Chirurgische Geschichte mit theoreti-
schen und praktischen Anmerkungen, ent-
worfen von L. J. Schneidern S. 22. ich
habe selbst einmal das Exempel an einem Sol-
daten gesehen, welcher in einer Rencontre
über die rechte Hand eine Wunde in Gestalt
eines halben Mondes bekommen, bey wel-
cher der eine Tendo des Extensoris quatuor
digit. und zwar der, welcher zu dem mittlern
Finger gehet, entzwey gehauen war, es er-
folgeten hierauf heftige und gefährliche Zufälle,
welche auch nicht eher nachließen, bis man

die noch ganzen fibras entzwey geschnitten
hatte. Ferner habe ich den Tendinem Achil-
lis an einem Hunde halb entzwey geschnitten,
worauf der Hund stark zu schreyen anfieng,
und bald darauf stellte sich ein Zucken in des
Hundes Schenkel ein, das sich so gar bis
über die Hälfte des Leibes erstreckte, auf der
Seite, wo ich die Wunde angebracht. Und
dieses Zucken sammt dem Schreyen hörte auch
nicht eher auf, bis ich den Tendinem völlig
durchschnitten hatte.

videlicet vt vehementior inflammatio, vlcera, et ipsa quoque gangraena, auertantur, in refectione cubiti praecipitur scarificatio aponeuroseon, quae cubiti musculis circumdata est. Item linea alba, communis ille musculorum abdominalium tendo, quouis angusto vulnere compuncta, efficit dolorem, vomitum, singultum, conuulsiones. Similia prorsus, imo etiam grauiora a septo transuerso, qua tendinosum est, icto inferri vulgo nota res est. Aponeurosis quaeque, vt supra diximus, ac praecipue musculorum rectorum abdominis, nec non eorundem vagina, itemque fascia lata, exiguo vulnere imposito, hominem grauioribus symptomatibus obnoxium reddit. Male affecto annulo musculi obliqui externi in hernia incarcerata musculi abdominis contractionibus spasticis tentantur, et ipse quoque annulus in curatione herniae istiusmodi cultro sectus dolorem mouet. Chirurghi quoque vetant constrictionem tendinum, tum cum resectis artubus arteriae venaeque deligantur. Ab hac autem deligatione nihil metuendum esset, si tendines omni sensu carerent. Neque omittenda est PETITI observatio animaduertentis ¹⁾, compuncta aponeurosi abducentis oculi in curatione suffusionis moueri nauseam, vomitum aliaque. Non ignoro quidem, Illustrum HALLERVM dicere, in omnibus illis vulnere generibus effecta mala illa non ab laesis partibus tendineis et aponeuroticis, sed a neruulo quodam simul compuncto laceratione prodire. Sed id falsum est. Cum enim nullum vel mediocre vulnus esse facile possit, quin paruum neruulum habeat vulneratum maleque affectum, consequens esset, vt, si Illustris Viri sententia comprobaretur, nullum propemodum vulnus a grauioribus malis liberum foret. Atque haec quidem hactenus posita sufficiant. Alia apud Illustrum HALLERVM legi possunt, in vtrunque partem et verbis disputata et experimentis demonstrata ²⁾. Multum Illustris Vir tribuit argumento repetito ab absentia neruorum in ipsa interiori tendinum substantia. Quae ratiocinandi ratio mihi parum admodum probatur. Nam si vel neruos in interiora tendinis seorsum immisos ostendere nequeas, is tamen sensu pollere potest per eos neruos, qui per carneam musculi substantiam dispersi sunt, cum tendineae fibrae sint ipsae fibrae musculares continuatae elongataeque, quas sensiles esse nemo negat. Nimis igitur fidenter Illustris Vir ponit, vtique sensum in tendinibus non alium esse, nisi quem possis praetereuntibus neruis tribuere. Nonnulla etiam putat sibi suaeque sententiae fauentia, quae oppido contraria sunt. Quale est illud, quod supra iam attigi, quando chirurgos multa expertos nolle parci tendinibus atque iubere amputari videt. Etenim nisi a tendinibus male affectis aut mala futura metuerentur, aut praesentia reapse vrgerent, temerarii essent illi ex Chirurgis, qui partium insensibilium, innocuarum, quarum futura sanatio incerta est, dissectionem frustra praeciperent. Sed vero si qui sunt, qui ius vitae et necis in miseros sibi datum putent, non tamen desunt, qui secus atque humanius sentiant, ac parci tendinibus velint, nec tendinum et aponeuroseon dissectionem permittant, nisi frustra adhibitis aliis omnibus, quae partium illarum intensiori nimiae, a qua praecipue symptomatum grauitas et vehementia efficitur, alias medentur ³⁾. Quin etiam si vel ipsos tendines ponas insensiles, eorum tamen vaginae, haud dubie sensiles illae, vulneribus aliisque tendinum morbis affectos in

Cc 3

discrimen

1) Vid. Mémoires de l'Académie des Sciences de Paris A. MDCCXXVI.

2) L. c. p. 273 — 284.

3) Vid. BILGVER L. c. pluribus locis.

discrimen adducent, nisi idonea ratione medendi opem feras. Ex quo etiam, quod haec ipsa tot animantibus infesta et funesta controuersia ad medendi artem habeat momentum, intelligi potest. Atque hoc loco causam hanc non quidem deferere, sed idoneis iudiciis iudicandam relinquere placet, si hoc vnum addidero, ex singularibus illis casibus, ubi tendo aliquis absque dolore ruptus videtur, nihil recte colligi posse, quod demonstret tendinum insensibilitatem. Cum enim fieri nequeat, quin, in tali rerum statu, vicinae partes, quibus exquisitior sensus est, vehementius distrahantur; facile patet; si hae ipsae partes ita distractae dolorem nullum inferant, ex ea ipsa absentia doloris nil effici quicquam, quo tendinum sensus omnino tollatur.

§. XXIII.

Tendines excipiant *glandulae*. Quibus quoniam pauci tantummodo nervi dati sint, exiguum quoque sensum esse Illustris HALLERVS putat. Sed vero glandulae totae constant ex arteriis, venulis, nervulis et vel ductulo vel osculo excernente, interjecta quadam fabrica cellulari; eademque inflammationibus, imo etiam abscessibus, scirrhus denique acerrime dolenti atque maligno saepe saepius obnoxiae sunt; et quando vulnera acceperunt, major oriri solet inflammatio et dolor. Praeterea in quasdam earum, tanquam in salivales lacrymalesque, prompta animo actio est, quae absque sufficienti nervorum copia fieri nequit. Ex quibus, quam vera Illustri HALLERO de glandulis dicta sint, satis intelligi posse existimo.

§. XXIV.

Atque haec quidem de iis corporis partibus, quarum praecipue facultas sentiendi in controuersiam ab Illustri HALLERO adducta est, fortasse prolixius, ac debuimus, hactenus diximus. Sequitur, ut de interioribus quaedam subjungamus, pauca fere, brevioribusque animaduersionibus comprehendenda, cum et minor de iis controuersia sit suscepta. De multis vero interiorum partium nihil omnino dicemus, ne parum admodum sapere videamur. Quis enim est aut quotusquisque, qui *ventriculum et intestina, partes genitales virorum, naturales mulierum, item ureteres, vesicam, et felleam et urinalem*, ad sensiles partes non referat? His igitur praeteritis *cerebrum* nunc primo attingimus. Cujus quidem partem medullarem, qua conjunctio est, omnium sensationum quasi emporium aut officinam receptaculumue, aut, quod verius dixeris, instrumentum, per quod mens et species rerum accipit et vniuerso corpori imperat, admirandum illud esse, vno propemodum ore omnes fatentur. At de eo, num cerebrum ipsum tactum aut varie laesum affectumque dolore corripiatur, non inter omnes constat. Siquidem non solum multi eorum, qui HALLERI partibus sese haud miscent, sed amici quoque Illustris viri, imo is ipse irrationes corticis cerebri ab animali non percipi docent¹⁾; illi autem ipsius etiam medullae sensum non admittunt, quem HALLERVS ejusque amici per experimenta rudiora illa assertum putant. Sed quia hi a bestiarum contorsionibus et conuulsionibus argumentum ejus rei repetunt, eae vero ipsae in epilepsia correptis sine vlllo sensu fiunt, parum aut nihil experimentis illis hac in re tribuendum

1) Vid. HALLERVS l. c. p. 314.

tribuendum esse omnes vident. Longe igitur optime Illustris HALLERVS praeter illa allegat observationes, vbi in eorum, qui in vita doloribus encephali laborasse visi sunt, corporibus post obitum variam cerebri labem industria Medicorum inuenit ²⁾. His adducti cerebro sensum aliquem esse concedimus, neque mouemur contrariis observationibus, vbi similis labes in corporibus mortuorum reperta fuit, etiam si nullus capitis dolor hominis vitam infestauerat; aut vbi grauissima vulnera cerebro imposita, ipsiusque cerebri pars deperdita sine magno dolore et grauioribus symptomatibus fuit. Eadem enim diuersitas in aliarum etiam partium affectibus et vulneribus cernitur.

§. XXV.

A cerebro transimus ad *pulmones*. Qui si sani sunt, obscuro tantum sensu gaudent, inflammati autem et caloris et doloris sensu, minori tamen, quam partes magis tensae et tanta humorum copia non turgidae, afficiuntur. Tussi vexati homines, diuturna praecipue, prorsus sentiunt eum locum, vbi mali causa haeret. Et si verum est, quod viri quidam doctissimi ac peritissimi, eosque inter sapiens MORGAGNVS ¹⁾ putant, in morbis dictis pleuriticis cum dolore conjunctis, non magis pleuram, quam pulmones ipsos inflammatione corripit; non leue momentum ad comprobandum sensum pulmonum supra dictis adjicitur. Pulmones alio tempore totos propemodum vlceribus absque dolore absumtos reperiri, non insoleus aut iis proprium est, sed quotidianum et omnibus partibus corporis commune.

§. XXVI.

Cor est ex genere partium muscularium, aut, vt verius dicam, musculus omnium princeps, et neruos satis multos, sensus igitur instrumenta accipit; itaque a causis iis, quae ipsam ejus actionem simulque adeo vitam non infestant aut omnino tollunt, affici et dolere posse videtur. Vulgaria ergo illa experimenta de brutis animantibus capi solita, vt alias, ita hic praecipue, parum apta sunt ad id, quod debent, demonstrandum, maxime cum ad cor, nonnisi permultis partibus aliis vehementer vulneratis, accedere possis. Quae cum ita sint, diligentiorum Virorum Obseruata sunt consulenda. Legimus autem apud Ill. MORGAGNUM ¹⁾, in corpore virginis demortuae, quae in vitæ punctionibus, circa cor et leuioribus conuulsionibus sollicitata esset, repertum fuisse pericardium aquae vncias nouem continens, et cordis membranam manifesto erosam. VESALIUS autem ²⁾ et BENIVENIUS ³⁾ carnosas excrescentias in cordis ventriculis, quae ante obitum dolores cordi intulerant, repererunt. De pericardii inflammatione seorsim legi potest laudatissimus MORGAGNUS ⁴⁾.

§. XXVII.

2) Vid. HALLERVS, ibidem.

1) L. c. epist. XX. XXI. vbi et VALSALVAE et ipsius MORGAGNI observationes leguntur, quae docent, thoracis inflammationem, illaesa prorsus pleura, sedem habuisse in pulmonibus.

1) L. c. Epist. XVI. n. 43.

2) De humani corp. fabrica L. II. C. V.

3) De abditis morbor. et curat. causis C. XXVI.

4) L. c. Epist. XXI. n. 46. Alios casus, vbi pericardii lymphia, acris reddita et corrosiua

§. XXVII.

Reliqua viscera, *Iecur, Lien et Renes*, num nervos habeant, et in inflammationibus magis minusve doleant, vix est, qui dubitet. Hinc eorum sensum pluribus asserere qui gessit, operae pretium facere non videbitur. Id vnum igitur nos adjiciamus, ex eo, quod renes aliquando toti fere pure absumti in corporibus mortuorum apparent, non effici, ut, quod Ill. HALLERO videtur, renibus sensus exiguus sit; id ipsum enim, ut supra jam monuimus, aliis quoque partibus, et ipsi quoque cuti, partibus sensilissimae, aliquando accidit. Neque calculi renum, reperti in corporibus eorum, qui ante obitum de renum doloribus conquesti non fuerant, renum sentiendi facultati quicquam derogare possunt. Quamvis enim calculus tardius accrescens in homine quieto aliquando satis diu absque dolore latere potest, incrementa tamen celeriter sumens, aut variis de causis, motu vel corporis vel animi, ictu, prava victus ratione, lectuli calore magis minusve commotus, dolorem infert et aliorum symptomatum cohortem adducit. Incipiente enim malo est grauatiuss lumborum dolor, atque ex pondere quasi premens tensio, quae breui vehementissime excruciat. Percipitur autem in parte lumborum superiori mox sub costa vltima prope spinam; ibidemque saepe fixus est, deurentis clavi instar, atrox admodum etc. Idem prorsus, quod de calculis in renibus commorantibus dictum est, ad calculos in cista fellis genitos pertinet. Aequae enim, quam illi, modo quiescunt, nullumque dolorem mouent, modo cistam eam irritant, doloremque et alia graua symptomata concitant. Haec autem addidi propterea, ut hi, qui ipsi per se hujus ab Illustri HALLERO agitatae controuersiae momentum parum recte perspiciunt, admoniti intelligant, hujusmodi speculationibus et inuoluntariis perperam directis maleque intellectis, ipsam doctrinam signorum, quae arx est totius Artis Medicae, conturbari vehementer, atque conuelli adeo, ut summa tandem metuenda sit confusio.

rosua et pericardium et cordis exteriorem partem excoriarit, et rosione, vellicatione, irritatione excitarit, et spasmos et anxietates et palpitationem, vide in FABR. HIL-

DANI Cent. I. obs. 43. M. N. C. D. 3. A. 1. obs. 122. BONETI Anat. Pract. l. 2. S. 1. obs. 86. SYLVII Prax. l. 1. c. 26.

XIV.

ANTONII MICHELITZ

SCRUTINIUM HYPOTHESEOS SPIRITUUM
ANIMALIUM.

PRAGAE 1782.

§. I.

Quum multa sint in animali machina omni sensuum, rationisque aciei inaccessa, tum saue abditissima inter adorandi Creatoris mysteria, reputandum merito est mirabile illud spiritualis entis cum simulacro corporeo vinculum.

§. II.

Cujus quidem modum, causasque, ut altius eruerent, nulli pepercere labori acutissima Philosophorum ingenia, adeo tamen parum post sedulos tot saeculorum conatus in arduo problemate hactenus proficientia, ut e prolatis in hodiernum usque diem ingeniosis hypothesibus vix ullam reperias, quae dilucidandis phaenomenis cunctis idonea sit, quaeque cupido vnice veri animo faciat satis.

§. III.

Etenim quo luculentiora vel ipso sensus intimi testimonio mutuae corporis, animaeque consensionis prostant documenta, quo manifestius extra omnem dubitationis aleam eandem ponit plurimorum morborum attenta contemplatio ¹⁾, eo densioribus obuoluta tenebris ejusdem ratio est, ut merito huc adplicari possit illud magni HALLE-RI effatum. „Infinitum ad infinitesimum possis deponere, decipi hominem, qui con-
„filia

1) Eleganter sane mutuum hunc consensum expressit ABRAHAMUS KAAU BOERHAAVE in libello, cui titulus: *Impetum faciens distum Hippocrati Cap. 1. p. 6.* Ea lege mentem corpori associauit summus rerum Arbiter, ut sine corporis felicitate plane torpeat, sordida luctu et sibi dispar euadat ita, ut frustra in mente ipsam mentem quaeras. Nonne actum est de rationis imperio, ubi corpori dominatur morbus? Nonne quoties dira hoc cruciatur rabie, perit vna

cum felicitate mentis excellentia? Si sublimi adsueta speculationi sapientissimi Pithagorae anima locaretur in furioso Orestis corpore, non diuinae scientiae oracula, sed spiraret furias, et panicos timores. Habitet ad omnem, ut possessori videbatur, doloris sensum perferendum comparata mens stoica, in domo renum saeuus vexata tormentis, auditis inuitissimo extorqueri candida verba, labi mentis regimen, sed corporis dominari.

„filia Dei conjectura vult adsequi:“ vnde et St. AUGUSTINUS ²⁾: „Modum, quo corporibus adhaerent spiritus, omnino mirum esse, nec comprehendere ab homine posse, pronuntiavit:“ et TULLIUS ³⁾: „Sibi quidem naturam animi intuenti multo difficiliorem, multoque obscuriorem occurrere cogitationem, qualis animus in corpore sit, tanquam alienae domi, quam qualis cum exierit, et in liberum coelum quasi domum suam venerit.“

§. IV.

Non multum veri, imo nec probabilis quidquam in scrutinio hujus infinitae Sapientiae operis protulerunt CARTESIUS et MALEBRANCHIUS, qui denegata caussis creatis omni vere, et proprie agendi vi, et DEO quasi ex machina aduocato, docuerunt, facta in organis sensoriis mutatione, DEUM immediate in anima conuenientem producere mutationem, et coorta in anima voluntate, motum conuenientem corpori a DEO imprimi ¹⁾. Quare admissio hoc *causarum occasionalium*, aut *adistentiae* systemate, videretur DEUS ad impias cogitationes, motus in corpore indecoros producere ²⁾.

§. V.

Ingeniosius Cl. Viri LEIBNITIUS et WOLFII ex harmonia praestabilita dixerunt fieri, ut tam corpus, quam anima habeat suam propriam oeconomiam, nec minus animae suas ideas vi propria producat, quam corpus suos motus: ita quidem, ut eorum consensus ex eo habeatur, quod DEUS, cum intellectu suo infinito omnes possibiles animas, et omnia possibilia corpora distinctissime discerneret, illa duo semper indiuidua elegerit, quae in omnibus suis actionibus perfecte conspiratura praevidit, simulque ut reipsa deinceps earum consentientes mutationes semper eodem tempore coexisterent, coordinatione earum mutua semel initio facta disposuit ¹⁾.

§. VI.

Esti fatendum est, plures extitisse LEIBNITIANI et WOLFIANI systematis Patronos, eosque Viros omni exceptione maiores, inter quos nominare licet duo illa medicinae sidera, vnum HERMANNUM BOERHAAVIUM ¹⁾, alterum vero ALBERTUM HALLERUM ²⁾, multi tamen alii, quod etiam libertati animae inde quid detractum iri putarent, eidem in integrum valedixerunt.

§. VII.

Quod si in exponenda hujus *Entelechia* origine recentiorum scriptorum psychologica placita tantisper peruoluas, celebratissimum apud plerosque deprehendes antiquissimum illud *Causarum efficientium*, seu *influxus physici* Systema ¹⁾, animam videlicet

2) L. 21. de Ciuit. Dei c. 26.

3) L. I. Quaest. Tusc. c. 22.

1) BAUMEISTER Inst. Metaphys. p. 471.

2) HALLER Elem. Physiol. Corp. H. T. IV. p. 557.

1) STÄTLER Philos. Part. III. p. 328.

1) Praelect. Acad. Tom. IV. N. 541.

2) Elem. Physiol. C. H. Tom. IV. p. 558.

1) Conf. BOEHM. Metaphys. p. 443. HORVATH Psycholog. p. 370. BURKHAEUSER

licet et corpus ita inter se copulari, et effectiue in se inuicem agere, vt factis in organa sensuum impressionibus, iisque ad cerebrum vsque delatis determinetur mens ad perceptiones rerum extra se positarum, vtque vicissim nata in mente alicujus membri commouendi voluntate, illico voluntarii motus in eo membro efficiantur.

§. VIII.

Illa vero instrumenta, quorum ministerio objectorum in sensoria organa agentium mutationes, siue, vt cum BOERHAAVIO ¹⁾ loquar, earum mutationum effectus ad sedem animae propagantur, et ab animae sede ad voluntaria organa ejus imperia deferuntur, illa, inquam, instrumenta nervos esse, in confesso est apud omnes. Quid vero nerui in exequendo hoc munere operentur, et quomodo? alia quaestio est, cujus enodandae causa in duplicem abiere sententiam Physiologi.

§. IX.

Alii funiculos nerveos solidos, et chordarum elasticarum in modum tensores conceperunt, vt in vno sui extremo percussi vibrarent, et oscillationes suas ad alterum extremum continuatas amandarent, hacque simplicitate absolui omnem neruorum functionem sensoriam, absolui motoriam crediderunt.

§. X.

Alii econtra nervos, vt tubulos cauos considerarunt, eosque subtilissimo cuidam encephali fabrica secreto fluido permeabiles, cui *Spirituum Animalium* nomen omnis adeo antiquitas imposuit, atque huic ipsi fluido, motum, sensumque deferendi munus adscribendum esse, docuerunt.

§. XI.

Habuit vero harum hypothesium altera patronos grauissimae auctoritatis Viros. Quod si decorum est posteris opiniones a BOERHAAVIO, HALLERO, SWIETENIO excultas tueri, non ideo indecorum videri poterit cum ALBINO ¹⁾, HAENIO ²⁾, CALDANO ³⁾, Patauinae Scholae decore, et grauissimo Ill. TISSOTI judicio, Physiologorum aevi nostri facile principe, de re nedum ad omnem certitudinem deducta, nec vnquam forte deducenda modeste dubitare.

Dd 2

§. XII.

SER *Inst. Metaphys.* p. 337. STATTLER *Philosoph. Part. III.* p. 370. STORCHENAU *Psycholog.* p. 286. MAKO *Compend. Metaphys. Instit.* p. 291. MAXIM. MANGOLD *Phil. recent. Psycholog.* p. 150.

1) *Praelef. Academ. Tom. IV.* p. 427.

1) *Annot. Academ. Lib. I. Cap. XII.* p. 48. Quoniam neque satis firmatam sententiam illam esse inuenio (nimirum *Spirituum Animalium*) neque satisfacere rei excusatum me

velim, si pati nequeo, vt inter patronos ejus numerer.

2) *Rat. medendi Part. IV. Cap. V.* p. 207. Neruorum cavitatem, fluidi per eam trans-euntis praesentiam, scholae crepant, sed alterutrum existere, nullis mortalium optimis licet armatus microscopiis vnquam demonstrare potuit.

3) *Instit. Physiolog.* p. 171. hypothesis *Spirituum Animalium* ejusmodi est, quae infirmis maxime fundamentis innixa videtur.

§. XII.

Quare cum libera sint hominum iudicia, neminem utique futurum confido, qui me siue arrogantiae, siue exiguae erga beatos Ill. Virorum manes reuerentiae arguat, dum tenuem hanc scriptiunculam publici juris facio, quam nulla mihi extorsit libidinosa contradicendi prurigo, sed suasisit vnice „animus veri cupidus non requiescens, „quamdiu omnino aliquid superest dubii, quod ipse sibi demere nequeat 1)“, qua, neuitquam e scholis scriptisque Medicorum profligandam esse contendo celebrem *Spirituum Animalium* hypothesim, sed saltem eandem non illa probabilitate fulgere, qua a plerisque Eruditis et adoptatur, et adoptanda commendatur, demonstrare adnitor.

§. XIII.

In quo argumenti genere versaturo mihi ille potissimum scribendorum ordo eligendus, videbatur: ut *primo* argumenta, quae ad stabiliendam nervosi fluidi existentiam in medium adducuntur, diluere adlaborem. *Secundo* ut elegantissimam hypothesim cum sensus, motusque animalis phaenomenis accuratius comparatam, iisdem non penitus conformem esse, palam facere, gestiam.

S E C T I O I.

REFELLUNTUR ARGUMENTA, QUAE PRO DEMONSTRANDA LIQUIDI NERVEI EXISTENTIA ADFERRI SOLENT.

C A P U T I.

COPIA SANGUINIS AD ENCEPHALON LATI NON EVINCIT LIQUIDI NERVEI SECRETIONEM.

§. I.

Praecipuum fere argumentum pro demonstranda Spirituum nerueorum in encephalo secretionem deduxerunt Cl. Viri ex insigni quantitate sanguinis ad encephalon fluentis, hanc ad vniam tertiam totius massae sanguineae aestimauit cum MALPIGHIO BOERHAAVIUS 1), hinc probabile non esse tantam sanguinis copiam frustra ad encephalon ferri, et nulla sui parte orbatam redire per venas, longe vero probabilius esse, fieri ex eodem secretionem veram permanentem, quae sit subtilissimi sensus omnes fugientis liquidi, perque fibrillas nerueas cauas tanquam emissaria deferendi 2), et ubicunque in corpore humano liquor adfertur per arterias, et per venas refertur, ibi secretionem fieri alicujus liquidi, neque vllam reddi rationem posse, cur cerebrum ab vniuersali consuetudine excipiat 3).

§. II.

1) HALLER Elem. Physiol. Tom. V. p. 22.

2) MARHERR Praelect. Academ. Tom. II. p. 379.

1) Instit. medic. p. 135.

3) BOERHAAVE Praelect. Academ. T. II. p. 545.

§. II.

Omnia rite perpendenti non videtur huic argumento ea inesse vis, qua assensum extorqueat; nam *primo*: carotidum, et vertebralium arteriarum sanguis, ut probe meminit Cl. MARHERR ¹⁾, multo minorem rationem habet ad sanguinem reliquum totius corporis, quam quidem suo ex calculo Cl. Viri deduxerint; *secundo*: si detrahatur de sanguine carotico ea quantitas, quae in folius salivae secretionem impenditur, minuetur adhuc multo magis ejusdem encephalon ingressuri copia, vberissimam enim esse secretae salivae copiam plurima observata practica docuerunt, et inter caetera evidenter exemplum Militis ab Ill. van SWIETEN ²⁾ prolatum. „Militi huic unius tantum „parotidis ductus dissectus fuerat, et postea vulnus pro parte coaluerat, ita ut saliva secreta non in oris cauum dilaberetur, sed extrorsum per fistulosam aperturam deplueret in genam, brevis prandii tempore plura lintamina madebant effluente saliva in „hoc Milite:“ quod si consideretur similem copiam per alterius lateris parotidem excerni, glandulasque maxillares, et sublinguales pariter secretioni salinae servire, si simul consideretur, non tantum manducationis tempore exire salivam ex his ductibus excretoriis, sed diu noctuque licet minori copia, quam inter manducandum, patebit utique ingentem carotici sanguinis quantitatem ad salivalia organa ruere, eamque adeo carotidis internae ramis subtrahi, sed et illa decedit, quae impenditur in secretionem humoris tenuissimi per arteriarum oscula in omni puncto superficiei internae oris, et faucium exhalantis ³⁾, et illa, quae ab interna carotide ad oculum, atque ad duram matrem dispensatur, et deum ea, quae per ramos vertebralium ad musculos secedit ⁴⁾; et magnum merito argumentationi huic robur addit Ill. CALDANI, quem non sine voluptate assensum mihi praebentem lego, auctoritas. „Quasi vero, inquit Ill. „Vir ⁵⁾, sanguis omnis, qui in carotides, et vertebrales truditur (quamvis esset tertia „pars totius sanguinis, qui a posteriori ventriculo erumpit) cerebro tantummodo „spiceret, nihil vero per subclavias artubus superioribus, nihil musculis colli, hujus- „que vertebri, nihil laryngi, pharyngi, meningi durae, tympano, aliisque auris par- „tibus, nervis quarti, quinti, et sexti paris, glandulae pituitariae, oculis, ossi cunei- „formi, cribroso, aliisque.

§. III.

Sit notabilis encephalon ingredientis sanguinis copia, eam certe vel ipsa cerebri magnitudo, et natura in proprios videbatur usus postulare: etenim non solo habito respectu ad corporis humani reliquam magnitudinem comparatam cum animalium brutorum magnitudine cerebri hominis magnitudo major est, sed etiam absolute superat reliquorum animalium vel maxima cerebrum humanum ¹⁾; id et ipsa fabrica cranii suadet, quod in brutis animalibus laxissimas nares habet, cranii vero caueam bre-

Dd 3

vem

1) l. c. p. 312.

5) Institut. Physiolog. 1773 edit. Patauii

2) Comment. T. III. p. 356 ex academ. p. 164.
des sciences Mem. p. 452.

3) v. SWIETEN l. c.

1) MARTIN Institut. Neurolog. sect. I.

4) HALLER Elem. Physiol. Tom. IV. Physiolog. p. 12.
p. 140.

vem et angustam, cum a validissimis musculis temporalibus ossa sincipitis ita deprimantur, ut sola fere crista media emineant, quae in homine lata planitie fornicem perficiunt²⁾. Nunc quis non videt ad tanti visceris incrementum, et nutritionem multum sanguinis requiri?

§. IV.

Adparebit vero sanguinis copia in proprios cerebri usus impendendi eo major consideranti ipsam cerebri indolem: cerebrum enim ex humido constare ceu evidentioribus ejus proprietatibus agnuit HIPPOCRATES¹⁾ et in specie cerebrum, ac cerebellum paucissimas continere partes solidas, demonstravit Cl. HAMBERGERUS²⁾. Hanc cerebri proprietatem evincunt experimenta ab Ill. BOERHAAVIO³⁾ producta. Si cerebrum sub alembico reponatur, et mollissimo calore uratur, cito resolvetur in pellucidissimum, et limpidissimum vaporem, et pauca vasa relinquet: si medulla liberata a pia matre suspendatur in vitro aliquo, ubi nullo vento perfletur, nihil supererit de tota massa post aliquot dies, quam sola membrana arachnoidea.

§. V.

Quod si paucos intra dies uniuersum cerebrum in liquorem dissipatur, videtur totum fere liquidis constare, quae liquida non utique aliunde, quam ex adpulso ad encephalon sanguine secerni oportet.

§. VI.

Et cum minime dubium videatur, ut in pericardium, pleuram, aliasque corporis humani caueas, ita in cerebri ventriculos tenuem humorem perpetuo exhalare de arteriis¹⁾ necesse est, ut hic humor quoque ei sanguini decedat.

§. VII.

Docet praeterea accuratior inspectio anatomica, ambas venas jugulares sanguinem e cerebro reuehentes multo majorem capacitatem possidere, quam arteriae sanguinem adferentes carotides nimium, et vertebrales simul sumptae¹⁾; unde adparet, magnam omnino sanguinis quantitatem per capaces adeo venas velociter referri.

§. VIII.

Quare cum cerebrum omnia alia viscera magnitudine excedat §. III., cum humida ejus in uniuersum natura sit §. IV., non mirabimur illud plus forte sanguinis pro portione aliorum viscerum accipere in proprios usus §. V. §. VI. impendendi, et dum insignem adhuc residui sanguinis copiam per solas jugulares venas, (emissariis SANTORINI non computatis) ab encephalo redire §. VII. intelligimus, mirabimur potius tantam

2) HALLER in Praelect. ad H. BOERHAAVE Instit. Tom. II. p. 382. not. c.

1) in MARTIN l. c.

2) Physiolog. Medic. p. 185.

3) Praelect. Academ. p. 545.

1) HALLER Elem. Physiol. Tom. IV. p. 44.

1) MAJER Anatomisch-physiologische Abhandlung vom Gehirn, Rückenmark, und Ursprung der Nerven p. 49.

tantam adhuc superesse posse ejus vim, ex qua materies fecernatur myriades certe fistularum nervearum momento repletura, velocissimis volantium avium, hominis, caeterorumque animalium diutinis, celerrimisque cursibus suffectura, et proprios simul, quibus continetur, canales, et omnes fere corporis partes nutritura: „nam ad primam „copiam liquidi nervei, quae musculum subiit, novae accedunt continuo copiae, ut intra brevissimum spatium temporis, v. g. unicum minutum primum horae unius im- „mensa fiat 1).“ Ambigit quoque Ill. CALDANI 2), „num sanguis solum cerebrum „alluens praeter nutritionem visceris certe magni, praeter conservationem caloris in „viscere, quod non male frigidum dixere veteres; praeter separationem vaporis, qui „in ventriculis, et inter membranas cerebrum involuentes occurrit, in cerebri vasis adeo „redundet, ut aliquid aliud, et quidem magna copia ab ipso separari necesse sit.“

CAPUT II.

NEC SANGUINIS AD ENCEPHALON LATI DIVERSA INDOLES.

§. IX.

Antiquissimam hypothesim jam ab ARISTOTELE propositam, et ab Ill. BOERHAAVE 1) assumptam, video a Cl. Viro ROLANDO MARTIN 2) denuo adoptatam, sanguinem nimirum ad encephalon latum alterius esse generis, ac quidem aliarum partium sanguis sit, esse mobiliorem, subtiliorem, hinc ad secretionem in cerebro obeundam destinatum.

§. X.

At vero nullo experimento de praerogativa sanguinis cerebralis constare, affirmat Ill. HALLERUS 1) et omnia parum firma esse, quae de peculiari indole sanguinis cerebralis a nonnullis relata fuere 2), nec nimis haec ornanda esse, cum ex eadem carotide mucus et adeps, et sebum, et succus ossium nutritivus, adeoque visceris, et inertes humores generentur 3). Et solide ad hanc Ill. Virorum opinionem regessit Ccl. MARHERRUS 4) „in ea plenitudine vasorum nostrorum, in ea velocitate subsequen- „tium sese cordis contractionum, in his adeo multiplicibus arteriarum flexionibus, in „tanta earundem in sanguinem reactione non adeo congrue assumi leges hydraulicas in „vasis inertibus et vacuis observatas, neque sanguinem his legibus ad amissum obedire „posse, cum et plenitudo vasorum obset, et flexiones multiplices, et cum arteriae „omni momento reagant, sanguinemque a lateribus repellant, sic oriri motum omnium „sanguinis particularum conturbatum, omnes inter se moleculas agitari, intermisceri, „nec ulli aut primitivam directionem, aut impetum priorem manere, sed intestinis „adeo

1) BOERHAAVE Praelect. Acad. T. III. p. 423.

2) l. c. p. 165.

3) Institut. Medic. p. 132.

4) l. c. p. 19.

1) Elem. Physiol. Tom. IV. p. 141.

2) Idem in Auctar. Fascicul. IV. Parte I. p. 29.

3) Idem Elem. Phys. Tom. II. p. 415.

4) Praelect. Academ. Tom. II. p. 282.

„adeo turbis inter se confundi, vt peculiarem directionem lege densitatis sequi non possint.“

§. XI.

Porro etiam experimentis a Cl. TAUBE institutis stabilire nititur Ill. MARTIN illam cerebialis sanguinis diuersitatem: cum scilicet in cadauere aperirentur arteriae diuersae carotidis, et cruralis, et par quantitas sanguinis eximeretur, qui in ejusdem fabricae cucurbitis immittebatur, sanguis carotidis, instituta destillatione eodem ignis gradu reperiabatur aquas continere vnciarum octo cum drachinis duabus, sanguis vero cruralis non magis, quam vncias octo cum drachina dimidia. Cruoris vero pars in carotide vnciis tribus cum aliquot granis constitit, cruralis autem cruor vncias tres et totidem drachmas exhibuit, inde conclusit serum sanguinis carotidis arteriae internae ad serum arteriae cruralis pari ratione se habere, vt 66 ad 64 cum dimidio, et solidum in libra vna cruoris sanguinis arteriae carotidis ad solidum cruoris arteriae cruralis esse, vt 1442 ad 1480.

§. XII.

Non est, pace Ill. Viri, dissimulandum, ipsum Ill. HALLERUM, sub cujus praesidio Cl. horum experimentorum auctor disseruit ¹⁾ aperte fateri ²⁾, ea experimenta non satis repetita esse: quam cautos vero in elicienda ex vno tantum, alteroue experimento conclusione generali, nos esse oporteat, serio monet ³⁾; ibi enim post allata Cl. Virorum de sanguinis venae portarum peculiari indole experimenta subiungit: „Repetitis experimentis in sanguine venae portarum sani animalis, aut vituli haec oportet definire, non vno, neque paucis, si enim in viginti experimentis plus in eo sanguine fuerit aut aquae, aut adipis, vix fallatur, qui perpetuo plus inesse pronunciauerit, semel si experimentum fecerit, poterit alia causa subesse.“

§. XIII.

Ad haec: an ex iis, quae in sanguine e cadauere sumpto, adparent, certa semper est ad ea, quae in animali viuo fiunt conclusio? certe vitalis motus impedit, quominus grauitatis leges sequantur corporis nostri fluida, e contra in animali, aut in agone languido, aut iam mortuo, hinc diminuto vitali impetu, aut iam penitus sublato contraria vtique lex locum habere poterit, et reapse in Cl. TAUBE experimentis habuisse videtur.

§. XIV.

Constat enim ex principiis physiologicis, arteriarum carotidum sanguinem in secretionem salivae quoque impendi, quanta sit ejus secretae copia, alibi vidimus ¹⁾; eandem maxima quantitate aquae constare, experimenta chemica manifesto evincunt, quae ex viginti ejus vnciis destillationi commissis nouendecim aquae partes educunt, quamdiu ergo animal viuit, insignem aquosi principii copiam cum sanguine ad salivalia organa rueri

¹⁾ DANIEL. IOAN. TAUBE Dissert. de sanguinis ad cerebrum tendentis indole. Goettingae 1745.

²⁾ Elem. Phys. Tom. II. p. 12.

³⁾ Idem. Elem. Phys. Tom. VI. p. 497.

¹⁾ Sect. I. Cap. 1. §. 2.

ruere necesse est, atque adeo residuum sanguinem spissiore respectu reddi, quam alium, qui per arteriam quandam fluit, quae non perinde fluidioris partis iacturae exposita est, ut carotides, in ultima vero illa animalis lucta, in qua omnium aliarum secretionum ad modum, etiam illa salivae languet, et tandem in integrum cessat, remanet omnis illa aquosi principii portio in sanguine carotidum, et remanens poterit diuersitatem aliquam in experimentis producere.

CAPUT III.

NEC ADPARATUS ENCEPHALI SECRETORIUS.

§. XV.

Depromptum ab adparatu encephali secretorio argumentum vel maxime vrgent Viri Clarissimi: adesse hic omnia ad secretionem permanentem requisita, vasa arteriosa rubra adferentia, vasa venosa referentia, vasa sanguineis vasculis multo minora, quae corticem constituent „haec humorem sanguine multo tenuiorem secernere, secretum vehere, necesse ergo esse, ut adsint quoque vasa emissaria, per quae humor ille seorsim feratur suos in usus impendendus, nunc vero, cum vasa emissaria inuisibilia sint, cum ex encephalo praeter venas et nervos nihil exeat, cum ex cortice nulla alia substantia educatur praeter medullam, oportere, ut ipsa medulla iis emissariis constet, ut peruia sit, si vero medulla iis emissariis constat, si peruia est, si humorem a corticalibus vasculis ipsa recipit, ac seorsim vectum ad partes corporis reliquas distribuit oportere, et humorem illum omnium totius corporis liquidorum subtilissimum et fibrillas, cauas medullares omnium vasculorum corporis minutissima, esse 1).“

§. XVI.

Solidum profecto argumentum pro demonstranda secretionem in encephalo, non perinde firmum pro demonstranda liquidi nervi secretionem: et quidem secretionem vere permanentem fieri in ventriculis cerebri docet vapor in iisdem reperiendus, sed et aliam fieri secretionem vere permanentem certum est, quae videlicet sit succi nutritii in nutritionem harum partium cessuri, num vero praeter has secretionem vere permanentes, quae cum essent priuatis usibus dicatae, nullis egebant emissariis vasis, alia adhuc quaedam fiat, quae cum esset in publicam totius machinae necessitatem, nervos, ut canales emissarios postulabat, id quidem meo iudicio argumentum ab adparatu secretorio ductum euincere haud videtur: etenim amplum adeo cerebri viscus 1) multam sanguinis copiam in sui nutritionem conuertit; adde, non solum cranii cauea medullarem substantiam coerceri, verum eam excurrere longissime, et adeo late per animale corpus dominari, ac quidem systema nervosum (nerui enim nihil sunt aliud, quam tenuissima medullaris substantiae propago) quo igitur certius est, eo, ubi egere nutritionis materiae cerebri et cerebelli substantiam, quo ea amplius diffunditur, eo

minus

1) MARHERR Praelect. Acad. Tom. II.

1) Sect. I. Cap. I. §. 3.

minus probabile est, ex sanguine ad encephalon lato aliud quid fecerni amplissimis, et nobilissimis muneribus in animali corpore praefuturum.

§. XVII.

Quid quod adparatus ille secretorius, quem Cl. Viri adeo extollunt cum discernendi per eum liquidi natura, et proprietatibus parum omnino congruere videatur? in eo sane communis est Physiologorum consensus, multiplici artificio usam esse naturam, ut velocitatem sanguinis ad et per encephalon lati valde retardaret: hanc retardationem docet angulus, quem carotides cum trunco arteriae aortae, et vertebrales cum truncis subclaviarum intercipiunt, pondus proprium sanguinis directioni motus saltem in erecto corporis situ contrarium, duplex flexura carotidis antequam per cranium transeat, transitus obliquus per canalem osseum ossis temporum, duplex flexura juxta sellam equinam, antequam duram matrem perforet, infinitae fere flexurae ramorum in pia matre observandorum, transitus ex spatio minore in majus, quia summa capacitatis omnium ramorum in pia matre probabiliter major est capacitate ramorum, ex quibus oriuntur¹⁾ ipsa quoque angustia vaforum piaem matris, quia fluida ob cohaesionem cum parietibus in vasis angustis tardius mouentur, quam in amplis, erat vero haec celeritatis, et impetus sanguinis ad cerebrum abeuntis immunitio omnino necessaria, quod tenerrima cerebri substantia majori impetui ferendo neutiquam par extitisset.

§. XVIII.

Docet vero Ill. HALLERUS¹⁾, inter mechanicos effectus retardationis humorum esse secretionem parcam, item secretionem viscidorum potissimum humorum, cum motu progressivo fracto, aut sublato facilius sese amplectantur, inque suis vasis viscidius jam, adque motum ineptum liquidum constituent, quod sola attractione regantur; quando contraria vis progressiva sublata fuit. Quomodo ergo subtilissimum, fluidissimum, mobilissimum liquidum, cujusmodi certe liquidum nerveum e Cl. Virorum effatis esse oportet, quomodo immanensa, breui temporis interuallo, ejus copia in eo secretorii organi adparatu generabitur? qui parcitati, lentorique fauet quam maxime?

§. XIX.

Novae meditantis se speculatio offert: multa omnino est adparatus testium secretorii cum eo, per quod in encephalo nerveum fluidum praeparari dicitur, similitudo, causae celeritatis retardatrices utrobique eadem¹⁾, nunc nequeo a me impetrare, ut credam, in his sui adeo similibus secretoriis organis posse binos toto coelo inter se diversos humores generari; quorum vnus visibilis sit, viscidulae indolis, subtilissimus alter nec nudo, nec armato oculo observandus: et qui, quales, possint fibrillae nerveae in tanta sui minutie, tenuitate, atque mollitie, in tanta ad se invicem stipatarum

1) HÄMBERGER l. c. p. 208.

1) Elem. Phys. Tom. II. p. 420.

1) Conf. MÄRHERR Tom. III. p. 462 et seq.

stipatarum angustia? lumen aliquod vtut minimum, vtut subtilissimum retinere, quae in vaginis a pia matre productis tam compressae sint, vt absceto funiculo nerueo mox data via exprimatur pulpa, monticulumque efficiat obseruante Clar. PROCHASKA ²⁾).

§. XX.

Opponi quidem potest, quantumuis glandularis fabrica lento potius humorum motui faueat, quam promouendae eorum celeritati, nihilominus tenues, et aquosos humores per glandulas quasdam secerni exemplo salinae in salialibus glandulis, succi pancreatici in pancreate secretorum.

§. XXI.

Haec vtique ita se habere, dubitari nequit, sed et illud certum est, alia praesto esse adminicula, quae ex ipsa glandulae structura lentum caeteroquin futurum humorum motum, praecipitant, et quae ab encephalo in integrum absunt, et imprimis liquida fluida secerni incumbenibus musculis monet Ill. HALLERUS ¹⁾, demonstrat vero Anatome ita esse locatas saliales glandulas, vt a variis potentiis muscularibus possint agitari, parotis a massetere, et ab ipsa maxilla alternis vicibus diducta, et adducta: maxillares a biuentribus, mylohyoideis, et ceratoglossis, sublinguales a mylohyoideis, genioglossis, et maxime ab ipsa lingua, pancreas quoque perpetuo alternam abdominalis praeli actionem experitur: contra in encephalo nihil vnquam musculosi demonstrari potuit, vnde adparet congestisse huc naturam potentissimas quidem causas celeritatem motus sanguinis destruentes, nullas adiecisse auxiliatrices.

CAPUT IV.

NEC INCREMENTUM CEREBRI.

§. XXII.

Argumentum ab aequabili cerebri cum caeteris corporis partibus incremento peti- tum demonstrationis loco habuit Ill. BOERHAAVIUS ¹⁾, dum fibrillarum neruearum cavitatem, et fluidi nerui existentiam demonstrandam assumeret, „nullam aliam causam proponi posse vniformis in omni parte corporis humani distentionis, quae incrementum vocatur, nisi vniam causam vniformiter distendentem omnia, eam causam vniformem in aliis partibus corporis humani esse procul dubio cordis impetum uberius, liquidum per arterias propellentem, futuram ergo, et in cerebro causam augmenti eandem, liquidum nempe a corde in vasa cerebri vberius adueniens, neque enim si alia causa incrementi in cerebro singularis esset, posse eadem ratione, et cerebrum augeri, et reliquas partes incrementum; hinc et Ill. HALLERUS ²⁾ existimat non posse incrementum crescere medullam, si coeca est, si cum carotidibus nihil habet commercii.“

De 2

§. XXIII.

2) Tract. Anat. de Struct. Neru. sect. II. 1) Praelect. Academ. Tom. II. p. 545.
Cap. V. p. 80.

1) Praelect. BOERHAAVE T. II. p. 439. 2) In BOERHAAVE l. c. ad notam i, ad notam c.

§. XXIII.

Nimii profecto sunt in hoc argumento Magni Viri, quod vel ideo non multum ornare oportet, cum inde sequeretur, nullam in animali corpore particulam incrementi capacem esse, nisi, quae vasculosa sit ¹⁾, docent vero quotidianae observationes, eas etiam partes debita incrementa capere, in quibus nū vnquam vasculosi detectum est: vtique increfcit vnguis, qui e Cl. Virorum sententia minime est vasculosus, cur non et medullam, etsi vasculosa non esset, increfcere posse credas? quid vetat, quo minus per *protrusionem* fieri statuamus ejus incrementum, vt in vngue fit „ad radicem vnguis, „quae intra cutem delitescit, vascula adhaerent, videturque succus nutritivus solummodo „ad radicem vnguis apponi, atque illa adaucta totum vnguem exteriorem continuo „vrgere, et producere, vt si vngui pone lunulam ope solutionis metallica maculam „exiguam permanentem inuras, videas, vngue crescente, eam maculam non crescentem sensim magis, magisque antrorsum promoueri, donec tandem extimum vnguis „marginem teneat, et refecetur ²⁾“, an non pari ratione, si vasculosum corticem, coecam vero medullam ponas poterit ejus incrementum explicari? pone vltimos fines arteriolarum minimarum corticalium adhaerere radicibus orientium flaminum medullarium solidorum, adhaerebit, his ita positis nutritivus succus, in fines arteriolarum delatus pullulantibus inde medullarium flaminum radicibus, adhaerens propellatur vltterius a nouo succo ad eum locum perpetuo delato, et priorem particulam a tergo vrgente, hacque perpetua nouarum particularum successione adipiscetur medullaris substantia requisitum incrementi modum: ex quibus pater, etsi arterias vltimas corticis continuas esse solidis fibrillis medullae, adfirmemus, nullo tamen modo vi hujus hypothesos necessitati nos, vt Ill. HALLERO ³⁾ videtur, ad adfirmandum sanguinem, aut liquorem sanguini continuum ad fines coecos perductum viam iterare, inque venas reflecti; reflectitur vtique in venas quidquid est sanguinis a succi nutritiui secretionem residui, ipse vero nutritivus succus in medullae incrementum impenditur; feratur ergo sanguis ad confinia medullae, certe aliquid ei tribuet, etsi coeca est.

CAPUT V.

NEC ANALOGIA.

§. XXIV.

Ad argumentum venio, quod ceu ex valentissimis vnum pro tubulosa medullae fabrica produxit Ill. BOERHAAVIUS, quodque Cel. MARHERRUS ¹⁾ fufse, ornatèque proposuit. „Ante cognitum vasa replendi artificium male negatum fuisse minorum „vasculorum existentiam, male creditum fuisse partes corporis multas exsanguis esse et „vasculis carere ex hoc solo fundamento, quod vascula innumera oculorum aciem subterfugerint,

¹⁾ Hoc enim, nisi in magno sim errore, inquit Ill. CALDANUS l. c. pag. 165. idem est, ac si dicas, minimam omnium fibram cauam esse, quoniam et ipsa creseit.

²⁾ MARHERR Praelect. Acad. Tom. III. p. 43.

³⁾ In BOERHAAV. Praelect. Acad. Tom. II. p. 541. ad Not. c.

¹⁾ Praelect. Acad. Tom. II. p. 329.

„terfugerint, de quibus nos hodie per injectionem certi sumus, male ergo, et nos negatos medullam peruiam esse ex hoc solo fundamento, quia optimis etiam microscopiis armati oculi nullam in fibrillis medullaribus cavitatem discernunt, terminum hic sensibus nostris a Creatore positum esse, at nondum terminum positum esse rationi, quae infinitum quoddam amplectitur — dum ergo videmus corticis vascula in injectione sensibilia fieri, et microscopio lustrata distincte cerni, dum scimus ea, quae sensibus nostris adhuc patent, nondum in suo genere minima esse, rationem dictare, ut concludamus, haec vascula adeo distincte sensibus percipienda nondum esse minima, esse alia his multo minora, esse talia, quae omnem sensum fugiunt; dum porro videmus, cortici vasculoso vbique continuari medullam, eandem ex corticali substantia educi, interspergi, insinuari, idque certo, constante, ac distinctissimo ordine, etsi in hac nihil vasculosi cernimus, rationem tamen suadere et analogiam ab aliis partibus deductam non utique coeca flamina medullaria ex corticalibus vasculis educi, sed vasculis hisce inter sensibilia fere minutissimis continuari alia his multo minora, et ob minutiem insensibilia.“

§. XXV.

Errarunt omnino Patres nostri, qui multas corporis partes ex sanguine crediderunt, quas felices RUYSCHII injectiones meris vasculis fieri docuerunt, an vero nos RUYSCHII industria ab errore tutos praestiterit? si vniuersum corpus tubulosum fecerimus: male olim creditum est, omnem corporis particulam neruum accipere, esse sensilem, quem quidem manifestum errorem per numerosa Ill. HALLERI experimenta confutatum hodie nouimus, quid si dies doceret? et nos vasculosam fabricam per animale corpus nimium diffudisse: utamur analogia in rebus, quae sensus fugiunt, concludamus ex sensibilibus ad insensibilia, caute tamen, et non absque erroris metu in iis, de quibus intellectui nostro vltro se offerunt, non facile excutiendae dubitandi rationes, quemadmodum enim indignum est Philosopho, rerum, quae sub sensu non cadunt, existentiam negare, ita perinde indignum est, coeae semper credere absque seueriore scrutinio: si tanta est analogiae vis, quae persuadeat vel inuito medullares fibras, quarum cavitates nec nudo, nec armato oculo patet, canas esse, cur non persuadeat, et cellulosa telam, et epidermidem, et ungues vasculosae esse indolis? quas tamen partes vasculis destitui, analogia non obstante, manifesta est Cl. Virorum confessio; equidem non diffiteor, analogiam, in rebus, in quibus certitudinem adsequi non licet, aptissimum esse ad persuadendum argumentum, contendo tamen, amissurum id de suo pondere plurimum, ut primum praesto quid est, quod fluctuantem animum eidem in integrum confidere vetat, et jam dudum huic analogicae argumentationi diffidit Ill. ALBINUS¹⁾ „eam, utcumque consentanea inuentis, et prudens sit, tantum certe, quantum illa, quae cernuntur oculis, non valere, ad summum verisimile quid efficere, et ne verisimile quidem, illud, quod praeter vasa est, in multis partibus naturae vasorum valde natura dissimile esse, ut os, cartilagineum, tendinem, ligamentum, neruum, carnem musculorum, aliaque musculoſa, medullam cerebri, aliaque, nec persuadere

Et 3.

„habitu

1) Annotat. Academ. Lib. I. Cap. XII. p. 52. et Lib. III. Cap. I. p. c. 3 et seq.

habitu suo posse, non esse diuersum quid a vasis, hinc ob stare hanc naturae diuersitatem, quominus credamus vasa esse, quamdiu non constat id inueniri, obstitisse sibi certe hoc magis, quo attentius non mente, sed oculis intuitus est."

§. XXVI.

Quod si non potuit olim a se impetrare summus Anatomicus, ut inter probabilia locum concederet opinioni, quam argumentatio induxerit, quia res ipsa eam conuellere videbatur, an nos hodie eidem liberius subscribemus? minime sane, praesertim si ad ea, quae nupera Cl. Virorum industria in fabrica cerebri, neruorumque substantia detexit, liberum a praeconcepata opinione, animum aduertamus.

§. XXVII.

Postquam IOANNES MARIA DELLA TORRE ¹⁾, Vir in usu lentium vitrearum peritissimus, ad experimenta, cum substantia medullari cerebri, cerebelli, medullae oblongatae, et spinalis, capienda accessisset,prehendit lentium ope substantias illas nihil aliud esse, quam congeriem innumerorum globulorum pellucidorum in transparente aliquo viscido fluido natantium: globulos illos maximos esse in cerebro, minores in cerebello, et adhuc minores in medulla oblongata, ac spinali, minimos in medullari neruorum substantia: ad haec globulos in cerebro, et cerebello, medullaque oblongata, et spinali promiscue positos esse, in substantia vero medullari neruorum esse in lineas rectas magis dispositos, et fila, aut fibras affectare et in vniuersum eo magis, quo remotiores sunt a cerebro.

§. XXVIII.

Suspiciatur porro Cl. Vir, globulos illos et crystallinum eorundem humorem nasci ex lymphaticis, et sanguineis piaë matris vasis, in vasis quippe, quae ibi minima sint, aliud esse non posse, quam sacculos valde compressos, qui ad extrema vasorum perducti in ipso suo exitu induant figuram rotundam, nec aliud continere posse, quam lympham ¹⁾, cumque praeterea obseruasset, globulos illos ex innata quadam proprietate lineas rectas affectare, concludit ²⁾ in origine filamentorum nerueorum illud ipsum contingere, quod euidenter adparet in substantia glutinosa prodeunte ex ore bombycis, si enim exiguae illi gutullae digitus admoveatur, tum distrahatur, obseruamus continuo produci longum tenuissimum filamentum, quod accedente aeris actione, et caloris maiorem consistentiam nactum in filamentum consistens, subtilissimum sericeum transeat, cujus elementa, ne quidem acutissimae lentis ope, conspicua sint: illustrare possint haec Cl. Viri placita sanguinis ad encephalon tendentis usum, et modum, quo medullaris substantia increscit, et propagatur.

§. XXIX.

Eadem experimenta quoque instituit Cl. Vir, et conjunctissimus Collega noster GEORGIUS PROCHASKA ¹⁾, etprehendit ope exquisitissimarum lentium opticarum

¹⁾ Nouve osservazioni Microscopiche Napoli 1776.

²⁾ Conseguenza IX.

¹⁾ l. c. Cap. IV. de nerv. medulla p. 66.

¹⁾ l. p. Capo V. Parte I. Conseguenza vj. et seq.

„tam corticalem, quam medullarem substantiam immensa quidem multitudine globulorum constare, at vero globulos illos, in pellucido illo, ac viscoso liquore, cujus Cl. DELLA TORRE meminit, natate, se non vidisse testatur, quin potius globulos illos inter se peculiari quodam, ac elastico nexu cohaerere, nec adeo ab inuicem separatos esse, ut globulos rubros sanguinis transparenti sero innatantes videmus: cum enim moleculam substantiae seu corticalis seu medullaris cerebri, vel cerebelli supra tenuissimum vitrum poneret et complanaret, ut apte pelluceret, tunc ope selectae lentis opticae detegebat esse ex innumeris globulis constantem, quorum globulorum nullus motus, nullus natatus observari possit, vidit, quando illi moleculae gutta aquae superstillabatur, ut humectaretur magis ac dilueretur, reperiri quidem hinc inde exiguos pulpa flocculos separatos, sed omnes ex pluribus globulis adhuc cohaerentibus constantes, et rarissimum esse, ut unus alterue globulus solitarius, aut cum vno, alteroue conjunctus a pulpa reliqua separatus in aqua natet, esse itaque aquam insufficientem ad diluendum, et debilitandum globulorum illorum vinculum, sed neque potuisse id praestare diuturnam licet macerationem: postquam enim accepisset ejusmodi flocculum, quem ad parietem vitri tenuissimi aqua repleti affixerat, ut commode eum ab extrinsecus examinare posset, etsi dictum flocculum in illa aqua macerasset per tres menses, et ultra, nihilominus tamen non fuisse resolutum in suos globulos, sed mansisse cohaerentem aequae, ac prius, unde conclusit, globulos illos non moveri a cerebro per nervos ad totum corpus, ut Cl. DELLA TORRE voluit, sed manere perpetuo suo in loco ad vicinos adhaerentes non quidem intercedente aliquo glutinoso liquore, sed tela cellulari subtilissima, quae sit propago sepimentorum membranae, ceorum a pia matre productorum, et vasorum substantiam tam corticalem, quam medullarem copiose perreptantium, hac itaque subtilissima cellulosa tela globulos illos medullares non solum inter se debite cohaerere, verum etiam nutriri probabile esse, et forte etiam ad horum globulorum ignotum munus necessaria adminicula per illam cellularem aduehi, figura globulos illos non exacte sphaerica, sed irregulariter rotunda gaudere, nec plane omnes ejusmodi magnitudinis esse, sed differre nonnihil etiam eodem in loco: observationem Cl. DELLA TORRE, quod nimirum globuli illi maximi sint in cerebro, minores in cerebello, et adhuc minores in medulla oblongata, ac spinali, et minimi demum in nervis sint, se satis confirmatam non vidisse, quare potius credit, eandem fere ubique esse, manente tamen ea differentia, quod unus prae altero major nonnihil possit reperiri, et etiam globulos medullares bouis cum humanis comparando, vix differentiam se reperire potuisse.“

§. XXX.

Cedat ergo his frequenter, caute, diligenterque capis experimentis, et observationibus, ratio, desinat suadere analogia, medullam cerebri, nervorumque pulpa tubulis constare stupendae exilitatis, iisque spiritu quodam ebriis: non preimamus ingrato silentio industrios Cl. Virorum labores, sed adfulgenti novae luci grati oculos aperiamus, quae illud ipsum, quod nobis ratio dictare poterat, quod suadere analogia videbatur, tubulosum esse, ex infinitis conflatum globulis ostendit clarissime.

CAPUT VI.

NEC VINCULA NERVORUM.

§. XXXI.

Experimentis quoque nervorum cavitates, et nervosi fluidi existentiam demonstrare adgressi sunt Viri clarissimi, quae vinculo nervis injecto nituntur: si nervus, inquit, ad musculum pergens ligetur, continuo in eo musculo et motus perit, et sensus, debet ergo aliquid per nervum musculo advenire, quod illi sensibilitatem, et mobilitatem conciliat, quodque nunc ligatura interceptum a musculo arcetur, iterum relaxato vinculo musculum et sensibilitatem, et motum recuperare: vellicato infra ligaturam nervo musculum conuelli, vellicatione supra ligaturam facta nullum in musculo motum sequi, aliquod ergo liquidum per nervos moveri, aut certe rationem non esse, cur ligatura musculum motu, et sensu priuet, cur relaxato vinculo sua redeat musculo integritas.

§. XXXII.

Etsi non possumus resistere evidenti oculorum testimonio, quod hujus experimenti, quoties rite administratum fuerit, veritatem confirmat, nequit tamen plus persuadere, quam nervos esse sensus, motusque instrumenta, hinc integros, inque naturali statu per totum sui decursum constitutos oportere esse nervos, ut ministeria motus integerrima, ab animae sede ad destinata loca deferant, utque vicissim factas in sensoria organa ab objectis externis impressiones purissimas menti repraesentent, minime vero absolute docere videtur, experimentum illud, fluere per nervorum caua subtilissimum liquidum, quod sensoriae impressionis, aut potestatis motoriae vehiculum sit ¹⁾: etenim rem accuratius pensanti, adparebit, in ea hypothesi, quae solidam ponit nervorum structuram perinde omnia eadem phaenomena, a ligato nervo necessario sequi, ponamus enim, per oscillationes nervorum sensum propagari, et motum, quidni injecto nervo vinculo peribit vterque? peribit sane, quod pulpa nervea mollis, nequidquam resistens ipsi vincienti corpori cedere cogatur, ab eoque diuidi veluti patiatur, quare cum solus nervus sensui, motuique deferendo par sit, necesse est, ut soluta continuitate medullae cadat motoria, aut sensoria impressio in corpus utriusque medullae extremo interjectum, quod nec sensui, nec motui propagando aptum natum est, nam etsi usque ad vinculi locum oscillationes suas prosecuta sit nervea pulpa, non potuit tamen ex mollissimis ejus vibratiunculis durissimum vinculum in similes oscillationes emoueri, perivit ergo in ipso vinculo omnis illa oscillatio, quae aduenerat per nervum sine ab anima, siue a sensibili objecto, impulsus.

§. XXXIII.

1) Et verissime regressit Ill. CALDANI l.c. p. 170. Perit quippe sensus, et motus, etsi paulo serius venis, aut arteriis vinculo interceptis, quamvis in influxu sanguinis arteriosi, aut venosi effluxu non sit causa efficiens motus, non igitur pari ratione sensus, motusque voluntarii abolitio, quae nervos sequitur compressos, aut ressecatos, per ner-

vos ipsos causam motus efficientem, nempe spiritus fluere demonstrat. Cur enim si sensus, motusque cessat arteriis etiam venisue ligatis, sanguis per arterias, venasque musculorum trajectus causa efficiens motus muscularis aequo jure constituendus non esset?

§. XXXIII.

Adparet ergo, cur vinculum mollissimae nerueae pulpae injectum vltiores ejus oscillationes, supprimat, dum econtra firmas, resistentis, cedere nesciae chordae vibratilem vim infra vinculi locum propagandam nequidquam moratur.

§. XXXIV.

Etsi vero durissimam inter musices chordam, et tenerrimam nerueam fibrillam immanem agnosco differentiam, non possum tamen induci, vt credam nefas esse vel minimum tremorem oscillatorium vt vt mollissimae pulpae concedere.

§. XXXV.

Consentientem habeo IOANNEM CHRISTOPHORUM MAJER: quaelibet gelatina (inquit Ill. Vir ¹⁾), vt vt tenuis ea sit, possidet tamen elasticitatis vim, hanc eandem vim viscidis aliis substantiis haud penitus denegandam esse, hinc nec medullae cerebrales, elasticitatis gradus a chalybeata lamina ad aquam usque esse valde diuersos, tamen si vero elastica illa vis sit in corporibus eminenter elasticis longe manifestior, non esse tamen eandem a mollissimis etiam substantiis penitus alienam putandam.

C A P U T VII.

RESPONDETUR PRAECIPUIS CONTRARIAE
SENTENTIAE ARGUMENTIS.

§. XXXVI.

Cum bina tantum hactenus ad declarandam nervorum functionem prolata sint systemata, hinc concluderunt Viri clarissimi ex demonstrata impossibilitate vnus, alterius certitudinem euicuum iri: quod si ergo demonstrari possit, nervos vibrantium ad instar muscarum chordarum non operari, posse omnino in fauorem systematis *spirituum animalium* longe securius pronunciari: et neruose profecto, pro more suo, contra factam fibrillarum neruearum cum chordis musicis similitudinem dixit Ill. TISSOTUS ¹⁾ et olim BOERHAAVIUS ²⁾ et HALLERUS ³⁾, grauissimis summorum Virorum argumentis confutatos merito se sentiunt omnes, qui cum GEORGIO ERNESTO STAHLIO tensionem aliquam molli pulpae adeo aduersam ad oscillatorios tremores et concipiendos, et propagandos necessariam credunt, nos vero non perinde vrgeamur, qui quidem tensionem rigidae fibrae propriam neruis denegamus, nihilominus tamen tremores aliquos etiam cum molli pulpa, consistere posse gelatinae exemplo hactenus arbitramur.

§. XXXVII.

1) l. c. p. 53.

1) *Abhandlung über die Nerven, und deren Krankheiten*, Volum. I. Cap. vj. Art. II. p. 213 et seq.

2) *Instit. Med.* p. 285.

3) *Elem. Phys.* Tom. IV. p. 361.

§. XXXVII.

Quid? quod vegetabilium analogia opinioni nostrae fauere omnino videatur: etenim tremellae, conscruae, flamina polinifera manifesto tremunt, et tremoris ope nonnullas functiones exercent, quanquam non pro chordis tremantibus ab utroque sine tensis habeantur, cur non et nerui ex singulari quodam tremore operentur? huc vis expulsiua, explosiua in capsulis pluribus seminalibus, in muscis, lichenibus, nonnullis impatientibus, quae cum chordis tensis, elasticisue comparari non solent, sed earum tamen vices explent ¹⁾. Multa quoque animalia et sensui, et motui aptissima mera gelatina sunt, ut polypi, vrticae, medusae, nerui praeterea dum molles sunt, melius agunt, et obtusiores sunt sensus, quando ii per senium obdurerunt ²⁾, hinc ob maiorem sensibilitatem nerui systematis tanta tenellorum infantum in motus convulsuos procliuas, dum enim in hac aetate ob praevalentem fluidarum partium copiam nerveum flamen mollius est, magisque gelatinosum, hinc et suscipiendis a minima etiam causa undulationibus aptius fit, quae tamen aptitudo ingrauescente sensum aetate, minuta fluidorum respectu solidorum copia, adeoque exsiccatis nervis perpetuo minuitur, eodem prorsus modo, quo tremula gelatina ad sicci glutinis speciem euaporatione reducta sola fluidae partis iactura fragilis redditur, et contremiscendo non adeo apta.

§. XXXVIII.

Adposite quoque ad rem nostram dixit Cl. MUELLER ¹⁾, cuius locum huc transcribere placuit: „alterna strictura, et relaxatio neruorum assumi potest, quanquam non videatur vel vnum neruorum finem suo puncto affixum esse, ut ideo tensus sit. Luminis radius retinam alterat, quanquam mollis videatur, soni portionem mollem, nerui acustici, sed et luminis vis nervis impressa etiam tremorem excitat, sic sonorum vis in acustico neruo, itaque, et in singulari corpore molli viso tremor oriri potest, qui vix cogitatur absque partibus solidis in tremorem versis, et soni tactarum chordarum cur saepe? si praecipue displicent, et cum hac, vel illa neruorum constitutione non harmonici sunt, comparantur cum rei cuiusdam in sensu morali sumptae, singulari in mente et corpore effectui: neque minus illud, quod quispiam et ad singulas impressiones et actiones nunc intractabilis, et durus, nunc magis tractabilis et mollis reddatur, pro ea ratione, quatenus sensiles fibrae nunc e causis non naturalibus magis durae, strictae vel flexiles, vel laxae sunt, vel quatenus ea, quae placent, displicent, constitutionem sensilium fibrarum conseruant, augent, minuunt, et varie mutant: vel quatenus et consuetudine, vel studio aequalitas actionis, non obstante constitutionis fibrae, et mentis mutatione, vel et tenacitas conciliatur. Papillae nervosae ultimi fines neruorum per attentionem animi, et ab objecti motu eriguntur, docente id cute sic dicta anserina, et horripilatione, et modo sensus tactus, qui apposite, et ex analogia papillarum nervosarum linguae, labiorum, papillae muliebris, glandis, earumque actione explicatur.“

§. XXXIX.

¹⁾ HAASFURTHER in DELII Aduer. Med. Pract. Collect. V. p. IX.

²⁾ MONROO in HALLERI Elem. Phys. Tom. IV. p. 365.

³⁾ in DELII l. c. Collect. p. XX viij.

§. XXXIX.

Obiecit Ill. TISSOTUS ¹⁾ ex observatis *Wateri*, functiones omnium viscerum fluidi cujusdam corporis ope, quod in illis fecernitur, peragi, indeque concludi posse, functiones cerebri, cujus sunt nervi mera propago, eodem modo contingere.

§. XL.

Verum apte reponit Cl. MAJER ¹⁾, non posse omnes animalis corporis functiones fluidorum ope declarari et esse valde probabile, solidis etiam partibus suas inesse facultates, suum agendi modum: quod si postremum non obtineret, debere omnes corporis partes ex meris constare vasculis, cum in qualibet minima etiam corporis parte peculiaris quaedam actio praesto esse possit: dari vero partes a vasculis adhuc penitus diuerfas felicissime injectarum partium lotionem, demonstrare. Et solidae utique sunt fibrae telae cellulosae maxime in oeconomia animali utilitatis ²⁾, solidae fibrae musculares, quarum ope summi peraguntur motus.

§. XLI.

Quaerit porro Ill. Vir ¹⁾, si nervi canales non sunt alicui fluido permeabiles, quemnam habeant nutritionis modum? quaenam in eorundem substantiam vasa dispergantur in nutritionem, et incrementum eorundem impendenda? si nervos a se ipsis nutriri, et incrementum neges.

§. XLII.

Liceat (pace tanti Viri) dicere: etsi peruios nervoso fluido nervos ponamus, adhuc tamen quaestionem superesse, vnde nutritionem suam, suum incrementum iidem sumant, et erit profecto id, admissa etiam hypothese eousque quaerendum, quoad probatae fuerint nutritivae nervosi fluidi dotes, quas ex physiologica nutritionis idea cum stupenda spirituum animalium mobilitate, fluiditate, tenuitate consistere hand posse, haecenus recte concludimus: hinc jam dudum opposuit se antiquissimae opinioni Ill. HALLERUS ¹⁾, nutritionem equidem lentiore, magisque viscido liquore egere, asseuerans, quem sensus, et motus poscunt mobilissimum, adque latera sui canalıs quam minime adhaesurum.

§. XLIII.

Quare si etiam existere demus nerveum aliquem succum, cum tamen minime probabile sit, eum plastica illa gelatina, quae ad vasa adhaerendo, nutrit constare, cumque certum sit nutritione indigere nervos, quorum mollissima elementa longe citius dispareant, quam firmioris alterius partis, necesse est aliam nutritionis viam superesse.

Ff 2

§. XLIV.

1) l. c. Vol. I. Cap. vj. Art. II. p. 214.

1) TISSOT l. c. Vol. I. Cap. vj. Artic. III.

1) l. c. p. 48.

p. 238.

2) Conf. HALLERI Elem. Phys. Tom. I.

1) Elem. Phys. Tom. IV. p. 405.

§. XLIV.

Demonstrat autem accuratior Anatomie, vascula rubra vtriusque generis in omnibus nervis conspicua esse, arteriolas in cellulosa tela reperire, subindeque furculos emittere pariter ramosos, quorum minutae propagines cellulosa illa spatiola teneriora, filis nervorum circumposita, perambulant: nunc quid vetat, quominus hisce arteriolis nutriendi munus deferamus? negat quidem Ill. TISSOTUS ¹⁾, vascula illa nutritioni nervorum prospicere, sed in cellulosi vnice inuolucri reparationem ea impendi credit, vtrumque vero ab iis praestari oportet, cum nerveus succus nutriendo impar sit, nec etiam alius supersit nutritionis modus, et ideo numerosa vascula ad haec loca deduxisse videtur natura, quae eleganter expressit PROCHASKA noster ²⁾, ut nimirum sufficeret penus, unde et inuolucra nervorum, et ipsi nervi suum promerent nutrimentum, et est ex Cl. Virorum testimonio gelatinosae omnino indolis vapor in cellulosas cauernas funiculis nerveis interjectas halans, hinc recte suspicatur Ill. HALLERUS, eum vaporem et irrorare et nutrire fibras nerveas, ut alii vapores suam cellulosam telam nutrire videntur.

§. XLV.

Monet et Cl. ISENFLAMM ¹⁾, distinguendum omnino esse nerveum succum a subtili illo humido in vaginas nervorum exhalante, cujus pars aliqua nutritioni nervorum, pars vero conservandae debitae eorundem mollietati inferuit: negat etiam nutritionem succo nerveo absolui Cl. WHYTT ²⁾.

§. XLVI.

Aliud demum argumentum contra solidam fibrillarum nervearum structuram hunc in modum proposuit Ill. Vir ¹⁾. Si nervi solida corpora essent, inutile fuisse, ut stamina nervea jam in prima sui origine ex innumeris fibrillis constarent, potuisse in ea hypothesi, eorundem in fibrillas variis in partibus requisitam divisionem locum obtinere, nunc vero subtilissimas etiam nervorum divisiones jam in ipso nervorum ortu observari, omnes nervorum ramos esse tantum quandam separationem, aut divisionem nervorum, qui uniti, inque vnum collecti usque ad ramificationis inchoatae locum progressi sint.

§. XLVII.

Mihi quidem, si quid in hac re perspicio, videtur hoc argumentum contra solidam nervorum structuram in fauorem liquidi nervei haud multum probare: nam siue a fluido quodam nerveos funiculos permeante, siue a solida eorundem fabrica motus sensusque phaenomena deducere velis, in vtraque certe harum hypothesium, oportet, singula filamenta nervea et in origine, et in progressu, et in fine distinctissima esse, eo, quod motoria potestas a sensorio communi ad determinata loca illibata deferenda esset per determinata filamenta, atque vicissim ex sensoriiis organis sensatio cujuslibet filamenti

¹⁾ l. c. p. 239.

²⁾ l. c. Tab. viij. Fig. XII.

¹⁾ Versuch einiger praktischen Anmerkungen über die Nerven p. 30.

²⁾ Beobachtungen über die Natur, Ursachen und Heilung der Krankheiten der Nerven p. 7.

¹⁾ TISSOT l. c. p. 241.

menti ab omni alterius filamenti sensatione integerrima ad sensorium commune derivanda: cellulosi inuolucri fibrillas et inuestientis, et separantis idem quoque finis est, siue nervos fluidi cuiusdam interuentu, siue vt solida corpora operari ponas, est scilicet illud euidentissime factum, vt mutuam fibrillarum in se inuicem actionem praecauet, vitetque confusas secus futuras sensationes, et videtur sane cellulosi huius inuolucri praesentia pro solida fibrillarum structura magis, quam pro caua militare, quod vnus fibrillae oscillatio alteri contiguae facilius potuisset communicari, quam fluidum v. g. per fibrillam *a* latum, fluidum aliud in proxima fibrilla *b* contentum ad analogum motum determinare.

S E C T I O II.

C A P U T I.

AN SPIRITUUM ANIMALIUM HYPOTHESIS CUM PHAENOMENIS MOTUS MUSCULARIS CONGRUIT?

§. I.

Musculus (inquiunt) nervosi laticis patroni jam paralyticus illico in contractionem cietur, si nervi resecti extremum scalpello, vel alio modo irritetur, licet ipse nervus irritabilis haud sit, licet in nervo nullam mutationem sensibilem contingere aduertat, nervo tamen vellicato statim musculus conuellitur, in quo nullam amplius motus facultatem superesse suspicatus fuisses.

§. II.

Demus iisdem quod volunt, et lubentes demus, nervum ab ipso resectionis loco ad finem usque suum, quo in musculum demergitur, esse nervoso fluido turgidum, hercle! ne in hac quidem hypothese rationem reddiderint phaenomenorum, quae non proteruum quemdam, sed ne facilem quidem, nec ingenuum animum conuincat: ita ex e. g. praescissa medulla spinali, dum animal quasi fulmine tactum coneidit, et omnes infra occiput musculi corporis in momento resoluuntur, si stylo ferreo, vel cultro, pars discissae medullae inferior, quae colli vertebriis comprehenditur, irritetur, mox omnes totius corporis musculi, exceptis iis capitis, contrahuntur, et horrendis conuulsionibus agitantur, et si idem fiat in occipitali medulla, omnes musculi capitis perinde afficiuntur: oportet ergo ex Cl. Virorum theoria ab applicato cultri stimulo liquidum nerueum impetuosius in omnes nervos determinari, qui vniuersos sub capite positos musculos adeunt.

§. III.

Meditemur quaeso, quantum sit in hac theoria, precari: docent vtiq; alias Viri Cl. ad irritationis locum maiorem fieri nervosorum spirituum adfluxum, fluidum nerueum lege reuulsionis, et deriuationis regi ¹⁾, quare cum in prolato experimento irritatus locus sit percissae spinalis medullae portio inferior, huc potius

Ff. 3

credas

1) HALLER Elem. Phys. Tom. viij. inter Addend. p. 193.

credas refluerere debere contentos in fistulis nerueis spiritus, quam ab ipso irritationis loco celerrime fugere ad dissitas alias corporis partes. Mirum sane, quod fluidum nerueum deriuationis, et reuulsionis leges in hoc casu non sequatur.

§. IV.

Cum ergo certum sit, irritata discissae medullae parte inferiori conuelli totius corporis musculos, exceptis musculis capitis, cumque a neruei liquidi influxu incongrue huius phaenomeni ratio deducatur, sequitur aliam omnino esse debere, et videtur certe per solidam neruorum substantiam natus ab irritatione scalpelli mechanica, motus, propagari, quocunque demum modo, id contingat¹⁾.

§. V.

Non possum hoc loco dissimulare experimenta ab Ill. HALLERO¹⁾ instituta, quae spirituum animalium hypothesi parum omnino fauere videntur.

Aperto thorace neruus phrenicus sub loco pressio irritatus est, tamen diaphragma tremuit: deinde neruum sursum strinxit, nullus inde motus in septo secutus est, strinxit deorsum, perinde siluit nobilis musculus, strictus, et irritatus vtique tremorem excitauit²⁾. Obseruauit ergo falsum esse septum transuersum in motum agi, si neruus deorsum stringatur.

Denuo neruum compressit, sub loco compressionis irritauit, fecit, vt diaphragma conuelleretur: supra sedem compressionis neruum lacessit, nullus inde in diaphragmate motus secutus est; et eundem euentum fuisse experimenti a Cl. OEDERO instituti, notat. Strinxit sursum, et dum stringebat, sub stringente digito irritauit, conuulsus est. Strinxit deorsum, et sub digito stringente neruum fodicauit etiam in motum diaphragma actum est, non melius tamen, sed potius debilius. Tenso neruo, dum irritatur, motus fortior sequitur, quam laxo. Strictura sola nunquam motum produxit, siue sursum digitum duceret, siue deorsum³⁾.

Neruum irritauit egit diaphragma, vt muscoli solent, compressit, demum supra compressionem irritauit, nullus in septo transuerso motus secutus. Irritauit infra sedem compressionis, diaphragma contractum est. Quietum digitum tenuit, et superius neruum irritauit, siluit diaphragma, digitum sursum duxit, deorsum neruum strinxit, nullus vnquam motus natus est⁴⁾.

Sub compressione neruus irritatus aequae validam cietactionem musculi, quam liber⁵⁾.

Resecuit

1) Cl. VNZERUS demonstrare nititur ex quodam experimento SCHLICHTINGI, nervos tensionem aliquam, et contractilitatis vim possidere, quam tamen Cl. Vir non pro sequela quadam eorundem elasticitatis, sed cuiusdam sensibilitatis habet, quae mechanici motus legibus nullo modo regatur: hac etiam vtitur ad explicationem temperamentorum: tametsi externi stimuli in neruo nihil mutant, non tamen propterea sequi, non

posse ex cerebro, aut aliunde specificum quemdam stimulum in fibrillas nerueas exerceri.

Allgemeine deutsche Bibliothek, des dreizehnten Bandes erstes Stück p. 6.

1) Op. Min. Tom. I. p. 365.

2) Exp. CLXXIV.

3) Exp. CLXXV.

4) Exp. CLXXVI.

5) Exp. CLXXVII.

Refecuit neruum diaphragmaticum, et irritauit, ita aequè bene in conuulsionem diaphragma duxit, ac quidem duxisset integer 6).

Bina ex his experimentis corollaria deduxit Ill. Vir.

Primo: His confirmari neruo muscoli alicujus pressio, ligato, resecto, ut nullum cum cerebro commercium supersit, dum neruus recens sit, ac humidus, irritationes ejus nerui a cerebro nunc separati eundem motum in musculo producere, quem ciet idem neruus, quando cum cerebro cohaeret.

Secundo: Ex experimentis CLXXIV. V. VI. constare præter verum ad confirmandos animales spiritus diaphragmatici nerui experimenta ornata esse: nempe non verum esse, strictionem, quae deorsum fit, motum in diaphragmate excitare.

§. VI.

Haec porro cuncta serio, dum mecum reputo a grauissimæ auctoritatis Viro, Physiologo summo, relata, de cujus intemerata in narrando, scribendoque fide, summa in experiundo, atque obseruando dexteritate, industriaque ambigere piaculum sit, incipio plus, quam vnquam alias vereri, ne in horum phaenomenorum declarando modo, ad *spirituum animalium* hypotheseos licentiosius, quam verius prouocem.

§. VII.

Et sane si neruum cauum ponas, si ponas eundem tota sui longitudine a sede compressionis in musculum usque nerueo liquido repletum, et ab ejus in musculum influxu motum repetas, dic, cur nerueum illud liquidum in experimentis HALLERIANIS, stringentis digiti pressionem passum, qua veluti neruus emulgebatur, non fugerit in locum minus resistentem musculum videlicet, eumque in contractionem egerit ocysissime? cur nec in hoc quidem casu communibus fluidorum legibus neruosus latex obtemperauit?

§. VIII.

Sed etiam ad repetitas irritationes, ligatus et mechanico vellicatus stimulo neruus, musculos, quos sub ligaturæ sede adit, conuellit: nunc vel impensa est in conuulsuo illo muscoli motu a prima nerui irritatione excitato omnis ea liquidi neruei dosis, quae neruo infra sedem vinculi, et conuulsam musculum continebatur, vel non est impensa? si primum, unde, dum ad alteram irritationem conuellitur musculus, unde, inquam noua aduenit? si alterum, cur musculus conuelli desinit, non amplius conuellendus, nisi ad repetitam noui stimuli adplicationem?

§. IX.

Si dicas, non omnem liquidi neruei quantitatem ad primam irritationem in musculum fluere, sed remanere adhuc aliquam nouo stimulo obtemperaturam, aliquid postulas citra demonstrationem, hypotheseos nouam priori exemplo addis vnâ adeo parum firmam, atque alteram.

§. X.

§. X.

Credant enim, per me licet, illi, quos amati systematis necessitas dudum ad credendum induxit, in ligatis, in resectis nervis, musculisque etiam plusculo a morte animalis tempore hospitari, et delitescere animales spiritus, credant eosdem etiamnum dissecti, et inter duo lintea deterfi cordis tripudia producere, mihi sane veniam dabunt aequi, qui credere nequeo posse volatilissimum, mobilissimum, fugacissimum spiritum ita figi, ut in ligato animalis viuo nervo, in eodem resecto, quin et in nervo e cadauere exempto aqua eloto, deterfoque per horas, quin et dies commoretur: usque adeo ergo propriorum dogmatum amore capti caecutiemus? ut, dum, in tot aliis exemplis clare videmus ubique in vniuerso corpore volatilissima, subtilissima humorum principia cito euanescere, dissiparique, illud vnicum, quod fugacitate, mobilitate, pernicitate summa caetera omnia longissimo post se intervallo relinquit, tamdiu nervo coerceri putemus, quoad ejus praesentia, efficacique ad reddendam phaenomenorum quorundam rationem, indigemus.

§. XI.

Ne vero primus omnium ego in tanto ita sentientium numero nimium videar incredulus, proferre iuuerit Ill. Virum FELICEM FONTANA, qui se jam dudum incredulitatis hujus reum fecit ¹⁾: proferre iuuerit ROBERTUM WHYTT ²⁾, qui solidis argumentis contra influxum liquidi neruei in fibrillas musculares, seu causam motus muscularis pugnauit, ex quibus vnum, quod causae meae maxime accommodum sit, depromam. Regularis illa, inquit Cl. Vir, contractio cordis ranarum, quae quinque, sexue horis a detruncato capite, a destructa medulla spinali, et dimidia ab exempto corde hora, adhuc perennat, euidenter demonstrat influxum liquidi neruei in musculos ad eorundem contractionem non requiri, cum effi. credi possit, residuos in nervis cordis animales spiritus, paucas adhuc aliquas hujus musculi systoles causare, eos tamen nullatenus millenis aliquot contractionibus ciendis sufficere posse.

CAPUT II.

NUM IN EXPLICANDIS PHAENOMENIS SENSUS RECTIUS AD FIBRILLAM NERVEAM UT SOLIDAM, QUAM CAVAM, ET FLUIDO ELEMENTO GRAVIDAM CONFUGIENDUM SIT.

§. XII.

Dum ea, quae in sentiendo fiunt, curatius meditamur, occurrunt sane plurima hujusmodi, quae intelligentiae nostrae modum excedunt, et quorum verae rationes perpetuo forte nos latebunt, sic v. g. musca, aliudque insectum cutem nostram perreptat, sentimus utique illud in diuersis successiue cutis punctis existere et tamen certi sumus, mutationem illam a perreptante insecto papillis cutaneis inductam ad sensorium commune propagari debere, ut ab anima percipiatur, quia si quod obstaculum est in itinere

¹⁾ Differt. Epist. in Tom. II. Memoires
sur les parties sens. et irrit.

²⁾ l. c. p. 5.

itinere nerui ejus cum cerebro commercium tollens, nulla percipitur ſenſatio, eſſi ob-
jectum externum in papillas cutaneas viuidiſſime agat.

§. XIII.

Quaeritur jam, vtrum ſenſatio illa ad cerebrum peruenire poſſit per tremores pul-
pae nerueae eo ſenſu acceptos, quo alibi declarauimus ¹⁾, vtrum vero per fluidi neruis
contenti velociſſimum motum: poſteriori ſententiae opponi poſſunt ea omnia, quae de
hypotheſi fluidi neruei haecenus diſputauimus: vnde jam Ill. Vir IOAN. AUGUST. UN-
ZER, ²⁾, qui quidem *ſpirituum animalium* ſyſtema adſumpſit, eorumque munia in ani-
mali machina defininit, negauit reperiri in iſdem eas proprietates, quae ſiue ad reci-
piendas, ſiue ad propagandas ſenſorias impreſſiones requiruntur ³⁾.

§. XIV.

Et procul dubio, qui per nerueum fluidum ſenſorias impreſſiones deferri ſtatuunt,
ii quidem proprietates liquidi hujus indoli parum congruas adſtruere coguntur: ita Ill.
BOERHAAVIUS ¹⁾ opinatur, omnes neruorum fiſtulas pleniffimas eſſe, vt impuſſione in
vno extremo vaſis facta, extremitatis alterius globuli eodem momento temporis mo-
ueantur, quemadmodum nouimus, ſi globuli eburnei in longiſſima ſerie ponuntur,
dum impellitur primus abſque ſucceſſione obſeruabili aufugere ultimum.

§. XV.

Sed quis, quaefo, paritatem ſuſtineat ab eburneis elafiicis globulis ad incognitam,
liquidi nedum demonſtrati naturam, ductam? minime ſane omnium is, qui Ill. BOER-
HAAVIUM ¹⁾ liquidum nerueum puriſſimae aquae miſcibilitate, mobilitate, abſentia
elafiicitatis maxime conuenire ſcribentem legit, et Cel. MARHERRUM ²⁾ probantem,
non elafiicum eſſe nerueum fluidum, cum nulla in omnibus neruis elafiicitatis phaeno-
mena ſe prodant, nulli tremores obſeruentur, quos mollities medullaris ſubſtantiae
non admittit.

§. XVI.

Quod ſi igitur elafiicam naturam a nerueo ſpiritu ſerio arbitrantur alienam, cur
tamen effectus quosdam ab eo praefolantur? quos a nullo alio, quam ab elafiico cor-
pore proſciſci poſſe, certo nouimus: et in eo etiam vehementer excedunt VIRI CL.,
quod ſentiendi poteſtatem putatio liquido vnice ita deferre videantur, quaſi nullae
forent in ſentiendo medulloſae pulpae partes.

§. XVII.

Si liquidum nerueum machina eſt, per quam ſenſuum nuncii ad animam deferun-
tur, ſi nerui ſaltem ſentiunt, et dolent, tanquam canaliculi fluidum ſuum vehentes
etiam

1) Sect. I. Cap. vj. §. 34. 35. et Cap. vij.
§. 36. et ſeq.

2) *Erſte Gründe einer Phyſiologie der ei-
gentlichen thieriſchen Natur, thieriſcher Kör-
per zweytes Kapitel, erſter Abſchnitt* p. 17.

3) l. c. p. 51.

1) Praeleſt. Academ. II. p. 605.

1) Inſtit. Med. p. 277.

2) Praeleſt. Acad. Tom. II. p. 385.

etiam ex Ill. TRALESII placitis ¹⁾, si non solidorum ad modum funiculorum nervi tensi sunt, neque oscillant, cur tamen in danda doloris, seu sensationis auctae idea ad solidam neruorum structuram, quin et tensionem manifesto confugiunt VIRI CL.? est incapax omnis tensionis nervus, et tamen idea doloris fit, quando fibra nervea cerebro orta ita extenditur, vt dissolutionem minitetur, estque eo acrior dolor, quo fibra rupturæ propior, eo autem mitior, quo naturali est tensioni propior ²⁾, non oscillant nervi, et tamen nervos in lamina spirali cochleae osseae dispositos oscillatorios motus, et harmonicos tremores concipere, sicque auditum fieri pronunciauit ³⁾: et admodum probabile esse a sonis acutioribus agitatam celerius membranam tympani chordam tympani in similes tremores conjicere ⁴⁾, nervos eo magis sentire, quo sunt magis tensi ⁵⁾, sed et magnam differentiam sensibilitatis ex temperamentorum, aetatum, sexus, consuetudinis diuersitate pendere, idque ipsum fibris solidis quoque saucire ⁶⁾.

§. XVIII.

Non possum silentio præterire elegantissimam Ill. HALLERI speculationem, quam contra naturam fluidam principii sentientis vim habere agnouit ¹⁾. „In sensatione, inquit, premitur nervi medulla, siue ea sensatio acris corporis sit, siue ferri, facile video solidam mei corporis partem resistere ferro, diuisamque pati, vt non mirum videatur sentire me id, quod pars mei patitur. Contra si partes quidem solidas nostras insensiles feceris, sensumque adeo posueris in quocunque fluido, quod iis, quasi non tuis, membranis continetur, tunc quidem pressa medulla vrgebit fluidam partem, aequè non tuam, aequè non sensilem, vt certum est, nullum in sanguine, aut chylo, aut alio humore animati corporis sensum esse, fluxile enim est id omne humorum genus, mutabile, quod dispereat, et perpetuo alia, et alia materia suppleatur, perque corpus nostrum peregrinetur potius, quam habitet, quod sub ictu fugiat expeditum, paruumque ejus vim sentiat, sed etiam memoria sensuum impressiones ostendit esse in firmis partibus.“

Conatur porro objectionem hanc diluere Ill. Vir, dum inquit: „Et tamen videtur apte responderi posse, quantum ad persuadendum hominem solius veri cupidum sufficiat: in sensu quidem non contrahitur quidquam neque in sensorio, aut in nervo sentiente, qui in sensorio est, aut in eo quam longe a sensorio ad cerebrum protenditur, quidquam mutatur præter illam primam pressionem, quæ fit in vasculum, siue malis in pulpam medullarem spiritu turgidam: non ibi nunc sensus oritur; sed ex lege insita id fluidum ad cerebrum recurrit, pressionemque, quam passum est, in sede animæ repræsentat, siue ibi solidam aliquam monadem humanam sentientem ferit, siue statutum est diuina lege, vt pressio ejus fluidi animam mutet, quando ad suum definitum:

1) Vfus opii salub. et nox. in morborum medela p. 223.

2) BOERHAAVE de Cognos. et Curand. Morb. p. 165.

3) Idem Praelect. Academ. Tom. IV. p. 405.

4) MARHER Praelect. Acad. Tom. III. p. 310.

5) GIRARD in HALLERI Elem. Physiol. Tom. IV. interaddend. p. 168.

6) CRAMER in SANDIFORT Thesaur. dissert. Vol. I. p. 145.

1) Elem. Phys. Tom. IV. p. 369.

„definitum locum venit: ferit argumentum eos, qui animam in sensus organo sentire credunt, nos non ferit, qui in cerebro credimus sensuum impressiones menti repraesentari.“

§. XIX.

Sed profecto eos etiam id argumentum ferit, qui in cerebro credunt sensuum impressiones menti repraesentari, quod si enim medullaris pulpa possit in sensorio organo primam illam ab objecto externo factam impressionem recipere, si possit delata ad sensorium commune impressionum vestigia evidentissimo memoriae exemplo retinere, cur non possit quoque easdem impressiones propagare absque subtilissimi cujusdam liquidi ministerio? et quo demum jure nerveam pulpam in ipsa sui origine, sineque recipiendis externarum rerum impressionibus manifesto aptam esse, per vniuersum vero reliquum sui decursum hac aptitudine destitui eandem asserimus?

§. XX.

An non igitur in declarando sensationis modo ad fibrillam solidam potius, quam cauam confugiendum est? an non merito fibram sensilem statuere licet? vti fibram irritabilem nouit medicina, qua illa mutatio in sensorio organo nata neruis communicata continuetur, vt suae rei compos possit fieri homo ¹⁾.

CAPUT III.

NON EST ELECTRICA FLUIDI NERVEI NATURA.

§. XXI.

Parum quidem refert quaerere de indole fluidi, -cujus existentiam nullis certis argumentis euictam esse hactenus vidimus: cum tamen excultam olim ab Ill. Fr. de SAUVAGES ¹⁾, non infimae auctoritatis Viro de electrica fluidi nervei natura doctrinam, nuperus non inelegans theoriae sensuum scriptor, CAJETANUS POOR ²⁾, Schol. Piar. denuo propugnandam adsumeret, adque commercium animae, et corporis explicandum nil vnquam electrico fluido opportunius censeret ³⁾, non omnino a proposito meo alienum esse duxi, et hanc quaestionem leuiter attingere.

„Fluidum nerveum, inquit Exim. Vir, pro electrico habendum esse ipsam analogiam suadere, summa sua subtilitate, aequae, ac celeritate, qua eodem momento et motum ciere, et quietem simul inducere potis est cum fluido electrico quidpiam commune habere, vadere fluidum electricum pernecitate incredibili per longam, et tortuosam corporum interjectorum seriem, quae per ipsam quoque aqueam substantiam continuetur, idem euenire fluido nerveo, cum praeterea inminuto nerveo fluido sensatio ipsa minuatur et impediatur simile quid euenire in electricitate.“

Ad haec „innumeris, et pene quotidianis obseruationibus comprobatum esse ⁴⁾ aquis mersos, et animi deliquio affectos, aut etiam quocunque alio modo adparenter

Gg 2

mortuos

¹⁾ LOBSTEIN in SANDIFORT Thesaur. Differt. Vol. I. p. 354.

²⁾ Theoria sensuum Pestini 1781.

³⁾ l. c. p. 31.

⁴⁾ Elem. Physiolog. p. 129.

⁴⁾ l. c. p. 27.

„mortuos vel solo vehementiore motu, et adfrictu ad vitam fuisse reuocatos, quoniam
 „vero frictione, tusione partium corporis humani electrica etiam vis excitari solet,
 „occulis, tacitisque naturae actionibus in corpore humano electricas quasdam operatio-
 „nes peragi, et membra solo adfrictu pristinum recuperare vitalitatis suae statum mani-
 „festum esse: sed et sola electricitate variorum membrorum usum fuisse restitutum,
 „restitutam visionem.“

§. XXII.

Et si multa prima fronte inter fluidum, quod nervos permeare creditur, atque electricum videatur intercedere analogia, non est tamen ea sufficiens, ex qua ad identitatem naturae utriusque elementi certitudine physica concludamus; et quidem ipsae leges, quibus electrica materia regitur, praebent manifestum et omnimodum inter bina haec elementa discrimen ¹⁾, phaenomena electricitatis pendent a turbato aequilibrio fluidi electrici, quod, cum corpora relate ad fluidum electricum in diuersis statibus constituta, sibi inuicem admoventur, ad restituendum hoc aequilibrium ab vno corpore in aliud, aut vicissim cum impetu irruit ²⁾. — Sed solide demonstrauit Illustr. HALLERUS ³⁾, fluidum, cuius ea sit natura, ut ex sede, in qua illud abundat, in alteram, in qua parcius continetur, summo impetu ruat, non posse villo pacto ad explicanda animalis motus phaenomena adplicari: pone nunc, inquit Ill. Vir, pone neruum ischiadicum electrica materiae „plenissimum, pone te velle solum hallucem mouere, et „vere mouere necesse est in neruo hallucis minus, quam in trunco electri fuisse, hinc „ex trunco in eum ramum nerueum fluxisse electrui, ita vero nullo modo fieri potuit, „ut is torrens solum in hallucem tenderet, neque perinde in omnes alios musculos pedis, „quorum rami neruei perinde ante voluntatem quieti pariter minorem habuerunt electri- „copiam: parem enim si nunc acciperent, pariter, ut hallux in motum agerentur, „parcius si antea habuissent, non potuerunt quiescere: dein omnem materiem, anima- „lem ex eo genere esse corporum, quod per communicationem electricam naturam „accipit, et omnes animales partes pariter esse ad eam recipiendam aptas: nunc pone, „aut neruum ischiadicum aut musculum plenum esse electrica materiae, et ad motum „concitatum, eam certe materiem, vndique nullis coercendam limitibus in circumpositum adipem in vicinos musculos se diffusuram, donec aequilibrium natum sit.“

§. XXIII.

Nunc quomodo, quaeſo, potuit elementum, quod mechanicis aequilibrii legibus adeo euidenter obtemperat, voluntatis imperio subiacere? sed et illud certum est, electricum fluidum corpus humanum peruadere, neque vllum motum in musculo villo excitare, donec e corpore exeat, alterumque hominem non electricum offendant ¹⁾).

§. XXIV.

Per toties repetita experimenta, ligato neruo perit sensus, et motus partis, ad quam neruus tendit, cur autem periret? si sensorium, atque motorium principium fluidum

1) TISSOT l. c. Cap. VI. Art. VI. p. 302.

1) TISSOT l. c.

2) BIVALD Phys. Part. Edit. II. p. 322.

3) Elem. Phys. Tom. IV. p. 380.

2) HALLER l. c.

fluidum electricum est, nam certe ligaturâ catenae in experimentis physicis materiae electricae propagationem nihil remoratur ¹⁾).

§. XXV.

Dissecto nervo abruptitur quoque omnis sensus, aut motus continuïtas: chorda verò nervea ea gaudens proprietate, ut electricitatem communicare queat, electricam suam vim non amittit, si modo sectae extremitates ad se inuicem jungantur, et contiguæ reddantur ¹⁾, quin imo non minuitur electricitatis efficacia, etsi dissecti conductoris extremitates a se inuicem remoueantur ²⁾.

§. XXVI.

Et nunc merito adhuc quaeri potest, quomodo aut molli encephali pulpa, aut debilissimis nervorum parietibus coerceri electricum fluidum possit, quod fulminea rapiditate per solidissima obstacula fugit, quod rigidissimas et ferro catenas sine difficultate permeat ¹⁾.

§. XXVII.

In eo quidem effugium quaesivit ¹⁾, electricam videlicet materiem omni vehiculo destitutam, nullis utique constringi limitibus posse: at quoniam per exilissimas aqueas particulas protensa, et iis intinè vnita est, cur nervis coerceri, et frangi non possit, se haud videre.

§. XXVIII.

Etsi non omni probabilitate eam speculationem carere, credere possis, nec sic quidem omnis prorsus dubitatio excussa est, etenim si particulis aqueis ita statuas intricatum electricum fluidum, ut nulla sui manifesta indicia prodat, sed in fixitatis, siue inertiae statum reductum sit eo nimirum tempore, quo neque sensuum, neque motuum voluntariorum exercitium adeo viget, ut primum tamen illud ipsum fluidum vel ab anima voluntarii organi actionem iubente, vel ab objecto in sensorium organum, impressionem ciente, et Ch. Virorum praeceptis in motum ageretur, tunc excitatus ipso hoc motu electricus ignis, vinculis suis solutus, ab aqueis particulis liberatus, dispergeretur quaquaversum, subtilissimos, quibus antea coerebatur, canales praeterfugeret, mentis imperia eluderet, non certè eo, quo anima poslaret modo, sed quo ipsae ejus proprietates exigunt, quo aequilibrîi leges poscunt, operaturus ¹⁾.

Gg 33

§. XXIX.

¹⁾ MARHERR Praelect. Acad. Tom. II. p. 564.

¹⁾ LE CAT in MARTIN l. c.

²⁾ TISSOT l. c.

¹⁾ MARHERR l. c.

¹⁾ Auctor, cui titulus de Neru. in Muscul. actione differt. Reg. Acad. scient. Berolin. exhibita in Poor. l. c.

¹⁾ Elegantiissime omnino in hanc rem Cl.

HERBERT *Theor. Phaenomen. electric.* pag. 100. Cum multa sint, quae fluido electrico cum fluidis elasticis existunt communia tum illud maxime; quod hoc saepe quandoque, et iners nullo exteriore signo manifestum corporibus inhaereat, alias vero nouam vel uti vitam, viresque adeptum, singularibus, quin in expectatis saepe effectis se prodat, et verò quadrat in fluidum elasticum duplex huiusmodi.

§. XXIX.

Historiae hominum, aquis merforum animi deliquio adfectorum, aut quocunque alio modo adparenter mortuorum, atque solo vehementiore motu; aut adfrictu ad vitam reuocatorum, pro comprobanda electrica motorii et sensorii principii natura adferri non debent, eo quod ex irritabilitatis systemate faciliorem, quam e doctrina electricitatis explicatum habeant: deme irritabilem cordi naturam, et continuo moueri desinet petulantissimus caeterum musculus: tolle influxum sanguinis venosi in ejus caua, vtut irritabile cor stimulo tamen suo destitutum perinde quiescet; et posterior hic casus est hominum aquis merforum, syncopiticorum, et in vniuersum vitam minimam ventium.

§. XXX.

Infusa nunc in syncopitici nares acrem euphorbii puluerem, instilla ammoniaci salis spiritum; acerrimum Nicotianae fumum in anum mitte, dolorem excita vehementem, frictiones, percussiones, validosque strepitus adhibe, omnium sane horum effectu concussi nervi, musculos, quos adeunt in actionem agent, qui in agendo tumescentes, contentum venis sanguinem, in coagula prouum, aut coagulari ceptum mouebunt, fluidiorem reddent, eundemque ob valvulas regressum impediennes ad cor pel- lent, quod cum irritabile sit ab adueniente stimulo sollicitatum, se contrahet, humores denuo in circulum ducet, aderit, quae abesse videbatur, vita: id jam dudum BOERHAAVIUS animaduertit, docuit SWIETENIUS, inculcauit HALLERUS, est ne alia theoria opus?

§. XXXI.

Neque etiam inficias eundem est Cl. passim Virorum obseruatis constitisse, non infrequenter prudenti successuum electrinorum administratione curatas fuisse paralyticas nervorum resolutiones ¹⁾, epilepsiam, choream St. Viti, tetanum maxillae ²⁾, sed et amauroseos electricitate, aut prorsus, aut aliquatenus saltem sublatae plura obseruata collegit Cl. TRNKA de KRZOWITZ ³⁾.

§. XXXII.

At vero minime ex his omnibus ad electricam sentientis, et motorii principii indolem certa fuit conclusio: pone e. g. causam *a* effectus *b* vero productricem: pone eandem causam *a*, quae effectum *b* alias toties produxit, nunc extemplo impediri, siue producendo effectui *b* imparem factam esse, an si per adplicationem causae *c* ad causam *a* eandem generando pristino effectui denuo effeceris aptam, tuto semper con-

cludes

hujusmodi status, vt cum aliorum corporum attractione irretitum velut, ac vinctum est nil de hujus efficientia, quin ne de existentia quidem noscamus, quum vero dein suis veluti vineulis et carceribus liberatum vires elasticas recuperat, tum demum aperte in sensus incurrat, nostramque sua saepe vi expectationem superet, excitet admirationem: certe aeris, qui in puluere pyrio nondum

inflammato segnis, et iners irretitur eas vires, quibus tanto fragore liberatus omnia disjicit nemo est, qui ante Halefium vel fuisset suspicatus.

1) BOHADSCH de vtilit. Electrification. in Arte Med. Cap. IV. p. 20.

2) de HAEN Rat. medend. T. III. p. 202.

3) Historia Amauroseos Part. II. Sect. Cap. VI. p. 559. et seq.

cludes causam *c* esse ipsam causam *a* aut cum causa *a* prorsus eandem? Nemo sane probauerit hanc philosophandi rationem.

§. XXXIII.

Sed ita omnino argumentari videntur, qui ex eo quod paralyticis artubus quandoque intermissum motum restituerit electricitas, eandem motuum voluntariorum causam esse stabilire contendunt.

§. XXXIV.

Quis ferat hunc illationis modum? cor irritatur ab externo aeris tactu, inde fit, ut animali, cui nullus in corde motus superest, pectus apertum cordi motum reddat ¹⁾, ergo aer est causa naturalis motus cordis, sed huiusmodi omnino illatio est sequens: electricitas quandoque ad intermissos motus musculos prouocauit, ergo electricum fluidum est causa naturalis motus musculorum.

§. XXXV.

Paralysis equidem causas vel in substantia nerui, vel in neruorum inuolucris haerere posse communis est Pathologorum doctrina, priores sublatu difficiliore, posteriores faciliores esse: imo illas solum paralyces, quarum causae non haerent in ipso neruo, sed in membranis eum ambientibus curabiles esse, probabilis ad modum Ill. v. SWIETEN suspicio est ¹⁾.

§. XXXVI.

Age jam, et admove machinae electricae brachium, pedemue, cui voluntarii motus potentiam sustulit vapor in cellulosa tela, quae funiculos nerveos ordinat in aquam coeuns, vel etiam in substantiam aqua lentiore ¹⁾ ²⁾, vel admove eidem machinae artum ab obstructis inuolucris nerui vasis paralyticum factum, nunc pone te a caute repetitis electricis ictibus motum eidem restituerè, cui restituendo tot efficacissima alia remedia incassum antea in usum vocasti: quid inde porro sequitur? non aliud profecto, quam solum electrici fluidi torrentem minima quaeuis corporis nostri permeantem velocissime potius fuisse stagnantes in iis partibus humores, et resolvere, et mouere, ad quas omnibus aliis remediis vtut celebratis non facilis dabatur salua eorundem virtute accessus: num igitur ideo electricum elementum pro motorio principio habebis? quod causas tollendo, functiones neruorum impediens, agat? num ideo pro principio sensorio venditabis? quod quandoque amaurosam ab infarcta vasculosa retinae membrana inductam feliciter depulerit.

1) HALLER Elem. Phys. Tom. I. p. 469.

1) COTTUNIVS de Ischiade Neruosa p. 34.

1) Comment. Tom. III. p. 359.

2) ISENFLAMM l. c. p. 79.



XV.

ALBRECHT THAER

DE

ACTIONE SYSTEMATIS NERVOSI
IN FEBRIBUS.

GOTTINGAE 1774.

§. I.

Theoriae.

Scientia medica, humanarum omnium praestantissima, jucundissima, vtilissima a mortalibus, cum praeter morbos mortemque nihil magis timerent; a rerum fere initiis summo studio exculta est. Veteres experientia duce in invenienda perficienda, que ista vti vni, quantum lucis rei medicae attulerint, omnem fere excedit fidem. Cum vero innata quasi humano ingenio ulterius semper penetrandi cupiditas, illud impelleret ad inquirendas rerum observatarum causas, artis tamen limitibus omnis humanae mentis sentiendi judicandique vis esset circumscripta, quos ubi quisquam temere transgreditur sensuumque ductu caret, in densissima mox oberrat nocte et facile ridiculis decipitur phantasmatibus: factum est, ut rerum medicarum scientia euaderet ars, veris observatis falsisque intertexta hypothesebus.

Ab eo enim tempore, quo primum in artis formam redacta fuit medicina, summa virorum ingenia detinuit verae theoriae inquisitio. Atque sic hypotheseum ruinas semper superstructae sunt novae, quae singulae, cum aevi sui characterem opinionionesque, tum praecipue valentes ac tritas redolerent, cum morum vicissitudine simul commutabantur. Veterum variae sententiae, quas ex relictis saltem fragmentis colligere licet, obsolevere, postquam anatomia magis exculta, et physiologicae quaedam veritates, sanguinis praesertim circulatio, detectae et inexpugnabilibus argumentis confirmatae sunt. Nec diu effervescebat Chemicorum theoria. — Cum enim sensim sensimque solertiori studio anatomiae innotesceret magis C. H. structura et singularum ejus partium fabrica; cum viderent, animale corpus multifarie ubique e canalibus compositum esse, in quibus perpetuo motu circumvoluerentur humores, machinam hydraulicam esse, et mechanicis regi legibus crediderunt. Vim elasticam, mortuis corporibus inditam, praesertim urgebant, atque hanc perficiendis vitalibus actionibus sufficere, hac cordis caua, ab influente sanguine distenta, contrahi, sanguinemque rursus propelli,

pellī, putarunt. Alternantem simul fluidi nervei influxum in opem vocantes, primam causam ab ultimo motu productam demonstrarunt; et cum jam ex calculo mechanico constaret, omnem de motu perpetuo quaestionem eo redire, ut inveniatur pondus se ipso ponderosior, vel vis elastica se ipsa fortior, ideoque mechanici jam desperarent de inveniando perpetuo mobili, facillimo negotio illud in C. H. introduxit superbum *Iatro-Mathematicorum* genus. Quaecunque huic obstabant theoriae, ita conuerterunt ac inflexerunt, ut eam quasi confirmare viderentur. Exiguorum tubulorum nervosorum resistantiam non animaduvertebant, sed gracilitatem eorum necessariam, ut tanto major vis per liquidum in iis contentum exeri possit, credebant; et quamquam resistantia in minoribus vasculis facta, circulationem retardare videretur aliis, secundum hujus scholae opinionem eam potius accelerabat, et obstructio vasorum rapidissimae circulationis causa erat. Tali modo ad magnum non attendentes discrimen, quod est inter machinam arte fabricatam et animalis corporis oeconomiam, omnia hujus phaenomena explicare annisi sunt.

Arridebat haec theoria primo intuitu humanae arrogantiae, quae omnia ad oculum demonstrare posse, sibi videbatur. Confirmata fuit magnorum virorum auctoritate et argumentationibus, et praeter STAHLIANAM scholam omnes fere nomina isti dederunt.

Attamen fieri non potuit, quin multi mox perspicerent, hanc theoriam plane non certam, nec satis expeditam esse, magnaue difficultatum et contradictionum copia esse obrutam, ac intelligerent, mancam fore ac inutilem, si quis istam ad principem scientiae nostrae scopum, ad sanitatem nempe conservandam amissamque restituendam applicare vellet. An multum profecerint isti, qui combinandae huic theoriae cum praxi operam navarunt, cuilibet dijudicandum relinquo; nulla hanc ex illa immediate cepisse incrementa, satis superque constat.

§. II.

E m p i r i a.

Atqui cum alia fere non extaret theoria, factum est, ut non inter vulgum solum, sed inter nobiliores etiam practicos, empirica medicina theoreticae rursus praecriperet palmam, hodieque viri in arte summi fateantur, rationem in re medica nihil valere, seque, dum unicae experientiae ductui se commiserint, felici non caruisse euentu.

Et si nostris temporibus modum, quo medicina a plerisque exercetur et novis inventis amplificatur, respicis, mere empiricum istum inuenies, plurimique medici, si theoriae indulgent, magis ornamenti, quam emolumenti causa id facere videntur; alii istas nugarum instar omnes rejiciunt.

Quamquam autem inter eos, qui omnes theorias respuunt, viri sunt de medicina summe meriti, quique cum nulla praekoncepta opinione ducti, accuratissime obseruent, fidelissimeque observationes communicent, medicinae plus incrementi attulerunt, quam omnes forsan novarum theoriarum conditores; fateri tamen debemus, eorum sententiam circa theoriarum usum nimis esse severam, cum eas non solum inutiles, sed etiam

noxias habeant. At si ad fontem talis erga omnes theorias odii attendimus, pace tantorum virorum dictum sit, patet, eos, cum in scholis principiis mere mechanicis, ex parte etiam Sylvanis imbuerentur, horumque postea absurditatem intelligerent, nec tamen operae pretium putarent, aureae praxi dicatum tempus examinandis recentiorum inuentis impendere, illud concepisse.

Experientiam, cui isti vnice insistant, primum esse medicinae fundamentum, facile quidem concedo: tamen et ex altera parte non negari debet, medicinam empiricam in tanta rerum diuersitate ¹⁾, morborum, sua natura plane diuersorum, in multis symptomatibus conuenientia ²⁾, mentis humanae ad errores procliuitate, in obseruando facile committendos, dissensu inter auctores frequentissimo ³⁾ et auctoritatis praeiudicio ⁴⁾, incertam semper et vacillantem manere, neque hac vnquam medicinam ad vllum certitudinis gradum deduci posse.

§. III.

1) Cum symptomata mirabiliter variant ob diuersas subjectorum constitutiones, aetates, vitae genera et medendi rationem, vix duo occurrunt morbi sibi perfecte similes, licet ab iisdem oriantur causis, ideoque empiricus symptomatum contemplatione contentus aduersus illa remedia sua adhibebit, sed in cassum, cum veram causam ignorat.

2) Cum duo morbi nunquam in omnibus conueniant phaenomenis, dogmatica empiria morborum genera et species ex aliqua symptomatum similitudine disposuit. Constat vero, morbos plane diuersos saepe in plerisque conuenire; ideoque si nullo habito causae respectu morbi ob solam symptomatum conuenientiam sub eadem specie comprehenduntur, eodemque nomine insigniuntur, morbosae affectiones tota natura diuersae confundi debent. Quanti autem inde in praxi errores! Empiricus enim, si in aegroto phaenomena quaedam obseruat, quae speciei morbi determinandae sufficere existimat, methodum suam ad determinatum morbum specificam adhibet. An vero possibile, vt eadem remedia morbos tollant, ex opposita causa saepe proficiscentes? Quanquam enim signa diuersum morbi genus ostendentia semper extent, saepius tamen adeo obscura sunt, et tam parui momenti videntur, vt absque summa attentione non animaduertantur, nec in eorum sensus incurrant, qui morbi potius nomen, quam ejus causam et indolem eruere student. Patet ex his in condendis morborum generibus et speciebus

male ad symptomata vnice respici, ad rationalem vero nosologiam, causarum primarum inquisitionem necessariam esse, cum alia systemata artificialia, non naturalia exstruantur.

3) Quis a methodo sua semel recepta, quae saepius feliciter ei cessit, difficillime recedit, licet alia, quam omnes meliorem esse putant, exiet. Hoc cum omni factum fuit aeuo, summa non solum adest methodorum varietas, sed et quaeuis suos habet laudatores atque otores; et quamquam plerumque non acuto valde opus sit iudicio ad eligendam rationaliorem, tamen si quis nocentissima adhibuisset remedia, vel quod frequentius obseruatur, indicata conuenientissima neglexisset, et ita aegrum manifeste interemisset, auctoritas aliqua isti non facile deerit, ex qua lethiferam suam vel fatuam defendere queat curam. Optimus e contrario medicus ab imperitorum insulforumque hominum calumniis nunquam immunis est, quem venenis vt narrant, id, quod auctoris cuiusdam opinione probare solent.

4) Nulla sane in arte alia, quam in medicina auctoritatis praeiudicium magis valet, ita, vt plerique isto capti, alienis modis oculis videant, dum pauci agmen ducunt, reliqui sequuntur, et cum praeceptoribus errare, quam veritatem inuestigare malint. Quis vero est mortalium, qui, cum plura recte intellexit, in quibusdam non erret? Errores ejus, veritatibus irretiti, vna cum iis posteritati traduntur, atque strenuos nati defensores, quos viri fama occaecauit, ita confirmant.

§. III.

Veræ Theoriæ Utilitas et Possibilitas.

Credebat acutissimus SYDENHAM, theoriis inimicissimus, quod si hac methodo traderetur medicina, ut indicationes ex historia morbi elicerentur, non vilesceret illa, sed difficilior reddita, non nisi sapientes et peritos admitteret. Nam uti major subtilitas in naturae operationibus, quam in alia arte, sic ars inedita, quam natura praeciperet, ingenium vulgi longius superaret, quam ea, quae pars Philosophiae docetur¹⁾. Lubens sententiae magni viri accederem, si larga aequae manu ac ipsi omnibus suis filiis idem ingenii acumen concessisset AESCLAPIUS, aliique a templis suis arceri possent, qui non per tantum tempus tantaque sagacitate naturam inuestigauissent. Quod vero cum nunquam evenire posse putem, id certe credo, omnes hac in re mecum conspirare, quod tunc, si eo ars medica perueniat, ut solidiori theoria, in experientia fundata, huic semper respondentem, nullibi contrariam, polleat, summa inde utilitas in praxin redundet.

Pium quidem hoc esse desiderium concedunt omnes, ejus vero complementum nunquam sperandum esse, affirmant plurimi. Cum enim, inquiunt, functiones omnes vitales in intimis corporis latebris, organis perficiuntur, quorum subtilissimam structuram nec microscopicae observationes, nec alia adhibita artificia detegunt, cum porro omnis in iis motus a viribus producitur imperceptibilibus et ignotis, quomodo cognosci potest istarum functionum perturbatio, perturbationis causa, viresque peccantes? Si porro reputamus longam annorum seriem, ingensque temporis spatium, ex quo viri summo ingenii acumine praepollentes arti medicae illustrandae operam impenderunt, nec tamen ad ullum certitudinis gradum redactam esse theoriam medicam, cui ut firmo fundamento inniti posset salutifera praxis, quaestio superest, an unquam talis perfectio artis nostrae speranda sit? — Vera quidem sunt haec omnia, impossibilitatem tamen verae theoriæ non ostendunt; et si operis magnitudo et utilitas consideratur, persuasum mihi habeo, minime damnandos esse eorum conatus, licet irriti sint, qui omnem in eo ponunt operam, ut ratiociniis, ex observationibus deductis, ad intima penetrent naturae mysteria, ibique vires, quibus illa actiones perficit, explorent, tandemque regulas forment, quibus firmitus medicinae aedificium exstrui possit, et quarum applicatione morbi per se non inuincibiles pellantur, omnes morbi curabiles ab incurabilibus discernantur, veritas et falsitas observationum patefiat, iisque, qui fatuam curandi methodum empirica sua experientia defendunt, silentium imponatur.

Cum vero hoc magnum opus non vno viro, neque vno perfici possit seculo, isti non omni destituuntur laude, qui vel minimum ad rem hanc conferunt; et quamquam novarum theoriarum conditoribus id praecipue obijciatur, quod non suam modo perdant operam, sed et aliis tempus detrahant, quod refutandis illis impendere debent; tamen, licet et manifeste errauerint, non cum carere merito mihi videntur. Poster-

Hh 2

tati

confirmantur, ut crimen sit, de illis quam vero, quale id est, quod dubitare. Semper enim id modo quae- xit?
fuerunt homines, quis dixit? Nun- 1) *Epistolar. responsor. Ima p. m. 314.*

tati enim viam monstrant, qua ad veritatem non itur, saepeque jam quorundam errores occasionem praebuere aliis, ad veram rei cognitionem perueniendi. (Ad quod in perlegenda hac dissertatione probe attendat, velim B. L.) Neque is vanam alere spem mihi videtur, qui optat, ut tale perfectionis culmen aliquando attingat nostra scientia, minimeque de hoc nostris temporibus desperandum esse, persuasissimum habeo. Indefesso enim acutissimorum ingeniorum studio magnus hodie rei medicae cumulus accessit, ut spem inde maiorem huius rei concipere possimus. Nos etiam, proavis longe feliciores, seculum fert, quod singulari suo scientiae naturalis studio, ut characteristico signo, aeternam sibi laudem peperit. Quam multa, quae olim latere, scimus! Parentes in experimentis instituendis factisque colligendis singularem diligentiam posuerunt et nobis tantum reliquerunt thesaurum, ut vix amplius de augendo isto solliciti esse, sed potius id curare debeamus, ut illo recte fruamur eumque in nostrum convertamus commodum.

Locupletissimam enim cum jam possideamus phaenomenorum historiam, si ad ista rite attendimus et collata probe examinamus, ad motuum cognitionem facile peruenimus; ex his autem ad vires mouentes, ex effectibus ad causam, ex causis particularibus ad generales concludere licet, donec tandem ad generalissimas, ad ipsam naturam ventum sit. Ac si quidquam in factorum historia forsan desideraretur, facilius cognitus defectus accuratiori adhibita attentione et institutis experimentis suppleri poterit. Si enim scimus, quale punctum lateat, parum abest, quin id detegamus. Tum enim omni attentione in hoc directâ, nostrum non poterit effugere scrutinium, neque amplius in vastissimo naturae ambitu incerti iactabimur, sed experimenta ad rationalem normam instituta, id quod scire cupimus, palam facient. Haec vera est et vnica ad veritatem via, a VERULAMIO inuenta, quam ingressus NEWTONUS physikalium motuum detexit causam; qua cum vteretur HALLERUS, summus euasit in corporis animalis historia vir. Quorum si premerentur vestigia, fieri non posset, quin natura in dies recluderet incognita hucusque mysteria, aperiretque nobis, quibus viribus agat, quomodo vitales producat actiones, quibus commota causis praeternaturales et perversas exferat; tum et innotesceret, quibus remediis causae morborum remoueri, actiones laesae restitui et vires vitales a naturali aberrantes tramite in rectum duci queant. Neque tamen symptomatum observatione et remedium, quae interdum sub simili statu opem tulerunt, applicatione contenti esse debemus, sed inquiramus vterius necesse est, quae sint actiones, unde morbosa ista profluunt phaenomena? qua ratione turbatae sint illae? quae vires mouentes peccent? Quo modo tandem agant adhibita medicamenta? Sic nos non fallere poterit sub similium symptomatum apparitione latens longe diuersa causa, nec inducere nos ad propinandum incongruum medicamentum, quod pro diuersitate causarum et optimi remedii et nocentissimi veneni vim edet. Atque sic ad insignem certitudinem deduci posse medicinam, credibile est.

§. IV.

Irritabilitas, sensibilitas et arctissimum earum connubium.

Ac facta jam haec esse ex parte, aequus quisque et candidus, nulla ductus opinione praeconcepta, fatebitur, praesertim ab eo inde tempore, quo solidioris physiologiae fundamentum posuit Magnus HALLERUS, qui vim fundamentalem, veteribus quidem non incognitam, a mechanica autem schola prorsus neglectam, sub Irritabilitatis nomine in medicinam rursus introduxit, in finitis confirmavit experimentis et primariam motuum causam esse demonstravit.

Nec jam in dubium ulterius vocari potest, inesse viuo corpori et ejus praesertim fibris muscularibus talem vim, qua efficitur, ut post applicatum stimulum se contrahant, a vi elastica mortuorum corporum plane diversam, nec inter communes corporum materialium vires referendam, sed viuo tantum corpori propriam et inquilinam. — Unde autem haec vis? qua agit ratione? an musculari fibrae insita, cum ista simul nata? an iisdem particulis, quibus fibra nutritur et haec regeneratur? an electrica est ipsa vis? an huic analoga? Haec omnia latent, nec ego hic immaturam proferre cupio opinionem. Gluten ejus esse causam ipse HALLERUS pro mera vendidit hypothese. Nec determinare volo, annon potius effectus causae occultae, quam ipsa dicenda sit causa?

A nervis eam pendere, ejusdemque cum sensibilitate naturae esse, multi statuerunt et prae aliis hanc sententiam tuitus est ROB. WHYTT, Vir ob nervorum physiologiam et pathologiam aeterna laude dignus, non levis certe argumentis. Meum vero non est, quae pro una vel altera parte militent, hic proferre, nec tantas, quae summorum virorum ingenia detinere, lites componere; nec credo, fore quenquam, qui meis permotus ratiociniis vel transuersum vnguem a sententia sua recedat.

Quae vero certissima, innumeris confirmata experimentis, a nemine negata, inter sensibilitatem et irritabilitatem consensio hic mihi consideranda venit. Constat enim, maximam esse nervorum vim ad determinandum irritabilitatis gradum, nec ullam extare in corpore animali irritabilem partem, quae nervis destituta sit. Et invenerunt plurimi irritabilitatem esse; uti quantitas nervorum ¹⁾. Licet vero in hoc non omnes consentiant, et irritabilitatem nervorum copiae parem non esse, nec ergo in omni corporis parte sensibilitatem ejus vi vitali respondere, contendant: tamen concedunt, in singulis individuorum corporibus relationem sensibilitatis ad irritabilitatem obtinere, ita ut, quo sensibiliore praedita sint nervoso systemate, et eo majorem possideant irritabilitatem, functionesque, ab hac vi vitali pendentes, insigniori fortitudine perficiant. Observatur ideo in junioribus, foeminis et teneris, exquisita gaudentibus sensus facultate, irritabilitas quoque major, circulatio vehementior etc.

Omnia porro, quae in corpore sensibilitatem augent, incitant etiam ejus vim vitalem ita, ut omne corpus vel saltem aliqua pars mobilior reddatur, si ejusdem nervi sensibiliores fiunt. Quaecunque contra nervorum vigorem infringunt, irritabilitatem quoque minuunt; in corpore lasso pulsus tardior fit, et infrequentior est cordis con-

Hh. 3

tractio

1) ILL. ZIMMERMANN dissert. de irritab. §. 2. et §. 50. p. 64.

tractio in somno, in quo etiam peristalticus intestinorum motus imminuitur; opium, nervos stupefaciens sensibilitatem, et irritabilitatem in omni corpore delere, ex ROY. WHYTT experimentis constitit. Si nervi partem irritabilem ingredientibus destruuntur omnes, sensum ejusdem vitalis vis imminuitur, tandemque aufertur: sic cor, nervo uno alterove destructo quidem non statim quiescit, a vigore tamen plurimum remittit, et citius illud quiescisse vidit L.L. ZIMMERMANN cerebro et medulla spinali destructa ²⁾. Secretionem glandularum compressis earum nervis multum imminui observavit NUCK ³⁾. Et verbo tantum est inter duas has animalis corporis proprietates connubium, ut sibi semper irritamento sint, nec una unquam absque alterius detrimento turbari possit. Mediantibus enim nervis non solum ad mentis iussu se contrahit musculus, sed perturbato etiam nervoso systemate citra mentis voluntatem vehementissimi musculares motus producuntur. Si irritatur denudatus nervus, musculi, in quos dispergitur, ad contractionem stimulantur, ac si ipsis irritamentum immediate applicaretur. Stylo in encephalon intruso omnes conuelluntur musculi.

Diuerfas tamen assumo duas has vires, licet arctissimo nexae sint vinculo; diuersis enim phaenomenis se manifestant, et variis organis exeruntur. Musculari fibrae Irritabilitas vnice tributa, motuum immediata existit causa, et nervi per se nihil quidquam, nisi mediante viua fibra, mouere possunt. Haec vero absolutissimum agnoscit nervorum imperium, sic ut non solum a nervo in actum statim ponatur, sed et aucta hujus sentiendi facultate, muscularis fibra maiorem acquirat irritabilitatem, et ideo si stimulatur, motus edat vehementiores.

Postquam hanc vitalem vim musculari insitam fibrae recte inquisuerat HALLE-
RUS, eam nouae exstruendae physiologiae fundamentum posuit, atque hoc vnico, si et alia tacerent ejus merita, immortale nomen sibi acquisiuit. Jamque cognouimus, ab illa actiones animales et functiones motu perficiendas omnes pendere; omnem ab illa corporis oeconomiam animari; eam simul cum nervosa vi essentiale inter machinam viuamque corpus constituere discrimen; ea sublata nullam superesse vitam.

§. V.

Irritabilitatis Consideratio Pathologica.

Dum ergo integer mauet hic vitae fons, omnia in corpore rite peraguntur; motus sunt a naturali vi naturales; sanguis regulari norma circulum suum absoluit; visceribus et glandulis, qui istis competunt, humores aduehuntur, eorumque vasa motu vibratorio iusto, eas particulas secernunt, ad quarum secretionem constructa, et peculiari irritabilitatis gradu praedita fuerunt. Secreti humores destinatum obeunt finem, excrementitii e corpore ejiciuntur; viscera chylopoietica praeparatos succos chymo admiscunt, et sanus sic bibulis venis chylus traditur, qui in circulum receptus et in bonum sanguinem conuersus, cor vasaque ad iustos stimulat motus. Vegetum sic et incolume corpus, sanaque in corpore sano habitat mens.

Si vero

2) Ibid. p. 57. exper. 13 et pag. 64.

3) Adenogr. curios. p. 16.

Si vero *Irritabilis Vis* omnium fere actionum causa a naturali norma recedit, totum corpus turbari, facile intelligitur. - Necesse enim est, ut functiones peruersae fiant, si illa vis, qua animantur, peccat. Patet itaque Irritabilitatis considerationem in pathologia non minoris esse momenti, quam in physiologia; plurimos ex illius laesione pendere morbos, quinimo omnium fere causam esse. Quanquam enim morbos solidorum organicos et fluidorum vitia probe agnoscam: tamen, nisi haec vis simul afficeretur, non intelligo, quomodo tantas producere possent turbas; imo, si recte attenditur, illa vitia ex vitalis vis quadam anomalia ortum duxisse, plerumque videntur.

Intellexerant quidem jam dudum medici, morborum originem ex materialibus causis vix unquam sufficienter explicari posse; vim ideo aliquam incognitam suspicabantur, quam *Calidi innati*, *Impetum facientis*, *Archaei* etc. nomine denotarunt. Recentiores ad insigniendam eandem vago et protheiformi *Naturae* termino vtuntur. Nescio vero, unde factum sit, ut, cum physiologi Irritabilitatem ad explicanda C. H. phaenomena dudum adhibuerunt, pathologi eam adeo neglexerint, et potius ad alias occultas vires confugerint. Has vero ut incognitas qualitates tam diu considerare, et ad explicanda morborum phaenomena rarius adhibere, nec a mechanica explicatione prius desistere solent, quam tunc, cum ingenia atrociter torserunt, tandem intelligunt, plane impossibile esse, ut morbus ex mechanicis principiis explicari queat.

Egregii tamen viri ad construendam solidiorem morborum theoriā Irritabilitatis respectum omnino habuerunt. Inter alios ILL. GAUBIUS in pathologiae institutionibus medicorum attentionem in eam conuertere studuit, nouissimeque hoc argumentum in Cl. WEISSE Dissertatione *) perpulchre et mascula doctrina pertractatum fuit.

§. VI.

Instituti Ratio.

Inter alios morbos in egregia hac dissertatione ex Irritabilitatis excessu vel torpore deductos, febrem etiam exinde summa cum voluptate illustratam vidi. Cum vero CL. AUTHOR Irritabilitatem solam sibi pertractandam sumit, minus de causa, qua illa augeatur sollicitus, alteram viui corporis facultatem, sensibilitatem et nervorum actionem, ut a scopo suo alienas, alii inquirendas reliquisse mihi visus est. Et quanquam probe intelligam, Irritabilitatem et Sensibilitatem, ut facultates plane diuersas, nos contemplari posse: tamen, cum Irritabilitas absque Sensibilitate in rerum natura nulli occurrat, haec absque illa nunquam augeatur, et verbo semper consentiant et compatiuntur: credidi, plura phaenomena longe facilius intelligi posse, si ad eorum explicationem ambae vires simul adhiberentur. Cum porro perspicerem, duplici modo excitari posse maiorem vasorum Irritabilitatem: *primo*; si vasis, eandem vis irritabilis gradum retinentibus, stimuli applicarentur solito aciores; *secundo*, si ipsa vis viua peculiari

*) De Irritabilitate morborum genitrice nostrae, Augustae ornamento, quem meum 1772 Praefide ILLUSTRI BALDINGER tum colere fautorem, glorior.
temporis uniuersitatis Ienensis, nunc almae

peculiari quadam ratione augetur; cumque saepe invadente febre nulla deprehendatur humorum acrimonia, et alio tempore, ea praesente, nulla insurgat febris, excedentem potius irritabilem vim, quam auctum sanguinis stimulum, accusandam putavi. Si vero Irritabilitatem, ut vim musculari fibrae insitam, atque ex ejus structura vni-
pendentem, consideramus, eam augeri non posse sequitur, nisi ipsius fibrae constitutio mutetur; quod tam cito, ac febris invadit, et a causis, quae illam accendunt v. g. dolore, animi affectione fieri posse, minime credibile est.

Cum autem ex innumeris observatis cognitum habeamus, nervorum ope non solum minimo temporis momento fibram muscularem ad contractiones posse incitari, sed etiam sensibilitate suae, quod idem est, nervorum vi aucta, eam fieri irritabiliorem, et ad eundem stimulum sensibiliorem: periculum facere constitui, quid ad illustrandam febrium theoriam conferre possem, si inquirerem, quatenus febris ortus ex singulari actione Systematis Nervosi explicari possit.

Nec terrent me severa magnorum virorum ¹⁾ aduersus illos judicia, qui reconditam febrium naturam ex occulto nervorum statu, rem obscuram ex abstrusiori deducere voluerunt. Si otiosus illis speculator potius, quam medicus in curationem intentus videor, indulgeant tyroni.

Neque tamen fatuum plane et sterilem me suscipere laborem credidi, si ex hac parte febrium naturam considerarem: optime enim ad cognitionem objecti cujusdam, cui propius accedere datum non est, peruenimus, si ex visionis punctis, quam possumus plurimis, illud contemplamur. Et quamquam facile inducimur, ut opinio, quam proponimus, veri speciem prae se ferre nobis videatur: eo tamen me rapi nunquam patiar, ut hanc hypothesein, quae otiosae cuidam horae existentiam debet, aliis pro vera venditem.

§. VII.

Totius Corporis Consensus ex Nervis.

Obtinere in corpore animato sympathiam atque consensum arclissimum inter varias ejus omnesque partes, ab antiquissimis medicis observatum, a recentioribus mil-
lenis experimentis et observationibus confirmatum, nunc extra omnem dubii aleam positum est. Et cum dudum constitit, omnem sensum nervis esse tribuendum, nec absque illo esse ullum, intellexerunt tandem duce primo WILLISIO, nervos unicam esse istius consensus causam. Hujus rei perspecta gravitate et cognito insigni illo, quod ei esset in facienda et docenda medicina momento, quidam colligendis istius consensus phaenomenis, alii causis eruendis, operam dabant. Magni eam fecerunt, quam in anatomicis sectionibus observabant, inter singulares quosdam nervos connexionem. Hic confluxus ut causa mirae partium sympathiae habebatur, donec propter majorem phaenomenorum collectionem et ulteriorem decursus et constructionis nervorum inquisitionem istam allegatam causam non admittendam esse, plurimi perspiccerent. Et tandem ex factis in animalibus experimentis vberius demonstratum fuit, nihil quidquam isti anastomosi tribuendum esse, nec ex illa explicari posse phaenomena.

Versati

1) SENAC de recondit. febr. nat. p. 10.

Verfati sunt praesertim ABRAH. KAAV BOERHAAVE et ROB. WHYTT in eradicanda praeccepta hac opinione; quos adeant, si qui hodieque sint, nervosarum anastomosium fautores. Experimentis et inde eductis inexpugnabilibus argumentis probarunt isti, nihil anastomosi, omnia autem conuentui nervosarum fibrillarum in Sensorio Communi tribuenda esse.

§. VIII.

Multifariis autem et innumerabilibus effectibus haec sympathia sese prodit; tantam enim jam ab observatoribus enarratam inuenimus eorum copiam, ut, si eam quis colligere vellet, insignis molis volumen impleret. Ad ostendendum frequentiore partium consensum, plurima exempla congestit ROB. WHYTT 1).

Observamus vero hanc sympathiam diversissimas subire modificationes. Non solum enim in variis hominum corporibus ejus effectus variant, sed etiam in eodem individuo diversa saepe gignuntur phaenomena, sic ut ab ejusdem partis affectione nunc in hoc, nunc in illo loco fiat consensus, idemque etiam stimulus oppositos suscitet motus. Nemo tamen temere sibi persuadeat, consensiones omnes ex fortuito profluere casu, nec certas vllas et constantes adesse leges, quibus determinentur. Quilibet enim intelliget, quod si idem locus, simili stimulo sub eadem corporis constitutione afficeretur, eundem insequi debere effectum, fixam ergo extare legem; quanquam difficillimum sit, quinimo impossibile, eam eruere. Causam vero maximae hujus phaenomenorum varietatis diversissimae nervosi systematis constitutioni, quo forsitan nulla corporis pars vicissitudini magis obnoxia est,tribuendam praesertim esse, facile intelligitur, sique hujus status semper cognosceretur, ratio etiam nos non fugeret, cur sub vno statu haec consensio, sub alio illa necessario contingere debeat.

Quanquam autem plurimarum singularis scopus lateat, tamen ex quibusdam, qui certis sub conditionibus sunt, motibus recte colligere possumus, leges, secundum quas consensiones omnes producuntur, a sapientissimo Creatore ita constitutas esse, ut ad corporis conservationem faciant. Hoc enim perpetuae rerum nocivaru actioni expositum mox destrueretur, nisi per mirandam, quemvis stimulum insequentem reactionem, potentiam nancisceretur, qua omnia ipsi infesta removere, expellere vel temperare possit. Cum vero partis immediate affectae actio saepe nulla, vel auertendae stimuli noxae impar sit, haec constituta fuit partium conspiratio, qua altera alteram in communes perduceret contractiones, et si vna modo laceraretur, omnes consentirent ad remouendam hostilem materiam. Et sane absque hac lege, qua omnes corporis partes sibi mutuas suppetias ferunt, omni momento tenuissima succumberet animalis oeconomia.

Attamen cum in omni rerum natura aliter fieri non potuit, quin ex legibus, ad totius conservationem sapientissime conditis, in singula individua quaedam incommoda quandoque redundarent, sic, et salutiferam hanc legem atrocissimorum morborum imo et mortis evadere causam, tristes docet experientia.

Sympathiam

1) Sämmtliche practische Schriften p. 257 et seqq.

Sympathiam autem dicimus, *primo*: si sensatio fit, ac si praeter affectam partem alius locus simul afficeretur. Haec sensatio nunc isti similis est, quae in ipsa affecta parte fit; nunc plane diuersa, ita ut inolestus sensus fiat in consentiente parte, licet pars stimulata grate afficiatur; et contra: quin imo in affecta parte nullus saepe est stimuli sensus; in consentiente vehementissimus. *Secundo*: Sympathia motibus sese ostendit, qui in parte consentiente, muscularem vim possidente, plerumque suscitantur, ac si ipsi stimulus immediate applicaretur. Et ejusmodi motus quandoque sine omni mentis conscientia fiunt, ita ut doloris, nec in affecta parte ipsa, nec in consentiente, perceptionem habeat. Alio tempore, cum dolor vehemens adest, motus nulli produuntur. Denique ad sympathiam referendum erit, si a stimulo in remota aliqua parte, noui quidem motus non suscitantur, qui vero jam adsunt, inuertuntur et abnormes fiunt.

§. IX.

Sympathia est Reactio Sensorii, a Sensatione physica praegressa excitata.

Pleraque illa phaenomena, post HIPPOCRATEM *Naturae* (sub qua solidorum et fluidorum motus functionesque omnes comprehendebant) *molimina* a medicis dicta, ex nervorum hoc consensu profluere, quibus largietur, qui plurimas reactiones ab illis partibus, quibus stimulus non immediate applicatur, produci obseruauit.

Variae scholae ad eandem hanc rem nomine insigniendam diuersis vsi sunt terminis, causae, cui istam tribuebant, adaequatis. Stahliani, cum salutiferos fines praefertim respicerent, nec intelligerent rationem, qua tales actiones, quales ad remouendum stimulum, vel ejus vim minuendam, aptissimae essent, ex physicis legibus deduci possint, rationalis animae potestati omnia tribuebant. Haec quidem sententia non omni destituta est probabilitate, et profecto cum theoria mere mechanica aequo pugnat Marte; unde etiam recentissimis nostris temporibus acuti quidam viri eam, licet limitatam magis, non leuibus argumentis fulserunt. Neque parum ponderis isti theoriae accessisse videtur, postquam demonstratum fuit, nervos non nisi mediante Sensorio communi consentire.

Attamen cum omnes jam consentiant, libertatem esse perpetuum atque constans mentis attributum, eamque citra voluntatem nunquam agere, nec absque ratione, etsi coacta fuerit, quidquam velle; patet, ea isti tribuenda non esse, quae inuita illa fiunt, et quae, quamquam omnes adhibeat vires, ab illa excitari non possunt.

§. X.

Cum Sensorium Commune prae omnibus aliis corporis partibus menti arctissime nexum, idque organon eum in finem constitutum est, ut hujus ope corpori mens imperare, et illud rursus in hanc agere possit: factum est, ut multae, quae ad sensorium pertinent, actiones menti adscriberentur. Ex hoc errore, et quia vnius actionem absque alterius cooperatione intelligere non potuerunt, Stahlianorum orta mihi videtur theoria. Quo arctius itaque duarum harum essentialium corporis partium vinculum, eo accuratius eae earumque functiones distingui debent, ne inuicem confundantur et variis ansa praebatur erroribus.

Fit autem in *Sensorio Sensus*; in *Mente Perceptio*: *Huius est Voluntas; illud Voluntatem exercet, motus actionesque exserit* ¹⁾.

Ex his intelligitur, non ob stare arctissimum illud vinculum, quo minus sensorium duplicem suam facultatem, sentiendi nempe, atque mouendi, edere possit absque omni animae consensione; absurdique nihil continere, si sensum absque animae conscientia, motumque citra ejus voluntatem, a sensorio quandoque fieri contendimus; et quotidiana experientia hujus asserti veritatem euincit. Si enim dolor aliquis corporis partem vexat, vel sensili cuidam parti aliqua res v. g. *Vestis* apprimitur, quo minus orta in nervis mutatio sensorio semper impressa quasi maneat, impediri nequit; animus vero, ad alia attentus, ingrati doloris ideam non fouet semper, nec percipit objectum sensili parti applicatum; simul ac vero attentionem rursus aduertit, ejus conscia fit. Ita atrocior dolor, qui omnem in se rapit animi attentionem, leuiorem obtundit. Sentire sane pergit Sensorium et leuiorem dolorem, sed eum non percipit animus.

Mouendi suam potestatem contra omnem animi voluntatem, imo reluctante eo, Sensorium aequè exserere posse, plurima confirmant. Respiratio, arbitrarius plane motus, pergit in somno. Si musca hominem somno captum vexat, manu eam fugare annititur, quanquam mens sui corporis hic plane nescia sit. Homines, qui laeso

li 2

cerebro

1) Hancce inter Sensum et Perceptionem distinctionem minus magnorum Virorum placitis respondere, equidem scio. Illi enim nullam absque animae conscientia sensationem fieri posse, contendunt. Neque PERILL. HALLERI sequenti de *sensibilitate* definitioni accommodata est: „Sensibilem partem corporis humani appello, cujus contactus animae repraesentatur; et in animalibus brutis, de quorum anima non perinde liquet, eas partes sensiles dico, quibus irritatis animal manifesta doloris et incommodi signa ostendit: insensibilem contra, quae vsta, scissa, puncta, ad distractionem, usque caesa, nullum doloris signum, contusionem nullam, nullam in corporis situ, mutationem excitat. *Comment. Goett. T. II. p. 116.*“ Et quanquam magnus hic Vir et alibi minime admittere videatur hanc distinctionem, velique ab omni sensatione aliquam in anima nasci ideam, quae saltem nunc obscurior, nunc clarior sit: magis tamen propriae persuasioni, quam aliorum auctoritati dandum esse sentiens, non potui, quin hac in re a tanto recederem Viro. Si quis assumeret, unicam modo perceptionem animam eodem temporis momento habere posse, necessario nostra admittenda erit distinctio, cum negari non potest, plures si-

mul fieri sensationes. Ego enim sub sensatione corporea stricte sic dicta nihil intelligo, nisi qualemcumque mutationem, vi nervosae inductam, actionem aliquam corpoream, nec respicio, an anima ejusdem ideam habeat vel non. Egregie jam monuit Hoffmannus: „Sensationem ratione corporis non esse, nisi motum seu impressionem in nervosas partes, quae genuinum sensationis organon constituunt.“ *Oper. Omn. T. I. Sect. III. cap. 3.*

Nec non GLISSONIUS ille, primus, qui simplicis fibrae naturam inuestigavit, ejusque irritabilem vim probe cognovit, distinctionem posuit nostrae fere similem, dum Sensationem nostram *Perceptionem naturalem*, illam vero, quae cum animae conscientia fit, *Perceptionem animalem* dixit *De Ventric. et intestin. cap. VII. N. 1. p. 169 et seqq.* Neque tamen ego ad irritationem, quatenus in musculari fibra immediate fit, vliam sensationem ex mente illius requiro; id modo volo, in omni nervorum actione sensationem fieri: et si parvum motus aliquis per nervos, praesertim in loco remoto, mediante sensorio communi producitur, tum sensationem praegressam adfuisse, contendo, licet anima nullam ejus habuerit ideam.

cerebro apoplectici jacent, inscii manus motu affectam partem saepe indicant. Est quaedam delirii species, qua mens, cum sensoria organa peruersas perceptiones in ea non excitant, iusta ad externa objecta relatione cogitat²⁾; Sensorium vero, in aliquo puncto turbatum, ad actionem quamdam incitatur. Quod si percepit anima, illiusque actionis noxam intellexit, huic viribus adhibitis omnibus reluctatur; saepe vero suo sub imperio sensorium retinere non valet. Sic in Hydrophobia percipit anima, sensorium ad mordendum exstimulari; ne hoc fiat, annititur; limitatam vero suam in sensorium jam cognoscens potestatem, monet adstantes, ne propinquius accedant, ut corpus suum alligatur vinculis: saepe tamen succumbit mentis imperium, mordendi insatiabili cupiditate abripitur corpus. Grauidarum quarundam Sensorium eodem modo perturbari dicitur, ita ut rationalis anima effectum stimuli, quo illud ad vesanam actionem impellitur, impedire nequeat.

Sensorium porro si per viuam cogitationem commouetur, ab anima impediri non potest, quominus ex facta in illo mutatione actiones quaedam excitentur. Sic ad speculum vel ipsa recordatio grati cibi saluariae adfluxum inuita anima ciet; emetici conspectus, quinimo ipecacuanhae mentio nauseam producit in delicatioribus; a timore, ne latus titilletur, ut ab ipsa titillatione, commouetur omne corpus. Hic idea stimuli quondam percepti reuocata, eandem rursus sensorio inducit mutationem, debiliore quamquam gradu; et si corpus tanta pollet irritabilitate, ut a leniori etiam moueatur impressione, effectus sequuntur similes; in junioribus ergo et tenerioribus ejusmodi phaenomena frequentius observantur.

Ob limitatam denique animi in sensorium potestatem saepe fit, ut illius pathemata externis sese prodant signis, quamquam dissimulari ejus intersit. Dolor, ira, gaudium, amor etc. quo minus similibus semper signis in facie exprimantur, non prohibere potest anima; nec compesci se sinunt faciei muscoli, nisi facta in sensorio impressio temporis decursu, siue noua exorta, deleatur. Imminente periculo percutitur homo, effugere vult anima, sed voluntatem non exsequuntur trementia vel marmoris instar rigentia membra.

Ex his satis jam patet, Sensorii actiones non omnes ex animae profluere voluntate, neque illud absolutum mentis imperium semper agnoscere.

§. XI.

Neutiquam tamen sponte agit sensorium. Cui enim nulla est voluntas, nulla est automatica actio. Sed duplici potentia in actionem ponitur, a libera animae voluntate et actione physica. Itaque omnia, quae a sensorio citra liberam animae voluntatem producun-

2) Ejusmodi nervosae affectiones cum veris deliriis non commutandae sunt. Nolum enim in deliriis stricte sic dictis (quamquam eorum causa in corpore vniue, minime in ipsa mente locanda) vesanas actiones Sensorio immediate tribuere. Hoc quidem in veris deliriis summis afficitur turbis; at tamen menti suum in illud imperium non

aufertur. Nascuntur scilicet a turbatis sensoriiis organis peruersae in mente perceptiones, de quibus ea rationaliter iudicat; cum vero nulla est organorum istorum ad externa relatio, iudicium, si ad haec respexeris, fertur absolum, actionesque ex tali iudicio profluentes adstantibus, qui easdem non habent ideas, furiosae videntur.

producuntur, ex speciali physica lege proueniunt. Haec vero lex in eo consistit, ut, facta in sensorio singulari mutatione, illud determinatam actionem exserere debeat; et huic legi Sympathia omnis, omniaque illa, quae in corpore mediante sensorio citra animae conscientiam siue voluntatem ¹⁾ sunt, tribuenda sunt.

Latet quidem vera hujus legis causa et ratio, scimus tamen, ad omnem sensationem id requiri, ut in nervo nascatur mutatio, atque haec attingat Sensorium. Constat porro in omni motu, cujus efficiens causa in sensorio extat, sensorium in aliquo puncto ita mutari debere, ut nervus ad partem mouendam abeunti, talis inducatur mutatio, qualis ad excitandam partis istius motoriam vim requiritur ²⁾. Inde colligimus, sympatheticum fieri motum, si mutatio per sensationem inducta alii fibrillae nerueae thalamio communicatur, indeque ejus vis ad motum ciendum incitatur. Consensualis autem Perceptio fit, si a commota hac vi, in anima idea oritur, ac si pars, ad quam pertinet consentiens nervus, aliquid sentiret; haec tamen perceptio indistincta tantum est, nunc grata, ut plurimum molesta. In utroque casu consentienti nervo materialis aliqua mutatio inducitur, ejusdem principium sentiens impetuosius fit et augetur sensibilitas; increseit itaque et musculorum fibrarum, quas accedit, irritabilitas, unde tum vel immediate ad contractionem ciuntur, vel consuetorum stimulorum impatientes factae, motus vehementiores edunt.

§. XII.

Sympathiae Naturales, vel Praeternaturales.

Antequam propius ad scopum meum accedam, quorundam, quae ad sympathiam nervorumque actionem attinent, phaenomenorum mentionem fecisse iuvabit.

Obtinet inter singulares quasdam corporis partes aliquis consensus ita, ut partibus affectae alia pars in omni fere homine consentiat. Deinde vero multa individuorum corpora molesta admodum et praeternaturali partium quarundam consensione

li 3

vexantur,

1) Quorum primaria causa in anima quidem est, sed citra ejus voluntatem tamen fiunt, non minus ex actione physica contingunt. Ergo, si pathemata aliquam mutationem sensorio induxerunt, phaenomena, inuita mente, inde profluentia ex hac contigisse lege dicenda sunt.

2) In quo consistat haec mutatio, quae producat ratione? ignoramus. Nolim tamen organicam mutationem assumere: tunc nempé motus in nervis plane non probabilis, eumque assumere vetat nervi fabrica. Inest autem nervis potentia quaedam materialis, sensibus vero non percipienda; subtilissima, ad edendos tamen validissimos effectus apta; aethereo fluida, ita tamen constituta, ut intra singulas fibras includa-

tur, ut ligamenti intercepti possit; non mechanica, sed viua; unico animali corpori insita, vitam animale forsitan constituens ipsam; vim suam exserens in animum aequae ac corpus, atque inter duo haec incomprehensibile constituens vinculum. Pendet ab ea nervi actio; omnis sensationis est causa. Si influxum suum in animam ita exercet, ut nascatur in illa idea sensationi analoga, fit Perceptio; si muscularis fibrae vim contractilem auget; fit Motus. Spiritus nerueus, Archaeus. Anima sensitiua ab aliis fuit dicta. Liceat mihi sub *Potentiae nervosae, Principii*, siue *Vis sentientis* nomine eandem intelligere. Est *sensibilitas* ipsa. — Sensorii et nervorum mutatio mihi est hujus potentiae in illis excitatio et peculiaris modificatio.

vexantur, sic vt, inter quas naturaliter nullus est consensus, tantum aleant commercium, vt vna absque alterius detrimento nunquam affici possit; vel, quod frequentius observatur, adest quaedam pars, cui prae aliis morbose consentitur, et quae, corpore in quacunque regione stimulo, irritatione statim adficitur. Partis illius laxitati vel debilitati vulgo quidem hoc tribui solet, vera autem causa ex nervorum hanc partem ingredientium *vi sentiente*, ad impetum proniori, et inde a quavis sensorio inducta mutatione facile excitabili, repetenda erit. Hypochondriacorum et hysteriarum corpora, quorum scilicet nervosum genus a naturali aberrat statu, vitiosam ejusmodi consensionem frequentius ostendunt.

§. XIII.

Sensorii Impetus, stimulo sublato, continuatur.

Commotam semel *sensilem* in aliquo nervo *vim*, remoto jam stimulo, non requiescere statim, notandum est. Inde fit, vt anima objecta, quae sensus affecerunt, quandoque percipere pergat. Nauseosus rhabarbari odor saporue animo observatur, licet illorum sensuum organis nullae ejus particulae amplius adhaerent. Leuiore vero, vt in sensibus fiunt, nervosae potentiae commotiones, cum causa excitante plerumque cessant; atrocius autem concussa, abnormem exferere actionem, dolore animam vexare, aliaque in corpore phaenomena procreare, pergit. Ita, vulnere inflicto, excitata sensibilitas acerbissimum doloris sensum in mente sustinet, febremque accendit inflammatoriam, licet vulnerans instrumentum mox post laesionem factam extractum fuerit. Nee solum in affecto nervo, stimulo sublato, actiua vis intenditur, sed in consentiente etiam; imo in hoc poterit adhuc ad impetum incitari, postquam in illo jam deleta est sensatio. Sic spasmus maxillae inferioris a vulnere, in parte tendinosa ortus, durat, dolore omni in affecta parte jam deleta, nec dilatationes, nec relaxantia topica, imo nec ipsa membri amputatio eum solvunt; in sensorio itaque communi ipso et omni nervoso systemate ejus causa quaerenda est; quare etiam ad medicamenta, quibus specifica in nervos vis, ad moschum, opium et Corticem Peruvianum confugiendum est.

Ne vero in re notissima longus sim, experientia constat, Systemati nervoso a stimulo vehementius perculso labem posse inuri, per omnem deinde vitam remanentem. Sic virum a horrendo tonitru-fragore expergefactum, in musculorum omnium tremorem incidisse; virginemque, quae firmo antea gaudebat corporis habitu, ex subitaneo metu tremore correptam fuisse, vidit *van SWIETEN* ¹⁾. Et referente eodem, puella per plures annos epileptica fuit facta, dum eam joci causa sub pedum planta titillasset ²⁾. Nec desunt plura alia exempla, convulsivum habitum nervos quosdam a vehementiori stimulo, quem quondam perpassi erant, contraxisse, quae afferri possent, nisi sufficienter jam pateret, nervosam potentiam nunc longius in efferuescentia quasi perstare, postquam excitans causa jam dudum sublata est. Et nullum amplius superest dubium, quin dentur nervosae affectiones, in quibus nullus in corpore stimulus subest, quae ideo *morbi absque materia, morbi immateriales* vulgo audiunt: primariam

¹⁾ T. II. p. 182. 183.

²⁾ T. III. p. 402.

riam tamen earum originem a stimulo quondam perpeffo deducendam esse, vtiq̃ue videtur.

§. XIV.

Nervorum Potestas in Organa Vitalia.

Duo in C. H. fiunt diuerfa actionum genera: dependent scilicet quaedam a libera animae voluntate, aliae non agnoscunt ejus imperium. Priores, vt quibus a reliquis corporibus animal praesertim distinguitur, animales dicuntur. Vis quidem vitalis, musculis insita immediata earum extat causa: haec autem per se quiescit, nec vnquam absque stimulo vel commoto nervoso principio agit. Talem vero constitutionem atque situm acceperunt animales muscoli, vt a stimulis tam externis quam internis nunquam afficiantur, nec nisi a nervis ad actiones sollicitari possint. Et nervi eos accedentes; vt voluntatis sunt executores, absoluto mentis imperio subjecti rarius inuita ea agunt; et licet a turbato communi sensorio ad inuoluntarium excitentur motum, citius tamen animae agnoscunt vocem, et ab illa compescuntur.

Sed quas imbecilli menti non commisit sapientissimus Creator, vitales actiones, diuersis legibus regi voluit. Vis eadem est, quamquam fortior; incitante autem causa ab animalibus praesertim differunt. Humoribus nempe, ad quos propellendos constituta sunt vitalia organa, ipsis, veluti perpetuo et renouato semper stimulo, ad perpetuam incitantur actionem; nec opus hic est antagonismo vlllo, nec alternante fluidi neruei influxu. Atque in haec organa animae nulla concessa fuit potestas, et nulla eorum motuum perceptio, ita vt insigniter turbari queant absque illius conscientia.

Minime vero sequitur, quod vti animae, ita et sensorii et nervorum respuant influxum. De circulationis organis nunc praesertim dicendum.

Cordis fabrica non paucos sibi vindicat nervos, singulari ratione per omnem ejus substantiam distributos; nutritioni nec inferuiunt, nec sensui, frustra autem ei concessos fuisse, assuere vetat parsimoniae lex. Litem, an a nervis vis viua omnis? nihil curo. Ni vero ad naturalem sustentandum motum adsunt, vnicus superest scopus, vt nempe a sympathia, quae nervorum ope in omni obtinet corpore, de hocce immune non maneret viscus, vt sub quibusdam in corpore ortis mutationibus a naturali sua norma deflecteret, et sic, vbi partium quarundam laesio omni Oeconomiae destructionem minitaretur, ab illis amice conjuratum ad hostilem remouendam materiem consentiret.

Numerosissima porro in animalibus instituta experimenta luculentissime probant, a nervis cardiacis affectis perturbari cordis motum; a vellicatis illis vel ipso encephalo spasice contrahi; ejus motum jam extinctum, irritata spinali medulla, rursus excitari¹⁾. (Conf. §. 4.)

Et denique nervorum in cor potestas ex his patet, quae in animi pathematibus obseruantur: mutatur varie sanguinis circulus, palpitat cor. Quae quidem phaenomena immediate a mente producta existimari nequeunt, quippe quae reluctantem illa contingunt (§. II. not. o.); sensorii vero actionem in causa esse, et mediantibus nervis hanc ad cor peruenire, omnes concedunt, nec alio modo intelligitur.

§. XV.

1) KAAW BOERHAAVE *imp. fac.* §. 330.

§. XV.

Sunt, scio, qui omnem irritabilem vim vasis denegare non dubitent, ideoque omnem horum actionem ponant in elasticitate, qua, cum distenta essent, se rursus contrahant. Nouissimorum vero argumentationes et experimenta muscularem vasorum vim ita demonstrarunt, ut amplius, ni fallor, de ea dubitari nequeat. Argumenta enim, ex necessitate vitae ejusmodi actionis, analogia, vasorum constructione, experimentis obuiisque multis in vivo corpore phaenomenis petita, tanti sunt ponderis, ut dubios, nec ipsa PERILE. HALLERI, in contrariam partem euntis, auctoritas nos reddat. Sed etiam Magnus hic Vir non plane negat vasorum irritabilitatem, eamque plurimis in locis admittit ¹⁾; cordis autem vires ad obfoluendum sanguinis circulum sufficere, ratus, parum in agendo huic tribuit vi. Experimenta ab illo instituta, quibus enixe insisit, non ostenderunt quidem ei vasorum irritabilitatem, sed et ipse telae cellulosaе crassitie hoc adscribendum esse, fatetur ²⁾. Atque hoc re vera se ita habere, patet ex aliorum experimentis, in quibus ad stimulos vasa facile conspicuos motus ediderunt ³⁾.

Sed quid ponderis ego superaddere molior rei, cujus veritas ab aliis luce meridiana clarior exposita fuit? Ac ne iis taedio sim, qui eam abunde jam demonstratam esse sciunt, alios ad egregii R. WHYTT *physiological essay of the motion of the fluids in the small vessels* et Cel. VERSCHUIR *Diss. de arteriarum et venarum vi irritabili* ablego. Potest etiam, quae maxima ex parte ex hac excerpta est, Cl. GRUBERI *Dissert. de excessu vis vitalis vasorum*, conferri.

Sic facile possum hanc disceptationem euitare, id quod eo lubentius facio, cum ea, quam ego erga magnum aduersarium foueo, veneratio objectionibus multum detrahat fortitudinis: denuo tamen notandum, quod ipse musculares fibras vasis omnino concedat, nec viam eorum contractionem in dubium propterea vocare videatur, quia ipsi nondum successit experimentum; ipse testatur: „arterias irritabiles esse, aliqua sua, tum muscularem, quae ipsis inest membranam, tum maxime necessitatem inveniendae causae, quae faciat, ut dilatata arteria vicissim cordis impulsioni respondeat, et angustior fiat aequae, ut in latitudinem cessit ⁴⁾“.

§. XVI.

Certo itaque certius cum constat, vasa fibris gaudere viribusque muscularibus, jam inde concludere liceret, nec nervis destitui, nec eorum recusare imperium.

Et plurimis in locis nervos ad majores vasorum truncos adeuntes, eorumque perreptantes tunicam aperte ostendit anatomica; ex intercostali nervo pluresculi rami ad omnes carotidis divisiones abeunt, integri plexus per coeliaca, mesenterica, abdomi-

1) „Ces animaux (de perfectioribus loquitur) ont d'ailleurs des fibres musculaires dans leurs artères. J'y reconnois par conséquent de l'irritabilité.“ *Mem. sur la nature du sensible et irritable* T. I. p. 274.

2) „Il faut attribuer apparemment cette exception à l'épaisseur de la cellulose, qui

„compose le gros de la substance des artères, et qui couvre les fibres musculaires“ *ibidem*.

3) Legi praesertim merentur experimenta Cel. VERSCHUIR *Dissertat. annexa*. — SCHREGER de irrit. vas. lymph. L.

4) *Comment. Goetting. T. II. p. 140.*

abdominalia vasa decurrunt, et plurimos vasorum nervos describit HALLERUS ¹⁾. Quanquam secundo ad ipsam usque in vasis terminationem eos persequi non possumus, id quod et in aliis partibus cultro anatomico vix conceditur: non est tamen, quod dubitemus, ex maxima parte in vasorum tunicas dispergi.

Visum quidem fuit, irritatis nervis vasa quieuisse, nec a horrendis spasmodis mutatum fuisse pulsum ²⁾: sed non desunt contraria experimenta affirmantia ³⁾, quae negatius plus valent.

Sed etsi nec analogia suaderet, nervos vasorum tunicas ingredientibus adesse, nec anatomia istos detegeret, nec experimenta artificialia pulsum diversimode a stimulis nervis mutari, demonstrarent: tamen phaenomenorum plurimorum in C. H. contingentium consideratio de nervorum in vasa imperio dubitare nos non sineret.

Observamus frequenter partem arteriosi systematis praeternaturalem offerre pulsum, dum reliqua pars ordinatos motus edere pergit. Neque impossibile videtur PERILL. HALLERO, „in ejusdem hominis duobus artubus non easdem esse pulsus affectiones, ut in parte inflammata, inque artu podagrico aliter, quam in carpo se habeat, et in humorum ad caput affluxu arteriae pedum coarctatae alium, quam carotides exhibeant pulsum. In vivis enim animalibus, inquit, frequentissime vidi, sanguinem in aliqua corporis regione aut lente fluxisse, aut omnino quieuisse, dum alibi alacriter in circulum pergebat ire ⁴⁾“. Inaequales vero has vasorum actiones ex inaequali vis sentientis influxu repetendas esse, in absentia aliarum causarum probat animi passionum singularis vis in procreandis illis; vehementior ab ira carotidum pulsatio, faciem aestuare, rubere, labia intumescere facit; terror contra et moestitia pulsum tremulum, vix perceptibilem cum pallore faciei, frigore, animique deliquio inducit ⁵⁾. Maxime notabile exemplum affert MORGAGNI aegri moestitia correpti, in quo miram pulsum varietatem ex illa productam observavit ⁶⁾. Et enarrato simili casu probe monet, ex nervorum inordinata actione ejusmodi pulsum vitia repetenda esse, ut quae alias explicatu forent difficillima ⁷⁾.

Non perit quidem semper arteriae actio infra abscissum nervum, sed continuatur sanguinis motus. An alii forsitan nervi tum arteriam accedebant? An nervi supra vulneratum locum arteriam intrantes et intra ejus tunicas decurrentes per omnes arteriae musculosas fibras distributi fuerunt? An cordis et arteriae superioris actio viva una cum rami sola elasticitate sufficit continuando sanguinis motui ⁸⁾? Saepius tamen a

nervuo

1) Opera minora T. I. p. 516. et seqq.

2) HALLERI elem. phys. T. II. p. 205.

3) Mem. sur la circulation. p. 147.

4) Elem. phys. T. II. p. 267. ubi citantur BORDEU recherches sur le pouls p. 315, 316, 320, 321, 322, 327. PECHLIN observat. 2. L. 5. HOFFMANN med. system. T. I. p. 115. ALBERTIN. Comment. Acad. Bonnon. T. I. p. 387. Confer. etiam not. ad BOERHAAV. praelect. T. V. p. 154.

Ludwig script. neur. min. T. III.

5) De effectibus animi affectionum vid. HALLER Elem. phys. T. V. p. 580 et seqq.

6) de sedibus et Caus. morbor. Epist. 24. Art. 20.

7) ibid. artic. 33.

8) Vidi in foemina post hemiplegiam cutibitum paralyticum in quo licet probe nutrito, nullus deprehendebatur pulsus. Arteriam satis amplam, sed nullam micationem sensi. Impediuit forsitan cutis obesitas, quo minus

nervio majori discisso gangraenam induci, idque propterea fieri, quia inde muscularis arteriae vis destruitur, docet v. SWIETEN ⁹⁾, duoque affert exempla gangraenae a læsione spinalis medullae exortae, quorum ipse oculatus fuit testis ¹⁰⁾.

Et facile remoueri potest illa, aduersus nervorum necessitatem facta obiectio, quae ab apoplecticis, paralyticis quibusdam et soporosis affectibus, in quibus scilicet superflites manent vitales motus, petitur. Quanquam enim hypothesis, ac si cerebellum hisce praecesset, satis refutata est: tamen negari non potest, cardiacos et arteriosos nervos, (loquor de fibris simplicissimis) quippe qui cum anima nullum alent commercium, quoad naturam et primam originem a voluntariis differre, et ideo diuersis legibus subjectos, et aliis affectionibus obnoxios esse.

Neque tamen omnium arteriarum actionem nervis tribuo, nec plane assentior PERILL. SENAC, dicenti ¹¹⁾: „Mais les arteres sont des instruments actifs, ce sont des especes de coeurs; or les coeurs pressées ou irrités, donnent un plus grand mouvement au sang: il en est de même des arteres; ce n'est donc pas par leur élasticité seule, qu'elles agiront plus fortement sur ce fluide, c'est par un principe dependant des nerfs, ou pour mieux dire par l'action même des nerfs.“

Sed nervis inignem potestatem esse, mutandi tam in vniuersum, quam in singulis partibus sanguinis circuli, affirmo, et hoc extra omne dubium positum est; et PERILL. HALLERI, cuius autoritas primo intuitu obflare videtur, sequentia verba magni facio, quibus profecto melius sententiam meam ipse exprimere non potuissim: „Quare crediderim nervos, qui arterias adeunt, utique ad vim eorum contractilem pertinere, fibrisque earum carnis id mobile principium impertire, quod a nervis carnes mutuuntur. Neque credo alienum esse a veri specie, eos nervos vel magis irritabiles, arterias reddere vel minus, prouti in ipsis istis nervis ineffabilis ea mutatio praecessit, quae prurientem eorum sensum intendit. Sed imprimis cordis ipsius naturam irritabilem incrementum, atque nervea mutatione celerrimum ejus organi motum, veramque convulsionem produci posse, atque ideo ipsum fontem motus sanguinis noua scaturigine augeri probabile fit, ut ex palpitatione manifestum est, quae in ira, gaudio, aut desiderio et expectatione obseruatur ¹²⁾.“

§. XVII.

Atque si nervis vitalia organa subjacent, tum ab affectis iis in consensum etiam rapi sequitur. Et haec quidem omnium frequentissime consentire videntur.

Nervi nimirum animalibus inferuientes actionibus animae potestati magis, quam corporeis stimulis auscultantes, quousque naturae vigent leges, ipsius voluntati sese non subducunt; ideoque animales actiones, nisi totius nervosi generis, ut in epilepsia fit, oeconomia inuertitur, ex sympathia non perturbantur. Minus obediens sexus

actiones

minus leuior a debiliore contractione dilatatio perciperetur. In altero carpo distinctus erat pulsus.

9) ibid. p. 238.

10) *Tr. du Coeur. T. II. p. 169.*

11) *Comment. in BOERHAAV. T. I. p. 237.*

12) *Elem. Physiol. T. II. p. 206.* Confer. etiam p. 202 et 252. *Oper. minor. T. I. p. 233.* Nervis magnam vim in secretionis negotio concedit is *Elem. phys. T. II. p. 438-442*; de quo alibi fusius dicam.

actiones veneris stimulo obtemperant casta reluctante mente. In nervos autem vitalia adeuntes organa, nullum menti imperium concessit sapientissimus Creator, ne ea impedire posset, quo minus, excitato ad reactionem sensorio, in hos fieret virium nervosarum impetus, indeque cor et arteriae ad enormes cicerentur motus. Nisi enim incitatae vitales actiones, ut quibus peculiaris obeundi hujus muneris potestas, statim subigerent et exterminarent hostilem inter corpus susceptam materiam labemque nervis inusitam deleverent, C. H. nocivorum rerum actioni, cui perpetuo expositum est, mox succumberet.

Praeter singularem vero sensorii constitutionem et aliae extant causae, quibus fit, ut vasculosum systema a quocunque stimulo facilius commoveatur. Cordis enim fibrae reliquas exquisita irritabilitate praepollent, ad minores stimulos sensibiliores sunt e corpore eulsae vim suam diutius servant. Vix iis cedere videntur vasorum fibrae, quam cellulosa firmitus obvolutae experimentis difficilius subjiciantur; venam caavam mortuo corde vim suam irritabilem retinere plurimi voluit. Deinde vasa stimulos suos continent, et sibi met ipsis eos applicant. Quod si ergo, nervorum impetu aucto, eorum irritabilitas per se vividissima, vel parum increfcit, vasa aduersus solitos stimulos impatientiora reddita, motus exerunt vehementiores 1).

Sic omnia conspirant, ut salutifer ille scopus, quo corpus afflicturn exortis turbis ab interitu suo liberatur, obtineatur et *Febris* euadat morbosarum affectionum omnium frequentissima.

§. XVIII.

F e b r i s.

Haec enim ille est, qui ex vitalium nervorum fuscitato impetu, indeque aucta cordis et artierarum irritabilitate immediate profluit, effectus.

Et sub vehementissimo quidem et primo nervosae potentiae impetu talis irritabilitatis gradus et tantus ad contractionem nifus cordi conciliatur, ut a solita sanguinis copia distendi se non patiantur ejus camerae, sed a minori recepta vnda ad contractionem mox cieantur, istam vehementer expellant, novamque recipiant. Majorum artierarum resistentia vi cordis vehementiori superatur, sed et ipsae aucta fortitudine sanguinis columnam celerius promouent. Coarctata minora vascula humorum omnem fere ingressum repudiant. Sanguinis igitur circulatio majoribus vasis, anastomosibus vbique junctis, fere tota perficitur; et vasa, quibus tam propter tunicarum laxitatem, quam ambientium debiliorem compressionem minor est resistendi facultas, sanguinis copia obruuntur. Pulmonum et portarum vasculosum systema praesertim grauari manifestat anxietas, difficilior respiratio, praecordiorum oppressio, nausea, conatus vomendi. Peripheria corporis pallet, corrugatur, disparent contracta ejus superficialia vasa. Pulsus parvus, durus, tremulus, celer. — Excretiones supprimuntur, vrina mingitur aquosa. Horret omne corpus. —

Kk 2

Remittente

1) Febres etiam a stimulis intra vasa praeternaturalibus acrioribus posse accendi, nequaquam nego! plurimas tamen dari, et ex mea sententia frequentiores, in quibus sal-

tim ab initio humorum vitium accusari nequit, persuasum mihi habeo. Sed alio loco commodius de hoc sermonem faciam.

Remittente vehementissimo hoc impetu, imminuitur vasculosi spasmi intensior gradus. Majorem sanguinis vndam recipit cor, arteriae magis distenduntur magnum, fortem et frequentem exhibent pulsum. Sanguis velocius currit, per totum vasorum systema aequalius dispescitur et in minora penetrat vasa: rubro igitur colore suffunditur cutis, arida tamen tactuque aspera se offert; exhalantia enim vasa nondum patent perspirabili materiae, nisi violenta arteriarum actione superatur eorum contractum lumen, et vi febris sudor exprimitur noxius ut plurimum, quippe qui potius a morbo intenso, quam soluto producit. Aestus vrget. —

Donec tandem deleta fere in nervis febrili caractere omnia remittant phaenomena; pulsus ad naturalem redeat normam; vasa relaxentur; perspirabili materiae pateat exitus; sudore aequali madeat corpus; crassior profluat vrina; aliaeque contingant excretiones, quibus materia vitiosa vel ante febrem jam extans, vel in ipsa ea demum generata ejicitur, et febris solvatur.

Haec vero phaenomena accuratiori subijciam examini, postquam febrium causas et aptitudinem ad suscipiendam eam considerauero.

§. XIX.

Causae Febrium et earum Actio.

Proximam febrium causam in excessu vis irritabilis vasorum ponenti mihi nemo contradicit, qui BOERHAAVIO de proxima morborum causa definitionem ab omnibus receptam assumit; ille vero, „Causa, inquit, proxima appellatur tota illa simul, quae totum jam praesentem immediate constituit; haec semper est integra, sufficiens, praesens, totius morbi, siue simplex fuerit, siue composita. Hujus praesentia ponit, continuat morbum. Hujus absentia eum tollit. Est fere idem ens ipso integro morbo: Hinc inquisitu vtilissima, maxime necessaria 1).“ Cum enim febris essentialis character consistat in quadam motuum vitalium anomalia, hi vero vi vitali vasorum perficiantur, sequitur non perturbari posse, nisi haec ipsa vis afficiatur; et quamquam largimur, fluidorum malam crasin illius affectionis causam saepe esse, tamen vi vitali febris immediate formatur; et sic fluida quidem occasionem praebere possunt, febrem autem nunquam producant.

Causas occasionales vocarunt medici illas a rebus externis illatas injurias, quae febrem saepe excitant. Non tamen febris ab iis immediate pendet; sed est viui corporis reactio, quam, ab iis incitatum, exserit. Agunt itaque stimuli instar irritando. Cum vero difficile intellectu sit, qua ratione in vasculoso systemate tantas cieant turbas, nisi ea, ut nervos afficiant: probabile omnino sit, nervosum systema ab illis ita mutari, ut febrem excitet. Rarius quippe observatur, statim febrem exardescere, postquam corpori applicatae fuerunt, sed insurgit illa, si dudum jam cessavit earum actio. Neque febris curatur remediis illis oppositis, sed si semel corpus afflixerunt, exorta febris suum absolvit decursum. Talem enim sensorio labem induxisse videntur, quae non nisi temporis decursu et enormibus motibus, a propria reactione editis, deleri se patitur. Sic extracto licet vulnerante gladio, inflammatoria febris tamen exoritur.

Non

Non requiritur autem ad stimulum acris quaedam seu crassior res, sed quodcumque nervis, quibus applicatur, molestum, imo subtilissima sufficit materies. Latet vero modus, quo in nervos externa agunt, neque unquam detegi posse spes est; physica lege per motus communicationem non fieri, facile apparet. Pendet itaque nullo modo a fortitudine stimuli reactionis gradus, sed a leuissimo stimulo vehementissimos motus, a forti nullos saepe produci observamus. Nec anima ejus sit conscia semper et rarius distinctam ejus ideam habet.

Et multa alia circa stimulos et occasionales febrium causas latere, agnoscunt omnes. Iisdem injuriis aliqui corpora impune exponunt, quae in plerisque atrocissimam accenderent febrem, et tamen a levioribus, quae alios non afficerent, in eam incidunt. Medici ideo occultam aliquam dispositionem assumerunt, quae peculiari indigeret stimulo, quo excitata febrem producat. Etenim non omnibus corporibus ad eundem stimulum eadem est sensibilitas, ergo et ejus effectus varius erit, quoad singularem individui constitutionem. Nec solum attendendum hic est ad majorem in genere sentiendi facultatem, sed ad istam erga singulares stimulos peculiarem sensibilitatem; mutua nempe aliqua affinitas inter corporis dispositionem et excitantem causam adsit, necesse est, qua ambo conspirant in producendo effectu. Notissima sunt *Idiosyncrasiae* mirabilia phaenomena. Gratus et plerosque reficiens Moschi et Zibethi odor, naribus tenerae feminae applicatus, vehementissimum excitabit hystericum insultum; fragrantia rosae effluvia animo deliquescere faciunt quosdam; gratus erat albarum odor, ingratus rubrarum²⁾. Felis, licet occulta sit, exhalationes in multis hominibus anxietatem, sudorem, animi deliquium excitant. Ex pomorum odore animi deliquium³⁾; a fragis mira symptomata⁴⁾; ex casei odore haemorrhagia narium⁵⁾ observata. Et fere omnes illi, quibus sensibiliores sunt nervi, horrent a quibusdam rebus, quae reliquorum consensu ingrati nihil habent. Haec satis demonstrant, eundem stimulum posse quosdam valide turbare, dum alios non moueat, ideoque requiri, ut corpori insit ad stimulum aliqua relatio, sine qua nullam habebit efficaciam.

Consideranda etiam consuetudinis magna potestas; hac enim corpori erga nocentissimas res insensibilitas inducitur. Assuescimus continuato usu venenae; tabaci fumus, plena vino pocula a quibusdam impune hauriuntur, quae non assuetis summas creant molestias. Tormentorum explosionem non sentit exercitatus miles, nec mari assuetus nauta vomitu et nausea tentatur; horridus cadaveris aspectus, nauseosus odor delectat veterem anatomicum, qui ipsi tyroni animi deliquium induxit. Ejusmodi consuetudine non omnis in genere imminuitur sensibilitas, sed modo singularis illa aduersus aliquas res; ab aliis enim, quae levius saepe agunt, valide commouetur idem corpus. Hic est causa, cur tenerae puellae nudas partes frigidissimo tradere aeri; cur quidam acriora impune deglutire, contagio sese exponere possint, nec tamen febre corripiantur. Anne et ratio inde petenda, cur a quibusdam morbis non terrore afficiuntur, qui eos semel experti sunt? Anne hinc intelligitur, cur nervi a varioloso miasmate non iterum suscipiant illum characterem, quo altera vice tales motus in corpore producantur,

Kk 3

tur,

2) *Ephem. Nat. Cur.* D. II. An. V. obs. 8.

4) *ibid. An. V. Observat.* 214.

3) *ibid. An. I.* obs. 72.

5) *КААВ БОЕРХААВ. imp. fac. S.* 409.

tur, quales requirerentur, ut variolosus morbus in corpore, et variolosum pus in cutis superficie generetur?

Corporis eam aptitudinem, qua fit, ut a peculiari stimulo incitari se patiatur, ab omni aeuo probe intellexerunt medici, eamque *Praedispositionem* dixerunt; et recte monuit GALENUS, „quod nulla causa sine corporis aptitudine agere possit: alioquin „omnes febricitarent, qui in sole aestiuo versantur, aut vinum bibunt, aut irascuntur 6).“

Non solum autem in variis indiuiduis diuersa est ad stimulum aliquem sensibilitas, sed in eodem etiam mirifice differt. A quibus enim alio tempore blande affiebatur corpus, ea nunc non fert, sed ad vehementissimas turbas incitatur. Hystericae feminae in interuallis perfecta gaudentes sanitate, a rebus illis non commouentur, quae illas alio tempore, quo nervosum systema occulta ratione turbatum erat, in lipothymiam, spasmos, conuulsiones coniciebant. In tetano adeo sensibiles fiunt infantes, ut leuissimus stimulus, sonus, tactus corporis, quinimo vestium, conuulsuos excitet spasmos 7).

Variant et stimulorum effectus secundum differentiam et constitutionem partium, quibus applicantur. Sonus oculum non mouet, neque luminis radius aurem. Tartarus emeticus non afficit linguam, nec sensibillimos oculos, ventriculum vero, qui tot alia acia fert, ad enormes citet contractiones. Et quibusdam stimulis peculiaris est in nervos singularum partium potestas, licet per omne corpus aequaliter dispergi, nec hisce partibus prae aliis applicari videantur. Dantur itaque medicamenta diuretica, quae solum in systema vropoieticum agunt; emmenagoga, quae in vterum; Mercurius, iusta dosi adhibitus, saluam tantum, non alias excretionem mouet.

Ex his itaque intelligitur, cur a stimulis non omnibus, nec ab eodem stimulo in quouis homine, febris excitetur. Quaedam tamen res frequentius febrem accendere obseruatae sunt, et ideo occasionales febrium causae a medicis dictae. Et cum inter vulgum sunt cognitae (imo notae nimis, cum saepe a medico importune postulant, ut euidentem externam determinet causam, qua inducta fuerit aliqua febris) earum enumeratione facile supersedere possum. Irritamentum corpori applicare omnes, unusquisque, qui attentius eas considerat, intelliget. Quarundam tamen agendi modum paulo accuratius contemplandum mihi sumam.

Distingui solet inter causas *singulares et epidemicas*. Epidemicae pluribus communes sunt, nec facile vitari possunt; aeris constitutioni et victus rationi originem debent. Cum vero hae ita tantummodo disponere videantur corpora, ut a leuiori occasione febris facile inuadat, et febris quacuis exorta peculiarem assumat genium, eorum mentionem ibi faciam, ubi de *Praedispositione* sermo erit.

Non commutandum cum illis contagium, cui major, quam aliis inest obsecritas. Illud tamen nervos praesertim afficere, quae suadent, multa in prompta sunt argumenta, antequam vero de variis humorum degenerationibus dixerem, vix proferenda. Quam ob causam hanc materiam alibi tractandam relinquo.

§. XX.

6) De febris S. I. cap. IV.

7) HILLARY *Diseases of Barbadoes* p. 241.

§. XX.

R e f r i g e r a t i o.

Cum haec subitanea praesertim, inter frequentissimas sit febrium causas referenda, eam accuratius considerare libet.

Ab eo inde tempore, quo SANCTORIUS insensibilis perspirationis negotium studiosissimis inuestigavit experimentis, ratio, qua corporis refrigeratio tantum sanitati detrimentum afferat, unanimi fere medicorum consensu in eo fuit posita, quod, constrictis a frigore cutaneis emissariis, perspirabilis in corpore retineretur materia; quae, tum quia humorum nimis augetur massam et plethoram procrearet, tum quia ipsa officii suis in corpore functa, ad eliminandum parata, jamque ad putredinem vergens, humores inquinaret, si in eorum orbitam rursus reciperetur, sanitati necessario perniciosissima foret.

Quo probabiliora haec primo intuitu sunt, eo magis, accuratius paulo pensitata, in dubium posse vocari, videntur.

Quinque octavas partes ingessorum per transpirationem excerni contendit SANCTORIUS. Plurimi jam volunt, nimis magnam et incredibilem esse eam perspirationis copiam, et experimentis omnibus, recentioribus temporibus et sub aëluoso etiam coelo institutis, plane contrariam.

Longe minorem eam inuenit IAC. KEIL et admodum variabilem, monuitque, eam insigniter minui et mutari posse, absque ullo manifesto sanitatis detrimento.

Quatruplo sensibiles excretiones superare insensibilem inuenit FLÓYER ¹⁾, neque hanc ante asthmae insultum imminui observauit, ut in omni morbo ad SANCTORII mentem fieri deberet.

Omnium acerrime in SANCTORIUM inuehit THOM. SECKER, qui illum in multis GALENUM exscribere et imitari, ex theoria aphorismos condere, sibi quae saepius contradicere, audaciter contendit ²⁾.

BRYAN ROBINSON institutis suis experimentis ³⁾ edoctus fuit perspirationis et urinae semper eam esse rationem, ut aucta illa, haec imminuatur, et contra. Instituit quidem experimenta tantum ab *Aprili* mense ad *Novembrem* usque repetitis tamen illis media hyeme, inuenit, tantum tunc urinam excedere perspirationis copiam, quantum haec illa major fuit in aestate ⁴⁾.

Pulcherrimas experimentorum in *Carolina meridionali* institutorum tabulas dedit LINING ⁵⁾, atque excretorum proportionem in variis anni temporibus admodum differre et perspirationis copiam sequi caloris gradum ostendit, observauitque ille, se a *Martio*, usque ad *Septembris* finem XVII libras ponderis sui amisisse, tantum vero et amplius versus *Februarii* finem rursus accepisse, in tanto tamen corporis incremento ac perspirationis decremento prospera fruitum esse valetudine. Et ipse SANCTORIUS fatetur, ab aequinoctio autumnali ad solstitium hyemale quolibet die

minius

1) *Tr. of the asthma* p. 196. 200.

2) *Dissert. de med. statica* in HALLERI *dissert. anat. collect.* T. III.

3) *Animal Oeconomy* p. 259. edit. 3ia.

4) *ibid.* p. 261.

5) *Philos. Transact.* Vol. XL. N. 470.

minus libra perspirari, ideoque minus quinta parte ejus copiae, quae alio tempore exspirata fuit 6).

Ex his constat, hanc excretionem adeo variare, ut fixi quid de ea minime stabiliri queat. Atque si plura in iis praesertim, qui aeris injuriis sese absque ullo incommodo exponunt vitamque sub frigidissimo coelo degunt, tentamina instituerentur, non dubito, fore, ut major longe observetur differentia.

Actio enim frigoris in cutim eadem manet, nec mutatur consuetudine; frigus in illis aequae fluidorum et solidorum moleculas adunat et cutim constringit, qui corpora frigido aeri exponere consueverunt, ac in illis, qui ea calore perpetuo fovent. Illi tamen impune id faciunt, quod in aliis dirissimae febris, imo mortis ipsius foret causa. Sic *Russi* ex fornace prodeuntes in gelidissimam nivem sese conjiciunt.

Cutis etiam perspiratio necessario supprimi debet, si ea undique pingui inungitur oleo; obstruuntur inde pori et aquoso vaporis exitus recluditur: tamen absque omni noxa id fieri posse constat. Veterum enim more post balnea ejusmodi inunctiones adhibebantur, et athletae omne corpus oleo obducebant; imo REAUMUR, cum videret insectorum prolongari vitam, si tali modo eorum perspiratio infringereetur 7), de novo eam protulit, quae antea jam BACONIS VERULAMII fuit, cogitationem, utrum idem cum fructu in hominibus tentari possit. Populi *Asiatici* totum corpus pinguibus, fuligine mistis, obliniunt, neque ullum inde sentiunt incommodum, sed potius a tali inunctione maximum in sanitatem redundare emolumentum contendunt. Atque revera a nimia perspiratione *Europaeorum* vires in calidissimis illis regionibus subito franguntur. In *Persia* cameli pice obducuntur, quia verno tempore pili cadunt, ut a muscarum puncturis defendantur.

Experientia itaque ostendit, transpirationem absque sanitatis detrimento imminui posse et supprimi, atque corporis saepe robori prodesse, ut minori quantitate fiat; manifeste enim debilitamur aucta nimis per aestatem transpiratione, dum contra a frigore leue agileque sentitur corpus.

Neque theoria magis probabilia reddit gravia illa mala, quae ex suppressa transpiratione vulgo deducuntur.

Quod attinet ad repletionem corporis inde factam, haec certe parvi est momenti. Si enim per unam alteramve horam plane supprimi posset, humorum massa vix aliquot uncias augetur; longe major vero chyli copia a largiori passu sanguini accedit. Sed insuper unam excretionem alterius vicem statim supplere, semper observamus; excipit suppressam perspirationem largior diuresis, seu diarrhoea; diarrhoea sistitur, quando humores ad superficiem corporis determinantur, et aucta transpiratione immittitur lotii quantitas. Et utinam febres post refrigerationem oriundae repletionis et plethorae essent effectus, facilius tum euacuantibus, venae sectione et inedia in initiis statim sanari possent.

Neque

6) *medic. Statist.* Sect. II. aphor. 21.

7) *Memoir. pour l'histoire des Insectes* T. II. p. 52 et seqq.

Neque indole sua perspirabilis materia nocet. Non videtur enim in sano statu ex sanis humoribus, quibus perspirabilis materiae partes semper continentur, secreta illa materia, cito adeo putrificantem talem indolem sibi acquirere, ut in sanguinem, ex quo modo secreta fuit, regressa, omnes inquinat humores. Stagnantes enim et secreti in corpore humores nunquam ita nociui euadunt, cum eos quotidie absque ullo incommodo in circulum recipi, observamus. Plurimum posse ex urina in vesica jam deposita resorberi, si illa retinetur, demonstrat retentae urinae spissitudo et altior color; imo, vesica jam distenta, si valido motu ad sudorem usque exercetur corpus, cessat, qui antea aderat, ad mingendum stimulus, et postea urina parva tantummodo copia mitti potest. Similiter a fecibus retentis multum resorbetur. Sed manifestissima stagnantium humorum resorptio fit in hydropicis, dum a morbo suo liberantur, citra ullum incommodum. Et extraneas alia in circulum tuto recipiuntur. Si vero unquam humores stagnando tam nociuam assumere possent qualitatem, ut reliqui omnes inde inficerentur, certe in hisce foret casibus: cum vero nullum inde oriatur malum, multo minus a corrupta materiae perspirabilis indole aliquid metuendum est.

Tristis tamen et frequens experientia noxium et lethiferum subitaneae refrigerationis effectum nihilominus probavit. Quot enim homines longo itinere, calore et siti aestuantes, cum multa gelida assumpta refrigerare se cuperent, inopinata morte sitim suam extinxerunt! Alia itaque ratione agat refrigeratio, necesse est, cum suppressa transpiratio tantorum malorum causa esse non potest. Et quid mirum, summum frigus, aestuanti applicatum corpori, vehementissimi stimuli effectum exserere, nervosum genus vehementer turbare, irritare, partes ideo omnes corrugare, corporis functiones omnes suppressare et spasmo universali mortem inducere? Differt vero effectus vehementia quoad gradum refrigerationis et corporis sensibilitatis. Ita in calidiorum regionum incolis, quibus nervosum systema longe mobilius majorque ad spasticos morbos dispositio, a nocturna refrigeratione tetanus solemnis est; nostra vero corpora eum usque in gradum, nisi omnem modum excedat refrigerium, tantum stimulari modo videntur, ut irritabiliora vitalia organa spasmus unice inuadat et febris producat, cum partium quarundam inflammatione plerumque conjuncta; simili modo in illis a vulnere tetanus exoritur, nos vero febre tantum affligimur.

Neque tamen ita velim intelligi, ac si omnes transpirationis suppressae noxas plane negarem. Diutius si suppressitur, omnino corpus grauare et variis morbosis affectionibus ausam dare potest. Plurimorum etiam catharrhalium febrium ortus inde deducendus videtur, ut inspirationis auctae, quod *Anglis* vulgo *frigus susceptum* adaequate dicitur, omnino ratio habenda sit, sicut egregie ostendit IAC. KEIL. Sed febres inflammatorias acutissimas, a momentanea quadam refrigeratione exortas, retentae transpirabili materiae tribuere non possum.

§. XXI.

Animi Affectus.

Inter frequentiores febrium occasionales causas animi pathemata merito referuntur. Iam ipsa eorum phaenomena breuior febris dici possent; vehementior fit ab ira
Ludwig Script. neur. min. T. III. L I pulsus,

pulsus, calet omne corpus, scintillant oculi, omniaque ardentioris febris symptomata excitantur. Haec tamen plerumque post aliquod tempus facile compelescuntur. Sed et quotidie fere febres diuturniores ab animi commotionibus accenduntur, quae tamen vix ab illis solum, sed potius a latente jam praedispositione, ab illis exstimulata, inductae videntur. Varias enim animi affectiones diversas in corpore efficiunt mutationes; intenduntur in ira omnia, relaxari videntur a moerore, obrigescere a subitaneo terrore, tamen omnibus eadem ad excitandam febrem potestas, si in corpore aliquam dispositionem offendunt. Neque dijudicandus est febris gradus, nec periculum, nec genius ex pathematis vehementia et indole, sed excitata febris corporis tunc temporis constitutionem sequitur. Si epidemica constitutio ad febres singularis generis corpora disposuit, celerius nihil, quam mentis commotiones, in epidemicam febrem conjicit.

Tamen et certum est, animae affectiones, praesertim si protractae fuerunt, nervosum genus totumque corpus ad peculiarem febrem dispositum reddere, tumque exortae febris relationem ad pathema esse. Sic ira diuturna biliosam febrem in omni corpore procreare potest, et a moerore, ex infelici amore concepto, veram *lentam nervosam Anglorum* et quidem exitialem observavi.

§. XXII.

Praedispositio ad Febrem.

Omnibus quidem hominibus morborum semina natura jam insunt, singularem vero ad peculiarem aliquem morbum dispositionem non omnes eodem gradu alunt. Neque minor hic, quam inter homines ipsos, observatur differentia; ut enim in omni terrarum orbe duo non reperiuntur homines sibi perfecte similes, sic etiam circa valetudinis statum aliqua semper obtinet differentia. Cum tamen ex notabili aliqua, quoad corporis constitutionem, observata affinitate variae constitui potuerunt temperamentorum species, sic unum quoque prae altero hominum genere quibusdam morbis magis expositum invenimus. Morborum vero, qui singulari temperamento praesertim competant, et cur hoc prae illo hominum genere cuidam morbo magis expositum sit, indagatio foret utilissima, sed et difficultatum plenissima.

Aptitudinem ad suscipiendam febrem quaesiverunt plerique in sanguinis densitate, nunc in solidorum nimia strictione. Mihi vero generatim in ejusmodi conditione febres solemniores dicendae minime videntur, cum profecto sub contrario corporis habitu longe frequentius occurrant; probe enim nutritum corpus, robustioribus conflatum fibris, sanguinem vasa pervolvens crassiorem, injuriis, quae certe tenerioribus febrem inducerent ardentissimam, tutius exponi posse observamus. Chirurghi in robustis minus timent inflammationis vehementia, quam in teneris. Verum quidem, illos, qui semel decubuerunt, gravius aegrotare solere: hoc tamen non corporis majori ad febrem dispositioni, sed stimuli vehementiae tantae, quae minus sensibile corpus ad febriles usque motus laceffere potuit, tribuendum erit. Pestis ergo et omnes contagiosi et epidemici morbi semina et teneriores magis invaserunt; ex illis vero, quos aggressi sunt, atrocius laborarunt robusti, pluresque perierunt. Ita minoris momenti sunt in infantibus

bus et teneris convulsiones, in quibus a leuiori stimulo, a vermibus in intestinis hospitantibus, facile producuntur: in robustis vero grauissimum portendunt periculum, non quia in his per se vehementiores sunt, sed quia iste stimulus fortissimus sit, necesse est, qui ad tantas turbas incitare potuit callosos nervos.

Neque tamen contrarius corporis habitus, cum fibra laxa et sanguine inerte, magis fouet febris feminia. Fortissima enim stimulantia fert leucophlegmaticum corpus et difficillime in febriles motus erumpit.

Et tandem nulla cognita est peculiaris humorum crasis, quae corpori ad febrem maiorem dispositionem conciliaret. Varias cacochymias nullam ad febrem habere inclinationem scimus, sed febris corpora laudabilibus gaudentia humoribus omnium frequentissime inuadit.

§. XXIII.

Considerauimus corpus nostrum a Creatore ita constitutum, vt, a re quadam moleste affectum, reactionem non solum in laesa parte ipsa, sed in aliis etiam exferat. Hujus reactionis causa merito posita fuit in ejusmodi sensorii communis ab ipso stimulo inducta mutatione, a qua tales motus physica lege produci debent. Febrem ad hasce reactiones potissime referendam, esse inter eas frequentissimam, sano statui conuenientissimam et ad corporis conseruationem vtilissimam, dixi. Patet itaque in omni corpore, etiam sanissimo, adesse dispositionem, qua febris semper excitari possit, si potentia satis valida corpus vexet ejusque reactionem incitet: in omni ergo homine post violentiorem sensibilioris partis laesionem febris cum inflammatione accenditur.

Videtur autem hanc communem et naturalem ad febres dispositionem ad morbosum vsque gradum saepius augeri posse sic, vt a leuiori irritatione, quae in alio subiecto vix vllum produxisset incommodum, febris exardeat grauissima. In vitiosam potius praedispositionem, quam in leuiorem istam occasionem culpa hic rejicienda erit; et nemo quidem negabit, huic auctae dispositioni plures tribuendos esse febriles motus, ac procatharticiis illis causis, febremque fore longe rariorem, si nunquam, nisi externae potentiae sufficienti actione, excitaretur. Quantos enim quidam in rebus non naturalibus committunt errores! et ab omni tamen febre immunes manent, nimiaque si audacia omne contemserunt periculum, et febrem sibi induxerunt, benignissima saepe est illa, et cito soluitur. Alii contra, dum summa adhibita cura nociua quaeque fugiunt, periculosa febre animi forsitan minori alteratione corripiuntur. In epidemicis constitutionibus hominum corpora ad suscipiendum morbum adeo sunt procliuia, vt res aliqua, cui alias nulla fere potestas, epidemicam febrem nunc accendat; vnde etiam, si morbus communis per populum grassatur, nimia ad effugiendum illum adhibita cura in ipsum praecipitat et medicamenta ad praeseruationem assumpta, dum aliquem addunt stimulum, morbo expectatam praebent occasionem¹⁾. Hinc probe monuit GALENUS, „corpore nostro ad morbos praeparato, externum quoddam adueniens febrem accendere, quod ex se morbum, vehementem minime generaret²⁾“.

Ll 2

§. XXIV.

1) SARCONE von den Krankheiten zu Neapel T. II. p. 67.

2) Comment. IV. in HIPPOCR. de victu acut.

§. XXIV.

Sed in quo consistat nimia haec ad febrem dispositio, quibusnam augeatur causis, haec abstrusiora sunt, et conjecturis solis hic locus erit.

Id tamen experientia constat, facileque ratione intelligitur, sensibilitatem majorem febrilibus morbis homines reddere obnoxios.

Induratum enim laboribus corpus amittit exquisitam illam sentiendi facultatem, quae sedentaria vita, duriorum fuga laborum et ingenii virium cultura ad maximum augetur gradum. Si illa obtunditur, perit simul gratissimarum voluptatum delectans sensus, sed et acerbissimorum malorum fons exsiccatur. Gaudent sensibiliores oblectamenti, quorum nec ideam sibi fingunt torpidi, sed et opprimuntur illi continuo malis, quae ab his non cognoscuntur. Et ut sensibiliores sensus tam interni, quam externi, delicias offerunt paradisiacas, sic et furiarum lacerant flagellis. Sensibiliores non solum animi pathemata ingentia, tristitiam, desperationem summam fouent, sed et corporis cruciatibus maximis vexantur. Mobiles enim nervi stimulis infestis resistendi non habent facultatem, sed perpeffam affectionem sensorio communi deferunt, animaeque denunciant. Si igitur a stimulo mobilissimum afficitur sensorium, reactiones illae facilius excitantur, quae febris constituunt essentiam, nisi inde adeo perturbatur sensorium, ut animales partes conuellantur.

Deprehendimus hanc ob causam in junioribus maximam ad convulsiones et ad febres dispositionem. Corpora quippe illorum mobilissima exquisita gaudent sensus facultate, nervorumque, pro corporis mole, majorem habent quantitatem. Iam dixit HIPPOCRATES, *illos, qui crescunt, plurimum habere calidi innati*. Sic et feminae masculino sexu acutis morbis magis obnoxiae sunt; tanta enim pollent sensibilitate, ut HIPPOCRATES *Mulieres, omnem morbum bis pati existimet*.

Humorum tamen et aliqua ratio habenda est. Ut enim sanguinis irritatio in naturali statu immediata est alternantis cordis contractionis causa; sic etiam plurimum conferre videtur major vel minor ejus-efficacia in acceleranda illa; et quanquam in genere dici non possit, sanguinem acriorem vehementius exserere istum stimulum, cum ab acerrimo et quasi corrosivo scorbuticorum sanguine vix celeriore observemus pulsus: probabile tamen est, inertem sanguinis conditionem minorem ad febrem dispositionem conciliare. Inde causa repetenda videtur, cur in hysteriarum sensibilibus corporibus febris non frequentius oriatur; humorum quippe aliqua leucophlegmatia hysteriae familiaris est.

Sed haec non sufficiunt; torpidum quoque, et leucophlegmaticum corpus suscipit febrem a leuiori causa, ideoque et hoc ad eam dispositum esse patet. Atque hypochondrium semel ingressus, ulterius proficisci audax conor.

§. XXV.

Non abest a veri specie, peculiarem sensorii constitutionem praesertim esse, quae ad febrem corpora disposita reddat.

Systema nervosum morbosam assumere posse conditionem et variis laborare vitiis, quae in sensibilitate ejus aucta, vel imminuta, seu vitiosa consistunt, unusquisque concedit.

cedit. Ad sensibilitatem vitiosam referenda est morbosa illa consensatio, qua aliqua pars omnium corpori applicatorum stimulorum particeps fit (§. 12.). In nervis enim hanc ingredientibus partem ita excedit principii sentientis mobilitas, ut a quacunque in sensorio facta sensatione in actum ponatur. Si ad partes attendimus, quae vitiosa tali consensatione prae aliis vexantur, invenimus, esse illas, in quas animae concessa non fuit potestas, ut ventriculus, intestinorum canalis, hepatis ductus, renes variaeque glandulae. In hasce enim partes nervosi principii impetus a physica pendet actione, ab anima nec suscitari, nec impediri potest. Inter eas vitalia organa principem tenent locum, et uti generalem sympathiae legem agnoscunt et febrem semper movent, si vehementi stimulo corpus irritatur: sic, quando aliquo modo nervorum ad illa abeuntium sensibilitas praeter naturam aucta est, vel ita hi constituti sunt, ut cerebri sensationis facilius communicetur, adest praeternaturalis ad febrem dispositio, atque tum stimulus, cui alias tanta potestas non esset, febrem poterit accendere. Requiritur tamen talis stimulus, ad quem nervis, quibus applicatur, est sensibilitas, ab alio enim non moventur. Probabile tamen est, nervorum cardiacorum sensibilitatem ita quandoque augeri posse, ut etiam absque accedente externo vel interno stimulo per se in febrem actionem erumpant.

§. XXVI.

Monere porro debemus, actuum horum nervorum principium, semel si incitatum est, non statim ab impetu suo remittere, quamquam stimulus ille laceffens jam sublatus sit. Nervis enim talem inuri posse labem, scimus, qua absque omni materiali causa anomalam actionem edunt (§. 13.). Quamquam in multis febribus assumi possit materiale quid, quod stimulet, siue illud ante febrem jam adfuerit, eamque excitaverit, siue demum per febrem generatum: tamen nec raro aliae observantur, ubi omnis materialis causae suspicio fere abest, et quae remediis in nervos agentibus sine ulla excretionem finiuntur. Sic intermittentes febres, dum, suscitato dolore vel terrore injecto, mutabatur sensorii tenor, curatas saepe legimus.

Neque febrem a praesente in corpore materiali causa semper pendere, inde manifestum est, quod aliquando sublata febre omnia suppositae causae signa adhuc supersint; post biliosas febres penitus solutas, ictericus oculorum et cutis color, sapor in ore amarus, flavus in lingua mucus per plures dies adhuc observatur; vidi ipse, viderunt plurimi post febrem petechias superfuites, et etiam absque febre ejusmodi stigmata ab extravasato dissoluto cruore; signa certissima, nec bilem vitiosam, nec sanguinem corruptum (etsi de scorbutico ictericum taceo) per se proximam et immediatam febris existere causam. Quid, quod fere ausim contendere, humorum illas degeneraciones rarius primam praebere febri occasionem, cum plerumque in febre primum generentur, rarissime ante ejus ingressum jam existent. Huic vero disquisitioni locus nondum hic est.

§. XXVII.

Illam vero, quam ad febrem disponere diximus, praeternaturalis nervorum vitalium sensibilitas, non a natura adest, nec pendet à singulari sensorii organismo, sed

in eodem homine nunc adesse potest, nunc abesse, ut et alias partes non semper, sed quandoque tantum consentire observamus. Causae profecto adsunt tam externae, quam internae, a quibus haec vitiosa dispositio inducitur; cum vero mutationum in sensorio factarum (§. XI. not. p.) ratio plane lateat, latebit etiam causarum illarum agendi modus.

Patet tamen istis rebus, quarum insignis in nervosum systema potentia cognita est, vitiosum hunc sensorii tenoremtribuendum esse, praesertim cum constet, corpora ab iisdem febribus reddi obnoxia.

Principem inter has locum aerem tenere, neminem, qui ejus potestatem, tam in mutando sensorio, quam in producendis epidemicis morbis, simul attendit, negaturum esse credo. Missi itaque reliquis causis, quae febrilem praedispositionem inducere possunt, breviter saltem, quid de *epidemica constitutione* sentiam, exponam.

§. XXVIII.

Aeris in Nervosum Systema influxus.

Aerem eumque continuo renouatum ad sustinendam animalium vitam prorsus esse necessarium, omniaque animalia, postquam in lucem prodierunt, mox extingui, si illo carent, cognitum est omnibus, numerosissimisque evictum experientiis. Quacnam vero sit aeris in corpus per respirationem introsuscepti vera utilitas, dictu sane non facile. Aequè dubium est, quomodo aer jam inspiratus et rursus emissus ita immutetur, ut ad vitam alendam iterum inservire non possit, ideoque animalia, nisi renouatur, pereant.

In gravitate ejus imminuta causa minime ponenda, cum mercurius in corrupto ejusmodi aere fere non, vel longe tamen minus cadat, ut saepissime a mutata atmosphaera absque ullo sanitatis detrimento fieri solet; nec a calore repetenda, cum vix adscendat thermometer¹⁾; nec ab admisso humore, cum in vaporum balneis absque incommodo aerem inspiremus aquosis particulis longe magis refertum.

Summa itaque probabilitate gaudet illa, ab antiquis jam recepta et magnorum seculi nostri virorum assensu confirmata de *vitalis pabulo* hypothesis. Statuunt nempe inesse aeri incognitum hucusque aliquod principium, quod uti ad flammam, (quae in eodem aere, in quo vitam amittunt animalia, extinguitur) sic etiam ad animalium vitam sustinendam necessario requiratur. Voluerunt hoc principium, inspirando in pulmones introductum, resorberi, et vis vitalis nutrimento impendi, ideoque aerem hoc orbatum illam, qua vita alitur, proprietatem amisisse.

Alienum nimis foret a scopo meo, illa, quae pro hac theoria militat, argumenta repetere. Non possum autem, quin profitear, vero longe similis me ducere, quod animales spiritus (sit venia verbo) ex aere pronascantur, quam ex cibis, et aer potius, quam hi eos modificetur. Si enim alterutri in formandis nationum genis aliqua est potestas, major certe aeri erit, quam victus rationi. Et vix quidquam conferre videntur

1) Accuratissima sunt, quae circa hanc rem experimenta instituit JOSEPHUS VERRATI in Tract. de animi quarundam et ra-

narum in aere interclusarum interitu Comment. Institut. Bonon. T. II. P. II. p. 267.

videntur cibi, Gallicus certe agricola nostris subtilioribus non vescitur esculentis; gallica vero aromatibus condita fercula spirituosaque vina apud nos diuturnum aequè ingrediuntur epula. Quantum vero ad nervorum integritatem ac levis conferat, satis lucide perspexi, cum Hercyniae montes adscendens ineffabilem mentis hilaritatem, nunquam antea expertam, quasi inspirare sentirem. Vidi hilaritatem, qua exultabant omnes, imprimis vero miratus sum alacritatem metalli fossoruni, qui durissimis pressi laboribus tenui victu ac vili vitam sustentant, ac puerorum salacitatem, qui conterendis ac subigendis metallis inferuientes, praeter panem ac lympham nullas alias gustant dapes.

Ac quantum quidem momenti insit ad populorum mores mutandos aeris, quem spirant, variae conditioni, tam philosophi, ex quibus MONTESQUIOU nominasse sufficit, quam medici grauibz adeo probarunt argumentationibus, ut addi vix quidquam possit; atque esse magna ex parte aeris singularem constitutionem, quae alacres Gallos, Italicos acutos, Britannicos magnanimes, constantes et ad labores indefessos reddat Germanos, jam omnes fere concedunt. Quid, quod observamus, illorum temperamenta quasi mutari, qui ex vna in alteram se conferunt regionem. Animis ipsis differre varias nationes, mentem cum patria mutare homines, quis contendat? Singularem ergo mobilitati, ab aere nervosae potentiae inductae, merito hoc tribuimus. Jamque antiquissimis temporibus rei veritatem agnouit magnus utique medicinae parens HIPPOCRATES, et plurimum pendere hominum mores ab aeris varietate pulcherrime proposuit in libro *de aere, aquis et locis*. „Temperies, inquit, anni temporum, augmentum corporum et morum suauitatem maxime afferunt.“ Et contendit: „neque animum, neque corpus ad laborem confirmari, ubi mutationes temporum non fiant fortiores;“ additque: „esse temporum mutationem, regionem et aquas, quae naturam mutant.“ Porro: „in Europa hominum genus valde a se differre et ad magnitudinem, et ad formas, ob mutationes temporum, quae magnae ac frequentes accidunt.“

Si vero varius aer in diverso climate systema nervosum (ab hoc enim omnium consensu pendet temperamentorum diuersitas) ita mutare valet; sic et in eodem individuo et in eadem regione diuersam illi inducere constitutionem sequitur. Equis liberius non cogitat sereno existente coelo, quam ubi nebulosum et vdim est; quis se sub illo leuiorem non sentit; quis se sub amoena Maji temperie cum plantis reuiuiscere non credit?

§. XXIX.

Epidemiae ex aeris constitutione occulta repetendae.

Epidemicorum morborum causam ex aeris constitutione deducendam esse, omnes ab HIPPOCRATE ad nostrum usque tempus probe agnouerunt medici. Intellexit enim jam dudum diuus ille senex, communes morbos communi causae, aerique potius, quam victui, quo diuerso variè vtuntur homines, tribuendos esse, qui inter alia sequentia monuit: „Morbi oriuntur partim ex viuendi ratione, partim vero ex spiritu, quem introducendo viuimus. — Diagnosin autem utrorumque ita facere oportet: Cum multi homines vno morbo corripiuntur eodem tempore, in id, quod maxime commune est, quoque omnes vtimur, potissimum rejicienda causa est. Id autem

„autem est, quod inspirando trahimus. Quod enim viuendi ratio cuiusque nostrum in causa non sit, jam liquido constat, cum morbus omnes continenter alligat, et „iuvenes et senes, et mulieres et viros, perinde temulentos et abstemios, tum eos, qui „Maza, quam qui pane vescuntur, et eos, qui multis, quam qui paucis exercitationibus vtuntur. Non igitur victus rationi assignanda causa est, cum cuiusvis victus genere vtentes eodem morbo corripiuntur ¹⁾.“ Praecipit ergo „admonendos esse homines, vt ne victus quidem rationem immutent, cum morbi causa minime existat. „Prouideant tantum, vt corpus quam minime intumescat, sitque attenuatissimum, tum „cibos, tum potus, quibus vt consueuerint, sensim demendo. Si quis enim subito „victus rationem immutet, ne quid in corpore ex immutatione innouetur, periculum „est ²⁾.“ Quaeuis enim subita in assuetis immutatio stimuli instar agere, et morbo, cui fauet corporis praedispositio, occasionem praebere potest.

§. XXX.

Manifestas tempestatum varietates, varias procreare aegritudines, aerem calore et gelu, humido siccoque, leuitate denique et grauitate diuersos in corpore exserere effectus, nemo non fatetur.

Sed intellexerunt jam summi in arte viri, veram *Epidemiarum* originem minime ex iisdem explicari posse. Accuratae recentioribus temporibus institutae meteorologicae obseruationes, et epidemicorum historiis annexae, varia quidem, quae HIPPOCRATI jam cognita erant, magis illustrarunt, clarius autem lumen vix affundere potuerunt verarum ortui epidemiarum, ita, vt hucusque cogamur, incogniti quid, το Θεῶν illud HIPPOCR. veterumque medicorum admittere.

Nemo sane magno SYDENHAMO accuratius inuestigauit epidemiarum naturam, estque ille, et manebit forsan, dux in hac doctrina dignissimus. Is itaque ipse audiendus. „Quamuis, inquit, diuersas diuersorum annorum habitudines, quoad manifestas „aeris qualitates maxima qua potui diligentia notauerim, vt vel exinde causas tantae „epidemicorum vicissitudinis expiscarer, me tamen ne hilum quidem hactenus „moueri sentio; quippe qui animaduerto annos, quoad manifestam anni temperiem, „sibi plane consentientes, dispari admodum morborum agmine infestari, et vice versa. „Ita se enim res habebat. Varias sunt nempe annorum constitutiones, quae neque calori, neque frigori, non sicco humidoue, ortum suum debent, sed ab occulta potius, „et inexplicabili quadam alteratione in ipsis terrae visceribus pendent, vnde aer ejus „modi effluuiis contaminatur, quae humana corpora huic aut illi morbo addicunt, de „terminantque; stante scilicet praefatae constitutionis praedominio, quae, exacto demum „aliquot annorum curriculo, facessit atque alteri locum cedit. Vnaquaeque harum „constitutionum generalium propria et peculiari sibi, febris specie funestatur, quae „extra illam nusquam comparet, cuiusmodi febres idcirco *Stationariae* nobis „audiunt ¹⁾.“

Obseruauit

1) de natur. hom. text. 2 et 3.

2) ibid. text. 4.

1) Sect. I. cap. II. p. m. 41.

Observavit quidem SYDENHAM morbos dari, qui ex manifestis aeris mutationibus originem trahant, hosce vero omnibus in uniuersum annis competere „quales sunt „pleuritides, anginae, quae a subito calore, intensius et diuturnum frigus statim exci- „piente, plerumque inuadunt 2).“ „Potest itaque fieri, ut sensibiles aliquae aeris qualita- „tes ad illas quidem febres producendas faciant, quae in qualibet constitutione se exse- „runt, non vero ad istas alias, quae certae alicui constitutioni quasi propriae et pecu- „liares existunt 3). Et concedit ille manifestas aeris qualitates ad hujus illiusue morbi „generationem disponere,“ sed statim subjungit „id quod de quocunque errore circa VI „res naturales dictum volo 4).“ Et hanc suam maxime memorabilem doctrinam alio loco sequentibus ulterius explicat. „Notandum est itaque, quod licet aeris qualitates „manifestae non eam vim cuilibet constitutioni imprimant, ut causae sint epidemico- „rum, qui ad illam propriae referuntur, productivae (cum a recondita et inexplicabili „ejusdem constitutione fluant ista) pro tempore tamen in eos habent potestatem, et „proinde intromittuntur epidemici, aut etiam excluduntur, prout illis fauent qualitates „manifestae, vel aduersantur; uniuersalis autem constitutio eadem manet, siue eam „promouerint istae, siue quadantenus retardarint 5).“ Sic calor pestis quidem fauet, eam tamen et in summo calore extinctam esse saepe legimus, et obseruatum fuit *Alep- pone* pestem desinere, cum feruidissima aeris tempestas incidat 6).

§. XXXI.

Satis superque igitur patet, minime nos posse ex aeris manifesta constitutione verarum epidemiarum originem interpretari. Sed potius videtur, occultum quid in aere latens in subtilissimam humanae oeconomiae partem, vim scilicet nervosam, ita agere, ut eam, ad faciendum impetum, et ad producenda illa symptomata, quae cuilibet fere epidemiae peculiaris et propria sunt, pronam reddat. „Incaustum enim illos „desudare, vult SYDENHAM, quotquot diuersarum febrium rationes, a causa morbi- „fica, in corpore aggesta, deducunt. Nam liquido patet, quemlibet, pancreatico licet „valentem, si certa quaedam hujus nostrae regionis loca adeat, febre ibidem grassante „intra dies aliquot laboraturum: vix autem credibile sit, manifestam aliquam mutatio- „nem praefati viri humoribus impressam iri 1).“

Concludimus idcirco, fieri debere in principio vitali talem mutationem, qua non solum ad febrem monendam, sed etiam ad producenda talia symptomata, qualia febre nunc grassanti communia sunt, disponatur, a qualicunque stimulo illud excitetur. Inde etiam *intercurrentium* morborum, qui a peculiari stimulo excitari videntur, ordinem ita turbat inexplicabilis constitutio, ut ab epidemico morbo aliquid assumant, cogantque medicos eorum curationem, inflectere ad genium praedominantis epidemiae; simul

2) *ibid.*

3) p. 42.

4) *ibid.*

5) *Señ. IV. cap. IV. p. 191.*

6) ROUSSEL *natur. Histor. of Aleppo.*
p. 192.

1) *Señ. I. cap. II. p. 46.*

simul tamen in his aliquis respectus habendus erit intercurrentis morbi naturae et individui constitutionis, indeque pendentium singularium symptomatum.

Cum itaque non modo probabile, sed etiam verum videatur, vim illam nervis inquitinam ab aeris diuersitate singulariter mutari posse (§. XXVIII.); non alienum est a veri specie, το Οεῖον illud consistere in peculiari aliqua mutatione illius incogniti principii, quo omne animal ad vitam sustentandam indiget. Vt enim a prauo cibo humoribus corrupta crasis et machinae vitiosa constitutio inducitur, sic etiam mala vitae illius pabuli conditio praeternaturalem nervorum organum procreare posse, eamque illi inducere videtur ad suscitandos determinatos motus procliuitem, qua morbus accedente leuissimo stimulo, statim accenditur.

Qua in re vero consistat hoc aeris principium? An forsitan sit electrum? quod ad mentem ingeniosissimi Boiss. DE SAUVAGES nerveos spiritus ipsos constituit, dijudicare non ausim. Hypothesium enim mare jam satis expertus, nolo vltius fluctuantibus ejus vndis procellisque me hinc inde iactandum committere; praesertim cum exiguum, quod mihi superest tempus, breuitati studere postulet.

§. XXXII.

Symptomata febris essentialia.

Haec breuiter nunc mihi consideranda sumo, ne, luminis si quid affundere possint propositae theoriae, isto careamus.

Quae febrem saepe praecedere solent, totius corporis lassitudo, artuum grauitas, mentis morositas, sensuum torpor, vertigo, frigoris ad spinam dorsi vagus sensus etc. prodromorum veniunt nomine; quae quidem incommoda, accuratius si attendimus, ante plurimarum grauiorum febrium ingressum obseruantur ¹⁾. Inprimis vero insolita animi aliqua hebetudo et insufficientia solemnis est, et ingrata quaedam sensatio, qua ita, ac si obscurum dolorem sentiret, mens afficitur, cujus tamen sedes nullo in loco fixus est, sed in quacunque parte, cui anima attendit, percipitur, et si ad externa objecta animi vertitur attentio, eum non molestat. Clarius sane, quam describere possum, haec in me ipso obseruaui, et quisquis, qui febre semel vel bis laborauit, antecedentis diei sensationem in mentem reuocare velit.

Cum plerumque sub hoc statu, licet accuratissima etiam adhibeatur inquisitio, nec humorum dyscrasia, nec actionum vel vitalium vel naturalium perturbatio vlla detegitur: ingratae hae sensationes nervoso systemati affecto vnice tribuendae videntur. Antequam enim hoc, stimulo sollicitatum, reactionem suam exserere incipit, anima aliquam,

¹⁾ Monuit CELSUS, protinus morbum timeri debere, si grauiora membra sunt; — si corpus supra consuetudinem incaluit; si grauior somnus pressit; si tumultuosa somnia fuerunt. — Item si marcescit animus; si loqui et moueri piget; si corpus torpet; si dolor praecordiorum est, aut totius pecto-

ris, aut, qui in plurimis euenit, capitis; — si membra inhorrescunt; si genua quasi fatigata sunt, totumue corpus lassitudinem sentit. Ex quibus saepe plura, nunquam non aliqua febrem antecedunt. *De Medicina* L. II. cap. 2.

aliquam, sed obscuram et vagam, hujus praeternaturalis status perceptionem habet²⁾; Unde fit, ut homines saepe sentiant, sese mox aegrotaturos esse, quamquam obrepentis morbi nullum adsit manifestum indicium. Quod fere quotidie experimur, quando, communibus morbis in populum grassantibus, homines majorem attentionem in corpora sua vertunt.

Ex obscura hac, quam anima de morbo habet, idea appetitus ille aegrotorum, nunquam certe a medico posthabendus, optime explicatur. Appetit quippe illa talia plerumque, qualia vix meliora a medico praescribi possent, non quia instituta deliberatione intelligit illa profutura, sed singulari quodam instinctu, ex nervorum physica affectione pronato, ad poscenda illa impellitur. Plus saepe dandum esse in morbis acutis appetitionibus aegrotorum, quam artis regulis, probe notavit SYDENHAM³⁾ idque quotidiana praxis confirmat. Acida, diluentia quisque febricitans postulat, abhorret victum animale durumque omnem. Cum vero vires jam exhaustae sunt, peculiaris vini quandoque adest cupido, quod tum exhibitum, mira praestitisse comperitum est.

§. XXXIII.

Observatur in omni febre aliqua in voluntariis musculorum motibus debilitas; tanta nempe facilitate, ac in sano statu, nunquam exercentur, et sensuum aliquis, tam externorum, quam internorum torpor simul sese adjungit, ita ut, incitatis vitalibus functionibus animales omnes languere soleant. Hoc symptoma febris adeo essentiale est, ut plures hanc debilitatem in ejus definitionem receperint, quinimo quidam febrem esse *aequilibrium inter vires vitales et animales sublatum* dixerint.

Famosa semper fuit apud authores illa de spasmorum reuulsione doctrina. Vnanimi enim omnium consensu cum observatum fuit, spasmos in vno loco sopiri, si excitentur in alio, assumserunt inordinatum aliquem spirituum influxum; ita, ut vnam partem deserant, si violentius irruerent in aliam. Nil interest, utrum quis verae ejusmodi ex vno in alium nervum spirituum reuulsioni assentire velit, nec ne. Vtunque sit, vera manet et constans observatio, spasmos solui, si alterius nervi actio siue ab externa parte, siue ab interna excitatur. Ita enim, nec alia ratione, intelligitur, cur adnota narium membranae sternutamenta tollant singultum; cur, attentione in qualecunque objectum versa, cesset tussis; cur simili ratione et grauiore morbi sanati, ut

Mm 2

phrenitis

2) Haec obscura morbum antecedens sensatio non commutanda est, cum *stadio illo primo* febrium cum *vera putredine conjunctarum, nervosarum lentarum* et, quae ex hisce duabus compositae videntur, *Carcerum et Nosodochiorum* PRINGLI. In hisce epim morbus re vera jam incipit, antequam pulsus febrilis observatur, qui in ejusmodi malignis et per omnem decursum quandoque plane abest. Vitalis enim vis in illis adeo oppressa est, ut in initio ad impetum vix

incitari possit, et serpente malo ita exhausta, ut accedente sopore et insensibilitate uniuersali plane extinguatur. SARCONI *Lib. c.* §. 357. 370. 698. 699. et sqq. Quandoque etiam nervosum systema ita perturbatum est, ut virium impetus in animales partes feratur, et spasmi, convulsiones, deliria, hydrophobia, pulsus vix mutato, adsint. SARCONI §. 585. Sed de hoc alio loco fusius dicam.

3) p. 366. 367.

phrenitis a musica ¹⁾; cur epilepticae *Harlemenses* a BOERHAAVIO metu candentis ferri curari potuerint ²⁾; cur tandem tantus submersiois subitae in aquam frigidam fit in Hydrophobia usus, quae etiam cum insigni emolumento a SARCONE in phrenitide adhibita fuit ³⁾. Sic etiam patet, qua ratione vesicatoria, cauteria et similia spasmos efficaciter solvant, cur febris etiam vim quandoque minuunt.

Videtur itaque omnino, in pluribus diversis locis nervosi systematis actionem non posse simul intendi, eamque in aliis partibus quodammodo imminui, si in una praeter naturam augetur. Neque adeo eorum doctrina rejicienda est, qui voluerunt, quod si quaedam pars in C. H. spasmō (qui vis est vitalis praeter naturam aucta) corripere, adesset alia, quae atonia laboraret.

Et fateor, me nescire, cur magni viri admittere nolint BOIS. DE SAUVAGES theoriam, qui credidit, naturam idcirco animalibus actionibus in febre recusare vires suas, ne iusto citius earum exhauriatur fons ⁴⁾. Neque possum, quin ei assentiar, cum ego, animales actiones eam ob causam debilitari censeo, quod vis nervosae impetus adeo in vitalia organa rapitur, ut libera ejus dispersio animae detrahatur.

Melius praeterea explicari non potest, cur „a convulsione aut tetano detento, „febris superueniens soluat morbum ⁵⁾; cur contra in deliriis et convulsionibus debilis fiat pulsus.

Neque tamen nego, sanguinis nimiam versus caput congestionem, pessimam humorum corruptionem, bilem in praecordiis haerentem posse, ad apparentem usque plenarium defectum, vires deprimere, atque haec in cura medici praesertim postulare attentionem. Hic vero de leuiori illa debilitate, quae in omni febre et citra cognitam aliam causam adest, locutus sum.

Obiter memoranda venit illa, quam soluta paulo grauior febris relinquit, virium imbecillitas, et quae post crisin saepe observata fuit summa pulsus debilitas, imo plenaria asphyxia. Obtinet in C. H. ea lex, ut pars aliqua spasmō tentata rarius ad naturalem redeat normam, sed spasmus excipiat atonia, illi plerumque proportionata. Ideoque debilitatis illius post febrem relictæ ratio facile habetur. Verum haec atonia plane non equiparanda est Physicae relaxationi, sed alet summam ad spasmus denuo ciendum dispositionem. Quare et soluta febre e leuissimo stimulo, ab animi praesertim affectione recidiua solemnis.

§. XXXIV.

Horror et Aestus.

Quamquam satis superque constat, a calore naturali aucto vel imminuto essentialem febris characterem desumi non posse ¹⁾, sunt tamen frequentissima ejus sympto-
mata.

1) *Mem. de l'acad. des Scienc. de Paris* An. 1707 et 1708.

2) KAAW BOERHAAV. *imp. fac.* §. 406.

3) *Lib. c.* §. 607.

4) *Nosol. meth.* §. 70 *theor. febr.*

5) HIPPOCR. *aphor.* 57 *Seç.* IV. et 70 *Seç.* V. Convulsiones et nervorum distensiones succedens febris soluit *Coac.* 354. 358.

1) ILL. BALDINGERI et CL. RAVERT *Diff. de febrium acut. therap.* §. 1.

mata. Quo frequentius autem occurrunt, eo difficilior est verae illorum causae et naturae pathologica indagatio; quod quidem mirari non debemus, cum inter physiologos maximus adhuc obtineat dissensus, quoniam ex fonte naturalis perfectiorum animalium calor profluat? Solita sua simplicitate e corde istum deduxerunt veteres, cui innatus, omni humorum circulantium massae communicaretur; inque febre crediderunt illum ibidem praeternaturaliter accendi, et per totum corpus diffundi. HELMONTII ex confricatione sulphuris et salis volatilis explicatio, SYLVII ex effervescentia urinosi sanguinis et acidi lymphae, ut alias taceam chemicas theorias, dudum obsolescere. Melior insequuta est, de attritu globulorum sanguineorum inter se et ad vasorum latera theoria, quam BOERHAAVE cum THOMA SWENCKE et BROWNE LANGRISH fovebat. Sed et haec graubus premitur difficultatibus ab HALLERO ingenue recensitis²⁾). Physiologica a scopo meo aliena hic mitto.

Nullo autem pacto concedi potest frigoris febrilis ad BOERHAAVII mentem explicatio, ex qua „frigus febrile ponit attritum liquorum in se mutuo et ad vasorum „latera minorem; motum circulatorium imminutum; liquidum ad extrema stagnans; „cor minus contractum, minus euacuatum; spiritus cerebelli minus influentes³⁾).

Circulatorius enim iste imminutus motus repugnat manifestissimis indiciis, quae omnia celeriore istum esse ostendunt. Quamquam singulis vicibus parvam sanguinis copiam expellat cor, celerrime tamen palpitans, celeritate quantitatem minorem compensat. Velocissimus porro et frequentissimus arteriarum pulsus maiorem potius humorum inter se et ad coarctatorum vasorum latera attritum arguit, quam istum minorem.

Nihil inuenio, quod cor minus contractum esse demonstret, cum omnia, certe analogia ex vasis, illud praeter naturam constringi declarent.

Et cum omnia denique, tremor, quo corpus conquassatur etc. spasticam huius stadii febrilis indolem ostendant, et pulsus contractus, tremulus, durus et intermittens, vasorum systema hoc spasmu praesertim corripitur, probet: profecto non imminutus spirituum cerebelli influxus, sed vehementior potius ut in omni spasmu ex BOERHAAVII mente adesse deberet.

Liquidum ad extrema stagnare, minime ex corrugatis externis vasis colligitur, quae ad interna illud retropulsus ostendunt⁴⁾).

M m 3

Et

2) Elem. physiol. T. II. p. 300 et seqq.

3) de cognosc. et cur. morb. §. 621.

4) Videtur autem BOERHAAVIUS, stagnationem hanc in doctrinae suae gratiam tantum assumisse, qua febrium, praesertim intermittentium causam ex humorum visciditate et inde exorto circulationis impedimento deduxit. Nullam vero humorum visciditatem in intermittentibus inculpandam esse, hodie satis constat; pertinaciter resistunt

efficacissimis resolventibus, et in media salivatione mercuriali tertianam exorta vidit v. SWIETEN T. II. p. 527. Docuit experientia febres intermittentes jam sanatas rursus invadere, si purgans medicamentum propinatur, praesertim eo die, in quem paroxysmus, febre non sublata, incidisset. WERLHOF observ. de febr. p. 126. Si hoc salinum vel mercuriale fuit, humoribus sane non inducit visciditatem, sed eos potius resolvit, nihilominus tamen horror, ab eodem ipso incitatus, aegrotum corripit.

Et sic apparet iis, quae statuit BOERHAAVE, directe contraria in frigore febrili contingere. Sed fac, illa vera esse, haec tamen non illustrant hujus frigoris naturam.

Constitit enim ex hodiernorum observatis et accuratissimis cum thermometro institutis experimentis, horrorem illum febrilem plane non esse veram caloris absentiam, sed thermometer potius caloris naturalis gradum insigniter auctum indicare. In haemitritaeo, quam cum continua febre intermittens quotidiana formabat, homo intermittens paroxysmum tanto cum frigore experiebatur, ut, si frigus modo abesset, morbum totum flocci facere se diceret, propter immane frigus sustinendum ultra non esse. Dabat tamen thermometer 104 gradus. Neque vel hilum ascendit illud, cum in ardente deinceps calore admoveretur 5). Et toties hoc se observasse, quoties in horrore febrili thermometer adhibuit, testatur ILL. DE HAEN *observatorum facile accuratissimus*. In quo etiam consentientem habet PERILL. HALLERUM, qui dudum vidit, in febribus intermittentibus sensum molesti frigoris cum vero ad thermometer calore conjungi 6). Sic etiam FRANC. HOME in frigore febrili aestum ad thermometer semper majorem, ad 104 gradus, eumque saepius in stadio caloris decreascentem observavit 7).

Cum itaque aegroti, mente caeterum rite constantes, ratione non superare valeant apparentis hujus frigoris sensationem, ut fiat in illorum sensorio talis mutatio, qualem frigus corpori applicatum producere solet, necesse est. Sensus enim hic, ardente corpore, frigus animae denunciant. Luce igitur meridiana clarius apparet, et hujus symptomatis causam ex nervosi systematis singulari mutatione vnicè petendam esse.

Quod si ulteriori probatione indigeret, facile eam suppeditaret horror omnibus fere affectionibus, quae ex perturbatis nervis ortum ducunt, solemnis. Ab animae variis pathematibus, anxietate, terrore, rei insolitae aspectu, frigido horrore riget corpus, non aliter, ac si gelida perfunderetur aqua. Frequenter etiam subitaneum tale corporis perfrigerium in hysterico morbo occurrit, in quo praeter spirituum ataxiam labes nulla in corpore subest, nullamque praeter hanc hic agnosce- re causam, ex subitaneo ingressu et celeri, adhibitis nervinis medicamentis, fuga patet. Convulsiones horrore praegresso saepe denunciari, probe notavit HIPPOCRATES 8), manifestum indicium, horrorem solitum esse nervorum affectorum symptoma. Et phreniticis nervosisque febribus vagus horror sese plerumque adjungit. Denique idem horroris sensus a quacunque causa nervos stimulante nascitur; inhorrescit corpus, dum in pectore suppurationes fiunt, calente licet et madida cute 9); calculi renalis per urethras transiens, nec non fellei choledochum ductum irritantis, frequentissimum est symptoma. Sic etiam a cathartico assumpto et clystere injecto saepe observatur. Et a delassatione inhorrescit corpus.

§. XXXV.

5) DE HAEN *Rat. medendi*. T. II. p. 137.

6) *Elem. physiol.* T. II. p. 163.

7) *Medic. Falsis and Experim.* pag. 220.
221.

8) *Praediſt.* I. 67. *Coac.* 4. 7. 83. et variis aliis in locis.

9) Frigus marmoreum per 24 horas cum pulmone purulento, thermometer 97 graduum DE HAEN *Rat. med.* T. II. p. 10.

§. XXXV.

Calor febrilis, ex eorum, qui naturalis caloris generationem ex attritu sanguinis deduxerunt, theoria explicatu quidem facillimus videtur, cum nempe ex velociori circulatione immediate profluat: grauioribus autem impeditus difficultatibus, calorem febrilem aucto attritui tribuere non possum; et licet Physiologica caloris indagatio nil ad me attineat, quoad pathologica tamen *Boerhaavianae* theoriae assentire non possum.

Calor quippe febrilis non respondet auctae sanguinis velocitati; in plurimis enim febribus hanc ultra dimidii augeri, docet pulsuum vehementia et frequentia; numerantur enim 130 et plures ictus, cum calor tamen ultra 106 gradum rarius ascendat; inque ipsis febribus nulla est proportio inter incrementum et decrementum pulsus calorisque, quod manifeste ex FRANCISCI HOME experimentis patet ¹⁾.

Ac accelera circulationem tuam validissimo corporis exercitio, sic, ut pulsus celerior euadat, quam solet in plerisque febribus, licet etiam illud per vnam alteramue horam continues, calorem tuum profecto ultra 100 gradum augere non poteris, id, quod experimento nuper in me ipso instituto, expertus sum. Thermometrum enim post vehementissimos et diu continuatos motus sub axilla mea per 15 minuta detentum non ascendit ultra 99 gradum, quamquam, continuato per omne tempus corporis motu, pulsus ad minimum erant 130 in temporis minuto.

In hysterico malo frequentissime adest summa pulsuum celeritas, naturali calore parum vel nihil aucto. Sic refert ROB. WHYTT in paroxysmo hysterico 130 pulsus numeratos esse, sed adhibitis neruinis et calefacientibus medicamentis istos ad pristinam normam 60 ictuum rediisse. Inter criteria, quibus talis pulsus a febrili distinguitur, numerat, quod calor insignis et suis rarius adsit ²⁾.

Post sanatam febrem, quamquam ne minima quidem in pulsu superessent febris indicia, in plerisque tres, quatuor, sex caloris majoris gradus, quam est sani hominis, notauit DE HAEN ³⁾. In multis continuis intensiorem caloris gradum non denotare thermometrum, monet.

Paralytica manus adeo frigida erat, ut igni vestes exurenti admota, nullum perciperet caloris incrementum, nec thermometrum isti applicatum ascendit ultra 73 gradus. Pulsum tamen habebat illi, qui in altero brachio, aequalem ⁴⁾. Vnde frigus tantum, praesente fonte caloris, arterioso sanguine?

Haec sufficiant, cum satis iam ostendunt, calorem in morbis auctum vel imminutum ex circulatione accelerata vel retardata minime deriuandum esse. Vnde itaque repetenda est febrilium aestuum causa?

Ignorantiam

¹⁾ Lib. c. p. 217.

²⁾ *Practische Schriften* p. 453. Pagina sequenti monet, ejusmodi tamen affectiones in febriles et inflammatorias facile mutari, nisi mox aptis succurratur remediis.

³⁾ *Rat. med.* T. III. p. 126.

⁴⁾ *ibid.* T. III. p. 131. Alia hic etiam extat observatio, ubi in paralytica et frigida manu nullus fuit pulsus. Sed frigus tandem superabatur, eique calor successit, cum pulsus tamen non regressus est.

Ignorantiam si hic fatemur, id nemo sane vitio nobis vertet, cum certi quicquam de hoc in pathologia minime expectandum sit, antequam *physiologi a physicis* circa ignis et caloris naturam magis edocti, in animalis caloris indagatione ulterius profecerint. Missis igitur, quae hypothetice de ortu naturalis caloris afferri possent, certam et constantem eam legem, qua semper inter virium vitalium fortitudinem et caloris gradum aliqua observatur proportio, contemplari volumus.

Calorem enim animale, vi vitali intensa, augeri, depressa illa imminui, semper inuenimus. Homines, qui omnes functiones fortitudinis aliqua perficiunt, insigni calore per membra diffuso gaudent: frigent vero torpidi. Excitantia medicamenta simul calefaciunt. Inest quibusdam medicamentis specifica aliqua vis, qua inexplicabili ratione corporis irritabilitatem ad naturalem perducunt gradum, excedentem minuunt, imminutam attollunt, simulque eundem effectum quoad calorem praestant. Sic *ferrum* et *cortex Peruvianus* calorem in flaccidis et inertibus corporibus, quae eum naturali minorem habent, mire augent; in hysteris contra volaticos aestus tollunt, et C. P. recte adhibitus febriles ardores egregie temperat. DE HAEN feminae febre continua cum intermittente afflictae dedit C. P.: quo facto, primo die calor fuit vno gradu inferior, die altero binis, quarto omni febre caruit 5). Frigidum balneum, quod efficaciter in torpidis flacciditatem corrigit, in illis etiam calorem auget; balneum contra calidum debilitando et relaxando calorem imminuit, ut testatur ALEXANDER 6).

Caloris externi absentia diuturnior vim vitalem plane suppressit, ut id in iis animalibus videre licet, quae mortuorum instar per omnem hyemem sopita jacent; accedente autem vernali calore, siue igne admoto, excitatur rursus vitale principium, et ex mortuis quasi reuiuiscunt illa animalia. Calor est, quo pulli ouis excluduntur. Partes e corpore euulsae irritabilitatem diutius retinent, si calore fouentur, amittunt eam frigori expositae. Et in genere observamus, vim vitalem omnem sibi semper comitem adungere calorem, perque totam vitam cum illo pari passu ambulare, ita ut cibi, medicamenta externaque omnia, quae illum intendunt, et huic augeant, neque haec absque illo vel attolli vel deprimi possit. Sub initiis vitae ambo simul generantur, simulque in morte extinguuntur; unde etiam veteres in *calido* illo iunato omnem vitam posuerunt, et *flammam suam vitalem* motuum omnium et actionum primum crediderunt instrumentum.

Vtrum itaque calor, vi vitali tam arcte iunctus, huic debeatur, an vis vitalis a subtilissimarum particularum ignearum actione pendeat, an ambo ab incognito aliquo communi principio producantur? disquirere non lubet, cum certi quid hac in re vnquam stabiliri posse vix videatur. Quare etiam mentionem non facio theoriae *Cel. Virorum* 7), qui caloris naturalis fontem in cerebro nervisque posuerunt, quamquam certe probabilitate non careat et magnum nostrae hypothese pondus addat.

Sed

5) *Rat. med.* T. III. p. 52.6) *Medicinische Versuche* p. 37.7) beat. ROEDERER in *Progr. de animal. calore.* Goetting. 1758. et ILL. WRISBERG*Progr. de respir. prim., nerv. phren. et calore animali.* Goett. 1763. §. 5. Neque alienus ab hac sententia videtur ILL. DE HAEN.

Sed perspecta illa lege, secundum quam perpetua inter vitalem vim et calorem obtinet proportio, non erit, quod caloris in febribus augmentum miremur: Cum enim febris per se in excessu vis vitalis consistat, ut calorem auctum comitem se adjungat, necesse est. Neque obstat, quod in febribus inter pulsum frequentiam et caloris gradum saepe proportio non obtineat; scimus enim motuum vehementiam non semper pendere a mobilitatis gradu, sed etiam a causa incitante, variisque aliis conditionibus; quinimo constat, a nimia irritabilitate motus posse supprimi, dum partes acrius conuulsae ita corrugantur, ut relaxationem non admittant. Cur vero in illo febris stadio, in quo ex incitato vehementissimo principii nervosi impetu summam irritabilitatem adesse diximus, et in quo thermometer re vera auctum caloris gradum indicat, nullius aestus, sed frigoris potius, ideam habeat aegrotus, facile intelligitur, si modo insignem sensorii affectionem consideramus, qua sensuum, praesertim tactus, usus animae aufertur, ita, ut candens cuti admotum ferrum non percipiat⁸⁾. Aestus primum percipi solet, postquam anima, vehementissima illa sensorii turbatione sublata, sensuum rursus compos facta est.

Quam etiam ob causam non per gradus fit frigoris in aestum transitus, ita ut frigus in naturalem calorem, et hic sensim in aestum mutetur; sed dum rigent adhuc quaedam partes, igne jam aduri videntur aliae. Tandem omne corpus aequaliter flagrat, ita tamen, ut primis morbi diebus, in cruditatis statu, in summum aestum subitaneus horror saepe inuadat, praesertim si aliquis stimulus, v. g. a mutatione situs, ab afflatu frigidae aerae, a leuissima animi commotione, vehementiorem systematis nervosi impetum incitat; unde apparet, quantum in febre fugienda sint omnia irritamenta, praesertim animi pathemata, quae, cum stimulum novum addant sensorio, naturalem morbi decursum invertere et instantem crisin impedire possunt.

§. XXXVI.

Cur fortiores horrores ardentior aestus ut plurimum excipiat, variaque alia circa caloris et frigoris vicissitudinem ex dictis facile intelliguntur. Quandoque per omnem morbi decursum vagus obrepat horrores sensus, et gravius affectum esse sensorium ostendit; quare etiam cita bonaque judicatio in hisce febribus rarius speranda. In *nervosis* tam *acutis*, quam *lentis* solemnes sunt ejusmodi horrores, plurimis aliis spasticis affectionibus juncti. In illo *phrenitidis genere*, quod ex nervorum perturbatione immediate deducit SARCONE, horror subito inuasit, et secunda hebdomade abiit in manifestum unius, siue plurium partium tremorem¹⁾. Vigente paroxysmo perpetua aderat frigoris et vaporosi caloris vicissitudo²⁾. Corporis perfrigerationem cum rigiditate perniciem denunciare, dixit HIPPOCRATES³⁾; Horrorem in decursu regredientem longitudinem morbi, ejus malignitatem, siue mortem indicare ALPINUS; Perfrigerationes, quae in judicatoriis et sine sudore fiunt, (indicio, a spastica impressione libe-

rare

8) VAN SWIETEN *Comment.* T. II. p. 22.

2) *ibid.* §. 551.

1) *Lib. c.* §. 549.

3) *Prædict.* I. 77. *Coac.* 3.

rare non posse sensorium) damno esse, HIPPOCRATES ⁴⁾; Febres algidae (*Ἰσχυρῶδες*) per totum morbi decursum horrore et convulsivis tremoribus aegrum afficiunt, et gravior nervorum affectio procul dubio eorum causa est. ILL. CARTHEUSER, qui perpulchre hanc febrem describit, notavit, eam juiores et vegetos frequentius inuadere, causamque addidit, esse in iis partes sensibiliores, ideoque in violentiores contractiones ruere ⁵⁾.

Neque tamen omnes in febre acuta horrores et rigores incidentes damnandi sunt. Praecedunt formidanda metastasin ⁶⁾ haemorrhagias ⁷⁾, vomitum ⁸⁾. Quandoque etiam denotant naturae aetivitatē, qua omnia, repetito quasi primo impetu, adhibet, ut sensorium unica vice a febrili labe liberet. Si vero salutaris est ejusmodi rigor, tum eum statim excipere debet symptomatum omnium remissio, pulsus mollities, cutis relaxatio cum aequali sudore. Talis si est, ardentes febres soluit ⁹⁾ et sudorem provocat ¹⁰⁾. Horrores in remittentibus et semitertiana stato tempore recurrentes, si alia non adsunt periculi signa, mali nihil portendere, cuilibet cognitum est medico.

Verum autem frigus, vera caloris absentia, versus finem pessimarum febrium non raro observanda, ubi vires vitales post nimiam intensiōem exhaustae sunt, cum hisce horroribus, qui apparentia tantum sunt frigora, commutari non debet. Tale frigus, quod magna etiam sequitur facta dispendia, non aegri sensum, qui jam torpet, sed attingentem ferit manum. Tum et spiritus emittitur frigidus, certissimūque instantis inortis praebet indicium ¹¹⁾.

Quatenus molestus ille pungens sensus, quem in febribus putridis post diuturniorem attactum in digitis nostris percipimus, cum essentiali febrium flagrante calore conveniat, hic inquirere non possumus.

§. XXXVII.

C o n c o r d i o.

FEBRIS nunc *decursum* et, quae in illum incidunt, *Cruditatis*, *coctionis* et *criseos* tempora, considerata veniunt. Mallem tamen sicco pede hanc doctrinam transire, quam meam de ea sententiam proferre, quae a magnorum virorum placitis in multis recedit: sed cum omnes fere authores circa hujus doctrinae theoriam dissentiant, et mihi, quid sentiam, proferre, liceat. Observationum autem veritatem, quam in dies magis confirmavit experientia, in dubium vocare, nolo: multo magis ea, quae proferam, huic superstructa sunt omnia. Videamus itaque, quibusnam signis initia *Concoctionis* cognoscantur, et a *Cruditatis* statu distinguantur.

Plurimi

4) *Praedict.* I. 61 *Coac.* 38.

5) *Fundam. pathol. et therap.* T. II. p. 740. *judicat.* XI. 71.

6) *Coac.* 107.

7) *Coac.* 24. 170.

8) *Prognost.* XXV. 144.

9) HIPPOCR. aphor. 58. Sect. IV. *De*

10) *De judicat.* XI. 70.

11) HIPPOCR. *Prognost.* IV. 20.

Plurimi authores ad symptomatum vehementiam et lenitatem eorumque incrementum et remissionem respexere, ut fixos determinarent limites, quibus duo haec stadia distinguerentur.

Statuerunt veteres medici, in principio morbi adesse cruditatem, in incrementum coctionem incidere. Intellexerunt autem sub principio leuiorem morbi statum, in incremento omnia augeri et symptomata exacerbari voluerunt ¹⁾. Ergo initium morbi initium iis cruditas erat, et in coctione ex eorum sententia ingrauescebat morbus. Inquit enim GALENUS: „in vniuersum oportet cognoscere, quod nisi manifestum apparet „coctionis indicium, totum illud tempus intermedium est principium morbi“ noluitque incrementum dici, nisi adfint coctionis signa ²⁾. Sic etiam veterum sententiam exponit LOMMIUS ³⁾: „Principium febris cruditas materiae facit; Incrementum coepta „concoctio; statum eadem absoluta; Declinationem concoctae materiae vacuatio vel „translatio. Casus enim, quos modo dixi, omnes per principia februm atque declinationes mitiores, per incrementa perque status atrociore sunt.“

Huic consentit THOM. GLASS: „Omnia ex praeceptis HIPPOCRATIS in principio mitiora et cruda sunt; sed haec dierum numero non limitantur, itaque nec principium; primum ergo morbi stadium erit, donec signa coctionis vel exitii compareant. A principio autem increfcit morbus, dum grauiore dolores accessionesque veniunt ⁴⁾.“ Atque in genere, omnia in coctione grauiora fieri, veteres existimasse, inuenio.

Contrariam plane sententiam recentiores fere omnes fouent, qui mitiorem quamdam rerum conditionem ad coctionem requirunt, nec coctionis termino vtuntur, quamdiu morbus incrementa capit. „Patet nullo interprete, vigorem morbi esse, in quo „ista durant et augentur, coctioni autem tribui debere, si mitescunt sensim et aboleantur.“ RICHTER ⁵⁾. — „Indicato cruditatis statu durante, symptomata crebrescunt, „quibus ipsis effectibus hic morbi status cognoscitur.“ KLOECKHOF ⁶⁾. — „In cruditate morbus esse dicitur, quamdiu is ex quacunque sua causa capit incrementa.“ CL. PEZOLD ⁷⁾. — Conferatur et BOERHAAVE ⁸⁾.

Tantum authorum dissensum, qui profecto maior adhuc videretur, si plures eorum sententias adducere placeret, non nisi inde ortum esse puto, quod eorum effata de febris nimis sint generalia. Februm enim decursus quoad diuersum earum genus maxime differt, quod perpulchre notauit GLASS: „In febris iis, inquit, quae „secundum exquisitae ardentium normam ad iudicationes vsque increfcunt, haec quidem „seruanda sunt, (loquitur de victu, febris vehementiae accommodando) — sed con-

N n 2

„tinua

1) „Principium dicitur proprium et necessarium maxime contingens, (quod veluti „partem totius morbi principium nominamus) quod non cognoscitur dierum numero, sed exacerbationum qualitate et concomitantium symptomatum leuitate, nam „in incremento et symptomatum et morborum augmentum fit.“ AETIUS. Lib. V. cap. 6.

2) De Crisibus L. I. cap. 17.

3) Observat. medicinal. p. 30.

4) Comment. de febris II. p. 3.

5) Dissert. de coctionum praesidiis euacuantium abusu euersis. Respond. UHLMANN p. 5.

6) Diff. de Crisibus in Opuscul. p. 196.

7) Tentam. semiolog. §. 8

8) Institut. medicin. §. 922 et seqq.

„tinua febris quibusdam, vbi incepit, floret, et viget maxime, et grauissima est; circa
 „iudicium vero et in ipso iudicio extenuatur. Nonnullis vero latenter incipit, increfcit
 „autem in dies exacerbaturque; sed sub iudicio et ipso iudicio abunde emicat. Et est,
 „vbi ex moderatis initis augefcit, et exacerbatur; et simul atque vigorem acceperit, ad
 „iudicium vsque sub ipsumque iudicium, rursus se remittit 9).“

Neque satis determinarunt authores, quid sibi symptomatum augmento velint. Symptomata enim quoad incommodum leuia saepe dici possunt, quamquam grauissima sint periculi, quod portendunt, respectu. Obseruamus etiam, symptomata febris essentialia, siue febrem ipsam, imminui, dum alia incommoda accedunt, vel grauiora fiunt. Sic, mitiore jam febre, aestu modico, laxa et molli cute, vrget capitis dolor, cum vertigine grauissimus, delirat aeger; propinato vomitorio bilis euomitur corrupta, quo facto, cessant capitis dolor et deliria. Haec febris jam ad solutionem vergebat, sed biliosa in praecordiis haerens colluies maligna procreabat symptomata; et tale quid in epidemia anni 1772 in iis saepe obseruauimus, qui morbum ob paupertatem neglexerant. Medicamenta etiam ad leuandam symptomatum vehementiam plurimum valent, quibus ad inuertendum naturalem febrium acutarum decursum crifque anticipandam rarius est potestas.

Ex his concludo, minus secure ex symptomatum grauitate vel leuitate in genere defumi characteristica coctionis inceptrae et absolutae signa.

Plurimi excretionum respectum habuerunt, vt inde defumerent coctionis indicia; et magni praesertim fecerunt vrinae conditionem. Variant autem et in sanissimis vrinae, quoad diei tempus, cibos assumptos et alia accidentalialia. Corporis exercitium, temperamentum, tempestas vrinae insignem mutationem inducunt. In febris vtplurimum in primo initio aquosae sunt, postea subruiffae minguntur, sed pellucidae; coctionem indicare dicuntur, si nubeculam ostendunt, eamque absolutam, si, postquam steterunt, sedimentum demittunt. Negari autem non potest, fallacissimam esse vrinarum inspectionem, nisi ad totius morbi genium et symptomata simul attenditur. Vrinam ideo *praeter rationem* derepente parum concoctas vitiosas pronunciat HIPPOCRATES, „et in totum, inquit, quae in morbo acuto vrina *praeter rationem* „cocta est, vitium denunciat 10).“ Vrinam a humorum putrida dissolutione, ab impuritatibus in primarum viarum canale collectis saepissime turbari, facileque coctas mentiri, a spasmodicis hinc inde ortis affectionibus alterari, omnibus cognitum est. Sputa nec in omnibus febris prodeunt, nec omnino certa sunt. Alui excretionibus omnium minime fides adhibenda; et verbo, si generatim, nec determinata accuratissime febris indole, nec habito functionum vitalium respectu, loquimur, certa coctionis signa neque ex excretionibus stabiliri possunt; de his conferri praesertim meretur ILL. DE HAEN 11).

§. XXXVIII.

Quid itaque de cruditate, quid de coctione sentiam, et quibusnam notis duo haec stadia certius indicare posse putem, paucis dicam.

Crediderunt

9) *Lib. c. comment. V. p. 26. et 37.*

10) *Coac. 579.*

11) *Rat. med. Tom. VIII. cap. 11. §. 6. 7. 8.*

Crediderunt veteres, assentiunt recentiorum plurimi, ante omnis febris inuasionem existere crudi quid et intemperati in corpore, quod, febre singulari naturae beneficio producta, rursus sanis humoribus assimiletur, seu ita mutetur, ut dein commode per ipsam febrem e corpore ejiciatur. Salutarem hanc naturae actionem cum ciborum concoctione compararunt; distinctionem tamen posuit GALENUS, qui voluit, ut ciborum coctio in sano statu πεψις, febrilis materiae praeparatio πεπεσμος diceretur.

In omni febre insignem fieri humorum mutationem, negari non potest. A circulatione enim, vehementiori corporis motu praeter naturam accelerata, sanguinem putride dissolui¹⁾, acrem fieri, posse et vitiose coagulari et diuersimode degenerari, compertum habemus. Accedit insuper in febre praeternaturalis calor, secretionum omnium perturbatio, excretionum suppressio, virium omnium et motuum anomalia, totius nervosi generis abnormis status, ita, ut facile intelligatur, solidorum constitutionem plane inuerti, humorumque crasin in pessimam indolem mutari posse.

Quomodo autem laudabilis vlla humorum correctio vel mitificatio a febre procreari possit, ratione sane non concipio; et cum experientia, re vera tale quid fieri, me non edoceret, id nunquam mihi persuaderi potuisse, ingenue fateor. In illis enim hominibus, qui manifesta aliqua humorum dyscrasia laborant, video naturam varias excitare excretiones, diarrhoeam, fluorem album, sudores foetidos, diuresin, ulcera, cutis exanthemata chronica; febrem vero ad corporis depurationem eam adhibuisse, rarissime inueni. Rariores enim quaedam observationes, quae ad probandum saluiferum istum febris scopum adducuntur, accuratius ponderatae in vniuersum nihil demonstrant; facile enim concipitur, humores post febrem, forsan a medicamentis et ab accuratiori diaeta in febre adhibita, fortuito corrigi potuisse. Sed longe frequentiores in contrariam partem reperiri observationes, quis neget? Nec intelligo, cur natura febre, laudato illo ejus instrumento, non utatur ad sanandam scorbuticam, atrobilariam et veneream humorum dyscrasiam, cur illi morbi, febre casu exorta, non tollantur, sed finita ea, pergant?

Et in genere febres (de acutis loquor) sanissimis corporibus longe solemniores, quam cacochymicis, obseruo. Video, homines, in quibus omnia, rite perficiuntur, in quibus ne minimum quidem vitiosorum humorum indicium adest a leuissima causa, ab animi commotione, dira corripitur febre, in illa coctionis apparere signa, et largis finiri euacuationibus. Febrilem illam materiem, quae criticis demum excretionibus e corpore ejicitur, a fuscitante causa in corpus introduci, dici non potest, cum in ipsis illis febribus, ubi manifeste alieni nihil corpori communicatum est, aequè generatur; et si corpori vitiosi quid applicatur, ut in contagio fit, nulla adest inter illud et excretionum copiam proportio; sic a veneni variolosi guttula non solum in omni corporis superficie pustulae, pure postea turgentes, protruduntur, sed copiosissimae etiam per alias vias excretiones contingunt. Nec post infectionem, antequam febris emergit, corruptorum humorum adest signum.

Nn 3

Vero

1) Confer. HALLERI *elem. phys.* T. II. p. 84 et seqq.

Vero itaque longe similis mihi videtur, per febrem ipsam, quae in virium vitium omniumque functionum naturalium perturbatione consistit, humores corrumpi, et vitiosam febrilem materiem primum generari, quam quod febris ab intemperatis humoribus excitata illos praepararet, mites et ad euacuationem aptos reddat. Tabescens durante febre corpus, consumta pinguedo, clare ostendunt, sanos humores ab illa colliquari, corrumpi et tum demum ejici. Jamque magni in arte viri contendunt, inflammatoriam putridamque sanguinis diathesin, bilis vitiosam degenerationem ²⁾, effectus ut plurimum, rarius causas febrium esse dicendas, et satis superque ex simplicissima naturae consideratione hoc patet. Non minus tamen idcirco postulant medentium attentionem, dum febris vim insigniter intendere, solidaque destruere possint. „Quamvis enim, *probe notante v. SWIETEN* ³⁾ repugnet, ut effectus prior sit sua „caussa, neque illa mutatio, quae per febrem facta fuit, potuerit esse ejus caussa, tamen degeneratio humorum facta per febrem poterit sustinere febrem jam existentem, „et ab alia caussa natam.“

§. XXXIX.

Laudabilem ergo humorum maturationem a febrilibus motibus nunquam expectandam esse, cum appareat, febris certe hoc respectu nec auxilium naturae, nec vitae datum praesidium dici meretur. Quatenus vero priorem stimuli actionem praevertit, impeditque, quo minus facta ab illo in sensorio mutatio vitam in discrimen deducat, eamque citius extinguit, omnino ut naturae beneficium considerari potest.

Si vero remedium extaret, quo impediri possit, quo minus a stimulo nervi vlla induceretur labes, siue quo febrilis character nervi impressus absque febre deleteretur, nobis febrem omnem tuto suppressere liceret. Tale remedium HELMONTIUS sese possidere jactabat, et re vera in quibusdam febris *Cortex Peruvianus* huncce praestat usum. Latet vero tale specificum in ardentibus, quae rarius ab initio suffocari possunt. Attamen et harum vehementiam infringere, noxas inde metuendas auertere, vel imminuere ut plurimum possumus, si venae sectione, temperantibus et relaxantibus statim in usum vocatis, incitata irritabilitas temperatur et ad benignam resolutionem disponitur.

Qua methodo, si moderamus circulationis turbis, Coctio, quatenus in quacunque humorum alteratione consistit, et illa corruptorum copia criticis deinde euacuationibus ejicienda, manifeste cum summo aegroti emolumento imminuitur; id quod certe in ejus perniciem abiret, si ita vitiosae materiae mitigatio et excretio impediretur. Sic methodo frigidissima, ab *Arabo RHazes* dudum commendata, nunc *Angli* dirum istum variolosum morbum in mitissimum conuerterunt. Supprimuntur illa nimii febriles motus, imminuitur variolosae materiae praeparatio, ita ut paucissimae in cute efflorescant pustulae. Periculosa secundaria febris, quae minus a varioloso miasmate, quam a corruptis per primam febrem humoribus et pustularum irritatione producitur, sic plane suffocatur. Felicissimus hujus methodi successus tot millibus testium per totam *Britanniam*, magnam *Galliae*, *Sueciae*, *Russiae* et *Germaniae* partem

2) PERILL. PRINGLE, *Krankh. der Ar-* 3) T. II. p. 83.
mee p. 220. Verf. CEL. BRANDE.

tem confirmatus est, ut a nemine, nisi praeconcepta opinione occaecato, in dubium vocari possit. Non empirici, sed summi *Britanniae* medici, quibus nemo fidem hucusque denegavit, eam autoritate sua et testimoniis suffulserunt. Perperam contendunt quidam, horum exanthematum eruptionem, cum critica sit, non minuendam, sed potius promouendam esse. Verum omnino, quod per haec exanthemata in cutin vitiosa materies deponatur, quae in corpore retenta illud forsan destrueret: minime autem hac methodo hujus materiae excretio retinetur, sed impeditur ejus praeparatio, et sic a minori corruptorum copia facilius liberatur corpus. Si contra omnis fere humorum massa in variolosum pus conuersum est, vitiosum omne in cutin deponi nequit, sed viscera eodem obsessa inflammantur et gangraenesunt, dum vires simul, post nimiam intensiorem exhaustae, languent; et quamquam nostrates medici frigus externum libere admissum hucusque timere videntur, eandem tamen indicationem aliis implent remediis. Jam calidum regimen rejicientes, laudant sub frigidum omnes et aliis internis temperantibus adhibitis, et praesertim acido vitriolico, quod minuendo nimiam irritabilitatem, efficacissime humorum corruptioni obstat, vinu febris satis infringunt, ita, ut eam modo ob causam adhibere recusent *Anglorum* methodum, quia et ipsorum medendi ratio felici non caruit successu. Talis est ILL. QUARINI methodus, quae nullum hucusque sua sub cura variolosum amisisse publice testatur ¹⁾.

Hac felicissima refrigerante methodo euacuationum criticarum copiam plurimum imminui, et in aliis manifestae apparet febribus. Sic regimen frigidum illam humorum corruptionem, cujus signa sunt *Miliaria*, impedit, ideoque ad praecauenda haec exanthemata ejus usum vehementer adeo vrget ILL. DE HAEN. Quamquam enim ille nullo modo, ista critica esse, concedat, id, quod neque ex mea sententia vnquam sunt, iis tamen a vitiosa materia corpus liberari, exinde patet, quia retrogressis illis omnia grauiora sunt.

Denique ex continuarum omnium, praesertim vero intermittentium attenta consideratione patet, febrilem istam materiem, quae criticis euacuationibus in fine ejicitur, non ante febris ingressum in corpore extare, sed febre ipsa generari, ideoque ejus generationem, quantum fieri potest, impediendam esse. In intermittentibus febribus post singulos paroxysmos copiosissima cocta materia criticis euacuationibus exterminatur. Quo facto perfecta sanitate frui videtur aegrotans homo; mox autem, nouo exorto paroxysmo, eadem materiae febrilis copia ejicitur. Propinato autem febrifugo cortice, nouus non inuadit paroxysmus, nec criticae euacuationes amplius contingunt, quae aliter vigesies forsan et ultra regressae essent. Quantum autem in corpore tum retineri vitiosae materiae quantitatem arbitramini! Cum autem bonis hoc sit aegrotantibus, sequitur eam ante febrein non adesse, sed a quouis regenerari paroxysmo. Si autem hic paroxysmorum recursus non tollitur, intermittentes illae diuturnae febres ex corporis summa debilitate, viscerum obstructione et humorum omnium degeneratione in hecticas lethales abeunt. Et in febrium lentarum curatione totius rei cardo in eo vertitur,

vertitur, ut febrilia molimina et excretiones tollantur; ac eo si aptis remediis peruentum, jam in vado fere collocata est aegri res, qui morbo mox succubisset, si, re naturae commissa, continua febrilis materiae praeparatione corpus colliquari, passi essemus.

Quibus permotus ratiociniis concludo, per febrilia molimina ullam humorum mitigationem et correctionem nunquam produci, sed potius sanos humores in omni febre, mitissima forsitan *ephemera* excepta, corrumpi, atque hanc corruptionem eo peiorem esse, quo vehementiores magisque enormes sunt febriles motus. Et si sub *coctione* qualiscunque intelligitur humorum alteratio, illam semper danmandam esse, et tum symptomata omnia, quo magis procedit, ad veterum mentem graviora fieri, contendo.

§. XL.

His praemissis, jam meam de febris decursu et variis ejus stadiis sententiam, in sincera naturae consideratione fundatam, propono, secundum quam benigna illa symptomatum et febris ipsius remissio, quae instantem plenariam solutionem praecedat et quam recentiores sub *coctione* intelligunt, non humoribus, sed solidis, ab actione sua intensa remittentibus, tribuenda est.

Si sensorium, ad febrem suscipiendam dispositum, ab occasionali aliqua causa incitatur, sensim in eo illa pronascitur mutatio, qua ad validam reactionem exferendam et ad suscitandos febriles motus impellitur. Vehementi impetu cum hanc reactionem incipit, riget corpus, spastice contrahuntur omnia; propter summam cordis, et arteriarum irritabilitatem pulsus contractus et ob celeritatem tremulus; sensus perturbantur, ita ut, calente corpore, frigoris in anima nascatur idea. Remittente sensim primo hoc nervorum impetu, vasorum irritabilitas a summo quidem spasmo moderatior fit, minime autem resolvitur. Pulsus contractus manet et durus, et licet magis eleuetur, spasticae contractionis tamen exhibet speciem. A GALENO sub *vibrati* nomine descriptus, recentioribus artis sphymicae cultoribus *Pulsus irritationis*, non *criticus*, *convulsivus*, *nervosus* audit. Talis est, qualis in omni inflammatione sensibilibus partium deprehenditur, praesertim si dolor fortior urget, nec inflammatio ad solutionem tendit. Cutis arida cum pruritu rubet et ardet. Urina mingitur rubra, sed tenuis, in qua nihil subsidet. Alius et reliquae excretiones omnes suppressae. Et quamquam viribus adhuc valeant aegroti, sentiunt tamen singularem earum oppressiorem, et ad motus obeundos artuum gravitatem. Anxii et inquieti conqueruntur de flagrantissimo aestu, inter quem tamen horroris sensus saepe rursus inuadit. Haec phaenomena characterem essentialem hujus stadii, quod *irritationis*, quam *coctionis* dicere malim, absoluunt; solidorum praeternaturalem actionem, vasorum spasmus et affectos nervos per se indicant.

Nisi enormiores motus solidis fluidisque gravius induxerint vitium, quo fiat, ut magis semper intendatur febris, praefata symptomata a vehementia sensim
sensimque

fenfimque remittunt. Cor vasaque relaxantur, soluitur eorum irritabilitas ad spasimum usque aucta. Pulsus mollior fit, magisque dilatatur. Remittit ardentior aestus. Functiones omnes, secretiones et excretiones naturali statui propius accedunt. Urina, a tubulorum renalium spasmo antea retenta, nunc profluit copiosior, et crassioribus particulis, per febrem degeneratis, jam exitus patet. Stagnantes in pectore viscerum humores ejiciuntur. Laxatur cutis et madet. Humectatur lingua. Atque in hoc spasmi et intensae irritabilitatis remissione veros ponendus est *Cochionis* character; mitiora omnia euadunt, non ob humorum aliquam mitigationem, sed ob solidorum actionem jam magis naturali statui accedentem. BAGLIVIVS, plurimum in hoc opere solidis jam tribuens, „Cochio, ait, humorum in laxitate aliqua solidorum vel liquidorum consistit, cruditas vero in contractione ac veluti in confusione et strangulatione eorundem“.

Rarius autem a vehementi initio sic remittit per gradus febris vis. Corrupta enim aliqua crasis jam a prima febris invasione humoribus ut plurimum inducitur, qua, novo stimulo irritabilitatis excessus incitatur, et febris, quae per se remitteret, validius exardet. Hinc, crescente morbo, cochionis seu relaxationis signa serius apparent; et licet quandoque ad solutionem tendere morbus videatur, haec tamen, novis exortis turbis, evertitur. Quam ob causam febres illae, quae a stimulo aliquo interno v. g. a vitiosa primarum viarum colluie, a bile in praecordiis haerente vel productae fuerunt, vel sustinentur, rarius aequali vigore decurrunt, sed remissionem vehementior exacerbatio, nova quasi superaccedens febris, excipit. In quibusdam vero, licet nova et atrociora symptomata a peccante materia accedant, vasorum irritatio vel febris ipsa mitior tamen euadit. Hic, ingrauescente toto morbo, irritatus ille et *vibratus* pulsus mollior fit, nec cutis tam aspera siccaque manet. Nisi vero per ipsam vitiosam materiem incitata irritabilis vis eam ejicit, levantesque movet excretiones, morbus sibi remissus ad solutionem peruenire non potest, sed animalis oeconomia, in diem magis labefactata, morbo succumbit. Auxilium autem tale, a natura rarius expectandum, optime hic fert artis efficacia; et nullibi profecto, clarius apparet, quantus sit remedium opportune adhibitorum usus. Humor enim corruptionem illis non solum praecaveri, sed corruptos etiam corrigi et educi posse, quis hodie inficias ibit? Neque amplius superesse credo medicos, qui, vana et infida naturae opulatricis expectatione decepti, efficaciora omnia medicamenta eam ob rationem respuant, quod illis naturae inuertatur ordo, et vires ejusdem, quibus ad perficiendam coctionem et crisin opus sit, infringantur. Verum est, sub illa, qua nos nunc utimur methodo, vehementes illas veterum crises rarius occurrere, sed et minus ancipites sunt, nec levata medicamentis natura ad vincendum morbum tantis indiget turbis. Educto enim morbo illo fomite, qui febrem per se ad solutionem jam vergentem sustinebat, morbus in decrementum statim abit et vel lenta solutione finitur, vel subitanea crisi judicatur, quae eo securior, quo minori copia corrupta materies adest. Rarius etiam nobis febres

ita

ita protrahuntur, vti in plerisque aegrotis olim factum fuisse ex HIPPOCRATIS epidemics colligimus. Aegrum euacuantibus recte adhibitis debilitari, falsum est et omni repugnat experientiae; si enim biliosa colluies in praecordiis vere adest, vomitorium certius restituit oppressas vires, quam laudatissima cordialia. Nolim tamen quis credat, me iis assentire, qui euacuantium medicamentorum et praesertim catharticonum usum vniuersalem in omnibus febribus credunt. Quamquam enim apud nostros plerisque febribus aliqua primarum viarum impuritas sese adiungit, eam tamen in omnibus perperam suspicamur, et purgantia omnino, sine ratione adhibita, eandem, vt ipsa vitiosa colluies, noxam inferre possunt, dum intestinorum maxime sensibiles tunicas, abrafo eorundem mucos, perpetuo stimulant, stimulo febris vim intendunt ejusque solutionem impediunt²⁾. Qui euacuantia medicamenta eum in finem adhibent, vt circulantes corruptos humores educant, et nescio quam reuulsionem illis efficere volunt, similes et peiores mihi videntur iis, qui corruptum cruorem venae sectione educendum credunt; tenues enim humores, qui nimis jam in febre dissipantur, corpori detrahunt omnes, Sed haec in transitu.

§. XLI.

Crisis. Euacuationes Criticae.

Quo magis nunc ab irritationis statu vasa liberantur, eo luculentiora sunt coctionis et instantis resolutionis signa sique maturius accedunt coctionis indicia, citam promittunt morbi resolutionem. Sic *Pericles*, qui secundo die vrinas concoqui incipientes et tertio probe concoctas reddidit, quarto iudicatione absolutus est¹⁾.

Crisium vero duplex considerandum est genus. Soluitur enim febris, si, procedentibus illis coctionis signis, ad naturalem statum omnia fere nunc redeunt, et simul sub summo leuamine excretiones quaedam nunc vberiores, nunc parciore contingunt. Haec solutio apud nostros frequentissima est, eaque plurimas febres terminari, obseruamus. Veteres quidem et praesertim GALENUS, nihil nisi subitam mutationem, quam grauior praecedat perturbatio, *crisin* dici, voluerunt. HIPPOCRATES, quem ducem in hac doctrina merito veneramus, in genuinis *Epidemicorum* libris sub lenta morbi solutione hac voce vsus est. Neque recentiorum vllus protractae et lentae solutioni hoc nomen imponere dubitat. Hujus vero solutionis ratio facile patet, consistit enim in irritationis spontanea remissione, sub qua materiae corruptae excretionem non a vi morbi intensa, sed remittente contingunt.

Verae

2) Hunc medicorum quorundam errorem perpulchre notauit SARCONE lib. c. §. 661 et seqq. qui noxas ex purgantium abusu probe ostendit; et conuulsiones inde ortas non raro obseruauit. Cum enim in febre omnium partium sensibilitas permultum excedit, facile intelligitur, stimulos, qui in

naturali statu nil commouerent, summas turbas procreare posse. Sic *vermes* sub sano corporis statu plane latentes, in febre, aucta intestinorum sensibilitate terribilia excitant symptomata.

1) HIPPOCR. *Epidem. L. III. Sect. II. aegr. 6.*

Verae autem et subitaneae illae *Criser*, quibus ad GALENI mentem hoc vocabulum vnice competit, et quae cum vehemente quadam perturbatione fiunt, nobis rarius occurrunt. Cum tamen negandum non sit, illas turbas et in nostra quandoque observari regione, meam de iis sententiam breuiter proponam.

Postquam a primo impetu jam remisit nervosum systema et coctionis, vel relaxationis quaedam signa jam apparere, stimuli autem actio (siue re vera aliquis in corpore adhuc insit, siue impressionem suam in sensorio reliquerit) impedit, quo minus sic plane resoluatur morbus; vehemens illa sensorii reactio rursus incitatur, ut vel stimulus exterminetur, vel relicta ejus impressio deleatur. Criticum enim hunc paroxysmum, primae morbi invasioni similem, nervorum actione produci, omnia ejus phaenomena manifesta indicant; spasmodicus quippe rigor, vel convulsivus tremor, quo corpus afficitur, durus, inaequalis et tremulus pulsus, horrores sensus, ut alia taceam symptomata, nervosum statum arguunt.

Et sub hac rerum conditione iudicium fertur de salute aegroti. Nisi enim signa soluti, vel saltem multum leuati morbi criticum hunc impetum mox excipiant, omnia in pejus ruunt; exhaustae vires morbi cedunt magnitudini, et vita vel subitanea et quasi apoplectica morte extinguitur, vel perturbatis nervorum legibus deliria et convulsiones cum pulsu debili accedunt, inque lethalem transeunt soporem. Plerumque tamen hoc conamine activa natura febrem vincit et absoluit aegrotus. Cutis cum grato calore resolvitur; pulsusque *undosus*, sic ut singuli ictus supra se mutuo insurgere videantur, validam quidem cordis contractionem, sed sufficientem etiam dilatationem, arteriae mollietatem et laxitatem indicat.

Systema nervosum singulari mobilitate praeditum, a stimulo quodam in corpore materiali, febrilibus motibus progenerato, ita laceffitum, ut ad remissionem pervenire nequeat, criticas hasce turbas movere videtur. Rariores enim apud nostrates, *Orientalibus* et sensibilibus *Graeciae incolis* solemniore sunt, nobisque vix, nisi in teneris infantum et seminarum corporibus occurrunt, et praesertim si natura a materia quadam exanthematica, per ipsam febrem generata, corpus liberare studet. Primam itaque variolosam febrem turbulenta ejusmodi crisi in infantibus praesertim resolvi, observamus; in hisce enim convulsiones ante variolarum eruptionem non insolitae sunt, et quamquam inexpertis terrorem injiciant, perito medico bonum praebent augurium. In febribus etiam acutissimis et quibus regularior est decursus hanc crisin modo contingere, jam voluit GALENUS, „in morbis autem inveterascentibus, ait, contingit et iudicia, vehementiam perturbationis, et alterationis brevitate remittere et ad duos saepe dies et tres extendi 2)“. Continuarum *manifeste* remittentium alia est ratio; sub initio et vigente morbo horum paroxysmi ita extenduntur, ut remissio vel nulla, vel valde obscura observetur. In progressu a tem manifestiores fiunt remissiones, praesertim si adhibitis congruis medicamentis vitiosus ille fomes, circa praecordia haerens, qui nunquam non ha-

O o 2

rum

2) De diebus criticis L. II. cap. 5.

rum febrium vim intendit, educitur; atque tunc quavis paroxysmus, intermittentium febrium instar soluitur, et criticis euacuationibus vitiosa materies, in ipsius paroxysmi vehementia generata, ejicitur.

§. XLII.

Quod ad criticas illas euacuationes, quae post solutionem morbi fiunt, attinet, fateor me minus assentire posse doctrinae plerisque in scholis de iis receptae. Ex aliqua enim naturae actiuitate viriumque vehementiori impetu plurimi, illas produci, voluerunt. Sed nunquam euacuationes vere criticae in summo febris vigore, in quo natura fortissimas exerit actiones, viresque maxime intensae sunt, contingunt, quin potius sub hoc statu omnes excretiones supprimuntur, neque in ipsam, si aliqua sit, criticam perturbationem incidunt; prodire autem incipiunt, praegressis coctionis vel resolutionis signis, cum omnia jam symptomata remiserunt, vasorum motus ad naturalem rediit normam, cutisque relaxata est. Nec vlla ad perficiendas illas depurationes virium impetuositas requiritur, cum ita constituta sit animalis corporis oeconomia, ut partes corruptae et quae ad nutritionem amplius quicquam conferre non possunt, naturali vasorum excernentium oscillatorio motu ejiciantur. Excretiones itaque in naturali et sanissimo statu, absque vllis turbis rite contingunt, cum in morbosa solidorum actione supprimantur, vel ita inuertantur, ut retentis excrementitiis partibus, ea ejiciantur, quae excerni non deberent. Durante enim febre excretionibus suppressae secretionibus turbatae, simul cum vehementiori circulo et aestu praeter naturam aucto, tantam induxerunt humorum massae corruptionem, ut nisi a corruptis liberetur corpus, integra valetudo redire nequeat. Fieri autem hocce non potest, antequam vasorum irritabilitas ita remissit, ut soluto omni spasmo, aliqua tantummodo vasculosi generis efficacia supersit. Adsit pulsus mollities, tarditas et magnitudo cum fortitudine aliqua, necesse est, ita ut cor vasaque sufficienti quidem potentia contrahantur, sed et post quamlibet contractionem largam relaxationem admittant; et ultimi praesertim vasorum fines a spasmo relaxati sint.

Quamquam itaque ad depurandum corpus a corruptis per ipsam febrem humoribus, ad praecauendos alios morbos, metastases et recidivas, euacuationes criticae maxime necessariae sint, quinimo, si debilitas illa, febrem plerumque excipiens, praenature inuadit, medicamentis excitantibus promoueri debeant: tamen in soluenda febre iis nihil tribuo, neque eas solutionem morbi ipsam constituere credo. Si enim attenta, nec praecoccupata mente euacuationes has consideramus, facile patebit, eas non esse solutionis causam, sed ejusdem potius effectum. Febrem quippe a copiosissimis excretionibus nunquam solui, observamus, nisi relaxationis status omniumque symptomatum remissio praegressa est. Et licet euacuationibus, quae in morbi vigorem saepe incidunt, materia ejiciatur ejusdem ac illa, quae in criticis exterminatur, vel peioris longe et corruptioris indolis: ejusmodi tamen dejectionibus febris nunquam soluitur. Leuamen quandoque quidem afferunt, sed saepe etiam inutiles sunt et morbus iisdem exacerbatur. Alui dejectiones copiosissi-

copiosissimae foetidissimae in febrium decursu absque leuamine saepius conspiciuntur; imo „aluus in febre affatim prorumpens, mortis periculum affert¹⁾“, cum tamen sub relaxationis signis, aluo semel vel bis deposita, febris soluitur. Haemorrhagiae febriles nunc inutiles sunt, nunc damno, nunc lethiferae, sed paucae guttulae e naribus stillantes, praegressis solutionis signis, sufficiunt. Vigente febre copiosissimi sudores neque leuamen afferunt, sed periculum portendunt, et „sudor „vna cum febre acuta urgente in alius²⁾ sudor in febribus acutis multus et copiosus, damno est³⁾; lenis contra mador cum grato calore pulsuque molli, leuato jam morbo prorumpens, febrem solutam indicat. Nulla itaque cum inter excretionum copiam qualitatemque et leuamen inde percipiendum sit proportio, morbi solutio immerito iis tribui, mihi videtur. Et nunquam febrem excretionibus finiri obseruamus, nisi manifesta sub illis jam adsint signa, nervosum systema a febrili jam liberatum esse caractere: erectior sit animus et sibi constans, somnus placidior, respiratio libera, nec anxia, grate caleat corpus, nec aestuet, nec horroris supersit sensus, pulsus mollior sit, cutisque relaxata. Nisi haec simul appareant, euacuationes recte procedentes nullam promittunt salutem, sed periculosissimum indicant statum. Et licet morbus in quocunque stadio, si talia excernuntur, qualia debent, leuari possit, neutiquam tamen sub alia conditione soluitur.

Sed praeterlapso tempore, vterius hoc argumentum pertractare prohibitus, hic pedem figo.

1) *Coac.* 129.

3) *Praedit.* I. N. 58.

2) *Coac.* 574.



XVI.

GUILIEL. GODOFR. PLOUCQUET

ET

CHRISTI. LUDOV. BAUR

D E

CEPHALALGIA METHODO NATURAE

ACCOMMODATA IN SPECIES DIGESTA.

TUBINGAE 1787.

C O N S P E C T U S.

Prooemium

Cephalalgia in genere.

Sectio I. Idiopathicae.

A. Cacoplasticae, i. e. ex mala conformatione originaria.

B. Exallacticae, i. e. ex degeneratione substantiae.

C. Lymantericae, i. e. a destructione partium.

1. traumatica,

2. apostematodes

3. purulenta

4. septica

5. euroides, a carie.

D. Tblipticae et Erethisticae.

1. Stereoticae, i. e. ex corporibus solidis.

a. Exoticae

α. ex relictis corporibus variis solidis

β. mercurialis

γ. zoica.

b. Inquilinae

α. futuralis,

β. oncothliptica, i. e. ex tumoribus prementibus,

γ. lithiasica,

δ. polyposa,

ε. hydatidosa,

ζ. ecphymatica, ab excrefcentiis,

a. osteophymatica

b. sarcophymatica.

η. symphytica,

θ. osteoclastica, i. e. ex ossium fractura.

2. Humorales

a. Sanguineae.

α. inflammatoria,

β. plethorica,

γ. organica

δ. symphoreticae, ex congestione humorum.

α) ethica, ex consuetudine.

b. epische.

b. epischeticae, ex retentione excretionis.

1. haemorrhoidalis.

2. menostatica.

3. cyetica, a graviditate.

4. ischepistactica, ex suppressione haemorrhagiae narium.

5. psyctica, a refrigeratione.

6. slyptica, ex adstrictione alui.

c. agrypnica.

d. colytica.

e. Pachyaemica, ex spisso sanguine.

a. atrabilaria

b. pituitosa

b. Serosa

c. Acres

α. rheumatica

β. arthritica

γ. herpetica

δ. achorosa

ε. variolosa

ζ. trichomatica

η. scabiosa

θ. scorbutica

ι. scrophulosa

κ. syphilitica

3. Enaerea, ex contento aëre.

4. Toxica

E. Neuricae,

1. spudastica, ex nimia mentis exertatione.

2. agrypnica.

3. pathetica, ex animi affectibus.

4. asthenica, ex debilitate.

5. steretelectrica, ex priuatione materiae electricae.

Sectio II. Sympathicae.

A. Gastricae

1. saburralis

2. biliosa

3. pituitosa

4. asthenica, dyspeptica

B. Splanchnicae

1. hepatica

2. splenica

3. nephralgica

4. hysterica

C. Mastica,

D. Odontica,

E. Nasalis,

F. Ophthalmica,

Sect. III. Compositae.

Sect. IV. Complicatae.

Epilogus.

Recensio systematis SAUVAGESII et SAGARI circa Cephalalgiam.

§. I.

Inter dolores, quibus vexamur, eminet omnino is, qui summum hominem affligit, *Cephalalgia* puta, siue dolor capitis, cui varii Auctores varia quoque nomina imposuere, prout aut locum magis praecise denotare aut gradum ejus innuere, aut alia ejus praedicata indicare volebant.

In hoc morbo dolet itaque caput, verumtamen non omnes et singulae capitis partes dolentes sub hac appellatione comprehenduntur; sic, verbi causa, dolores maxillarum, genarum, narium cet. licet ea partem capitis constituent, illud nomen sibi non adseiscunt: Itaque cephalalgia eos tantum denotat dolores, ubi cranium cranioque contentae partes siue integra, siue in latere alterutro, siue in parte antica, siue postica, siue in exigua et circumscripta sede, siue per majores plagas dolent.

§. II.

§. II.

Differentiae aegris ipsis sensiles, desumuntur jam a gradu doloris, qui a leuissimo usque ad summum intolerabilem, aliisque symptomatibus stipatum euehi potest, jam ab ejusdem modificationibus, dum aut obtusus, aut grauatiuus, aut acutus, distendens, pulsans, terebrans, sentitur, aliasue variationes exhibet, modo a sede specialiori, quam occupat, modo a constantia vel fugacitate, modo a typo inuasionis siue regulari siue anomala, nunc a breuitate, acutie, nunc a chronico ejus statu, et quae sunt plures ejusmodi *differentiae accidentales*.

§. III.

Has vero differentias cum manifesto non nisi ad *faciem morbi externam* pertineant, nequaquam vero ejus naturam et indolem exhauriant vel declarent, nos pro fundamento diuisionis agnoscere non possumus.

Innitimur quos auctoritati GALENI, qui ¹⁾ capitis dolorem simpliciter cephalalgiam vocat, quamuis aliis locis etiam de cephalaea et hemicrania loquatur. Hasce tres varietates vel facies ut tot genera agnouit SAUVAGES ²⁾, quem ut in plerisque reliquis secutus est SAGAR ³⁾. Cur CULLENUS ⁴⁾ dolores capitis plane praeterierit, non perspicimus.

§. IV.

Praecipua, quam GALENUS jam agnouit, differentia ea est, qua cephalalgia, sub quo nomine et cephalaeam et hemicraniam, reliquasque appellationes complectimur, distinguitur in *Idiopathicam* et *Sympathicam*. Symptomaticas, utpote quae aliorum morborum partes et comites esse possunt, studio praetermittimus et miramur, tò symptomaticum a multis idiopathico contradistingui: cum tamen ad euitandam confusionem idionosematico s. proprium morbum constituenti opponi debeat.

Idiopathica cephalalgia itaque audit omnis ea, ubi origo mali in ipsis partibus dolentibusprehenditur; sympathica vero, cum ista in aliis partibus haeret, dolore in capite per consensum excitato.

S E C T I O I.

I D I O P A T H I C A E.

§. V.

Prima itaque ad idiopathicas pertinens species est

A. *C a c o p l a s t i c a*

Mala conformatio quaecunque, siue in partibus solidis mollibus, siue duris, liberum situm, motum aliasue rationes naturales turbans, dolores his in partibus creare potest.

Huc

1) De Symptom. different. c. 3.

3) Systema morborum P. II. p. 362 sqt.

4) Kurzer Inbegriff der medicinischen

2) Nosologia methodica T. II. p. 49 sqt. Nosologie.

Huc pertinet obſervatio HIPPOCRATIS ¹⁾ ita habentis: οἱ φοβοί, οἱ μὲν καρτεροαυχενες καὶ ἰσχυροί, τὰλλα καὶ ὀσσεῖσιν οἱ δὲ κεφαλαλγες καὶ ὠτορρυποί, οἱ σὶν ὑπερφαι κοῖλαι καὶ ὀδοντες παρηλαγμενοι.

Nec non cephalalgia a cranio craſſiſſimo, quod LIEUTAUD ²⁾ memorat.

Horum et ſimilium vitiorum organicorum diagnofis, niſi ea euidenter in oculos cadant, eſt difficillima et therapia, ſi palliativam excipias, nulla.

§. VI.

Secundus ordo ſpecierum comprehendit cephalalgias

B. *Ex allatrica*.

Huc ſpectant ſequentes.

a. Cephalalgia ex oſſibus cranii mollibus, cartilaginofis, immo et carneis, quam habet LIEUTAUD ¹⁾.

b. Obſervationes, quibus in iis, qui occipitis doloribus obnoxii vixerunt, cerebellum cerebro mollius repertum fuit, in aliis aridum et friabile. Quales proſtant exempla apud BONETUM ²⁾, RIOLANUM ³⁾, PAWIUM ⁴⁾.

c. ex glandula pineali petroſa ⁵⁾.

d. ab eadem enormi ⁶⁾.

e. ex membranis cerebri, morbos conformationis patientibus, vt habent BONETUS ⁷⁾ et WILLISIUS ⁸⁾.

f. ex degeneratione duræ meningis, in latere frontis ſiniſtro firmiſſime affixa, ibique ad modicum ſpatium, quaſi ellipſis ambitu circumſcriptum, non membranaacea, ſed mediā inter oſ et ligamentum naturam habente, quam memorat MORGAGNI ⁹⁾.

§. VII.

Sequuntur jam

C. *Lymantérica*.

Inter has primum allegari meretur

1. *Traumatica*.

Praeter ſigna anamneſtica, violentiarum illatarum teſtantia, attendendum eſt ad ſigna concurrentia, quae ſunt: Vomituritiones, vomitus, febris, oculorum rubor, faciei inflatio, agrypnia, ſopor vel et ſopor, quandoque delirium furioſum, carphologia, nec non ſuppuratione inſtante vel occulta, oedema faciei.

BINNINGER ¹⁾ habet Cephalalgiam et Haemorrhagiam periodicam ex icſtu lapidis, qui in bregmate dextro foueam reliquerat.

BONET

1) Epid. L. VI. n. 1.

2) Hiſt. Anat. med. T. II. L. IV. obſ. VI.

3) l. c. Obſ. VI.

4) Sepulchretum anatomicum Lib. I. Sect.

I. obſ. 89.

5) Anthropologia Lib. VI. cap. 2.

6) Obſeru. anat. 8.

5) Acta Erud. Lipſienſ. A. 1699. LIEUTAUD l. c. obſ. 179.

6) ibid. Obſ. 176.

7) l. c. Obſ. 84.

8) de anima brutorum P. II. cap. 1.

9) Epiſt. anatom. Ima Artic. 10.

1) Cenſ. V. Obſ. 26.

BONET vulnus sequutam allegat ²⁾).

Et alii Autores praesertim chirurgici obseruatores pleni sunt obseruationum analogarum.

Therapiae superfedere possumus, cum ejusmodi cephalalgiae non sint nisi symptomatae.

2. *Apostemato des.*

Quatenus in parte dolente apostema formatum est.

Signa hujus speciei petenda erunt jam ex signis inflammationis praegressae, jam ex metastasibus purulentis, jam ex aliis anamnesticis. Fatendum quoque, ea saepius incerta et obscura esse.

Legimus cephalalgiam ex vomica in cerebro ossis frontis, fracturam secuta ³⁾).

Alia prostant exempla apud LANCISIUM ⁴⁾, JANUM PLANCUM Ariminensem ⁵⁾, MORGAGNI ⁶⁾, BONETUM ⁷⁾, nec non in Obseruationibus Societatis Edimburgensis ⁸⁾.

Dolor intolerabilis et fugax ad frontem et tempora ex abscessu in media frontis parte legitur apud BONETUM ⁹⁾, BALLONIUM ¹⁰⁾.

Ex abscessu seroso natibus cerebri et infundibulo adhaerente ¹¹⁾.

Ex abscessu sanioso circa neruum opticum cum glutinosa et pellucida aqua ¹²⁾.

Cephalalgia bimestris accedente auris dextrae dolore intolerabili post ruptum abscessum, materiaeque per aurem effusionem euauit ¹³⁾.

Ex abscessibus in sinibus frontalibus ¹⁴⁾.

Praeterea quod signa praesentis intra cranium apostematis incerta et obscura sunt, etiam loci malignitas.

Therapiam si non omnem eludet, tamen difficillimam et rarissimam reddet.

§. VIII.

Inter lymantericas alio sensu refero

3. *Purulentas.*

Ubi scilicet pus membrana peculiari non clausum est, sed libere ad vicinas quoque partes serpit, ita tamen, ut partes dolentes exinde corrumpantur.

Nouimus cephalalgias ex pure ad os ethmoides delato ¹⁾.

Ex pure inter piam matrem et cerebrum contento, illuc ab inflammatis pleura et pulmonibus delato ²⁾.

A pure circa basin cerebri ex mero et tabaco ³⁾.

Ex pure in ventriculis ⁴⁾.

§. IX.

2) I. c. Obs. 44.

3) BONET I. c. Obs. 48.

4) De subitaneis mortibus L. I. C. XI. §. 11.

5) Storia Medica d'una apostema del lobo destro del ceruelletto.

6) de Sedibus et causis morborum Artic. I.

7) BONET I. c. Obs. 51, 54, 57.

8) Band V. num. 53. pag. 787.

9) I. c. Obs. 50.

10) De conuulsionibus pag. 27.

11) BONET I. c. Obs. 46.

12) BONET I. c. Obs. 47.

13) FRID. HOFFMANN Operum omnium T. I. pag. 326.

14) Ephem. Nat. Cur. Dec. II. A. VII. Obs. 126.

1) BONET I. c. Obs. 21.

2) BONET I. c. Obs. 4. ex Paraeo.

3) LIEUTAUD I. c. Obs. 492.

4) ibid. Obs. 313.

§. IX.

Porro huc spectat

4. *Septica.*

Quales observationes sunt:

Cephalalgia ex putredine circa substantiam cerebri ¹⁾.

De purulenta et septica ratione diagnoseos et therapiae idem fere valet, quod de apostematode: nisi quod post capitis laesiones et concussiones cerebri suppuration saepius auerruncari possit per methodum generosius antiphlogisticam, epithemata frigida, et in casibus nonnullis per maturam trepani applicationem.

§. X.

Eodem pertinet

5. *Eurodes.*

Haec Species valde chronica esse solet, et saepissime originis est syphiliticae, id quod iterum ex signis anamnesticis et concurrentibus judicandum est.

Offendimus ejusmodi cephalalgias ex carie cranii ¹⁾.

Ab interiore cranii tabula carie affecta ²⁾.

A carie ossis frontis et laesione superioris orbitae ³⁾.

Ab ossis sincipitis carie et suturis oblitteratis ⁴⁾.

Ex multiplici cranii carie ⁵⁾.

Ab ossis ethmoidei erosione ⁶⁾.

Therapia fere mere chirurgica erit, adjuuanda per ea, quae cariem, specificè dignoscendam corrigere possunt.

§. XI.

Quemadmodum destructio partis vel imminens vel perfecta dolorem creare solet: ita etiam minoris forte momenti occasiones similem effectum producent. Huc pertinet omnis stimulus, siue a pressione siue ab alius modi irritatione procedat, adeoque hujus census jam erunt *Cephalalgiae*

D. *Thlipticae* et *Erethisticae*.

Producuntur ejusmodi stimuli aut a corporibus solidis, aut a fluidis.

Primo casu posito emergent

1. *Stereoticae.*

Quae subdividuntur in

a. *Exoticas* et b. *Inquilinas.*

Pp 2

§. XII.

1) LIEUTAUD l. c. Obs. 540. ex Gemma.

1) Eph. Nat. Cur. Dec. III. A. III. Obs. 83.

2) BONET l. c. Obs. 101. ROLFINCKIUS de dolore capitis p. 106.

3) BONET l. c. Obs. 95.

4) ibid. Obs. 94.

5) LIEUTAUD l. c. p. 285. ex Slenogtio. SCHENCK a Grafenberg Obs. Med. Lib. I. Obs. 36.

6) MORGAGNI l. c. Epist. 1.

§. XII.

Ad *Exoticas* refero eas,

α. quae ex globulis plumbeis in cranio relictis ortae sunt ¹⁾ vel ex laminis cultri ²⁾, frustulo styli ³⁾ et ejusmodi pronatae sunt.

Hae species per anamnesin dignoscuntur; Therapia non datur nisi chirurgica.

§. XIII.

Porro referre huc liceat

β. Mercurialem.

Eam nempe, quae ex mercurio in cranio collecto orta legitur: quamvis mercurius inter corpora solida numerari nequeat.

Ejusmodi observationes reperio apud BONETUM ¹⁾, et LIEUTAUD ²⁾.

Ad eruendam hanc speciem facit anamnesis multi hydrargyri inuncti, diurnitas mali, et doloris constantia et locus fixus.

Hoc autem non nisi in cariosis craniis facile accidere arbitramur.

Vfus balneorum calidorum apud hasce indicatur.

§. XIV.

Sequitur jam

γ. Zoica.

Scilicet plures observationes docuere, animalcula viva, varia hospitasse intra cranium, et maxime in sinibus frontalibus, utpote quorsum et ipsa insecta et ouula facilius penetrare possunt. Ita secundum BURSERIUM ¹⁾ flores ejusmodi ouulis nonnunquam obfessi sunt, e quibus incaute olfaciendo in nares attrahi, ibique excludi possunt. Dein et animalia alius generis, et taenia hydatidis ibidem reperta sunt, praecipue quidem in ouibus aliisque brutis, quorum genesis si non aequiuoca et ambigua est, saltem nos judicium ambiguum fouere jubet, an eorum semina in et cum nostris humoribus circulare, hic ibiue deponi et excludi possint. In plerisque autem casibus larvae, non vermes prodire, vel et insecta perfecta ut scolopendrae ²⁾, *Vermes* potius ex ventriculo ascendisse, suspicatur MORGAGNI ³⁾.

Signa hujus speciei sunt: Facies cephalalgiae erit Hemicrania, dolor nempe fixus, atrox, diurnus, inprimis orbitam oculi superius occupans, vel et radicem nasi vexans. Jununtur sternutatio, siccitas narium, pruritus, odor foetidus ex naribus et ore, vertigo, spasmus palpebrae, sensus rosionis, titillationis, formicationis, a solis radiis exacerbandus.

Exempla

1) MARTINI I. *Duzend Beobachtungen das Hirn betreffend.*

2) ZACUT. LUSITANUS *Praxeos admir.* Lib. I. Obs. 5.

3) RHODIUS *Cent. I. Obs. 32.*

1) I. c. Obs. 114.

2) I. c. Obs. 558 — 562. ex CASTELLO RHENODEO, SACHSCÖ et ZWINGERO.

1) *Instit. med. pract. T. III. Cap. I. §. 7.*

2) MORGAGNI I. c. *Epist. I.*

3) I. b. *ibid. artic. 9.*

Exempla hoc illustrantia plura sint: Praeter ea, quae cephalalgiam a vermibus extra cranium sub cute in vertice nidulantibus ⁴⁾, quae dolorem pruriginosum a pediculorum caterua sub pericranio et inter cranii diploën latitante ortum docuere ⁵⁾, sunt, ubi vermes per nares excreti cephalaeae indolem demum manifestarent ⁶⁾.

MORGAGNI ⁷⁾ puellae mentionem facit, cujus pituitarii sinus vermibus omnes erant repleti.

Et AVICENNA ⁸⁾ capitis dolorem secundum Indorum medicorum sententiam ex vermibus, in cerebro natis excitari solere perhibet.

BARTHOLINUS ⁹⁾ narrat de foemina rustica, quae cum per multum tempus diros capitis dolores sensisset, iique tandem adeo increuissent, ut instar maniacae hinc inde discurreret, adiit Pastorem pagi Neukirchen, famosum tunc inter rusticos medicinae Practicum, magnis clamoribus opem implorans. Is statim consuetum sibi in cephalalgia parmicum miserculae adhibuit, quo caput vehementer concussum una infansum hospitem loco mouit, eque naribus exire compulsi; quo facto immanis capitis dolor statim conqueuit. Hospes autem iste erat vermis digiti medii longitudinis.

VICTOR TRINCAVELLIUS ¹⁰⁾ et MARCELLUS DONATUS ¹¹⁾ narrant de verme coloris obscurioris per nasum ejecto, longitudinis quatuor fere digitorum, qui utrinque secundum longitudinem quosdam tenues et breues pedes habebat.

Cephalalgiam a vermibus vel larvis muscarum intra sinum latitantibus habet ROTFINCKIUS ¹²⁾.

Profundius in cerebro intra ipsum cranium pariter ejusmodi animalcula dolores creantia reperta dicuntur:

Sic in sinu longitudinali vermes deprehensi memorantur ¹³⁾.

Ex verme in anfractibus cerebri latitante habet BONET ¹⁴⁾.

Nec non a verme inter caluariam et piam matrem latente ¹⁵⁾

Dein et in profundissimis cerebri hujusmodi reperta sunt; ita THOMAS BARTHOLINUS ¹⁶⁾ cephalaeam habet a verme nigra tunica inuoluto, quae cerebri substantiam a dextro latere sejungebat.

Narrant quoque de scorpionibus in cerebro, ut GESNERUS ¹⁷⁾, nec non HOLLERIUS ¹⁸⁾ et BONETUS ¹⁹⁾, quos autem ridet MORGAGNI ²⁰⁾.

Pp 3

Quod

4) Acta Erud. Lips. A. 1703. p. 267.

5) BONET l. c. obs. 115. MARCELLUS DONATUS Hist. memorab. Lib. I. c. 3.

6) Eph. Nat. Cur. Dec. I. A. II. obs. 147. A. IX. et X. obs. 50. Dec. II. A. I. obs. 99. A. V. in appendice p. 25 et 63. WOHLFAHRT obseru. de vermibus per nares excretis. ZACUT. LUSITAN. praxis admiranda Lib. I. obs. 7. SALZMANN Diss. de verme ex naribus excusso. TULPIUS L. IV. obs. 12. Plura ejusmodi testimonia collegit quoque CLERICUS in Historia latorum lumbricorum, c. 13. p. 295. ff.

7) l. c. Epist. I.

8) CANONIS Lib. III. Fen. I. tract. 2. cap. 3. 7. 31.

9) Epist. med. Cent. II. Epist. 74.

10) De curandis affectibus L. IX. Cap. XI.

11) l. c. pag. 485.

12) De capitis dolore.

13) Hist. de l'acad. des sciences de Paris 1733. LIEUTAUD l. c. obs. 539.

14) l. c. Obs. 116.

15) Ibid. Obs. 118.

16) Hist. Anat. Cent. I. Hist. 64.

17) Libro quinto de scorpione.

18) De morbis internis Lib. I. Cap. 1.

19) l. c. Obs. 121.

20) Ep. an. I. art. 8 et 9.

Quod therapiam attinet, ea vix, nisi cum animalcula in sinibus pituitariis haerent, succedet. His in casibus spirituosae, amara, oleosa, forte et vapor mercurialis, solutiones mercuriales in nares attracta vel injecta prodesse poterunt, vel et simplicia sternutatoria felicem quandoque effectum praestare poterunt. Quod autem profundius latitantia Zoa attinet, ea, cum nec satis certo dignosci, nec satis comode eximi possint, nulla contra ea therapia locum inueniet. Quod enim de trepano aliqui v. c. MOGAGNI ²¹⁾ proponunt, id exequi felici cum successu non dabitur.

§. XV.

Exornis his pressionibus et irritationibus subjungo jam

b. *Inquillinae*

Sive eas, quae sine concursu corporum peregrinorum eueniunt.
Inter has cephalalgias primum obtinet locum

α. *Suturalis.*

Praetereo eas, quae a futuris nimis arctis et concretis vel oblitteratis quidam generatas fuisse contendunt ¹⁾, eas modo puto, quae ex futuris praeternaturaliter dehiscen-
tibus oriri perhibentur.

Mirum est, jam apud HIPPOCRATEM vestigia hujus rei occurrere, et PAULUS AEGINETA ²⁾ cerebrum inflammatum ita intumescere ait, ut capitis suturae distendantur. Idem habet AETIUS ³⁾.

BOOTIUS ⁴⁾ hanc speciem in Hibernia saepius occurrere ait, et agricolas in compressione auxilium quaerere. Similes observationes prostant in EPHEMERIDIBUS NATURAE CURIOSORUM ⁵⁾ apud SCHENCKIUM ⁶⁾, HAGENDORNIUM ⁷⁾, FABRICIUM HILDANUM ⁸⁾, BONETUM ⁹⁾ in Actis Erudit. Lips. ¹⁰⁾ apud STALPARTIUM VAN DER WIEL ¹¹⁾ et THOMAM BARTHOLINUM ¹²⁾.

Etiam nostris in regionibus vulgus cephalaearum originem huic causae frequenter tribuere solet, unde et filo caput circumdant, mensuraturi, an id volumen majus nactum sit. Et certe, si quae huic rei veritas inest, de quo autem, nisi in casibus violentis et in hydrocephalo valde dubitamus, sola mensuratio diagnosin hujus speciei praebabit, et Therapia ad compressionem reducetur.

§. XVI.

21) l. c. Epist. 1.

1) Acta Erud. Lips. A. 1700. mense August. PLATER observ. med. Lib. II. p. 503. BONET l. c. Obs. 83 et 90. LIEUTAUD l. c. Lib. IV. Obs. 8. 9 et 11.

2) De re medica. Lib. III. cap. 7.

3) Tetrabiblion H. Serm. II. cap. 25.

4) De affectibus omittis.

5) Dec. I. A. II. obs. 247. Dec. II. A. IV. obs. 142. Cent. X. obs. 31.

6) Obs. 1. obs. 80. ex JOUBERTO.

7) Cent. I. Hist. 40.

8) Obs. Cent. II. obs. 7. et Cent. I. obs. 1.

9) l. c. obs. 92.

10) A. 1723. mense April. pag. 138.

11) Observ. rariorum Cent. I. obs. 1.

12) Cent. V. Hist. 92.

§. XVI.

Sequitur jam

β. *Oncothliptica*.

Tumores quicunque, partes sensiles prementes vel irritantes hanc speciem ciere valent, multaeque ejus prostant observationes.

Cephalalgiam natam legimus a fungosa caruncula sub cranio, qua deterfa liberatus a malo aeger integre fuit ¹⁾.

Ex tumore et elevatione durae meningis ²⁾.

Ex tumore juxta processum mammillarem ³⁾.

Ex gummatibus et tumoribus scirrhis, meninges obsidentibus ⁴⁾.

A tumore globoso in cerebro, aqua multa per id diffusa ⁵⁾.

Periit aeger in hemicrania chronica ex tumore cystico ovum columbinum aequante, supra sellam turcicam, et nervum opticum, sito, in exenteratione reperto ⁶⁾.

Similes observationes habet LIEUTAUD ⁷⁾.

Dolor fixus et atrox, nullis remediis cedens, indicationem trepani legitimare potest, praesertim cum sciamus, ejus solam applicationem nonnunquam auxilium tulisse, etiam cum nil singulare sub apertura deprehensum fuit ⁸⁾.

§. XVII.

Deinde datur et

γ. *Lithiastica*.

Vbi concrementa lapidea in variis capitis partibus reperta sunt.

Exempla huc pertinentia sunt sequentia:

A lapide, membrana incluso ¹⁾.

Porro lapides viderunt BRASSAVOLUS ²⁾, THOMAS a VEIGA ³⁾, HOLLERIUS ⁴⁾.

Dolor capitis desinens post ejectionem calculi per palatum ⁵⁾.

Cephalalgia acutissima ex materie quadam lapidea crassae meningi adnata et spiculis suis tenuem membranam cerebri perfodiente ⁶⁾.

In sinistro latere continua et chronica, a lapillo intra duram et piam matrem abscondita ⁷⁾.

Ex lapide in nervis opticis ⁸⁾.

Calculus

1) SEVERINUS de efficaci medicina. P. II. pag. 126.

2) BONET l. c. obs. 70. WEPFERUS de apoplexia obs. 15.

3) Ibid. obs. 61.

4) Ibid. obs. 48. et 83.

5) WILLISIUS tract. de anima brutorum Cap. III. p. 281.

6) STOLL rat. med. T. I. p. 285.

7) l. c. Lib. III. obs. 194 et 98 et 208.

8) SEVERINUS l. c.

1) BONET l. c. Obs. 109.

2) in Commentar. ad aphorism. 79. lib. 4. Hippocr.

3) Referente ANDR. LUCUNA Commentar. ad cap. 5. lib. 4. de loc. affect. GALENI.

4) in Append. lib. propr. Obs. 5.

5) BONET l. c. Obs. 112. Th. BARTHO- LINUS Hist. 33. Cent. I.

6) CATTIERI Obs. 15.

7) Eph. Nat. Cur. Dec. I. A. VIII. Obs. 48.

8) BLEGNY Zod. gall. A. 1679. mense April. Obs. 3.

Calculus in cerebro cuiusdam Lipsiensis natus, forma et magnitudine mori, intolerabilem et pertinacem capitis dolorem et tandem etiam mortem inferens 9).

A lapide circa cerebri basin compresso, thaleri nummi instar, sed non omnino rotundus, cineritio colore, qui os cuneiforme et olfactus meatus plane impediēbat 10).

Ex lapide in ventriculo dextro, colore albo, qui grana pendeat tredecim 11).

A calculo pinealis glandulae 12).

Quod glandulam pinealem attinet, in ea sabulum quoddam admodum frequens est, ut illud pro naturali haberi velit celeberrimus SOEMMERING, Professor jam MORGUNTINUS, qui Excellentissimo Domino Praesidi contestatus est, se in triginta septem cadaueribus consecutivae sectis sabulum illud ordine non interrupto deprehendisse, illudque praemonstravit. Erat arena ista pulveris instar, quem pharmacopaei vocant finissimi.

Calculi autem majores omnino pro praeternaturalibus creandisque doloribus aptis haberi debent.

Signa eorum praecise pathognomonica non dantur, uti et eorum Therapia fere nulla est.

§. XVIII.

Inter inquilinas porro pertinet

δ. Polyposa.

Vbi nimirum polypi vel concrementa polyposa caput occupant, ipsumque nonnunquam cerebrum irritant et turbant.

Singulare hujus rei exemplum habent SCHMALZ 1).

Similia habent MORGAGNI 2), Eph. Nat. cur. 3) nec non BURSERIUS 4).

De hujus signis et Therapia fere nil constat.

§. XIX.

Ejusdem census est

ε. Hydatidosa.

Prout in omnibus et singulis corporis partibus hydatides oriri possunt, ita et in capite, ipsoque cerebro.

Fatendum autem, Observatores nonnunquam taeniam hydatidem erronee pro veris hydatidibus habuisse. Reperimus Cephalalgiam ex hydatidibus circa temporales arterias 1).

Ab hydatidibus in plexu chorioideo 2).

Exhibebunt illae dolorem fixum, praeterea autem incerta erit earum et diagnosis et therapia.

§. XX.

9) KENTMANNUS in libell. de calculis.

10) LIEUTAUD l. c. Obs. 549.

11) ibid. Obs. 550.

12) HALLER Elem. Physiol. T. IV. Lib.

X. Sect. VII. §. XX.

1) Chirurgische und medicinische Beobacht.

n. 33.

2) l. c. Epist. 1. Artic. 11.

3) Dec. 1. A. IX. et X. Obs. 25.

4) Institut. med. pract. Vol. III. Cap. I.

§. 5.

1) BONET l. c. Obs. 62.

2) LIEUTAUD l. c. Lib. III. Obs. 165.

§. XX.

Sequuntur

§. *E c p h y m a t i c a e.*

Et quidem

a. *O s t e o p h y m a t i c a.*

Observatae quippe sunt modo exostoses internae ¹⁾, cerebrum, nervosque prementes et distendentes, modo etiam majori adhuc stimulo pollentes excrescentiae acutae, nec non aliae partium natura mollium ossescentiae, quae jam mechanice irritando, jam circulum turbando dolores fixos, atroces, chronicos produxere.

Ejusmodi pfuries deprehensa sunt apud epilepticos et maniacos, nonnunquam autem Cephalaeam tantummodo excitarunt.

Ita cephalalgiam ab ossiculo duram matrem pungente habet BONET ²⁾ et OSLANDER ³⁾.

Hemicraniam ob carotidem intra cranium ossificatam ⁴⁾.

Ex tumore osseo in osse bregmatis cum mira meningum crassitie ⁵⁾.

b. *S a r c o p h y m a t i c a et verrucosa.*

Conuenit haec cum Oncothliptica.

Reperimus verrucas durae matris et Cephalalgiam inde pendentem in Ephem. Nat. Curios. ⁶⁾.

§. XXI.

Porro datur

η. *S y m p h y t i c a.*

Cephalalgiam a membranarum coalitu habent BONET ¹⁾ et WEPFER ²⁾.

§. XXII.

Denique et

θ. *O s t e o c l a s t i c a.*

Quatenus nempe fracturae in ossibus cranii cerebri substantiam non destruxere, verum tamen premunt et irritant.

Signa erunt modo euidentia, modo autem, cum externe nulla fracturae vestigia apparent, ex anamnesi petenda erunt.

Trepanum aliaque auxilia chirurgica huic speciei mederi possunt.

§. XXIII.

Quemadmodum evidens pressio et stimulus e corporibus solidis redundare potuit, ita et partes fluidae vel humores simile quid exferere possunt.

Hinc

1) BURSERIUS l. c. §. 4.

2) l. c. Obs. 57.

3) Beobacht. über Krankheiten der Frauenzimmer und Kinder. Beobacht. III. pag. 135. not.

4) BONET l. c. Obs. 87.

5) Eph. Nat. Cur. Dec. III. A. IX. Obs. 253.

6) Cent. I. Obs. 69.

1) l. c. Obs. 83, 72 et 64.

2) De apoplexia p. 430.

Hinc sequuntur jam Cephalalgiae *thlypticae* et *erethisticae*

2. *Humorales.*

Ex harum ordine primum sunt

a. *Sanguineae.*

Vbi scilicet sanguis, siue in vasis suis adhuc contentus, ea vero supra modum distendens, siue extrinsecus, partes vicinas et subjacentes premit et stimulat.

α. *Inflammatoria.*

Quamvis haec species, vt symptoma inflammationis considerari potest, adeoque nos eam sicco pede praeterire possumus, tamen aliqua de ea differemus.

Observationes huc facientes reperio apud BLANCARDUM ¹⁾, qui in Cephalalgia demortuis vasa sanguifera per meninges transeuntia, valde sanguine turgida reperiit, meninges erant inflammatae, e cavitare sanguinis unciae octo effluerunt, cerebrum humore limpidio humectatum fuit, et ventriculi cerebri simili liquamine oppleti erant, reliqua cerebri substantia valde molli existente. Apud BONETUM ²⁾ a grumo sanguinis, corpus striatum et corpus callosum comprimente, et sanguine in ventriculum anteriorem congesto, vt et frontis dolorem aestuosum a cerebri et membranarum dispositione inflammatoria apud BRASSAVOLUM ³⁾.

HIPPOCRATES ⁴⁾ sine dubio eam subintellexit per *πληρωμα ὀδυνοδες ἐγκεφαλᾶς*.

Signa ejus erunt dolor immanis, febris, pulsus plenus, saepe durus, oculorum rubor, seu, vt CAELIUS AURELIANUS ⁵⁾ ait, oculorum sanguinolentia, turgor, agrypnia, agitatio continua, carphologia ⁶⁾ et plerumque delirium furiosum, nonnunquam etiam stupor et sopor et debilitas accedunt, aegri caput manibus petunt, illudque fricant, visum attentum vel frequenter palpeprantem annotante eodem ⁷⁾. Concurrunt reliqua signa narthopiae humorum.

Periculosa ejus speciei sedes est modo in meningibus, modo, vt jam PAULUS AEGINETA ⁸⁾ agnuit, in ipso cerebro.

Causas multiplices jam violentas jam alias allegare hujus loci non est.

Notamus tantummodo, in ea opus esse therapia efficacissima antiphlogistica, qualem etiam Veteres instituerunt, vt videre est apud HIPPOCRATEM ⁹⁾, ARETAEUM ¹⁰⁾, CAELIUM AURELIANUM ¹¹⁾, AETIUM ¹²⁾, ACTUARIUM ¹³⁾ aliosque. Veteres nimirum in copiosis sanguinis detractionibus, quas modo per sectiones venarum in extremitatibus, frontaliis, jugularibus, sublingualibus instituerunt, quibus tamen ASCLEPIADES et SORANUS contradicebant ¹⁴⁾, salutem quaesierunt, modo in vberimis scarifica-

1) Anat. pract. Cent. I. Obs. 3.

2) l. c. Obs. 66. GREG. HORSTIUS T. 2.

3) l. 2. Obs. 1.

4) Comm. ad aphor. 51. Lib. 7. HIPPOCR. Aphor. 10. 6.

5) *περὶ νόσων* Lib. III. Edit. FOESIANAE pag. 488. lin. 11.

6) Acut. Morb. Lib. I. pag. 8.

7) ibid. pag. 10.

8) l. c. pag. 12.

9) l. c. Lib. III. cap. 6.

10) l. c.

11) De morborum chronicorum curatione Lib. I. cap. 2.

12) l. c.

13) Tetrabiblion II. Sect. II. Cap. II.

14) Lib. IV. cap. 11.

15) CAELIUS AURELIANUS l. c. p. 40. 43. 46.

scarificationibus, in nucha et dorso institutis, nec non secundum PAULUM, ARETAEUM, et CAELIUM AURELIANUM ¹⁵⁾ in ipso capite celebrandis. Ita POSIDONIUS ¹⁶⁾ ex occipitio ad libræ mensuram sanguinem detrahi iussit; Etiam hirudines sub ipsa fronte applicarunt, quam operationem ad deplenda capitis vasa etiam Neoterici perutilem deprehenderunt. ARETAEUS ¹⁷⁾ haemorrhagiam narium arte procurandam suavit, ut taceam de clysmatibus, purgantibus, balneis et unctionibus, ligaturis pedum, applicatione narcoticorum externa. Notabo tantum, jam Veteres usum epithematum frigidorum in hisce casibus perbelle novisse: ita enim HIPPOCRATES ¹⁸⁾, cum de tumore cerebri inflammatorio agit, jubet: ὁκοταν ὁ ἐγκεφαλός, αἰδησῃ ὑπο φλεγμασις, ὀδυνῇ ἰσχεῖ ἀπασαν τὴν κεφαλὴν· μαλιστα δὲ, ἐπὶ ταύτῃ ἡ φλεγμασίη. — Χρηθὲ ὁκοταν περιωδυνῇ, ψυχρεῖν τὴν κεφαλὴν, μαλιστα μὲν ξυραντά, ἢ ἐς κυσιν ἢ ἐς ἐντέρα ἐγχεαντά των ψυκτικων τι. εἰον χυλὸν στυχὸν καὶ γὴν κεραμιτὶδα το μὲν προσιδεῖναι, το δὲ ἀφαιρεῖν πρὶν ἢ χλιαρὸν γενῆται. Et ARETAEUS ¹⁹⁾ irrigationem capitis ad curationem phreniticorum requirit, rarius quidem in incremento, omnium vero frequentissime vigente morbo, cum maxime insaniunt, tum maxime irrigandum esse humore frigido. Ipsam arteriotomiam utilem hic fore asseuerari potest, quale exemplum habet PARAEUS ²⁰⁾.

§. XXIV.

Transimus jam ad

β. Plethoricam.

Licet plethora per se raro cephalalgiam causetur: tamen accedente quouis organo et leui congestione plethorici eo facilius et certius hos dolores incurrunt, quod jam HIPPOCRATES ¹⁾ agnovisse videtur, cum ait: Ποναὶ δὲ τῆς κεφαλῆς ἅμα τῷ πυρετῷ γιγνόνται δια τὸδε· σφοδρωθῇ τῇτι διεξοδοῖσιν ἐν τῇ κεφαλῇ τὸ αἷματος γίνεται, πεπληρωγῶνται γὰρ ἡερός· πλησθεῖσθαι δὲ καὶ πρηθεῖσθαι τὸν πόνον ἐμποιεῖσιν ἐν τῇ κεφαλῇ. βῆ γὰρ τὸ αἷμα βιαζόμενον, δια σενῆς ὁδῶ, θερμὸν εἶον, ὃ δύναται περαιοῖσθαι ταχέως. —

Ex sanguinis abundantia cephalalgiam habet FORESTUS ²⁾.

Ex intermissa venae sectione LENTILIUS ³⁾.

Signa ejus erunt fere eadem, quæ inflammatoriae, nisi quod gradu multo mitiori aderunt.

Pari modo ejus Therapia erit eadem, nisi quod in leuioribus remediis, nonnunquam meris temperantibus, lenibusque anodynis subsistere, ægrumque liberare poterimus.

Quæ exempla

- 15) l. c.
 16) apud CAELIUM AURELIANUM l. c. pag. 31.
 17) l. c.
 18) l. c. pag. 488. lin. 4.
 19) De morborum acutorum curatione Lib. I. cap. 2.

- 20) L. XVI. c. 4.
 1) περὶ Φυσῶν edit. Foefiana pag. 298. lin. 31.
 2) L. IX. de variis capitis doloribus.
 3) Miscell. med. p. 193.

Exempla sublatæ per sanguinis detractioes cephalalgiae sunt vulgaria. Allegamus tamen sanatam per venae sectionem in cantho oculorum ⁴⁾.

Sectionem venarum jugularium in cephalaea utilissimum praedicant THOMAS BARTHOLINUS ⁵⁾ et WILLISIUS ⁶⁾.

Sublata fuit per sectionem venae frontalis ⁷⁾.

Etiâ hirudines temporibus vel post aures applicitæ eam sanauerunt ⁸⁾.

Per arteriotomiam hemicraniam desperatam sublatam habet PARAEUS ⁹⁾.

Huc trahendæ quoque sanationes per vulnerationes capitis ¹⁰⁾.

§. XXV.

De

γ. *Orgastica*

Similia fere praedicanda sunt: cum nempe sanguis quantitate quidem non peccans, nimis tamen expansus vasa distendit.

Signa petuntur ex antegestis. Producitur scilicet a nimio corporis motu, abusu spirituosorum, calefactione capitis, ex igne, sole ¹⁾, integumentis calidioribus.

Haec etiam sine venae sectione, temperantibus et sedantibus tractanda est, et nunquam

pulueris exigui jactu compressa quiescit.

§. XXVI.

Eundem adhuc specierum ordinem ingrediuntur

δ. *Symphoreticae*

Vbi nimirum sanguis per motus spasmodicos partium remotarum, vasorum, aliarumque, in vasa capitis determinatur.

Inter has occurrunt

α. *Ethica*

Sive *consuetudinalis*, quae modo in dispositione haereditaria, modo in aetatis ratione, modo in idiosyncrasia, modo in aliis statibus morbofis suum habet fundamentum.

Concurrent in hac, vti in omnibus congestoriis, signa anarrhopiae, frigus nempe extremorum, venae ibidem collapsae, turgor et rubor contra faciei, oculorum et vasorum capitis visibilium.

Therapia huic conveniens erit derivans atque renellens, adeoque conducent laxantia, clysmata, pediluia, sinapismi, aliaque erethistica remotis partibus applicata, nec non, quo motus spasmodici sopiantur, subinde aliquid opii.

β. *Epispheti-*

4) ZAC. LUSITANUS prax. adm. Lib. I. Obs. 4.

5) Epist. Cent. I. Epist. 80.

6) Pharmaceuticae rationalis Pars II. pag. 395.

7) ZAC. LUSITANUS l. c. Obs. 10.

8) Ibid. Obs. 9. Eph. Nat. Cur. Dec. I. A. VI. Obs. 9.

9) Lib. XVI. Cap. 4.

10) FABRICIUS HILDAN. Obs. C. II. 8.

1) FORESTUS Lib. IX. Obs. I. et II.

6. *Epispheticae*.

Et primo quidem

1. *Haemorrhoidalis*

Strictius sic appellanda, cum quis evidentibus moliminibus haemorrhoidalibus vel et ipsa haemorrhoida jam laboravit, quibus cessantibus congestio jam mutatur et ad caput vertitur. *Latiore* sensu omnes congestiorae haemorrhoidales vocari possent, si quidem id subintelligere velis, quod cephalalgia cessatura sit, si haemorrhoides appariturae essent.

Signa itaque hic iterum sunt anamnestica, et Therapia aut in restitutione haemorrhoidum, aut in imminutione massae sanguineae et placatione motuum quaerenda erit.

Memorabilis est observatio FABRICII HILDANI ¹⁾ de aegro, grauissima et inueterata hemicrania laborante, cui incassum arteriae temporales incisae, fetacum nuchae affixum, aliaque permulta remedia adhibita fuerant. Huic vberimus sanguinis secessus per aluum, iteratis vicibus contingens pertinax malum suffulit.

Ejusdem census est

2. *Menostatica*

Quae et quoad diagnosin et quoad therapiam priori analogae est.

Exempla hujus prostant in Eph. Nat. Cur. ²⁾ apud FRID. HOFFMANN ³⁾, FORESTUM ⁴⁾, STOLLIIUM ⁵⁾, TISSOTUM ⁶⁾.

Huic annexi potest

3. *Cytica*

In qua et menostasia et impeditus circuitus per vasa abdominalia concurrunt.

Hinc etiam grauidae subinde et temperantibus et venae sectionibus opus habent.

Porro huc spectat

4. *Ischepistastica*

Quae saepe occurrit, et ceterum cum ethica convenit.

In haemorrhagiam narium terminatam legimus in Eph. Nat. Cur. ⁷⁾ quae quidem quotidiana est.

Therapia temperans, reuellens, ipsaque epistaxeos restitutio huc facit, quam ARETAEUS vario modo procurare jubet, cum ⁸⁾ ita habet: „Sanguis e nasi interioribus detrahatur: intro enim praelongum instrumentum immittitur, quod *Catejation* vocant, aut illud, cui *Storine* nomen est; aut si quis horum copiam non habuerit, pennae anserinae caulem crassiore sumere debet, ejusque nervosam partem denticulatim

Q 9 3

instit

1) Obs. C. II. 9.

2) Dec. II. A. VI. obs. 69.

3) Oper. T. I. pag. 341.

4) Lib. 9. obs. 41.

5) Rat. med. T. I. p. 258.

6) Von Nervenkrankheiten, Theil IV. Seite 98.

7) Cent. III. obs. 154.

8) Diut. morb. curat. L. I. c. 2. p. 251. de curatione cephalaeae.

instar ferrae incidere, atque sic in narem usque ad ossa, quae ob cribri seu colatorii similitudinem *Etmoidae* vocantur, immittere: deinde utraque manu agitare, quò locus a dentibus insculpatur, ac vulneretur. Facilis est autem ac copiosus sanguinis cursus: nam graciles venae hic desinunt, corporaque hac in parte mollia sunt, et sectioni habilia, verum, et multos nares vulnerandi modos vulgus nonit, herbas scilicet asperas, et arida lauri folia naribus imponentes, aut digitis eas fortiter agitantes, cum vero quantum satis sit, euacuaueris, quod erit heminae dimidium: coercendus sanguis est spongiis, et posca, aut aliquod aridum, quod sistendi sanguinis vim habeat, naribus inspirandum, galla aut scissile alumen, aut balaustrum.⁹⁾ Quibus addit SAGAR⁹⁾ stramen siccum abruptum vel capsulam ranunculi pratensis in nares immittendam.

5. *Psyllitica*

Observationes habent Eph. Nat. Cur.¹⁰⁾ et WEPFERUS¹¹⁾.

Haec plerumque transit in catarrhum, et emollientibus ac regimine leniter diaphoretica tractanda est.

Denique occurrit et

6. *Styptica*

Vulgaris est observatio, styptin siue alui constipationem cum omni humorum anarrhopia concurrere solere, hancque solam quandoque cephalalgiam causari.

Ejus diagnosi per se patet.

Therapiam perficient clysmata et laxantia antiphlogistica.

Inter symphoreticas ex parte saltem quoque numerari potest

c. *Agrypnica*¹²⁾.

Vigiliae, quacunque ex causa, nimis diu protractae, motus in encephalo supponunt et cient enormes, unde humores in vasa congeruntur, totumque cerebrum calet, altera quidem ex parte haec cephalalgia inter neuricas ordinanda est.

Inter auxilia huic speciei accommodanda praeter antiphlogistica et temperantia eminebunt epithemata frigida capiti applicanda.

d. *Colytica*

Nec omitti plane debet *Colytica*, vbi circuitui sanguinis ejusmodi obstacula obiciuntur, ut is expedite e capite redire nequeat; Id fit in omni dyspnoea, in tussi, vbi concussio simul agit, denique in omnibus morbis angustiae vasorum, liberum sanguinis iter praepedientibus, et efficientibus, ut is in vasis cerebri coaceruetur. Symptomatae hae species sequuntur morbum principem.

§. XXVII.

Ad sanguineas pertinet etiam

e. *Pachyaemica*

Sanguis enim tenax et spissus impedito transitu per cerebri vasa non poterit non subinde ea expandere et sic pressionem efficere.

Distingui.

9) Systema morbor. symptom. I. p. 444.

10) Dec. III. A. IX. et X. Obs. 153.

11) l. c. Obs. 46.

12) Acta Nat. cur. T. IV. Obs. 137.

Distinguiamus hanc in

a. *Atrabilariam* et b. *Pituitosam*.

Prior ex habitu corporis sicco, temperamento melancholico, excretionibus impeditis et ejusmodi noscitur.

Haecce poscit correctionem vniuersalem hujus spissitudinis, petendam ex diluentibus, salinis, mucilaginosiis, acidis vegetabilibus et acido-dulcibus.

Posterior vero sese prodet per halitum cachecticum: pallorem et reliqua dominantis pituitae signa.

Indicantur hic resoluentia potentiora, stimulantia, purgantia et demum tonica.

§. XXVIII.

Alius naturae est

b. *Serosa*.

Cum scilicet humor serosus extra vasa stagnans cerebrum siue in superficie siue in profundis premit et irritat.

Praeter alia symptomata soporem, strabismum etc. quae WHYTTIUS ¹⁾ in descriptione hydrocephali interni adeo graphice depinxit, ex hoc statu etiam dolores obortos fuisse testantur praeter modo citatum Obseruatores plurimi: ita reperimus cephalalgiam periodicam et pertinacem ex hydrope cerebri ²⁾.

Chronicotaton, vtpote per annos viginti quinque in femina duranti hujusmodi dolorem, in cujus capite magna aquae limpidae quantitas haerebat, simulque arteriae carotides induratae erant, inuenimus iterum in Eph. Nat. Cur. ³⁾.

Signa characteristica erunt partim anamnestica, vt catarrhorum habitualium cessatio, capitis inflammationes olim praegressae, partim eadem, quae Hydrocephali interni.

Errhina et vesicatoria nonnunquam profuisse testantur obseruationes ⁴⁾, et in recenter natis doloribus ex suppresso catarrho omnino ad rhombum esse videntur. Dein purgantia, diuretica et diaphoretica pariter indicantur. His omnibus tamen secundum recentiores obseruationes palinam praeripit salinatio, ope mercurii, praesertim dulcis instituta. An et applicatio trepani quandoque suadendum sit secundum exemplum a WEPFERO propositum ⁵⁾, generaliter affirmare non audemus, eamque non nisi in dolore fixo et magis superficiali tentandam esse censemus.

§. XXIX.

Cum simplex aquarum coaceruatio cephalalgiam producere valuerit, eo magis effectum hunc edent

c. *Acres*

1) *Sämliche Schriften* Seite 662.

1. c. Obs. 34. BONET 1. c. Obs. 17, 29. LIEUTAUD 1. c. Lib. III. Obs. 411.

2) Eph. Nat. Cur. Cent. III. Obs. XIV.

3) Dec. I. A. I. Obs. 127.

Dec. I. A. I. Obs. 69. Dec. II. A. X. Obs. 3.

4) BONET 1. c. Obs. 18.

Dec. III. A. V. et VI. Obs. 81. WEPFER

5) 1. c. Obs. 18.

c. *Acres*

humores, cujuscunque naturae sint, siue vniuersaliter dominantes siue metastatice huc delati, partes itaque hasce inundantes. Et sectiones cadauerum haud raro has Species demonstrauere.

Ex insigni copia feri acris limpidissimi in cerebro reperti cephalalgiam legimus in Actis Nat. Cur. ¹⁾ apud WEPFERUM ²⁾ et MORGAGNI ³⁾.

Suspicio praesentis ejusmodi feri acris enascetur ex concurrentibus signis acrimoniae, praesertim muriaticae et ammoniacalis.

Therapia conueniet cum Speciei praecedentis.

§. XXX.

a. *Rheumaticam*

huc pertinentem agnouerunt plerique autores, v. c. FRID. HOFFMANNUS ¹⁾.

Conuenit haec, et saepissime coincidit cum psychica, quamuis et alii chronici et fixi rheumatismi doloribus pertinacissimis caput vexare possunt. Quemadmodum anamnesis hanc speciem prodere solet, ita therapia in casibus leuioribus consistet in methodo emolliente et diaphoretica, in grauioribus autem in vsum vocanda erunt vesicatoria, jam in ipsis regionibus dolentibus scopo resoluendi, jam in remotioribus, reuolendi ergo positas, potentiora resoluentia, diuretica, puluis sic dictus *Doverianus*. Quodsi stimulus localis, vt dens cariosus rheumaticam materiem ad hasce partes determinet, ille omnino tollendus et eradicandus est.

§. XXXI.

Affinis est huicce

β. *Arthritica*

Siue humores in vniuersum labe arthritica infecti sint, siue haec specialius per metastasin ad caput delata sit, utroque casu cephalaea oriri poterit.

Hic praelucet iterum signa anamnestica, iubentque therapiam arthritidis instituire, vrgens autem symptoma maxime citam et potentem reuulsionem a parte dolente poscet.

§. XXXII.

Sequitur

γ. *Herpetica* ¹⁾.

Ex singularis hujus acrimoniae in caput determinatione, quae ex repulso isto exanthemate enasci solet, cephalalgia omnino produci potest. Noscetur haec species ex anamnesi, et Therapiam contra herpeticam materiam dirigendam esse per se patet, reuulsionem tamen potenti quoque opus est.

§. XXXIII.

1) T. V. Obs. 74.

2) l. c. Obs. 48. et 49.

3) l. c. Epist. I.

1) T. II. Sect. II. Cap. I.

1) POUPART von den Flechten. TISSOT von den Nervenkrankheiten. Band III. p. 201.

§. XXXIII.

Analoga huic est

δ. *Achorosia*¹⁾.

Tam in signis quam in Therapia. Restitutio achorum, quae ceterum tam facilis non est, cum irritantia ipsaeque cantharides capiti applicata eam non semper reproducant, omni tamen modo et emolliente, et irritante est tentanda.

§. XXXIV.

Sic et dabitur

ε. *Variolosia*¹⁾.

§. XXXV.

Nec non

ζ. *Trichomatica*¹⁾.

Aut praecedit dolor trichoma, aut illud repulsum sequitur.

Therapia itaque ad ipsum trichoma spectat, laudaturque in eo decoctum Lycopodii clauati tam interne quam externe adhibendum; sine dubio etiam antimonium hic cum fructu applicari posset.

§. XXXVI.

Et

η. *Scabiosa*¹⁾.

Consideranda, et tractanda, fere ut achorosa.

§. XXXVII.

Inter acres numeratur quoque

θ. *Scorbutica*,

Nomine quidem sine dubio haud semper stricte intelligendo.

Mentionem ejus faciunt HORSTIUS¹⁾ aliique²⁾.

In ipso autem scorbutico hosce dolores saepe occurrere mirum non est.

Concurrentia signa scorbuti ad diagnosin ejus faciunt.

Therapia mere antiscorbutica erit.

§. XXXVIII.

Occurrit quoque

ι. *Scrophulosia*,

Sic hemicraniam funestam cum scrophulis observauit WEPFERUS¹⁾.

Stagnantes quippe humores lymphatici etiam his in partibus vasorum emphraxin et inde oriundam irritationem causari possunt.

§. XXXIX.

1) LIEUTAUD l. c. Obs. 158.

1) Eph. Nat. Cur. Dec. III. A. IV. Obs. 1.

1) SENNERTUS operum T. III. p. 849.

STABEL de plica polonica Hist. 5. et 6.

1) SAUVAGES l. c. p. 54.

1) Operum P. II. L. II. Obs. 26.

1) Eph. Nat. Cur. Dec. II. A. V. Obs. 47.

A. III. Obs. 196. A. X. Obs. 41. BONET

l. c. Additam. 2.

1) l. c. Obs. 60.

§. XXXIX.

Denique etiam

2. *Syphiliticae*

mentio facienda est.

Hujus testes exstant per plures, vt PETRUS FORESTUS ¹⁾, THONERUS ²⁾, MANGETUS ³⁾, PLATERUS ⁴⁾, WEPPERUS ⁵⁾, FRIDER. HOFFMANNUS ⁶⁾, LIEUTAUD ⁷⁾, GMELIN ⁸⁾.

In hac specie patiuntur maxime et plerumque partes solidae et praecipue ossa, carie scilicet Syphilitica infestata, vt supra ad speciem eundem annotauimus, unde etiam dolores saepe circumscripti, fixi, pertinacissimi sunt. Possunt tamen et molles partes hac labe infectae dolere, inflammari, suppurari, erodi.

Consulimus hic signa anamnesticum et concurrentia, priora difficiliora et obscuriora esse solent, cum plerumque aegri vix ac ne vix quidem eo perducere possint; vt fateantur, quid his in rebus cum ipsis actum sit.

Observationes docent, pertinacissimas cephalalgias ope mercurii sublatas esse ⁹⁾.

RHODIUS ¹⁰⁾ habet cephalalgiam a lue venerea fontis calidi stillicidio sedatam.

Nos in casibus recentioribus mercurium ejusque praeparata suffectorum esse censemus, in magis inueteratis autem potius antimonium, plantasque acres, v. c. Daphnen mezereum, Astragalum exscapum, Lobeliam syphiliticam, vel et Lacertas in usum trahendas, statuimus.

§. XL.

Inter thlypticas et erethislicas locum habere quoque existimamus singularem speciem, quam

3. *Enaëream*

vocamus. Aër videlicet, cujuscunque originis vel speciei intra cranium latere, vel et vasis nonnunquam in bullas majores coactus contineri potest.

Nolumus quidem omnes eas observationes, vbi de inflatione cerebri, vaporibus vel flatibus piam matrem distendentibus, et ejusmodi huc trahere, persuasi, autores vt WEPPERUM ¹⁾, WILLISIUM ²⁾, BONETUM ³⁾ ex hypothese vel conjecturatione tantummodo sic statuissse. Videntur tamen illae observationes ex parte huc pertinere, vbi trepanum in atrocissimis cephalaeis adhibitum eam sustulit, et si nil singulare in meningibus vel cerebro inuentum fuit. Memorabile est, ARETAEUM ⁴⁾ jam hujus praxeos ad curationem cephalaeae mentionem fecisse, cum dicit: „Nonnulli super frontem ea in parte, vbi futura est, quae corona dicitur, cutem osse tenuis inciderunt, illud aut

exterentes

1) Lib. IX. Obs. 53.

2) Obs. Lib. II. Obs. 4.

3) Bibl. pract. T. I.

4) Obs. Lib. I. p. 343.

5) l. c. Obs. 59.

6) T. II. Sect. II. Cap. r.

7) l. c. Lib. III. Obs. 154.

8) Noua Acta Nat. Cur. Tom. VI. App.

pag. 394.

9) Eph. Nat. Cur. Dec. III. A. IX. et X. Obs. 188.

10) l. c.

1) l. c. Obs. 40.

2) Anatome cerebri cap. 8.

3) l. c. Obs. 39.

4) Diuturnorum morborum Lib. I. cap. 2.

exterentes aut excidentes vsque ad meditullium (quam graeci Diploen nominant) ad carnis repletionem perduxerunt. Alii et ossa ad membranam vsque perforarunt."

§. XLI.

Denique adhuc ad erethisticas refero

4. *Toxica m.*

Venena halitiosa praesertim huc pertinent.

Hinc odor conii maculati recentis et similium, odor sulphuris accensi ¹⁾, vapores carbonum, multi foetores et in genere aër phlogisticatus, nec non quandoque herbarum et florum odoratorum, vt cyani moschati, basilici hortensis ²⁾, ranunculi hortensis ³⁾, aliorumque, prout quotidiana fert obseruatio, cephalalgiam caussari possunt, nec minus vapores metallici, praesertim saturnini, eundem effectum praestant. Plura quidem venena alius generis etiam per consensum capitis dolorem caussantur.

Istis quidem medetur aër renouatus, et multis in casibus alcali fluor.

§. XLII.

Inter cephalalgias idiopathicas pertinent porro

E. *Neuricae*

Vbi systema neruosum absque stimulo crassiori patitur.

Inter has refero

1. *Spudastica m.*

Prouerbum habemus: *Viel Wissen macht Kopfsch.* Nimia scilicet mentis exercitatio, objectis quibuscunque nimis acriter vel diutius iusto intensae, dolores hosce creare potest ¹⁾, siue fatigando organon sensorium internum, cum anima sine ejus cooperatione agere posse non videtur, siue et simul congestiones humorum efficiendo.

Anamnesis hanc speciem prodit.

Therapia quaerenda est in quiete animi et corporis, distractionibus a seriis negotiis, itineribus, rusticatione et epithematibus frigidis capiti applicitis.

§. XLIII.

Huic penitus analoga est

2. *Agrypnica.*

§. XLIV.

Deinde huc spectat

3. *Pathetica.*

Vehementes animi commotiones vniuersum neruorum systema turbantes huc pariter faciunt.

Rr 2

Ex

1) Eph. Nat. Cur. Dec. II. A. X. Obs. 45.

2) Eph. Nat. Cur. Dec. III. A. IV. Obs. 3.

3) ibid. A. IX. et X. Obs. 92.

1) WEPFER l. c. pag. 121. BINNINGER

Observ. Cent. III. Obs. 10. TISSOT von

Nervenkrankheiten, Band IV. p. 103.

Ex antecessis hæc species dijudicanda est.

Therapia in similibus quaerenda erit, ac §. XLII. dictum est. Praeterea tamen etiam motuum systematis circulatorii auctorum, nec non humorum singularium per pathema hoc illudue, modo sic, modo aliter deprauatorum ratio habenda est.

§. XLV.

Denique datur

4. *Asthenica.*

Debilitas siue nosematica, siue cenotica, siue exaryslica, vndecunque exorta, seu ex laboribus nimis, seu ex noua illa, sic dictis magnetisatoribus, vt contendunt, accidente, vires perdendi occasione, siue alia, quorum etiam (male sic dictam) hysterica, referimus, hemicranias praecipue, (quae alias clauus vel ouum hystericum audiunt,) periodicas, licet typo plane incerto producere solent.

Legimus saeuissimam cephalaeam venae sectionem iusto largiorem secutam ¹⁾.

Aliam ex coitu ortum trahentem ²⁾.

Hujus speciei dolores sunt fere spastici, nouimus enim, debilitatem et proclinitatem in spasmos pari fere passu ambulare.

Therapia itaque, saltem radicalis, ponitur in roboratione, vrgens autem symptoma etiam sedantibus compefcitur.

§. XLVI.

An huic subordinanda est

5. *Sterelectrica?*

Siue ea, quae a priuatione materiae electricae euenire dicitur? An exinde *καρ-
Βαία* HIPPOCRATIS, quae flaute plumbeo austro, et in Italia dominante Sirocco multis accidit, deducenda.

Iuuant in hac lotiones et natationes frigidae, analeptica, motus.

SECTIO II.

CEPHALALGIAE SYMPATHICAE.

§. XLVII.

Quemadmodum consensus aliquis ac conspiratio quaedam inter viuas partes est, qua fit, vt altera alteram in communes contractiones cieat, cum vna modo lacescit, vt adeo pars singularis irritata, nonnunquam et vniuersum corpus exagitet et motus nascantur, alias salutare alias detrimentosi ¹⁾ ita et dolores ex eodem fonte frequenter oriuntur. Quid ergo mirum, caput dolere posse ex aliis et remotis partibus affectis. Solennis maxime consensus obtinet inter caput et systema gastricum, vnde primum locum obtinet inter sympathicas siue consensuales cephalalgias

A. Gastrica.

¹⁾ Acta Nat. Cur. Vol. I. Obs. 136.

²⁾ FORESTUS l. c. Obs. 29.

¹⁾ GAUBIUS Instit. Pathol. par. 178.

A. *Gastricæ.*

Agnouerunt hanc GALENUS²⁾, nec non Arabes et Arabistæ et Recentiores omnes. Cum autem vitia gastrica diuersæ sint naturæ, etiam hujus species cephalalgiae subdividi debent in

1. *Saburralæ.*

Pertinet huc ea, quæ ingluuiem, ebrietatem, insequitur, quamquam et in his congestiones humorum concurrunt.

Prodit hæc anamnesis.

Eamque tollit euacuatio pro re nata *αυω* vel *κατω* instituta, nonnunquam et analepticum vel roborans v. gr. Liquor anod. Hoffm. Essentia absynthii aliaque amara.

2. *Biliosa.*

Hujus facies modo est simplex cephalalgia, modo autem hemicraniae faciem induit, hæud raro periodicae.

Observauerunt hanc speciem FORESTUS³⁾, BINNINGER⁴⁾, WEPFER⁵⁾, BONNET⁶⁾, FRID. HOFFMANN⁷⁾ alique.

Consulenda hic sunt signa bilis dominantis et vrgentis, vt oris amaror, lingua flava vel viridescens, tensio circa scrobiculum cordis, oculi flavescentes: tremor labii inferioris, genius epidemicus, hominis constitutio biliosa, nec non pathemata forte prægressa.

Huic speciei therapiam antibiliosam esse accommodandam quivis videt, adeoque auxilia quaerenda erunt in acidis vegetabilibus, mucilaginosi et emetocatharsi, nisi quidem excedens sensibilitas et irritabilitas subjecti aliaue contraindiciantia hanc prohibeant, vtpote in quibus casibus etiam ad sedantia confugiendum est.

3. *Pituitosa.*

Pituita, siue in vniuersa humorum massa dominans, siue specialiter in systema gastricum deposita, modo cum, modo sine febre, modo hanc, modo illam cephalalgiae faciem producere valet.

Etiam hanc observavit FORESTUS⁸⁾.

Temperamentum phlegmaticum, habitus cachecticus, lingua pituitosa, ipsa pituita per vomitum vel aluum secedens hanc detegit.

Hujus medela ponitur in resolventibus, euacuantibus, et, ne pituita recrudescat, subsequentibus tonicis, maxime ex classe amarorum.

Porro in

4. *Asthenicæ. Dyspepticæ.*

Cum scilicet specialis systematis gastrici debilitas et inertia menstruorum obtinet.

Haec faciem hemicraniae habitualis induere amat, et saepe typum seruat febrilem, inprimis tertianum, potest tamen quoque longioribus intervallis redire et vexare.

Hanc speciem cum febricosa conuenire in apico est.

Rr 3

Periodica.

2) De cap. dolore distinctiones, de locis affectis Lib. II. cap. 7.

3) Lib. IX. Obs. 14.

4) Cent. V. Obs. 36.

5) L. c. pag. 437.

6) L. c. Obs. 37.

7) Oper. T. II. pag. 254.

8) L. c. Obs. 45.

Periodicarum cephalgiarum, maxime facie hemicraniae incedentium exempla prostant plura ⁹⁾.

Noscitur ex reliquis dyspepsiae signis, et

Duplicem poscit medelam; primo quidem eam, quae in ipso paroxysmo convenit; Cum haud infrequenter vomitibus spontaneis stipata sit, hi et tolerandi et promouendi sunt, rarius quidem per positiua emetica, sed potius per diluentia et lenissime irritantia v. c. infusum florum Chamomillae, sin autem vomitus isti nimis vehementes fuerint, etiam opii granum interspergendum. Multos quoque iuuat in paroxysmo regimen diaphoreticum. Cogitatum quoque est, in hac et aliis hemicraniae speciebus de percussione nervi supraorbitalis.

Paroxysmo sedato alteram medelae partem meditari opus est, ne scilicet malum habituale denuo inuadat: verum hoc opus, hic labor est, cum haec species non cedat nisi therapiae diutius protractae et diaetae religiosius institutae. Potest tamen omnino tolli et fugari per remedia tonica, iuter quae iterum amara maxime conveniunt, v. c. folia aurantiorum, trifolium fibrinum, centaureum minus, absinthium. Aliquando etiam alia sic dicta neruina, vt Valeriana, efficacia sese praestant.

§. XLVIII.

Reliqua abdominalia viscera affecta, rarius quidem, etiam cephalalgias effeere. Hinc jam sequitur species

B. *Splanchnica.*

Et quidem

1. *Hepatica* ¹⁾.

Hepatis vitia varia, emphraxis, scirrhus, suppurationes in causa esse possunt, quorum signa specialia consuli debent, et therapia repertis accommodanda est.

2. *Splénica* ²⁾.

Hic eadem valent, quae apud speciem praecedentem.

3. *Nephralgica*.

Renes pariter, quomodocunque affecti, ejusmodi effectum edere possunt; Concurrit nonnunquam anarrhopia-humorum exinde oborta.

MORGAGNI ³⁾ notabile profert exemplum, cum ait: „Ren dexter non suo loco positus, sic arteriam magnam et venam cauam ad imas lumborum vertebrae apprimebat, vt qua haec vena excipiebat sanguinem iliacaе sinistrae, varix ortus esset, cujus diameter duplo propemodum cauae diametrum superabat, indicio manifestissimo tanto plus sanguinis ad superiora, ipsumque caput ferri debuisse, quanto minus poterat ad inferiora.“

Aliam observationem a renum caliditate habet FORESTUS ⁴⁾.

2. *Hysterica.*

9) Eph. Nat. Cur. Dec. I. A. VI. et VII. Obs. 8. Dec. III. A. V. et VI. Obs. 81. Dec. I. A. II. Obs. 247. Dec. I. A. I. Obs. 51. Dec. II. A. IV. app. p. 36. WEPFER l. c. Obs. 49.

1) FORESTUS Lib. IX. Obs.

2) Ibid. Obs. 49.

3) Epist. Anat. med. I.

4) l. c. Obs. 50.

2. *Hysterica.*

Clausus, siue ouum hystericum vulgo semper vitis vteri per consensum tribuitur, ea autem non semper subsunt, sed potius debilitas et sensibilitas vniuersi systematis nervosi; verum tamen non desunt exempla, vbi vitia vteri reuera cephalaeas per consensum effecere.

Ex quibus sequentes tantum observationes allegabimus:

Illam THONERI ⁵⁾ chronicam, praesertim in syncipite per consensum enatam, castoreo et theriaca curatam.

Porro impraegnatione solutam, quae in Ephem. Nat. Cur. ⁶⁾ occurrit.

Aliam ibidem ⁷⁾ inueni ex vtero in puerpera.

Iterum THONERUS ⁸⁾ immanem hemicraniam ex causa frigida per consensum vteri describit.

Therapia radicalis singularia vteri vitia respicit, eaque quantum potest, tollere audet; In ipso paroxysmo conueniunt antispasmodica specialia, narcotica.

§. XLIX.

Etiā inter consensuales cephalalgias pertinet

C. *Mastica* ¹⁾.

Infirmas vel valde sensiles nutrices huic speciei sunt obnoxiae, imprimis si robustioribus vel pluribus simul vera praebent.

Sentiunt illae aut sub ipso lactationis actu, aut breui post eam dolores, facile exinde dignoscendos.

Nec excludendae sunt alia mammarum irritamenta.

Therapia consistit in nutrientibus, roborantibus, et neruinis, praesertim autem in ablactatione.

§. L.

Porro hujus census est

D. *Odontica*.

Maxime ortum suum habet ex dentibus cariosis, nervis pedem anserinum constituentibus ¹⁾, πᾶσι propagantibus.

Therapia poscit dentis euulsionem, aut purificationem, caui impletionem, nervorum mortificationem: Hemicraniam inueteratam extractione dentium curatam habet FABRICIUS HILDANUS ²⁾.

§. LI.

E. *Nasalis*.

KLEIN in Actis Nat. cur. observationem huc pertinentem notauit: Cephalaeam scilicet periodicam, excretionem polypi narium membranacei pituitosi repetita sanatam ¹⁾.

Aliae

5) Obs. L. II. Obs. 7.

6) Cent. III. pag. 297.

7) Dec. III. A. IV. Obs. 42.

8) l. c. Lib. II. Obs. 1.

1) Dec. I. A. VI. et VII. Obs. 8. Dec. II. A. I. Obs. 32. A. III. Obs. 33.

1) FAUCHART Obs. 2. 3. et 4. pag. 413.

2) Obs. C. II. 10.

1) Vol. X. Obs. 73.

Aliae narium affectiones pariter cephalalgias producere valent, suis modis et dignoscendae et curandae.

§. LII.

F. *Ophthalmica.*

Sicuti morbi capitis, siue per congestionem humorum, siue per spasmos et consensum operantes oculos afficere possunt, ita et horum aegritudo vice versa capitis dolores creare potest ¹⁾.

Hi, cum principem sequantur morbum, eo bene cognito, et curato sponte cedent: Eorum tamen ratio habenda est per sedantia.

§. LIII.

G. *Periagica.*

Dolores omnes, vbicunque resideant, dummodo sat graues vel diuturni sint, vel et subiecta sensilia et irritabilia attingant, etiam per consensum cephalalgias caussari queunt.

Observationes prostant ex. gr. ex clauis pedum resectis ¹⁾.

S E C T I O III.

Saepe et saepius cephalalgiae dantur compositae, vbi scilicet plures species simul affligunt, quas iudicium practicum distinguit.

S E C T I O IV.

Sic et complicatae, cum aliis scilicet morbis saepius occurrunt cephalalgiae, quae vero plerumque sunt symptomaticae.

E P I L O G U S.

Superesset, vt post partitionem cephalalgiarum, vt puto, naturae consentaneam, breuibus moneremus, eam ab aliis nondum rite factam esse.

Vt antiquiores taceam, qui, licet necessitatem dictae partitionis sentientes, tamen ei ex professo operam non dedere, allegabo tantum SAUVAGES et SAGAR, de quorum partitione generali supra locutus sum: SAUVAGES itaque dolores capitis dispescit in Cephalalgiam, Cephalaeam, et Hemicraniam.

I. *Cephalalgiam* dispergit in

1. plethoricam,

2. catamenialem,

3. haemorrhoidalem,

4. stomachicam,

5. febrilem,

6. pulsatilem,

7. intermittentem,

8. grauidarum,

9. inflammatoriam,

10. catarrhalem,

11. anemotropam,

12. hysterica,

13. metallicam.

II. *Cephalaeam*

¹⁾ BURSER. l. c. §. 9. not.

¹⁾ MATERNUS de CILANO in Act. Nat. Cur. Vol. IX. Obs. 33.

II. *Cephalaeam* in

1. syphiliticam,
2. ab acrimonia,
3. arthriticam,
4. febricosam,
5. melancholicam,
6. polonicam,
7. ferosam.

III. *Hemicraniam* vero in

1. ocularem,
2. odontalgicam,
3. sinus,
4. coryzae,
5. haemorrhoidalem,
6. clauum,
7. purulentam,
8. ab infectis,
9. nephralgicam,
10. lunaticam.


SAGAR retinuit SAUVAGESII species I. 1, 4, 5, 6, 7, 8, inflammatoriae 9 substituit traumaticam, 10, 11, 12.

Apud Genus II. sequitur usque ad speciem 6, dein ponit loco ferosae cachecticam, additque apostematofam internam, et tabacalem.

In Genere III. iterum SAUVAGESII species observat, usque ad 5, cujus loco habet plethoricam, dein omittit nephralgicam additque febricosam.

Longum nimis foret, omnes et singulas species examinare et demonstrare, quae nam suo loco posita sint, quae non? Judicabit autem Lector aequus aequae ac intelligens, ex comparatione specierum a nobis exhibitarum, qui et quanti hiatus in systematibus allegatisprehendantur, quae species in iis omissae sint, quot inutiles tamen repetitiones in tribus sine ratione constitutis generibus obueniant, et quam parum tamen genus morbi in omni ambitu exhaustum sit, denique et quae nam inepta ex parte nomina speciebus praefixa fuerint.

Bona methodus quoque similes species iterum colligere, et in ejusmodi titulos et appellationes adornare debet, quae indolem speciei per id ipsam nomen impositum in fronte gerat, ut longa Pathologia opus non sit, ad perspiciendum, quomodo enata sit, quae natura et causa proxima ipsi competat, adeoque et quae nam therapia illi conveniat, ut in Prooemio jam dictum est, quae omnia in allegatis sic dictis Systematibus frustra quaeruntur.



XVII.

SAMUELIS THOMAE SOEMMERRINGII

DE

ACERVULO CEREBRI

DISSERTATIO.

D. 31. OCTOBR. 1785. PRIMUM EDITA DENUO REVISA COR-
RECTA NOVISQUE OBSERVATIONIBUS AUCTA.

Vix vlla vnuquam corporis nostri particula tantam famam inter eruditos non modo, sed etiam inter illiteratos nacta est, ac cerebri sic dicta *glandula pinealis*; Etenim quum CARTESIUS, vir et ingenio et subtilitate philosophandi celeberrimus, animi rationalis, vel sensorii communis sedem in ea, quod etiam GALENUS suspicatus fuerat, collocaret, singularis quaedam praestantia prae caeteris encephali partibus ipsi vindicabatur. Quamvis vero speciosissimis argumentis suffulciebatur ista opinio, nihilominus mox derelicta jacebat ¹⁾, quum viderent philosophi ne probabili quidem conjectura ullum nervum ad illam vsque deduci posse ²⁾; neque in hominis maximo encephalo fatis insignem esse hanc particulam, sed in vitulorum aliorumque brutorum minori encephalo multo majorem inueniri. Increscebat tamen nihiloscuius adeo ista opinio, et id quidem jure quodam suo, vt vix alia sit notior. In glandula pineali enim tanquam in folio residere animam, BERNH. ALBINUS ³⁾ praedicat, locumque, quem occupat, partes a latere stantes, vasa, aliaeque circumstantiae prae aliis in cerebro commendare

1) Hypothesin Cartesii inter alios refutant TILINGIUS in Dissertatione de glandula pineali. Breae 1697. IOACH. TARGIER in Medicina compendiaria. Leid. 1698. NIC. STENONIS Discours sur l'Anat. du Cerveau. ANT. NUCK epitaphium glandulae pineali posuit, vt ridiculam hanc opinionem redderet. G. A. LANGGUTH communis sensorii historia. Lips. 1738. p. 29. qui epitaphium illud recusum dedit. Item STEENBERGEN Dissert. de cerebro recusa. p. 171. in collect. Cl. OBERKAMP. A. E. BÜCHNER de morbis cerebri ex structura ejus anatomica deducendis. Erfordiae 1741. p. 13. GÜNZ de lapillis glandulae pinealis Progr. p. 19. HALLER de Corp. hum. fabr.

T. 8. p. 107. Merito hinc G. COOPMANN'S Neurologia, Franequerae 1789. dicit: status Conarii morbosus, saepissime observatus jam diu opinionem fictam obliuioni dedit.

2) Quod de LE BOE SYLVIUS, HENR. REGIUS, LUDOVICUS DE LA FORGE, LANCISIUS, WHARTON alique contenderant; neruea vero vincula, quibus IUST. SCHRAEDER Obs. Anat. med. secunda, glandulam pinealem cerebro alligatam esse scripsit, hodie pedunculi medullofi vocantur.

3) In dissertatione de Poris corporis humani, recusa in HALLERI selectu dissertationum anatomicarum, Volumine tertio p. 531. Thesi 14.

inendare et regiam quandam Majestatem stupendam prae aliis praerogativam vel tacite inculcare IOH. IAC. WALDSCHMIDT 4) videbatur. Quinimo nostra aetate CAMPERUS et dissectionum assiduitate, et iudicii acritate aequè clarus, non adeo absurdam esse hanc sententiam, ac multis videretur, publice pronuntiauit 5). Hinc PARISINI, PER-RAULT et DAUBENTON, alique, rara opportunitate vsi ex omnibus mundi regionibus animalia incidendi, si quid de dissectione encephali annotarunt, imprimis particulam hanc piniformem describere; hinc Physiologi in cerebris hominum mente captorum singulari prorsus diligentia eandem particulam examinantes, quum viderent lapillos in illa reperiri, vix aberat, quin etiam novissimis temporibus 6) iisdem lapillis causam perturbationum animi tribuerent.

At, quantum equidem dissecando didici, semper adesse acervulum, ita enim collectionem lapillorum dicere auro, saltem in cerebris mente et corpore sanissimorum hominum, in infantibus, juvenibus, adultis, et senibus, in viris et feminis, in Europaeis non modo, sed etiam Afris inveniri, perpetuo ejusdem indolis quoad colorem et substantiam esse, et, ni me omnia fallunt, ad naturalem cerebri in hoc loco structuram hunc acervulum pertinere, parum vel omnino non constare videtur.

Memoratu ergo dignum de re, de qua jam alibi 7), sed obiter tantum dictum est, paulo fufius verba facere.

Sedes autem acervuli siue maui lapillorum, vel fabuli, melius innotescet, exposita prius ex propriis observationibus natura conarii, quod vulgo glandulam pinealem vocant. Describam vero, quo modo se habeat in corporibus hominum, qui ad ultimum usque vitae habitum mente compotes fuerant, non neglectis aliorum clarissimorum virorum sententiis. Sed per singula eundum.

§. I.

Descriptio glandulae pinealis siue conarii.

Sita est particula conarion 1) dicta, sub limite posteriori commissurae cerebri maximae (quam corpus callosum vocant) in superiori et media parte anteriorum cor-
 S s 2 porum

4) In disputatione, resp. IO. WIL. BEUTLER, de glandulae pinealis statu naturali et praeternaturali. Marpurgi 1680. 4.

5) Kort berigt van de ontleding eens iongen Elephants, in Hedendaagsche Vaderlandsche Letteroeffeningen ann. 1774. vel versione germanica *Sammtliche kleinere Schriften. Erster Band.* utroque loco §. 21. „Indien ergends een sensorium commune plaats zal hebben, moet het hier gezocht worden; het vermoeden van CARTESIUS is zo ongerijmd niet als veele meenen.

6) v. c. amicus noster Ill. SIEBOLD in egregia Dissertatione respondente BECKER

de insolito tumore Maxillae superioris. Herbioli 1776. pag 7. et HALLER de corp. hum. fabr. 1778. Tom. 8. p. 108.

7) *Ueber die körperliche Verschiedenheit der Neger von Europäern* 1785. § 64. pag. 70. et *Nervenlehre.* Frankfurt 1791. §. 50.

1) Graecis *κωνάριον* dicebatur, GALENO *σπυα νοσείδες*, Latinis *turbo* siue *corpus turbinatum*, *glandula turbinata*, *glandula piniformis*, *glandula conoides* vel *conarium*, vel spurco nomine *penis* siue *virga cerebri*, NICOLAO vero STENONIS *glandula superior*, vt illam a *glandula pituitaria inferiori* distinguet.

porum quadrigeminorum ²⁾; ita ut cum illis communi plexus choroidei tela ejusque majoribus ramis venosis inuoluatur ³⁾; magnitudine ⁴⁾ et figura differt, modo enim rotunda, modo cordiformis, modo conica, facie anteriori et posteriori depressa, modo piniformis, i. e. aliquam figuram strobili pini vel nucis pineae gerit; construitur quoad maximam partem plerumque substantia cinerea, paulo duriori tamen vel tenaciori, ac in reliquo encephalo ⁵⁾, interdum quodammodo pellicula, mox rubicundior, mox pallidior, mox turgidior, mox minus turgida cernitur, quod a crassi sanguinis pendere videtur, prout enim reliqua substantia cinerea encephali, in apoplexia sanguinea perentis magis rubescens vel fusca, in hydropicis pallidior apparet, sic et hujus particulae color variare videtur. In cadaveribus infantum et juniorum hominum cum reliqua parte cinerea cerebri mollior ac in adultis; in aliis glabra, in aliis inaequalior apparet.

Ut plurimum in feminis major mihi visa est, quam in viris.

Basis autem conarii nunc magis, nunc minus medullaris ⁶⁾ in pedunculos abit, sensim sensimque cum striis medullari thalamos nervorum opticorum secundum longitudinem percurrente, et corporibus quadrigeminis mediante commissura cerebri posteriori confluentes, hinc basis siue striis medullaris modo crassior, modo subtilior, alteram, quasi trabeculam medullarem transversam constituens cerebri posteriorem commissuram, duplicem reddit, transversim igitur fissis cernitur basis medullaris, et recessulum quasi caui, quod ventriculum tertium appellant, in se recipit. Semel totam excavatam reperi, adeo, ut ostium caui alias fissura tantum dicendum, in ventriculum tertium pateret.

Haec conarii positura optime e sectione caput perpendiculariter bipertiente intelligitur.

Deficientem

2) Confer Neurologiam nostram: *Nervenlehre*. Frankfurt 1791. §. 50.

3) Figuram dedi in *diff. de basi Encephali*. Goett. 1778. Tab. 3. c. p. q. s. recusa in hujus Collectionis scriptorum neurologicorum Tomo secundo, et in figura ad *Differt. Cl. NOETHIG* de decussatione Nervorum opticorum recusa in Tomo primo hor. script. neur. minorum. Nullibi situm glandulae pinealis rite pictum fuisse, jam annotat *NIC. STENONIS* Discours sur l'Anat. du Cerveau apud *WINSLOW*. edit. Amst. 1743. 8. T. 3. p. 220. Iusto longiorem, grandiore crassioreque delineari curasse *MECKELIUM* *Memoir. de l'Acad. des Scienc. à Berlin* 1765. annotavit *GRETING* in *Aduersariis medicopraedictis* Volum. II. p. 618. et addit, consuetam magnitudinem seminis citri mediocris esse. Jam nitidissime depictam habemus in opere absolutissimo *Vicq d'Azyrri* Planches anatomiques, Tabula 14. 15. et 27.

4) In ingeniosiori puero insigni magnitudine glandulam pinealem annotavit summus *MORGAGNIUS* de sed. et caus. morb. Epist. 1. art. 2. Inter centum rabiosos triginta septem glandulas pineales solito longe majores vidit *GRETING* *Vermischte Schriften* p. 179. In junioribus et in feminis glandulam pinealem majorem esse ac in adultis et viris, *TRILINGIUS* dissertatione citata pag. 7. annotavit. *SIEBOLD* et *BECKER* dissertatione supra laudata annotarunt, se in femina dementi tanti Voluminis glandulam pinealem inuenisse, quantam nunquam antea.

5) Substantiam hanc similem esse substantiae, quae in basi encephali circa infundibulum reperitur, *III. SANTORINI* *Obss. anat.* pag. 57. annotavit.

6) *SANTORINI* observationum anatomica-
rum pag. 57.

Deficientem autem glandulam pinealem in plus quam ducentis a me ipso dissectorum hominum encephalis nunquam animaduerti 7).

Ss 3

§. II.

7) Defuisse glandulam pinealem praeter A. H. CUMMIUM et COCKIUM a KERK-
WYCK, quorum observationes rejecit GÜN-
ZIUS l. cit. p. 19., annotat KERKINGIUS
Spicilegio anatomico. Amst. 1670. Obs. 20.
p. 77. sed recte GÜNZIUS p. 20. etiam hanc
observationem non admisit, et jure monuit
HALLERUS de corp. hum. fabr. Tomo octa-
vo p. 109. „forſan cum velo auulſam eua-
nuiffe;“ quod mihi eo magis in hoc caſu
verofimile videtur, cum ipſe KERKIN-
GIUS fateatur ſubſtantiam cerebri flaccidam
fuiſſe. In Hydrocephalo ſeptemdecim an-
norum ſe glandulam pinealem non inueniſſe
tradit Cl. MALACARNE delle Oſſervazioni
in Chirurgia. Turin 1784. Parte ſecunda
§. 29. p. 14. In hydrocephalicis autem dif-
ficillime reperiri jam annotauerat GREDING,
vermiſchte medicin. und chirurg. Schriften
p. 179. Ergo etiam hoc in caſu adeſſe po-
tuit. Nonnunquam deſuiſſe annotat L. M.
CALDANI Inſtitutionum anatomicarum. Ve-
netiis 1791. Tomo ſecundo. Si meum quid
valet iudicium, dubitandum an hiſce in ca-
ſibus reuera deſuerit. Confer, quae infra
§. 6. Num. IX. dicta ſunt.

Pari modo haec glandula pinealis in bru-
tis diſtincte cernitur. Maxima autem atten-
tione dignum, in aliis animalium generibus
perpetuo majorem, in aliis minorein, (adeo,
vt nonnullis v. g. a DUVERNEYO, oeuvres
anatomiques. Paris 1761. Tom. 2. SAM.
COLLINS ſyſtem of anatomy. Tom. 2. et
ipſo ſummo CAMPERO in cane, fele, et le-
pore (oploſſing der Vrage door't Bataaſſch
genootſchap te Rotterdam tegens den 1
Maart 1783. voorgesteld. Amſterdam 1783.
pag. 5.) — in cane Zod. ann. 3. negaretur,)
reperiri. Ipſe autem pluries illam non mo-
do in canibus, felibus et leporibus reperi,
ſed etiam facile cuius demonſtrandam ſeruo
in liquore idoneo quamquam pinealis nomen
in fele et porcello non mereatur.

Pari modo et glandulam pinealem in cani-
bus nobiſcum vidit GIBBERT. IACOB WOLFF
Quaeſtiones medicae varii argumenti. Har-

deruici 1791. pag. 5. Humana glandula ma-
jorem vidi in bobus, aſino, ouibus, ceruis,
dama, capreolis, camelo gibbere ſimplici,
in quo ſimul quaſi quadripartita, ſicet tota
encephali moles horum animalium, humana
multo minor ſit. Non contemnendae magni-
tudinis vidi illam in criceto, ſciuro. Par-
vam autem vel exignam in cane, vulpe, me-
le, felibus, putorio, porcello. In tenellis
vero embryonum equinorum cerebris bis
hanc particulam magnitudine ſatis notabi-
lem rotundam et nigerrimam ſolito loco in-
veni. In dama ſemel ingentem turgidam et
cauam, et in illa lapillos humanis ſimillimos
inueni. Confer Librum noſtrum, vom Hirn
und Rückenmark. Mainz 1788. §. 68. Hiſce
noſtris obſervationibus liceat alias addere.
Satis inſignem in Orang Outango fuiſſe TY-
SON p. 57 annotauit et fig. 14 repraeſentauit.
In ſimiis conicam eſſe PARISIINI habent.
Majorem in rangifero ac in vſo eſſe egre-
gius incitor NIC. STENONIS annotauit, mi-
norem in cane eſſe HARDER in apiario Obſ.
20 et erronee de ejus exiſtentia dubitari, ex
BRUNNERO annotauit ibid. p. 86, humanae
ſimillimam eſſe in elephanto PERILL. CAM-
PER in kort berigt etc. et ſämmtliche Schrif-
ten. I Band vtroque loco §. 21. In ceruis
cauam vidit, et e minutiffimis glandulis con-
flatam, et in illis animalibus participare de
natura conglomeratarum MANGET. Thea-
tro Anat. Tom. 2. p. 309. HALLERUS de
Corp. hum. fabr. Tom. octauo p. 109 dicit,
„non in omnibus quadrupedibus reperi ejus-
modi glandulam,“ immo in Epift. ad ILL.
BONNET (Oeuvres de Mr. BONNET Tom.
5. part. 2. p. 389.) dicit, in multis quadru-
pedibus deſiderari hanc particulam „une
grande partie des quadrupedes en manquent.“
Dolendum vero, HALLERUM, virum alias
diligentiſſimum, ſingula quadrupeda non no-
minaffe. COLLINS ſyſtem of Anatomy.
Tom. 2. pag. 1020 in vniuerſum annotat in
animalibus recenter mortuis majorem eſſe,
ac in illis, quae poſt aliquod tempus prae-
terlapſum perquiruntur ob vicinas venas hu-
miditatem abſorbentes.

§. II.

Situs et figura acervuli.

Circa basin hujus conarii medullofam vel ipsi trabeculae transuersae medullari, quam communissuram posteriorem *alteram* siue *superiorem* vocauimus, sub plexu choroideo incumbit vel insidet acervulus siue lapillorum modo major, modo minor quantitas. Plerumque ita comparatus esse solet acervulus iste, vt euidenter in minora granula conformatus, maiora granula, siue maiores lapilli medium locum tenentes, a granulis minoribus circumdantur; quocirca hoc loco nomen acervuli satis mereri videtur ¹⁾.

Saepe ad latera hujus acervuli alia adhuc granula, magnitudine et forma saepe ludentia, nunc magis nunc minus exstant. Si acervulus medius minor, interdum lapilli laterales majores esse solent, persaepe autem granula, siue lapilli laterales distincte ex minoribus fragmentulis constantur.

In vniuersum autem multo minus acervulus medius, quam granula lateralia ipsi substantiae medullari inhaerere videntur.

Saepe, sed non semper, praeter acervulum istum extra glandulam pinealem in ejus basi anteriori situm, et intra illam siue in substantia ejus reperiuntur granula modo arenae vel sabuli ad instar rotundiuscula et soluta, modo in frustula paulo maiora concreta, vel ex congerie minorum granulorum vel lapillorum in vnum conjunctorum et coagmentatorum constantia, hinc et ejusmodi lapilli plus minusue horridi scabrique apparent.

Figuram acervuli, quam dederam ²⁾, repetiit VICQ D'AZVR ³⁾ in opere suo splendidissimo.

§. III.

Habitus acervuli.

Quamuis vt ex parte conarion ipsum aliaeque encephali partes, figura, multitudine, situ, et magnitudine satis variant, isti lapilli, et ex illis coagmentatus acervulus, minus tamen quoad colorem, substantiam, et reliquum habitum differre videbantur. Semper animaduerti, lapillos flauos vel ad citrinum colorem accedere eo saturationem, quo plures lapilli minores in vnum quasi constantur, pellucidos, duros, asperos, vt cultri apice tacti strepitu quodam prodantur.

Omnes, quos adhucdum legi, de habitu lapillorum conarii descriptiones curatiores, adeo exacte inter se et cum meis conueniebant, vt consensus iste singularis primum me moueret, diligenter in hanc rem inquirere ¹⁾.

Adeo

1) Omnium optime hunc locum et acervulum indicauit MORGAGNI de Sed. et Caus. Morb. Epist. 8. Art. 15. „ad anteriorem pinealis glandulae basin corpuscula illa subdura“ et Epist. 5. Art. 12. „extra glandulam in anteriori ejus facie, et praesertim ad basis anteriora.“

2) In tabula ad Dissertationem Cl. NOETHIG de decussatione nervorum optitorum.

Moguntiae 1786. recusa in hac Collectione operum neurolog. minor. Tomo primo.

3) Planches anatomiques. Paris 1786. fol. Tab. XXVII. fig. 7.

1) Egregie, vt alios taceam, I. B. MORGAGNI (de sedibus et causis morborum in indice visorum, pag. XXXV.) dicit, glandulam pinealem adhaerentes habere flauas quasi arenulas.

Adeo autem differunt ab omnibus aliis, quos novi, lapillis, concretionibus, incrustationibus tum calcareis, tum osseis, quae in corpore humano brutorumque occurrunt, ut facillime natura ipsis propria dignosci queant.

Quantopere enim praeter situm, multitudinem, figuram et magnitudinem differunt inter se, quoad substantiam calculi fellei?) quantum calculi urinae? Mox duriores, mox friabiles, mox saxeos, mox molles, mox fuscus vel atros, mox albos, luteolos vel rufos, mox uniformi, mox multiplici substantia compositos inveni.

At in arena cerebri siue lapillis conarii, quantum equidem judicare valeo, semper idem a natura tamen calculorum bilis, et urinae insigniter diversus habitus locum tenebat.

§. IV.

An in omnibus hominibus adsit acervulus?

In corporibus autem I, sanissimorum hominum, II, et fere omnium et III, juvenilibus jamjam corporibus adesse calculos prope conarion, ante me idonei auctores memoriae prodiderunt. Quod ut eo magis elucescat, in medium proferam deinceps observationes, quas per quatuor abhinc annos ex industria omnique diligentia ad quaestionem hanc dirimendam institui.

OBSERVATIO I.

D. 25 Aprilis 1780 in femina 34 annorum primum solito diligentius examinando conarion, granula inveni intra glandulam pinealem, quippe cum mihi relatum esset, nonnunquam hanc mulierem delirasse.

OBSERVATIO II.

D. 19 Martii 1782 in femina 26 annorum, quae cultro arteriam mammariam internam scindente sibi vitam finierat, primum animaduerti acervulum; caeterum conarion sanum.

OBSERVATIO III.

D. 21 Martii 1782 exacte eodem modo ac in casu antecedente, comparatum vidi acervulum in adolescente 16 annorum, qui ex plithisi pulmonum perierat; vnde eum enim librae puris in cauo thoracis sinistro, cujus pulmo fere omnis absumentus erat, continebantur. Ad ultimum usque vitae halitum puer egregius mente compos fuerat. Glandula pinealis ipsa autem paulo minor ac in casu antecedente videbatur, licet encephalus multo major esset. Feminae enim encephalus 2 Libr. 8 Unc. adolescentis 3 libr. pendebat.

OBSERVATIO IV.

D. 9 Aprilis 1782 in virgine circiter 60 annorum, quae praeceps e fenestra perierat, et quam valde hysterice passionibus obnoxiam fuisse relatum est, acervulus extra, et calculi intra conarion.

OBSER-

2) de quibus confer Dissertationem nostram, respondente STRAUB, de Calculis biliaris. Moguntiae 1792.

OBSERVATIO V.

D. 2 Sept. 1782 in vetula 62 annorum cachexia perempta totum conarium calculis repletum.

OBSERVATIO VI.

D. 11 Sept. 1782 pari modo granula in conario vetulae 60 annorum, quae cachexia obierat.

OBSERVATIO VII.

D. 29 Nou. 1782 praesente Cl. FISCHERO, Professore Goettingensi, in femina 26 annorum ulcere pulmonum mortua extra et intra conarium arena.

OBSERVATIO VIII.

D. 11 Martii 1783 in femina 30 annorum calculi ut solent. Forfan ob detentionem in carcere perierat, corpus enim cachecticum.

OBSERVATIO IX.

D. 8 Iunii 1783 in femina 24 annorum furdastra, morbo pulmonum confecta, interdum, ut ferebatur, maniaca, per omnem conarii substantiam disseminati lapilli.

OBSERVATIO X.

D. 28 Iunii 1783 in femina 29 annorum valde turgidum et cauum reperi conarium, granulis conspersum, et acervulum solito more ante illud.

OBSERVATIO XI.

D. 30 Aug. 1783 in femina 30 annorum ictERICA per tres menses, lapilli, ut solent, se gerebant.

OBSERVATIO XII.

D. 23 Sept. 1783 pari modo in femina annorum circiter 40 hydropica.

OBSERVATIO XIII.

D. 7 Dec. 1783 in vetula 72 annorum, abscessu largo sphacelofo in dextro ileo laborauerat, arena in conario.

OBSERVATIO XIV.

D. 26 Dec. 1783 in sene 80 annorum morbo pulmonum confecto acervulus ante glandulam pinealem.

OBSERVATIO XV.

D. 4 Ian. 1784 in viro 40 annorum hernioso et verminoso, subitanea morte perempto, acervulus, ut solet, aderat.

OBSERVATIO XVI.

D. 15 Febr. 1784 in puero Aethiopico 14 annorum, de cujus dissectione fusius jam alibi mentionem feci 3), qui phthisicus vita decesserat, solito loco acervulus reperiatur.

OBSERVATIO XVII.

D. 24 Febr. 1784 in femina 40 annorum valde obesa conarion solito majus multis lapillis refertum inueni.

OBSERVATIO XVIII.

D. 7 Martii 1784 in femina 35 annorum cachectica acervulus, vt solet, ante glandulam pinealem jacens.

OBSERVATIO XIX.

D. 19 Mart. 1784 in viro adulto, qui aqua submersus perit, eodem modo constitutus acervulus.

OBSERVATIO XX.

D. 17 Febr. 1784 in Aethiope adulto annorum circiter 20 tabe confecto 4) lapilli eodem modo, vt in Europaeis, et acervulus anteriora conarii tenebat.

OBSERVATIO XXI.

D. 8 Aprilis 1784 Beneuolentia Cl. OSANN nimis praemature fato nobis erepto praesentibus amicissimo Professore BLUMENBACH et Dre. ALTHOFF secui Goettingae in nosodochio publico viri adulti corpus, et acervulum ante glandulam pinealem distincte vidimus.

OBSERVATIO XXII.

D. 9 Mart. 1785 Moguntiae in femina adulta.

OBSERVATIO XXIII.

D. 10 Mart. 1785 ibidem in viro 25 annorum.

OBSERVATIO XXIV.

D. 15 Mart. 1785 in viro adulto.

OBSERVATIO XXV. ET XXVI.

D. 16 Mart. in senes et vetula.

OBSER.

3) Ueber die körperliche Verschiedenheit der Negers vom Europäer. Erste Beobachtung.

4) Fusius descriptam sectionem pathologicam vid. loco praecedente nota citato. Zweyte Beobachtung.

OBSERVATIO XXVII. ET XXVIII.

D. 17 Mart. in duobus viris adultis lustravi cum praesentibus Cl. Dn. DIEL et discipulorum non ignobili corona, acervulum prope conarion situm, et vidimus trahi medullari, siue basi ipsius insidentem, et praeter magnitudinem vel quantitatem granulorum vix aliud quoddam discrimen cernebatur.

OBSERVATIO XXIX.

D. 10 Apr. 1785 in vetula glandulam pinealem magnam, extra et ante illam acervulum, intra illam vero nullos lapillos inueni.

OBSERVATIO XXX.

D. 12 Apr. 1785 in vetula conarium paruum, ante illud acervulus solito minor, sed ad latera ejus granula.

OBSERVATIO XXXI.

D. 15 Apr. 1785 in femina juniori acervulus et ad latera ejus granula aderant, conarion ipsum fere pellucidum paruum, reliqua substantia cinerea encephali multo fuscior.

OBSERVATIO XXXII.

D. 17 Apr. 1785 in viro acervulus et ad latera ejus granula, quin imo in ipsa conarii substantia.

OBSERVATIO XXXIII.

D. 28 Apr. 1785 in viro acervulus major, ad latera vero nulla granula, intra conarion autem arena grandiuscula.

OBSERVATIO XXXIV.

D. 29 Apr. 1785 in vetula intra et extra conarion lapilli.

OBSERVATIO XXXV.

Eodem die in viro 20 circiter annorum acervulus, et intra substantiam conarii lapilli. Glandula pinealis circa basin non, ut solet, medullaris, sed taenia tantum quadam medullosa transuersim posita distincta.

OBSERVATIO XXXVI.

D. 13 Jul. 1785 in viro aetatis circiter 50 in encephalo solito majori quoad volumen et pondus, glandula pinealis siue conarion solitae magnitudinis, et acervulus ante illam, et ipsius substantia fabulosa.

Abhinc tempore in plus quam centum cerebris humanis nunquam acervulum de-
fuisse vere possum pronuntiare.

Innumeras fere postmodum sectiones corporum humanorum instituerunt disci-
puli mei perpetuoque acervulum inuenerunt; nominasse sufficiat ACKERMANN, BILL-
MANN,

MANN, BEHRÉND, CREVE, HAGEN, LEVELING, MICHAELIS, NIEDERHUEBER, WENZELIUS.

Liceat hic addere suffragium VICE D'AZYRII, Viri summi:

„Ils sont réunis, et groupés de sorte à former l'acervulus de M. SOEEMMERRING, à la base de la glande pinéale, près de la commissure postérieure et sous le plexus choroidé. 2°. On les voit quelquefois répandue vers le côtés de la glande pinéale, où ils forment de petits amas particuliers. 3°. Souvent aussi ils sont irrégulièrement semés dans la substance de la glande pinéale même.“

„M. SOEEMMERRING a trouvé ces concrétions dans les cerveaux de ceux qu'il a disséqués. Ayant toujours rencontré ces petits calculs dans le cerveaux des hommes âgés de plus de quinze années, cet habile anatomiste a conclu, qu'on ne doit les regarder comme étant l'effet d'aucune maladie du cerveau.“

„J'avois dit la même chose dans les mémoires de l'académie royale des sciences, année 1781. pag. 533.“

Sed quod maxima dignum attentione, jam et in infantibus inuenio acervulum, quanquam in eis sit pellucidior, albidior et mollior, sic acervulum e puero trienni facile cuius demonstrandum seruo; quinimo et in foetibus eum inuenerunt discipuli clarissimi WENZELII.

§. V.

Observationes lapillorum glandulae pinealis, quae apud alios auctores occurrunt.

Saeplissime etiam ab aliis viris clarissimis annotatos inuenies lapillos conarii. Verbi causa FRANCISCUS DE LE BOE SYLVIVS aliquoties vidit hosce lapillos. FLORENTIVS SCHUYL. HENR. MEIBOM decies, REGN DE GRAAF plus quam vigesies, CHR. DE COCR. A KERKWYCK, WEPFER, PAULUS BARBETTE, STALPARTUS VAN DER WIEL, TH. BARTHOLINUS, ANTONIVS NUCK saepius, BRUNNER, BARBECKIVS, A MEECKREN bis, IUSTVS VESTI, EDMUND KING, BENI. BENED. PETERMANN bis, DIONIS aliquando, BARTHOL. KRÜGER, BERLINGERIVS GIPSEVS, LAUBIVS, QUINA, (apud RUYSCHIVM), MORGAGNI, SALZSMANN bis, MAUCHART, VIEUSSENS saepissime, DE LA CHARRIERE, WINSLOW, LIEUTAUD pluries. Hos casus jam a GUNZIO in *Prolusione* egregia de lapillis glandulae pinealis in quinque mente alienatis, Lips. 1753 collectos reperies, MORGAGNIUS, qui, vt solet, egregie et fufius de acervulo egit, in primis de sed. et caus. morb. Epist. 5. art. 12. MARTINETTUM inter illos nominavit, qui lapillos conarii viderunt. Nonnulla nomina ex his etiam apud HALLERUM de corp. hum. fabr. Tom. 8. p. 108 not. m. occurrunt, sed praeter ista etiam casus allegantur, quos descripserunt VIRIBET, PECHLIN, RITTER, FABRICIVS, LOESECKE, SANTORINUS, BARTHOLINUS, MECKEL, qui et figuram primam acervuli dedit¹⁾, PRINGLE, GREBING, COLONIS.

Nostris temporibus in Ill. BALDINGER *Magazin für Aerzte* 4 Band p. 101, et ex illo sine dubio in cel. ISENFLAMM *praktischen Anmerkungen über die Eingeweide*,

T. t. 2

p. 25

1) Mémoires de l'Acad. des Scienc. de Berlin 1765. fig. 1. bb.

p. 25 annotatos lapillos conarii reperi, item in Medical communications Volumine primo, casum cel. WATSON retulit. Immo incisorum nostri acui expertissimus WALTER MDCCLXXI Berolini mecum de lapillis conarii verba faciens in omnibus adesse pronuntiabat: sed paulo fusius GREDINGII observationes posthūmas perlustrabimus.

1. „In viro 77 annorum glandulam pinealem rotundiores plenam sabulo quinque vel sex granorum.“ Pondus mihi nimis magnum videtur; *vermischte medicinische und chirurgische Schriften. Altnburg 1781 p. 11.*
2. „In femina 24 annorum epileptica et delirante glandula pinealis naturali modo constructa, nullis lapillis obfita.“ (L. c. p. 110.)
3. „In femina 54 annorum melancholica in glandula pineali quoad reliqua naturaliter constituta lapillis insignis.“ (L. c. p. 222.) Suspicio lapillum hunc acervulum fuisse extra conarium positum.
4. „Viro 36 annorum epileptico - fatuo nulli lapilli in glandula pineali.“ (L. c. p. 231.) Forſan ab aquis (quae in ventriculis continebantur) acervulus, ſuo loco inter ſecandum remanebat, ſicque evaneſcebat, ut infra fuſius videbimus.
5. „In femina 62 annorum melancholica glandula pinealis ſolito minor, ſed quoad reliqua ſana.“ (L. c. p. 236.) An ſub ſanitate conarii etiam defectum lapillorum conarii ſubintellegerit, dijudicare nequeo.
6. „Sabulum glandulae pinealis in viro fatuo.“ (L. c. p. 241.)
7. „In femina epileptica 39 annorum et furore uterino laborante glandula pinealis mollis, nullis lapillis obſeſſa.“ (L. c. p. 246.) Cerebrum aqua ſuffuſum fuiſſe annotat, minime ergo mirandum, acervulum evanuiſſe.
8. „In viro furente 27 annorum in glandula pineali lapilli et ſabulum.“ (L. c. p. 254.) Certe in hoc caſu lapillos extra glandulam (i. e. acervulum) et intra illam animaduerſit.
9. „Feminae 31 annorum epileptico-furentis cerebrum, neque ſabulum neque lapillos in glandula pineali monſtrabat.“ (L. c. p. 257.) Forſan mollities cerebri, quam annotavit, cauſa erat, quominus acervulus oculos incurreret.
10. „In femina 24 annorum hydropica epileptica furente in glandula pineali inſignes lapilli.“ (L. c. p. 259.)
11. „In viro 49 annorum cephalalgia laborante glandula pinealis naturali modo conſtituta.“ p. 278. Cum aqua ſuffuſum fuiſſe cerebrum annotaverit, defectus acervuli facile explicari poteſt.
12. „In viro 26 annorum melancholico glandula pinealis major et durior adeo, ut digito vix comprimi poſſet.“ p. 279.
13. „In femina 35 annorum epileptico-furente glandula pinealis ſabuloſa.“ p. 283.
14. „In femina 35 annorum epileptico-fatua, glandula pinealis minor, duobus lapillis obſeſſa.“ p. 296.
15. „Feminae 41 annorum melancholicae, furentis glandula pinealis naturalis, vix aliquid duri continens.“ p. 304.
16. „Viro melancholico glandula pinealis naturalis cum lapillo exiguo erat.“ p. 311.

Liquet ergo ex hisce observationibus, 1. non in omnibus deliriis affici glandulam pinealem secundum casum 2. 4. 5. 7. 9. 11. 15.

2. In hisce septem casibus, bis tantum in viris deficere videbatur, quod, quomodo explicari queat, infra videbimus.

3. Forsan in iisdem casibus acervulus ante glandulam pinealem reuera aderat, et tantummodo peculiarem administrationem anatomicam requirebat; ipse enim expertus sum singularem requiri attentionem non modo, sed etiam encheiresin pro re nata diuersam.

Idem vir clar. GREDING alibi (L. c. p. 182.) annotauerat ex 100 maniacis 52, qui lapillos vel extra vel intra glandulam pinealem gerebant.

Ex 26 epileptico - maniacis	12.
Ex 16 epileptico - fatuis	3.
Ex 20 epilepticis	7.
Ex 24 melancholicis	13.
Ex 30 fatuis	19.

In plerisque adeo corporibus reperit, sed cur non in omnibus, sponte ex ipsius verbis patet; ipse enim hoc ipso loco fatetur, se non omnes corporum sectiones ea, qua solent anatomici, diligentia instituere potuisse.

§. VI.

Conclusiones ex praedictis.

Sed quorsum haec omnia? scilicet ut demonstrarem:

I. Adesse vel acervulum extra conarium, vel granula intra illud, in infantibus et iuuenibus 1).

II. Adesse in feminis et viris adultis 2).

III. In senibus et vetulis 3).

Tr 3

IV. Adesse

1) Observatione nostra II. III. IX. XVI. XX. XXIII. XXXI. XXXV. Observatione GREDINGII 2. 10. 12. In cadauere iuuenili BARTHOLOM. KRÜGER anatom. curiosa p. 38. In virgine sedecim annorum B. B. PETERMANN. Obs. med. Dec. I. Obs. I. In virgine 20 annorum DRELINCOURT apud MANGET Theatr. anat. Libr. 4. Cap. 2. pag. 309. In puella 20 annorum GÜNZ. l. c. p. 13.

2) Observationibus plerisque, verbi causa; ex nostris I. VIII. X. XI. XII. XV. XVII. XVIII. XIX. XXI. XXII. XXIII. XXXII. Ex GREDINGII obs. 4. 7. 8. 9. 13. 14. 15. aliisque permultis aliorum auctorum.

3) Obs. III. V. VI. XIII. XIV. XXV. XXVI. XXX. XXXIV. apud GREDINGIUM Obs. I. 5.

IV. Adeste in omnibus fere Europae regionibus Anglia ⁴⁾, Dania ⁵⁾, Hollan-
dia ⁶⁾, Gallia ⁷⁾, Helvetia ⁸⁾, Italia ⁹⁾, plurimis Germaniae regionibus ¹⁰⁾, Borus-
sia ¹¹⁾, Russia ¹²⁾.

V. Quinimo et in Afris ¹³⁾.

VI. Adeste in hominibus ad ultimum vsque vitae halitum mente sanis; quod
quidem certe noui ¹⁴⁾.

VII. Adeste

4) EDM. KING Ph. Tr. n. 189 et ex illis
Att. erud. Lips. ann. 1688. p. 234. PRIN-
GLE teste HALLERO de hum. corp. fabr.
T. 3. p. 108. WATSON account of a gou-
ty body dissected. vide Medical communica-
tions Vol. 1. ita enim intelligo verba The
glandola pinealis changed into a chalky mal-
ter. BLUMENBACH *medizinische Bibliothek*,
Band 2. St. 2. p. 337.

5) TH. BARTHOLINUS anatome refor-
mata II. 6. III. 6.

6) De le BOE SYLVIVS secundum varios
auctores. V. c. DIEMERBROECKIVM Anat.
L. 3. c. 6. p. 313. QUINA apud RUYSCHIVM
Thesauro anat. V. N. 63. figuras, ex quibus
saltem magnitudo lapillorum discitur, addi-
dit Tab. 2. fig. 5. REGN. DE GRAAF de
succo pancreatico Cap. 7. Opp. omn. edit.
L. B. 1677. p. 587. STALPARTUS VAN
DER WIEL in obseru. notissimis confer.
COCK A KERK WYCK Diff. anat. ANT. NUCK
de nouis Inuentis epistola, Adenographiae
annexa pag. 150.

7) Iam REGN. DE GRAAF l. c. p. 587
annotauit, frequentius in Gallia quam Hol-
landia occurrere lapillos glandulae pinealis.
VIEUSSENS Neurographia Lib. 1. Cap. XI.
WINSLOW compendio vſitatissimo. Confer
LORRY *Samml. für praktische Aerzte*, 6 Band.
In primis autem LIEUTAUD *Essays anatomi-
ques* vers. germ. Tom. 2. p. 43. item in
precis de la medicine pratique, et summus
VICQ d'AZYR *Histoire de la societé roy.
de Med.* Paris 1779. pag. 205.

8) WEPFER de cicuta aquatica, p. 116.

9) MARTINETTI l. c. SANTORINI obs.
anat. MORGAGNI, CALDANI in litteris ad
BLUMENBACH datis.

10) Verbi caussa Castellis, Goettingae,
Moguntiae ipse obseruaui, Berolini MECKEL
sen. Mem. de l'Acad. de sciences de Berlin
1756. et III. WALTER in colloquio mecum
habito, Lipsiae GÜNZIUS l. c. in Saxonia
GREDING l. c. Ienae C. J. LODER in litte-
ris ad me datis, in Bauaria LEVELING in lit-
teris ad me datis, Viennae VETTER ana-
tomische Grundbegriffe von den Eingeweiden.
Wien 1787. S. 65.

11) Cl. METZGER Physiologia §. 373 in
editione secunda.

(12) Teste TERECHOWSKI.

13) Obseru. nostra XVI. et XX.

14) Sic ipse in duobus violenta morte ex-
tinctis Obseru. II. et IV. et inprimis puero
egregio Obs. III. Sic WEPFERUS de Cicu-
ta aquatica p. 116. in infanticida. BRUN-
NER in capite plexo de glandula pituitaria
Cap. 3. REGN. DE GRAAF in violenta morte
extinctis, de succo pancreatico Cap. 7. Opp.
omn. L. B. 1677. p. 587. BARBECKIUS in
infanticida apud HERSFELT in Philosophia
homin. Cap. 16. §. 386. Frequentissime cal-
culosam sane cum mente glandulam pinea-
lem reperit HALLERI Elementorum Physio-
logiae Tomo quarto pag. 343. In femina
viginti annorum sana capite plexa METZGER
in Litteris ad me datis. III. SCHMUCKER
in milite paucos post dies vulnere capitis
mortuo. *Chirurgische Wahrnehm.* Band 1.
p. 119. (non vt HALLERUS citat 109.) In
homine ingenioso NUCK. Bene etiam an-
notauit iam DIEMERBROECKIUS pag. 313.
„nusquam obseruatum legi, illis hominibus,
in quorum cadaueribus tales calculi in hac
glandula reperi sunt, in vita quidquam in-
commodi circa animales actiones contigisse.“
Nouies in non stultis vitia glandulae pinealis
vidit

VII. Adeste etiam corpore fanis 15).

VIII. Hinc non mirum, etiam in omnibus mente alienatis reperta fuisse granula circa conarion a GÜNZIO, GREDINGIO, aliisque; quoniam perpetuo adesse vidimus.

IX. In casibus, in quibus non inveniuntur lapillos conarii, valde suspicor nihil fecius renera adfuisse, sed vel incuria anatomici, vel ob habitum cerebri flaccidiorem non repertos fuisse; experientia enim edoctus novi, quanta saepe adhibenda sit cura et diligentia, ne cum plexu choroideo auferantur lapilli, vel alio quovis modo evanescant. Recte hinc annotavit vir in dissectione capitis diligentissimus GREDING (p. 179 et pluries) in hydrocephalicis ob aquas ventriculorum prorumpentes saepe nonnisi difficillime reperiri posse glandulam pinealem, si autem tantus vir in cerebro ne quidem glandulam pinealem sine difficultate reperire potuit, profecto non mirandum, alios anatomicos in cephalotomia parum exercitatos latuisse nonnunquam, cum vel studio in hanc rem inquirerent, acervulum utpote magnitudine multo glandula pineali minorem. Ipse etiam Cl. GREDINGIUS, cui in his rebus fidem summam habemus, eodem loco (ut jam supra indicavimus) fatetur, se non omnes sectiones ea, qua solent anatomici, diligentia instituere potuisse.

Eo magis mihi monendi videntur anatomici, ne, si ad quaestionem hanc dirimendam accedant, obiter rem inquirent. Cerebrum enim, quantumlibet recentissimum, non putredine flaccidum, et id quidem summa cura perquirendum; saepe maximam cerebri partem ad usque thalamos nervorum opticorum frustillatim abstuli, ut ad glandulam pinealem sine ipsius laesione accederem, saepe prius commissuram cerebri maximam, corpus callosum alias dictam, removi, saepe ventriculos omnes aperui et aquaeductum praescidi, ut latex ventriculorum efflueret; semper autem processum falciformem durae membranae, quocum cohaeret conarion, non negligerenter separavi, verbo, pro re nata varias encheireses adhibui, facillime enim acervulus, vel aqua ventriculorum abluatur, vel plexu choroideo involutus perditur. Callide jam DIEMERBROECKIUS L. 3. c. 6 monuit „facile cum plexu choroideo avelli glandulam pinealem“ pari modo et WINSLOW annotavit dexteritatem adhibendam esse, ne cum plexu choroideo auferatur glandula pinealis. Si ergo tanta cura glandula pinealis ipsa servanda, sponte patet, longe majori cura ad detegendum acervulum opus esse.

X. Mirum

vidit MORGAGNIUS Vir summus de Sed. et causis morb. Epist. 61. Art. 3. et asserit saepe cum viribus animi integris reperiri, eo etiam redit sententia LIEUTAUD, MECKELII, WALTERI. Pari modo et HALLER Elem. Phys. Tomo IV. p. 343. frequentissime, inquit, calculosam glandulam pinealem sana cum mente vidimus, et expressa sen-

tentia VICO d'AZYRII Memoires de l'Academie des sciences de Paris 1781, quam repetit in Explicatione Planches anatomiques pag. 84.

15) Confer Observationes WEPFERT, BRUNNERI, BARBECKII, nota antecedente citatas.

X. Mirum profecto esset, nisi secundum naturam acervulus adesset, me perpetuo in plus quam ducentis cadaueribus, nullo excepto, illum inuenire potuisse.

XI. Nullo alio loco hucusque in encephalo similes lapillos nisi rarissime inveni. Semel tamen in plexu choroideo Equi satis similes lapillos inueni et seruo.

XII. Differunt autem quoad habitum externum lapilli glandulae pinealis ab ossificationibus, quibuscunque concretionibus, et caeteris calculis in corpore humano reperiundis, adeo ut facile natura sua dignosci queant.

XIII. Differunt etiam lapilli aetate; pellucidiores et fere candidi in infantibus, luteoli in iuuenibus, flauī in adultis, crocei in decrepitis constanti naturae lege esse vere jam possum pronuntiare.

§. VII.

Quomodo acervulus ab ossibus dignoscatur.

Acervulum autem et lapillos humidos saepius microscopio lustrando vidi, constructos massa figuram irregularem gerente, asperula et quasi faxea, vbi autem sicci facti sunt, flauedo et pelluciditas ipsorum euanescebat, et in albedinem opacam abibat, post immersionem in aqua autem flauedo et pelluciditas redibant. In aquam immissi velociter fundum petunt. Duritiem insigniorem cum quadam fragilitate possident. SCHEID Diff. de duobus ossiculis in cerebro humano repertis, Argent. 1687 quæst. 3. p. 17 substantiam horum lapillorum osseam declarauit, sed iure contra illum MORGAGNIUS de Sed. et Caus. morb. Epist. V. art. 12 mouet „inter digitos compressa haec corpuscula in asperulas quasi arenulas saepius abiisse, esseque friabilia, quod discrimen ad calculos ab ossibus internoscendos primo loco affert SCHEID“ hinc ab aliis jam non inepte *granula*, *arena*, vel *lapilli*, vel *fabulum* nominabantur. Lapillum ab osse distingui posse friabilitate fabulosa forma et strepitu, substantiam ossis enim esse tenacem, fere corneam et cultro scindi posse recte annotauit BLUMENBACH ¹⁾.

Nihilofecius magnam cum ossibus affinitatem habere lapillos vel nidor prodit, quem edunt igni expositi, ut etiam obseruauit summus MORGAGNIUS l. c. Epist. 9. art. 17.

§. VIII.

Acervuli analysi chemica, quam instituit

CL. MOLITOR.

Beneuolentiae amicissimi Collegae Profess. MOLITOR debeo, quam hic trado, analysin chemicam.

„Difficillime

1) *Medicin. Bibliothek*, Band 2. pag. 72.

„Difficillime solvuntur lapilli ab acido dilutiori vitrioli, nitri et falis.“

„Acidum nitri reliquis velocius in illos agit, euoluuntur tunc bullulae rubrae, et residuum lapillorum paulatim in colorem rubrum immutatum acido innatat. Hic color rufus nil aliud nisi aer nitrosus videtur, cujus origo facile explicanda.“

„Acidum falis lentissime in illos agit, at minutissima granula adeo intumescunt, ut jam maxima in reliquo acervulo volumine longe superarent. Memoratu dignum videtur, quod licet volumine tantopere crescerent, granula nihilofecius in fundo vasis remanerent.“

„Omne autem, quod terreum inerat lapillis, reuera solutum fuisse ab acidis hisce, demonstratur praecipitatione per sal alkali facta, adeo ut praecipitatum rite exsiccatum, pondere dimidiam lapillorum partem aequaret.“

„Pars lapillorum in balneo arenae sensim sensimque aucto igni destillatorio ad usque excandescuntiam exposita, principio guttulae phlegmatis odore animali praedita quaedam stillabat, has excipiebat nidor volatilis alcalinus, donec in collo retortae guttulae olei empyreumatici prodirent.“

„Iam post exemptionem colorem fusco atrum induerant, nil enim ulterius in illos ignis distillatorius efficere poterat.“

„Tum igni fusorio exponerantur, usque dum ad albedinem calcinati essent. Dimidiam jam ponderis partem amiserant, et illico tunc ab acido nitri dilutiori cum effervescencia soluebantur.“

„Haec terra per acida examinata calcarea videbatur.“

„An etiam ut terra ossium (*Knochenerde*) acido phosphoreo praedita sit, ob partem quantitatem determinari vix poterat.“

Acido saccharino et phlogistico componi acervulum nova analysi chymica docuit, quam instituit amicus noster MÜNCH Professor Marpurgensis clarissimus.

§. IX.

Circa conarium et acervulum adhuc perquirenda.

Iam mihi et aliis perquirenda relinquo,

I. Quomodo in embryonibus sese gerat ista glandula?

II. Cur hoc loco cerebri inprimis inveniuntur, non alibi, v. c. in ventriculis, certe si alio loco cerebri concretiones inveniuntur, alia, ut videtur, substantia con-

Ludwig script. neur. min. T. III.

V▼

struuntur.

struuntur. Generationis calculorum vesicae felleae et vrinariae ratio quaedam plausibilis cogitari potest ¹⁾).

III. An verosimilis MORGAGNI de Sed. et Causs. morb. Epist. 5 art. 12 conjectura, *Calculos esse, qui paulatim ex terreis materiae mucosae particulis, aqueis magis magisque absuuntis, concreuerint?*

Aut MECKELII Memoires de l'Academie des sciences a Berlin 1756 e stagnante lymphā oriri vasorum lymphaticorum glandulam pinealem circumdantium.

1) de qua confer. Dissertationem meam Resp. STRAUB de calculis biliariis. Moguntiae 1792.

ADDENDA AD TOM. II.

pag. 9. l. 23. post jaceat adde: a nobis jam pag. 113 publici juris redditum.

pag. 10. l. 6. post probavit adde: summus Camper 1778.

pag. 10. post l. 10. adde: — minus probanda videtur Vincentii MALACARNE (Neuro - Encefalotomia. Patiae 1791. 8. pag. 47.) divisio nervorum cerebralium in septendecim paria scilicet 1) in Par olfactorium, 2) opticum, 3) oculo motorium commune, 4) accessorium ad oculo motorium, 5) patheticum, 6) accessorium ad patheticum, 7) ophthalmicum, 8) maxillare superius, 9) maxillare inferius, 10) oculo motorium externum, 11) sympathicum magnum, 12) auditorium, 13) sympathicum paruum i. e. faciale, 14) sympathicum medium siue vagum, 15) accessorium ad par vagum, 16) gulletium, 17) suboccipitale, quippe accessorium illud par ad oculo motorium, et accessorium ad patheticum pro 4 et 6 nil nisi portiones oculo motorii et pathetici sint — Nervus Nro. 8. 9. 10 unum par quintum scilicet constituent — Nervus sympathicus magnus ad paria cerebraalia minime referri possit et suboccipitale ad nervos colli pertineat.

Rectius autem idem V. MALACARNE (ibidem in nota) glossopharyngeum in nervorum cerebralium numerum retulit.

ibid. communicans faciei lege: facialis.

pag. 16. l. 10. dele: mollem dictum.

pag. 72. l. 16. post, hominis albi, adde: Kakkerlake dicti.


pag. 102. Nervus *Vagus* me quidem iudice apto satis nomine *Vocalis* i. e. organis vocis inseruiens appellaretur.

ADDENDA AD TOM. III.

pag. 20. ad not. *) Non possum non hic adjicere quaedam jam antea a me propositis, quae electricitatem sic dictam animale[m] concernunt. Et ante omnia libros adhuc plures indicabo, in quibus de his phaenomenis atque experimentis expositum est. Etenim in multis diariis et in multis scriptis non solum hujus inveni mentio est injecta, verum quoque in omni terra atque a multis inter medicos eruditos et physicarum rerum peritos haec experimenta repetita sunt, et ubique haec res applausum promeruit. Leguntur de his plura et primaria in de Bononien[si] scientiarum et artium instituto et academia commentariis Bologna Tom. VII. 1791. pag. 460 et in Bibliotheque de Turin 1792. Vol. I. p. 261. — praeterea in HARTENKEILS und MEZLERS medicinisch chirurgischer Zeitung no. 68. et 87. 1792. — Journal der Erfindungen, Theorien und Widersprüche in der Natur und Arzneywissenschaft. Erstes Stück. Gotha 1792. S. 114. — GREENS Journal der Physik 1792. VI. B. 3. H. S. 371. u. f. — Göttingische Anzeigen v. g. S. 1793. no. 31. 32. — EDMUND JOSEPH SCHMUCK Beyträge zur nähern Kenntniß der thierischen Electricität. Mannheim 1792. — in Analytical Review November 1792. p. 350. 352. et January 1793. p. 112. — in Esprit des Journaux Octobre 1792. p. 352. — Journal de Physique Tome XLI. 1792.

- p. 57. — in Algem. Konst. en Letter hode no. 224. 225. 226. — — —
 Jam vero praeter nominatos GALVANI, VOLTA, VALLI scilicet, JO. FR. ACKER-
 MANN, etiam BERLINGHIERI, C. SPRENGELIUS (in litteris ad me datis) et
 SCHMUCKIUS praeter GALVANIANA experimenta et noua ceperunt egregiamque
 operam in reuelanda hac re posuerunt. Inter plura vero experimenta et praeter
 communia, quae ope ranae in medio dissectae instituuntur, duo tantum hic com-
 memorabo et quidem illud, in quo lingua supra labium inferius extenditur, inter
 quod et linguam frustulum flanni foliati latitudine quartae partis pollicis ita
 immittitur, ut aliquantum adhuc dependeat et a lingua tantum firmetur. Cura
 vero, ne stannum foliatum, quod firmiter labio inferiori appressum sit, den-
 tes attingat, quibus alias obnoxia est haec encheiresis. Jam his peractis at-
 que lingua desiccata cochleare argenteum cum conuexa sua parte admoetur
 linguae et ad metalli foliati particulam inclinatur et simulac argentum lin-
 guam et metalli membranam una tangit, frigescit lingua atque subtilem sen-
 tit acorem vel aliis sensus pruriens fuit. Caeterum fugax est sensus et pro-
 nus in alium transit. Quod experimentum a me repetitum eadem me docuit.
 Aliud experimentum porro haec demonstravit. Sumserunt nimirum ex zinci
 regulo praeparatam laminam dimidii pollicis latitudinis, quatuor pollicum
 longitudinis: haec ab utroque labio et manus sinistrae auxilio ad oris angu-
 lum firmatur, mox manu dextra et laminae zinci et oculi dextri albo exte-
 riori argenteum filum in utroque extremo rotundo globulo instructum admo-
 vetur et tunc in oculo pulsatorius motus persentitur. Praeterea ex CL. VOL-
 TAE litteris ad VAN MARUM datis cognouimus, experimenta Galuaniana mo-
 do in voluntarios musculos agere, nullo vero modo in inuoluntarios, cor scili-
 cet, ventriculum, intestina. (cf. nota *) p. 22.) Sunt etiam animalia quaedam,
 vermes e. g. in quibus haec experimenta non ex voto cedunt. Nemo vero
 hucusque ausus est incognitum illud principium, το θετον illud, huius nempe
 neruorum electricitatis causam determinare. Haec igitur dies doceat. L.
- pag. 274. l. 11. Nonne et huc referenda sunt ea, quae dicta sunt in nota ante-
 cedente? L.
- pag. 300. l. 24. cff. quae leguntur in Anzeigen der Leipziger öconomischen
 Societät ann. 1789. 1790. 1791. 1792. L.
- pag. 304. l. 33. cff. TREUTLER Observationes pathologico-anatomicae aucta-
 rium ad helminthologiam humani corporis continentes, Lipsiae 1793. c. f.
 4. L.
-


Tab. I.




Caplan. sculp. 1782



I.




II.



Tab. II.

III.



Capitulum. sculpt. 1792



